





# পুতুলনাচের ইতিকথা

GIFTED BY  
SAJA RAMMOHUN ROY  
LIBRARY FOUNDATION

মানিক বন্দ্যোপাধ্যায়

প্রকাশ ভবন

১৫, বঙ্কিম চ্যাটার্জী স্ট্রীট । কলকাতা-৭৩ .

- ১ম মুদ্রণ — আশ্বিন, ১৩৫৭  
২য় মুদ্রণ — ফাল্গুন, ১৩৫৯  
৩য় মুদ্রণ — জ্যৈষ্ঠ, ১৩৬৩  
৪র্থ মুদ্রণ — অগ্রহায়ণ, ১৩৬৪  
৫ম মুদ্রণ — কার্তিক, ১৩৬৬

কাশক :

শচীন্দ্রনাথ মুখোপাধ্যায়

কাশ ভবন

৫, বঙ্কিম চ্যাটার্জি স্ট্রীট

কলিকাতা-৭৩

মুদ্রক :

শচীন্দ্র সিকদার

ইন্দ্রনাথ ইন্সপ্রেশন প্রাইভেট লিমিটেড

৯এ, মনমোহন বসু স্ট্রীট

কলিকাতা-৭০০০০৬

চৌদ্ধ টাকা মাত্র

পুতুলনাচের  
ইতিকথা

## মানিক বন্দ্যোপাধ্যায়ের

পদ্মানদীর মাঝি \* ইতিকথার পরের কথা \* দর্পণ \*  
জীৱন্ত \* শহরবাসের ইতিকথা \* সোনার চেয়ে দামী  
(বেকার) \* সোনার চেয়ে দামী (আপোষ) \*  
\* হরফ \* মাসুল \* নাগপাশ \* শান্তিলতা \*  
প্রাণেশ্বরের উপাখ্যান \* ঞ্ঠগল্প \* জননী \*  
দ্বিবারাড্রির কাব্য \* মানিক গ্রন্থাবলী

খালের ধারে প্রকাণ্ড বটগাছের গুঁড়িতে ঠেস দিয়া হারু ঘোষ দাঁড়াইয়া ছিল। আকাশের দেবতা সেইখানে তাহার দিকে চাহিয়া কটাক্ষ করিলেন।

হারুর মাথায় কাঁচা-পাকা চুল আর মুখে বসন্তের দাগভরা রুক্ষ চামড়া ঝলসিয়া পুড়িয়া গেল। সে কিন্তু কিছুই টের পাইল না। শতাব্দীর পুরাতন তরুটির মুক অব-চেতনার সঙ্গে একাল বছরের আশ্রমমতায় গড়িয়া তোলা জগৎটি তাহার চোখের পলকে লুপ্ত হইয়া গিয়াছে।

কটাক্ষ করিয়া আকাশের দেবতা দিগন্ত কাঁপাইয়া এক হুঙ্কার ছাড়িলেন। তারপর জ্বরে বৃষ্টি চাপিয়া আসিল।

বটগাছের ঘন পাতাতেও বেশীক্ষণ বৃষ্টি আটকাইল না। হারু দেখিতে দেখিতে ভিজিয়া উঠিল! স্থানটিতে ওজনের বাঁজালো সামুদ্রিক গন্ধ ক্রমে মিলাইয়া আসিল। অদূরের ঝোপটির ভিতর হইতে কেয়ার স্মৃষ্টি গন্ধ ছড়াইয়া পড়িতে আরম্ভ করিল। সবুজ রঙের সরু লিকলিকে একটা সাপ একটি কেয়াকে পাকে পাকে জড়াইয়া ধরিয়া আচ্ছন্ন হইয়া ছিল। গায়ে বৃষ্টির জল লাগায় ধীরে ধীরে পাক খুলিয়া ঝোপের বাহিরে আসিল। ক্ষণকাল স্থিরভাবে কুটিল অপলক চোখে হারুর দিকে চাহিয়া থাকিয়া তাহার দুই পায়ের মধ্য দিয়াই বটগাছের কোটরে অদৃশ্য হইয়া গেল।

হারুকে সহজে এখানে কেহ আবিষ্কার করিবে, এরূপ সম্ভাবনা কম। এদিকে মাহুঘের বসতি নাই। এদিকে আদিবার প্রয়োজন কাহারো বড় একটা হয় না, সহজে কেহ আসিতেও চায় না। গ্রামের লোক ভয় করিতে ভালবাসে। গ্রামের বাহিরে খালের এপারের ঘন জঙ্গল ও গভীর নির্জনতাকে তাহারা ওই কাজে লাগাইয়াছে। ভূত-প্রেতের অস্তিত্ব হয়তো গ্রামবাসীরই ভীক কল্পনায়, কিন্তু স্থানটি যে সাপের রাজ্য তাতে আর সন্দেহ নাই।

দিনের আলো বজায় থাকিতে থাকিতে বাজিতপুরের দু-একটি সাহসী পথিক মাঠ ভাঙিয়া আসিয়া ঘাসের নীচে অদৃশ্যপ্রায় পথ-রেখাটির সাহায্যে পথ সংক্ষেপ করে। বলিয়া কহিয়া কারো নৌকায় খাল পার হইলেই গাওদিয়ার সড়ক। গ্রামে পৌঁছিতে আর আধ মাইলও হাঁটিতে হয় না। চণ্ডীর মা মাঝে মাঝে দুপুরবেলা এদিকে কাঠ কুড়াতে আসে। যামিনী কবিরাজের চেলা সপ্তাহে একটি গুন্ডালতা কুড়াইয়া লইয়া যায়। কার্তিক-অজ্ঞান মাসে ভিন্‌গাঁয়ের সাপুড়ে কখনো সাপ ধরিতে আসে। আর কেহ ভুলিয়াও এদিকে পা দেয় না।

বৃষ্টি ধামিতে বেলা কাবার হইয়া আসিল। আকাশের একপ্রান্তে ভীক লজ্জার মতো একটু রঙের আভাস দেখা দিল। বটগাছের পাখায় পাখিরা উড়িয়া আসিয়া বসিল এবং কিছু দূরে মাটির গায়ে গর্ত হইতে উই-এর দলকে নবোদগত পাখা মেলিয়া আকাশে উড়িতে দেখিয়া হঠাৎ আবার সেই দিকে উড়িয়া গেল। হারুর স্থায়ী নিষ্পন্দতায় সাহস পাইয়া গাছের কাঠবিড়ালীটি এক সময় নীচে নামিয়া আসিল। ওদিকে বুঁদি-গাছের জালে একটা গিরগিটি কিছুক্ষণের মধ্যেই অনেকগুলি পোকা আয়ত্ত করিয়া ফেলিল। মরা শালিকের বাচ্চাটিকে মুখে করিয়া সামনে আসিয়া ছপ-ছপ করিয়া পার হইয়া যাওয়ার সময় একটা শিয়াল বার বার মুখ ফিরিয়া হারুকে দেখিয়া গেল। ওরা টের পায়। কেমন করিয়া টের পায় কে জানে!

শশী বলিল, নৌকা ওদিকে সরিয়ে নিয়ে যা গোবর্ধন। ওই শ্রাওড়া গাছটার কাছে। এখান দিয়ে নামানো যাবে না।

বটগাছটার সামনাসামনি খালের পাড় অত্যন্ত ঢালু। বৃষ্টিতে পিছলও হইয়া আছে। গোবর্ধন লগি ঠেলিয়া নৌকা পাশের দিকে সরাইয়া লইয়া গেল। সাত মাইল তফাতে নদীর জল চকিষ ঘণ্টায় তিন হাত বাড়িয়াছে। খালে শোতও বড় কম নয়। শ্রাওড়া গাছের একটা ডাল ধরিয়া ফেলিয়া নৌকা স্থির করিয়া গোবর্ধন বলিল, আপনি লিয়ে বসবে এসো বাবু, আমি লাবাচ্ছি।

শশী বলিল, দূর হতভাগা, তোকে ছুঁতে নেই।

গোবর্ধন বলিল, ছুঁলাম তা কে জানছে? আপনি ও ধুমসো মড়াটাকে লাবাতে পারবে কেন?

শশী ভাবিয়া দেখিল, কথাটা মিথ্যা নয়। পড়িয়া গেলে হারুর সর্বাঙ্গ কাদামাখা হইয়া যাইবে। তার চেয়ে গোবর্ধন ছুঁইলে শব্দের আর এমন কি বেশী অপমান? অপঘাতে মৃত্যু হইয়াছে,—মুক্তি-হারুর গোবর্ধন ছুঁইলেও নাই, না ছুঁইলেও নাই।

আয় তবে, দুজনে ধরেই নামাই। গাছের সঙ্গে টেনে নৌকা বাঁধ, সরে গেলে মুন্সিল হবে। আচ্ছা, আলোটা আগে জ্বলে নে গোবর্ধন। অন্ধকার হয়ে এল।

আলো জালিয়া শ্রাওড়া গাছের সঙ্গে নৌকা বাঁধিয়া গোবর্ধন উপরে উঠিয়া গেল। দুজনে ধরাধরি করিয়া হারুকে তাহারা সাবধানে নৌকায় নামাইয়া আনিল। শশী একটা নিঃশ্বাস ফেলিয়া বলিল, দে, নৌকো খুলে দে গোবর্ধন। অল্প জ্বাধ ওকে তুই আর ছুঁসনে।

আবার ছোবার দরকার!

শশী শহুর হইতে কিরিতেছিল। নৌকায় বসিয়াই সে দেখিতে পায়, খালের ময়ূক্ত-



বল্লিত ভীরে সন্ধ্যার আবছা আলোয় গাছে ঠেস দিয়া ভূতের মত একটা লোক দাঁড়াইয়া আছে। পাগল ছাড়া এ সময় সাপের রাজ্যে মানুষ ওভাবে দাঁড়াইয়া থাকে না। শশীর বিশ্বয় ও কৌতূহলের সীমা ছিল না। হাঁক-ডাক দিয়া সাড়া না পাইয়া গোবর্ধনকে নোকা ভিড়াইতে বলিয়াছিল। গোবর্ধন প্রথমটা রাজী হয় নাই। ওখানে এমন সময় মানুষ আসিবে কোথা হইতে। শশীর ও চোখের ভুল। সত্য সত্যই সে যদি কিছু দেখিয়া থাকেও, ওই কিছুটির ঘনিষ্ঠ পরিচয় লইয়া আর কাজ নাই, মানে মানে এবা বাড়ি ফেরাই ভাল। কিন্তু শশী কলিকাতার কলেজে পাশ করিয়া ডাক্তার হইয়াছে গোবর্ধনের কোন আপত্তিই সে কানে তালে নাই। বলিয়াছিল, ভূত যদি হয় তো বেঁচে এনে পোষ মানাব গোবর্ধন, নোকা ফেরা।

তখনো আকাশে আলো ছিল। হারুর চারিপাশে কচুপাতায় আটকানো জলের রূপালী রূপ একেবারে নিভিয়া যায় নাই। কাছে গিয়া হারুকে দেখিবামাত্র শশী চিনিতে পারিয়াছিল।

ওরে গোবর্ধন, এ যে আমাদের হারু! এখানে ও এল কি করে?

গোবর্ধনের মুখে অনেকক্ষণ কথা সরে নাই। শেষে সত্যে চাপা গলায় জিজ্ঞাসা করিয়াছিল, মরে গেছে না কি ছোটবাবু?

মরে গেছে। বাজ পড়েছিল।

আহা চুলগুলো বেবাক জলে গেছে গো!

হারুর বদলে আর কেহ হইলে, যে মানুষটা মরিয়া গিয়াছে তাহার চুলের জন্ত গোবর্ধনকে শোক করিতে শুনিয়া শশীর হয়তো হাসি আসিত। কিন্তু গ্রামের বাহিরে হারুকে এ অবস্থায় আবিষ্কার করিয়া তাহার মনে অত্যন্ত আঘাত লাগিয়াছিল। হারুর ছেলেমেয়ে আছে, আত্মীয়বন্ধু আছে, সকলের চোখের আড়ালে একটা গাছের নীচে ওর একা-একা মরিয়া যাওয়া কি শোচনীয় দুর্ঘটনা! গোবর্ধনের কথায় তাহার মন আরও বিষণ্ণ হইয়া গেল।

গোবর্ধনের বুকের মধ্যে টিপ-টিপ করিতেছিল!

এখানে দাঁড়িয়ে থেকে আর কি হবে ছোটবাবু? গায়ে খপর দি গে চল।

এমনি ভাবে ফেলে রেখে চলে যাব গোবর্ধন?

তার আর করছ কি?

গঁ থেকে লোকজন নিয়ে ফিরতে ফিরতে শেয়াল যদি টানাটানি আরম্ভ করে দেয়?

গোবর্ধন শিহরিয়া বলিয়াছিল, তবে কি করবে ছোটবাবু?

হাঁক তো, কেউ যদি আসে।

কিন্তু এই বাদল-সন্ধ্যায় আশেপাশে কে আছে যে হাঁকিলে ছুটিয়া আসিবে? নিজেই হাঁক শুনিয়া গোবর্ধন নিজেই চমকাইয়া উঠিয়াছিল। আর কোন ফল হয় নাই। রত্ন-পুয়ের হাটের দিন খালে অনেক নৌকা চলাচল করে; আজ কতক্ৰমে আর-একটি নৌকার দেখা মিলিবে, একেবারে মিলিবে কি না, তাহারও কিছু স্থিরতা নাই।

হাককে নৌকায় নামাইয়া লওয়ার কথাটা তখন শশীর মনে হয়।

নৌকা খুলিবামাত্র স্রোতের টানে গতিলাভ করিল। গলুই-এর উপর দাঁড়াইয়া লগিটা বপ করিয়া জলের মধ্যে ফেলিয়া গোবর্ধন হঠাৎ ঔৎসুক্যের সঙ্গে জিজ্ঞাসা করিল, একটা কথা কও ছোটবাবু। উহার মুক্তি নাই তো?

শশী হাল ধরিয়া বসিয়াছিল। হাই তুলিয়া বলিল, কি জানি গোবর্ধন, জানি না।

তাহার হাই ভোলাকে বিরক্তির লক্ষণ মনে করিয়া গোবর্ধন আর কিছু বলিতে সাহস পাইল না।

শশী বিরক্ত হয় নাই, অগ্রমনস্ক হইয়া গিয়াছিল। হাকের মরণের সংশ্ৰবে অকস্মাৎ আসিয়া পড়িয়া শশীর কম দুঃখ হয় নাই। কিন্তু তার চেয়েও গভীরভাবে নাড়া খাইয়াছিল জীবনের প্রতি তাহার মমতা। মৃত্যু এক এক জনকে এক-এক ভাবে বিচলিত করে। আত্মীয় পরের মৃত্যুতে যাহারা মর-মানবের জন্ত শোক করে, শশী তাহাদের মত নয়। একজনকে মরিতে দেখিলে তাহার মনে পড়িয়া যায় না সকলেই একদিন মরিবে,—চেনা-অচেনা আপন-পর যে যেখানে আছে প্রত্যেকে—এবং সে নিজেও। শ্মশানে শশীর শ্মশান-বৈরাগ্য আসে না। জীবনটা সহসা তাহার কাছে অতি কাম্য উপভোগ্য বলিয়া মনে হয়। মনে হয়, এমন একটা জীবনকে সে যেন এত-কাল ঠিক ভাবে ব্যবহার করে নাই। মৃত্যু পর্যন্ত অগ্রমনস্ক বাঁচিয়া থাকার মধ্যে জীবনের অনেক কিছুই যেন তাহার অপচয়িত হইয়া যাইবে। শুধু তাহার নয় সকলের। জীবনের এই ক্ষতি প্রতিকারহীন।

মৃত্যুর সামিধ্য এইভাবে এই দিক দিয়া শশীকে ব্যথিত করে।

কিছুদূর সোজা গিয়া গাওদিয়ার প্রান্তভাগ ছুঁইয়া খাল পূর্বে দিক পরিবর্তন করিয়াছে। বাকের মুখে গ্রামের ঘাট। গাওদিয়া ছোট গ্রাম। ব্যবসা-বাণিজ্যের ধার বিশেষ ধারে না। ঘাটও আর কিছুই নয়, কোদাল দিয়া কয়েকটি ধাপ কাটিয়া দেওয়া হইয়াছে মাত্র! ঘাটের উপরে একটা টিনের চালা আছে। পাটের সময় সেখানে পাট জমাইয়া বাজিতপু্রে শশীর ভগ্নীপতি নন্দলালের গুদাম্ৰা চালান দেওয়া হয়। তিন চার স্কেপ চালান গেলেই গাওদিয়ার পাট চালানের পাঠ ওঠে। তারপর সারা বছর চালাটা পড়িয়া থাকে খালি। গোরু, ছাগল, মাহুস—বাহার খুশি ব্যবহার করে, কেহ বারণ করিতে আসে না। চালার সামনেই চণ্ডীর মার ছেলে চণ্ডী সারাদিন

একটা কাঠের বাক্সের উপর কয়েক প্যাকেট লাল-নীল কাগজ মোড়া বিড়ি ও রেকাবিত্তে ভিজা গ্লাকডায় ঢাকা কয়েক খিলি পান সাজাইয়া বসিয়া থাকে।

ঘাটে কয়েকটি ছোট বড় নৌকা বাঁধা ছিল। কিন্তু তাদের মধ্যে একটিতেও এখন না আছে আলো, না আছে মানুষ।

গোবর্ধনের মনে ভয় ছিল, তাহাকে নৌকায় পাহারা রাখিয়া শশী হয়তো নিজেই গ্রামে যাইতে চাইবে। ঘাটে নৌকা বাঁধিয়াই সে তাই বলিল, আমি তা হলে গাঁয়ে খপর দিগে ছোটবাবু?

শশী বলিল, যা। পা চালিয়ে যাস গোবর্ধন। আগে যাবি গোয়াল পাড়ায়। নিতাই, হুদেব, বংশী—ওরা সবাই যেন ছুটে চলে আসে। বলিস, আমি অঙ্ককারে মড়া আগলে বসে রইলাম। আলোটা তুই নিয়ে যা, যেতে যেতে ঘুরঘুটি অঙ্ককার হবে। পিছল রাস্তা।

আলো লইয়া গোবর্ধন চলিয়া গেল। এতক্ষণে সন্ধ্যা হইয়াছে। আকাশ খুঁজিলে হয়তো এখনো একটু ধূসর আভা চোখে পড়ে কিন্তু অঙ্ককার দ্রুত গাঢ় হইয়া আসিতেছে। শশী ভাবিল, আর পনের-বিশ মিনিট দেবী করিয়া বটগাছটার কাছে পৌছিলে হারুককে সে ঠাহর করিতে পারিত না। খাল দিয়া বাতায়াত করিবার সময় ভূত ও সাপের রাজ্যটির দিকে সে বরাবর চোখ তুলিয়া তাকায়। আজও তাকাইত। কিন্তু হারুককে তাহার মনে হইত গাছের গুঁড়িরই একটা অংশ। হয়তো মাহুঘের আকৃতির সঙ্গে গাছের অংশটির সাদৃশ্য লক্ষ্য করিয়া আর হারুর পরনের কাপড়ের খেতাভ রহস্ত-টুকুর মানে না বুঝিয়া তাহার একটু শিহরণ জাগিত মাত্র। হারু ওইখানে পড়িয়া থাকিত। কতদিন পরে শিয়ালের দাঁত শকুনির চঞ্চুতে সাফ-করা তাহার হাড় কয়খানি মাহুঘ আবিষ্কার করিত কে জানে! পঙ্কুকে চণ্ডীর-মা যেমন আবিষ্কার করিয়াছিল। সর্বাঙ্গে খাবলা খাবলা পচা মাংস, কোথাও হাড় বাহির হইয়া পড়িয়াছে। দুই হাতের মুঠার মধ্যে প্রকাণ্ড খরিস সাপটা শুকাইয়া হইয়া আছে একেবারে দড়ি।

স্রোতের বেগে নৌকা মুহু মুহু ছলিতেছিল। নৌকার গলুইএ সে দোলন একটা জীবন্ত প্রাণীর অস্থিরতার মতো পৌছিতেছে। নড়িয়া চড়িয়া শশী এক সময় সোজা হইয়া বসে। মনে একটা বিড়ি ধরাইবার ইচ্ছা জাগিতেছিল। কিন্তু সেটুকু উৎসাহও সে যেন পায় না। তাহার চোখের সামনে চারিদিক ক্রমে গাঢ় অঙ্ককারে ঢাকিয়া যায়। তীরের গাছগুলি জমাটবাঁধা অঙ্ককারের রূপ নেয়, জলের উপর জনহীন নৌকা কথানা হালকা ছায়ার মতো আলগোছে ভাসিতে থাকে। মাথার উপর দিয়া অদৃশ্য-প্রায় কতগুলি পাখি সাঁ-সাঁ শব্দ করিয়া উড়িয়া যায়। চারিদিকে জোনাকি ঝিকঝিক করিতে আরম্ভ করে।

এত কাছেও হারুর মুখ ঝাপসা হইয়া যায়। তাহার মুখখানা ভাল করিয়া দেখিবার চেষ্টায় ব্যর্থ হইয়া সে যে মরিয়া গিয়াছে এই সত্যটি শশী যেন আবার নূতন করিয়া অনুভব করে। ভাবে, মরিবার সময় হারু কি ভাবিতেছিল কে জানে! কোন কল্পনা কোন অনুভূতির মাঝখানে তাহার হঠাৎ ছেদ পড়িয়াছিল?

মেয়ের জন্ম পাত্র দেখিতে হারু বাজিতপুরে গিয়াছিল এটা শশী জানিত। পথ সংক্ষেপ করিবার জন্ত ওই বিপথে সে পাড়ি জমাইয়াছিল। পথ তাহার সংক্ষিপ্তই হইয়া গেল। পাড়িও জমিল ভালই।

ঘণ্টা দুই পরে গোটা তিনেক লণ্ঠন সঙ্গে করিয়া হারুর সাত-আট জন স্বজাতি আসিয়া পড়িল। নিস্তরু ঘাটটি মুহূর্তে হইয়া উঠিল মুখরিত।

শশী সাগ্রহে জিজ্ঞাসা করিল, নিতাই এসেছে, নিতাই?

নিতাই সাড়া দিল আঞ্জে, এই যে আমি ছোটবাবু।

নিতাইয়ের দায়িত্ব জ্ঞান প্রসিদ্ধ। শশী অনেকটা ভরসা পাইল।

হারুর বাড়িতে খবর দেওয়া হয়েছে নিতাই?

হয়েছে ছোটবাবু।

আলো উচু করিয়া ধরিয়া সকলে তাহার ভিড় করিয়া হারুকে দেখিতে লাগিল। গোবর্ধনের কাছে ব্যাপারটা তাহার আগাগোড়া শুনিয়াছিল। শশীর কাছে আর একবার শুনিল।

তারপর ঘাটের খাঁজের উপর উবু হইয়া বসিয়া আরম্ভ করিয়া দিল জটলা।

কিছুক্ষণের মধ্যে শশীর মনে হইল, হারুর পরলোক-গমন ওদের কথার মধ্যেই এত-ক্ষণে শোচনীয় হইয়া উঠিতেছে। বর্ষণক্ষান্ত বিষন্ন রাত্রে কালিপড়া লণ্ঠনের মূছ রঙীন আলোর হারুর জীবনের টুকরো-টুকরো ঘটনাগুলি যেন দৃশ্যমান ছায়া-ছবির রূপ গ্রহণ করিয়া চোখের সামনে ভাসিয়া আসিতে লাগিল। হারুর পরিবারের ক্ষতি ও বেদনার প্রকৃতি উপলব্ধি যেন এতক্ষণে শশী আয়ত্ত করিতে পারিল। সে বুঝিতে পারিল, সংসারে হারু যে কতখানি স্থান শূন্য রাখিয়া গিয়াছে—এই অশিক্ষিত মানুষগুলির মনের মাপকাঠি দিয়াই তাহার পরিমাপ সম্ভব। এতক্ষণ হারুর অপমৃত্যুকে সে বুঝিতে পারে নাই। হারুকে সে আপনার জগতে তুলিয়া লইয়াছিল। সেখানে শূন্য করিয়া রাখিয়া যাওয়ার মতো স্থান হারু কোন দিন অধিকার করিয়া ছিল কি না সন্দেহ।

নীরবে শশী অনেকক্ষণ তাহাদের আলোচনা কান পাতিয়া শুনিতে। শেষে রাত বাড়িয়া যাইতেছে খেয়াল করিয়া বলিল, তোমরা তাহলে আর বসে থেক না নিতাই। রসিকবাবুর বাগান থেকে বাঁশ কেটে এনে একটা মাচা বেঁধে ফেল।

নিতাই প্রমত্ত করিল, সোজা মশানবিলে নিয়ে যাব কি ছোটবাবু?

শশী বলিল, না। ওর বাড়িতে একবার নামাতে হবে।

হারুকে সোজাহাজি ঋশানে লইয়া গেলে অনেক হান্দামা কমিত। কিন্তু হারুকে মেয়ে মতির জর। সকলে ঋশানে আসিলেও সে আসিতে পারিবে না। তাহাকে একবার না দেখাইয়া হারুকে পোড়াইয়া ফেলিবার কথাটা শশী ভাবিতেও পারিতেছিল না। মতির কাছে খবরটা এখন কয়েক দিনের জন্ত চাপিয়া যাওয়ার বুদ্ধিও বাড়ির কাহারও হইবে কি না সন্দেহ। মতি জানিতে পারিবে তাহারই জন্ত বর খুঁজিতে গিয়া ফিরিবার পথে হারু অপঘাতে প্রাণ দিয়াছে। জর গায়ে এই বর্ষার রাজে হয়তো সে ঋশানে ছুটিয়া আসিবে। জোর করিয়া বাড়িতে আটকাইয়া রাখিলে আর সকলকেই হয়তো সে ক্ষমা করিবে, নিয়তিকে পর্ষস্ত, কিন্তু শশীকে সে সহজে মার্জনা করিবে না।

বলিবে, আপনি থাকতে আমাকে একটিবার না দেখিয়ে বাবাকে ওরা পুড়িয়ে ফেলেছিল গো।

রসিকবাবুর বাগান হইতে বাঁশ কাটিয়া আনিয়া মাচা বাঁধা হইল। তারপর হারুকে মাচায় শোয়াইয়া হরিবোল দিয়া মাচাটা তাহার কাঁধে তুলিয়া লইল।

শশী কহিল, এখন তোমরা হরিবোল দিও না। হারু ঋশান-যাত্রা করে নি, বাড়ি যাচ্ছে।

কথাটা এমন করিয়া শশী ইচ্ছা করিয়া বলে নাই। নিজের কথায় নিজেরই চোখ দুটি তাহার সজল হইয়া উঠিল।

রাস্তাটি চওড়া মন্দ নয়, কিন্তু কাঁচা। বর্ষাকালে কোথাও একহাঁটু কাদা হয়, কোথাও এঁটেল মাটিতে বিপজ্জনক রকমের পিছল হইয়া থাকে। গোরুর গাড়ির চাকাতেই রাস্তাটির সর্বনাশ করে সবচেয়ে বেশি। বর্ষার পর কাদা শুকাইয়া মনে হয় আগাগোড়া যেন লাঙল দিয়া চষিয়া ফেলা হইয়াছে। শীত পড়িলে পড়িতে পথটি আবার সমতল হইয়া যায় সত্য, কিন্তু লক্ষ লক্ষ ক্ষতের উচু সীমানাগুলি গুঁড়া হইয়া এত ধূলা হয় যে পায়ের পাতা ডুবিয়া যায়। ফাল্গুন-চৈত্র মাসে বাতাসে ধূলা উড়িয়া ছপাশের গাছগুলিকে বিবর্ণ করিয়া দেয়।

গ্রামে চুকিবার আগে খালের সঙ্গে সংযুক্ত নালার উপর একটি পুল পড়ে। পুলের নীচে স্রোতের মুখে জাল পাতিয়া নবীন মাঝি সেই অপরাহ্ন হইতে বুকজলে দাঁড়াইয়া আছে।

নিভাই ডাকিয়া বলে, কি মাছ পড়ল মাঝি ?

নবীন বলে, মাছ কোথা ঘোষ মশাই ? জল বড় বেশি গো।

মাগুরটাগুর পেলি নবীন ? পলে আমাকে একটা দিস। ছেলেটা কাল পথি করবে।

নবীন মিথ্যা জবাব দেয়। বলে জলে দেড়িয়ে কি মিছা কথা কইছি! এত জলে মাছ পড়ে না। ইদিকে তিন হাত ফাঁক রইছে দেখছ নি?

হারুর মরণের খবরটা সে শাস্তভাবে গ্রহণ করে।

বলে, লোক বড় ভাল ছিল গো। জগতে শত্রুর নেই।

তারপর বলে, ই বছর, জান ঘোষ মশায়, অদেইট সবার মন্দ। তিন বর্ষা নাবল না, এর মধ্যে জল কামড়াতে নেগেছে।

দিন নাই রাত্রি নাই, জলে স্থলে নবীনের কঠোর জীবন-সংগ্রাম। দেহের সঙ্গে মনও তাহার হাজিয়া গিয়াছে। হারুর অপমৃত্যুতে বিচলিত হওয়ার সময় তাহার নাই।

অথচ এদিকে মমতাও জানে। দশবছরের ছেলেটা বিকাল হইতে পুলের উপর ঠায় দাঁড়াইয়া আছে। জলে নামিয়া বাপের মতো সেও মাছ ধরিতে চায়। কিন্তু নবীন কোনমতে অহুমতি দিবে না।

রেতে লয় বাপ, জর হবে। কাল বিহানে আসিস।

বিহানে জল রইবে নি বাবা।

হঁ, রইবে নি আবার। তোর ডুব জল হবে জানিস।

পুল পার হইয়া কিছু দূর অবধি রাস্তার দুপাশে শুধু চৰা ক্ষেত। তারপর গ্রাম আরম্ভ হইয়াছে। এদিকে বসতি কম। রাস্তার দক্ষিণে ঝোপঝাপের বেটনীর মধ্যে পৃথক কয়েকটা ভাঙাচোরা ঘর বৃষ্টিতে ঘর-বাইরে ভিজিয়াছে। ওখানে সাত ঘর বাগ্দী বাস করে। গ্রামের ছেলেমেয়েদের মধ্যে ওরাই সব চেয়ে গরিব, সবচেয়ে ছোটলোক, সবচেয়ে চোর। দিনে ওরা যে-গৃহস্থের চাল মেরামত করে, রাত্রে স্বেযোগ পাইলে তাহারই ভিটায় সিঁদ দেয়। কেহ না কেহ ওদের মধ্যে ছ মাস এক বছর জেলেই পড়িয়া আছে।

ছাড়া পাইবার পর গ্রামে ফিরিয়া বলে, খসুর-ঘর থে ফিরলুম দাদা। বেশ ছিলাম গো!

একটুকু পার হয়ে গেলে বসতি ঘন হইয়া আসে। বাড়িঘরের উন্নত অবস্থা চোখে পড়ে। পথের দুইদিকেই দুটি-একটি শাখা-পথ পাড়ার দিকে বাহির হইয়া যাইতে আরম্ভ করিয়াছে দেখা যায়। মাঝে মাঝে কলাবাগান স্তম্ভবাগান ও ছোট ছোট বাঁশঝাড় ডাইনে বাঁয়ে আবির্ভূত হয়। আমবাগানকে অন্ধকারে মনে হয় অরণ্য! কোন কোন বাড়ির সামনে কামিনী গন্ধরাজ ও জবাফুলের বাগান করিবার ক্রীণ চেষ্টা চোখে পড়ে। ক্রমে দু একটি পাকা দালানের সাক্ষাৎ পাওয়া যায়। বাড়িগুলি আগা-পোড়া দালান নয়, এক ভিটায় দুখানা ঘর হয়তো ইটের, বাকিগুলি শণে ছাওয়া চাঁচের বেড়ায় গ্রামেরই চিরস্তন নিজস্ব নীড়।

নির্জন স্তব্ধ পথে শববাহী তাহারাই জীবনের সাড়া দিয়া চলিয়াছে। শশীর বিষণ্ণতা ঘুচিবার নয়। আলো হাতে সকলের আগে আগে সে ঘাইতেছিল। নিতাই, হৃদেব ওরা কথা কহিতেছে সকলেই, কথা নাই কেবল শশীর মুখে। পথের ধারে কোন বাড়িতে আলো জ্বলিতেছে দেখিলে তাহার ইচ্ছা হয় হাঁক দিয়া বাড়ির লোকের সাড়া নেয়। এক মিনিট দাঁড়াইয়া অকারণে বাড়ির সকলের কুশল জিজ্ঞাসা করে। তাহার সাড়া পাইয়া কান্নার বোল তুলিবে না এমন একটি পরিবারের খবর না লইয়া হাকুর বাড়ির দিকে চলিতে সে যেন জোর পাইতেছিল না।

খানিক আগাইয়া বাজার।

এখানে গ্রাম জমাট বাঁধিয়াছে। দোকানপাটের সংখ্যা কম নয়। কিন্তু বাদলের রাত্রি গভীর হওয়ার আগে সবগুলি দোকানই এখন বন্ধ হইয়া গিয়াছে। রাস্তার বাঁ দিকে একটা ফাঁকা জায়গায় কতকগুলি টিনের চাল। একদিন অন্তর ওখানে বাজার বসে।

কোথা হইতে এক সন্ন্যাসী আসিয়া একটা চালার নীচে আশ্রয় লইয়াছে। সম্মুখে তাহার ধূনির আগুন। আগুনে সন্ন্যাসী মোটা রুটি সঁকিতেছিল। ওদিকের চালাটার লোম-ওঠা শীর্ণ কুরুরটা খাবায় মুখ রাখিয়া তাহাই দেখিতেছে। শশী তাড়াতাড়ি আগাইয়া গেল। তার পা বার বার জলকাদা ভরা গর্তে গিয়া পড়িতেছিল! মনের গতির আজ সে ঠিক-ঠিকানা পাইতেছিল না।

শ্রীনাথ দাসের মুদিখানার পাশ দিয়া কায়েত পাড়ার পথটা বাহির হইয়া গিয়াছে। হাকুর বাড়ি এই পথের শেষ সীমায়। তারপর আর বাড়িঘর নাই। ক্রোশব্যাপী মাঠ নিঃসাড়ে পড়িয়া আছে!

পথের মোড়ে বকুল গাছটির গোড়া পাকা বাঁধানো। বিকালের দিকে এখানে প্রত্যহ সরকারী আড্ডা বসে। আলোটা ওখানে নামাইয়া রাখিয়া শশী একটা বিড়ি ধরাইল। চাহিয়া দেখিল পাছের নীচে শুকনো ডাল ও কাঁচা-পাকা পাতার সঙ্গে পাতার উপরে গ্রাকড়া-জড়ানো একটা পুতুল পড়িয়া আছে। পুতুলটা শশী চিনিতে পারিল। বৈশাখ মাসে বাজিতপুরের মেলায় শ্রীনাথের দোকানে বসিয়া এক ঘণ্টা বিশ্রাম করার মূল্যস্বরূপ তাহার মেয়েকে পুতুলটা কিনিয়া দিয়াছিল। বিকালে রুষ্টি থামিলে এখানে খেলিতে আসিয়া শ্রীনাথের মেয়ে পুতুলটা ফেলিয়া গিয়াছে।

রাত্রে পুতুলের শোকে মেয়েটা কাঁদবে। সকালে বকুলতলা খুঁজিতে আসিয়া দেখিবে পুতুল নাই। পুতুল কে লইয়াছে মেয়েটা তাহা জানিতে পারিবে না।

শশী কেবল অনুমান করিতে পারিবে যামিনী কবিরাজের বৌ ভোর ভোর বকুলতলা বাঁট দিতে আসিয়া দেখিতে পাইয়া তুলিয়া লইয়া গিয়াছে।

যামিনী কবিরাজের বৌ চোরও নয় পাগলও নয় : মাটির পুতুলে সে লোভ করে না । কিন্তু প্রশ্নাম করিয়া ( যে গাছের তলা বাঁধানো, সেটি দেবধর্মী ) মুখ তুলিতেই সামনে অত বড় একটা পুতুল পড়িয়া থাকিতে দেখিলে এ কথা মনে হওয়ার মধ্যে বিস্ময়ের কি আছে যে এ কাজ দেবতার, এই তাঁহার ইঙ্গিত ।

পুতুলটিকে আরও খানিকটা গাছের গোড়ার দিকে ঠেলিয়া দিয়া আলোটা তুলিয়া লইয়া শশী আগাইয়া গেল ।

বলিল, সাবধানে পা ফেলে চলো নিতাই, আস্তে পা ফেলে চলো । ফেলে দিলে হারুকে কাদা মাখিও না যেন । কী রাস্তা !

কায়ত-পাড়ার সঙ্কীর্ণ পথটির হৃদিকে বাঁশঝাড়ে মশা ভন-ভন করিতেছিল । যামিনী কবিরাজের গোয়ালের পিছনটাতে তিন মাসের জমানো গোবর পচিয়া উঠিয়াছে । ডোবার মধ্যে সারা বছর ধরিয়া গজানো আগাছার জঙ্কল এখন বর্ষার টুবুটুবু জলের তলে হাঁপাইয়া হাঁপাইয়া বিসাক্ত হইয়া উঠিয়াছে ।

খানিক দূর আগাইয়া হারুর বৌএর মড়া কান্না তাহাদের কানে ভাসিয়া আসিল ।

## ২

শশীর চরিত্রে দুই স্বস্পষ্ট ভাগ আছে । একদিকে তাহার মধ্যে যেমন কল্পনা, ভাবাবেগ ও রসবোধের অভাব নাই, অন্যদিকে তেমনি সাধারণ সাংসারিক বুদ্ধি ও ধনসম্পত্তির প্রতি মমতাও তাহার যথেষ্ট । তাহার কল্পনাময় অংশটুকু গোপন ও মুক । অত্যন্ত ঘনিষ্ঠভাবে তাহার সঙ্গে না মিশিলে একথা কেহ টের পাইবে না যে, তার ভিতরেও জীবনের সৌন্দর্য ও শ্রীহীনতার একটা গভীর সহায়ভূতি-মূলক বিচার-পদ্ধতি আছে । তাহার বুদ্ধি, সংযম ও হিসাবী প্রকৃতির পরিচয় মাল্লু সাধারণত পায় । সংসারে টকিব্যবসায় অল্প দরকারী এই গুণগুলির জন্ত শশীকে সকলে ভয় ও খাতির করিয়া চলে ।

শশীর চরিত্রের এই দিকটা গড়িয়া তুলিয়াছে তাহার বাবা গোপাল দাস ।

গোপাল দাসের কারবার লোকে বলে গলায় ছুরিদেওয়া । আসলে সে করে সম্পত্তি কেনাবেচা ও টাকা ধার দেওয়া । অর্থাৎ দালালি ও মহাজনি । শোনা যায়, এক কালে সে নাকি বার তিনেক জীবন্ত মাল্লুয়ের কেনাবেচার ব্যাপারেও দালালি করিয়াছে— তিনটি বৃদ্ধের বৌ জুটাইয়া দেওয়া । সে আজকের কথা নয় । বৃদ্ধ তিন-জনের মধ্যে দু জনের মৃত্যু হইয়াছে । এখন যামিনী কবিরাজের মরণ হইলেই ব্যাপারটা পুরোপুরি ইতিহাসের গর্ভে তলাইয়া যাইতে পারে । কিন্তু যামিনী কবিরাজের বৌ, শশী যাহাকে সেনদিদি বলিয়া ডাকে এবং শশীকে যে অপূত্রবতী রমণী গভীরভাবে



স্নেহ করে, স্বামীকে সে এত যত্নে এত সাবধানে বাঁচাইয়া রাখিয়াছে যে শীঘ্র যামিনী কবিরাজের মরিবার সম্ভাবনা নাই। যামিনী কিন্তু মরিতে চায়। গ্রামের কলঙ্ক রটানোর কাজে উৎসাহী নিকরমা ব্যক্তির সংখ্যা এত বেশী যে, এতটুকু এদিক ওদিক হইলে গ্রামের বৌ-বিরদের কলঙ্ক দিগদিগন্তে রটিয়া যায়। কেহ বিশ্বাস করে, কেহ করে না। যে বিশ্বাস করে সেও সত্য-মিথ্যা যাচাই করে না, যে অবিশ্বাস করে, সেও নয়। বিশ্বাস-অবিশ্বাসের প্রকট নির্ভর করে মাহুষের খুশির উপর। গ্রামের কলঙ্কিনীদের মধ্যে শশীর সেনদিদির প্রসিদ্ধিই বেশি। গোপালের সঙ্গেই তার নামটা জড়ানো হয় বেশি সময়। লোকে নানা কথা বলাবলি করে। শশী বিশ্বাস করে না। যামিনী করে। সে থুড়থুড়ে বুড়া। সন্দেহের তীব্র বিবে সে দৃষ্ট হইয়া যায়। স্ত্রী পাড়ার কারো বাড়ি গেলে রাগে ছুঁথে এক-একদিন সে কাঁদিয়াও ফেলে। স্ত্রীর কায়েত-বাড়ি কাহ্নুদি বানাইয়া আসার কৈফিয়তটা সে বিশ্বাস করে না। অথচ শশীর সেনদিদি সত্য কৈফিয়তই দেয়। অতীতে কখনো সে যদি কোন অজ্ঞায় করিয়া থাকে, তাহা অতীতের সত্যমিথ্যা পাপপুণ্যে মিশিয়া আছে। উন্নাদ ছাড়া আজ শশীর সেনদিদিকে কেহ অবিশ্বাস করিবে না। বুড়া হইয়া যামিনীর মাথাটা খারাপ হইয়া গিয়াছে।

দেখা হইলে গোপালকে শাপ দেয়। বলে, এক কাঁড়ি টাকা নিয়ে তুই আমার খুব উপকার করেছিলি গোপাল। উচ্ছন্ন যাবি তুই, তোর সর্বনাশ হবে, ঘরবাড়ি তোর শ্মশান হয়ে যাবে!

যামিনী কবিরাজের বৌ-এর সম্বন্ধে গোপালের বদনাম হয়তো মিথ্যা তবু লোক গোপাল ভাল নয়। তুচ্ছ কতকগুলি টাকার জন্য সে-ই তো প্রতিমার মতো কিশোরীকে বুড়ো, পাগলা যামিনী কবিরাজের বৌ করিয়াছিল।

শশীই গোপালের একমাত্র ছেলে, মেয়ে আছে তিনটি। বড় মেয়ের নাম বিদ্যাবাসিনী। বড়গাঁর নায়েব ঞামাচরণ দাসের বড় ছেলে মোহনের সঙ্গে তাহার বিবাহ হইয়াছে। মোহনের একটি পা খোঁড়া। মেজ মেয়ে বিন্দুবাসিনীর বিবাহ হইয়াছে খাস কলিকাতায় বড়বাজারের নন্দলাল অ্যাণ্ড কোং-এর নন্দলালের সঙ্গে।

গোপালের সে এক স্মরণীয় কীর্তি।

নন্দলালের কারবার পাটের। চারিদিক হইতে পাট সংগ্রহ করিয়া জমা করিবার সুবিধা হয় এবং চালান দিবার ভাল ব্যবস্থা থাকে এমন একটি মধ্যবর্তী গ্রাম খুঁজিয়া বাহির করিবার উদ্দেশ্যে বছর সাতেক আগে সে একবার এদিকে আসিয়াছিল। গোপাল তাহাকে ডাকিয়া লইয়া গিয়াছিল নিজের বাড়ি, আদর-যত্ন করিয়াছিল ঘরের লোকের মতো। তারপর কোথা দিয়া কি হইয়া গেল কে জানে,—হয়তো নন্দলালের দোষ ছিল, হয়তো ছিল না,—তিন দিন পরে গোপালের অসুস্থত গ্রামবাসীরা লাঠি হাতে

দাঁড়াইয়া বিন্দুর সঙ্গে নন্দলালের বিবাহ দিয়া দিল। নন্দলালের চাকরটা রাতারাতি বাজিতপুরে পলাইয়াছিল। পরদিন মনিবের উদ্ধারে সে একেবারে পুলিশ লইয়া হাজির! নন্দলাল ইচ্ছা করিলে কিছু কিছু শাস্তি অনেককেই দিতে পারিত,—গম্ভীর বিষয় মুখে পুলিশকে সে-ই বিদায় করিয়া দিল। তারপর বৌ লইয়া সেই বে সে কলিকাতায় গেল,—গাওদিয়ার সঙ্গে আর কোন সম্পর্ক রাখিল না।

যাই হোক, নন্দলালের কাছে বিন্দুবাসিনী হয়তো স্থখেই আছে। গ্রামের লোক সঠিক খবর রাখে না। সাত বছরের মধ্যে বিন্দু একবার মাত্র তিন দিনের জন্ম বাপের বাড়ি আসিয়াছিল। গ্রামের ছেলে-বুড়ো তখন ঈর্ষার চোখে চাহিয়া দেখিয়াছিল,—অলঙ্কারে অলঙ্কারে বিন্দুর দেহে তিল ধারণের স্থান নাই, একেবারে যেন বার্জঙ্গী। তবু, হয়ত বিন্দু স্থখে নাই! নন্দর তো বয়স হইয়াছে, আর একটা স্ত্রী তো তাহার আছে, চরিত্রও সম্ভবত তাহার ভাল নয়। গাওদিয়াবাসী যাহাদের বিবাহিত কন্যাগুলি সারি সারি দাঁড়াইয়া চোখের জলে ভাসে, তারা ভাবে, হয়তো বিন্দু স্থখে নাই! ভাবিয়া তাহারা তৃপ্তি পায়। কেহ মুখ ফুটিয়া মনের কথা বলিয়াও ফেলে। গোপাল শুনিতে পাইলে অশ্রুট স্বরে বলে, লক্ষ্মীছাড়ার দল!

এমনি বাপের শাসনে শশী মাহুষ হইয়াছিল। কলিকাতায় মেডিকেল কলেজে পড়িতে যাওয়ার সময় তাহার হৃদয় ছিল সঙ্কীর্ণ, চিন্তাশক্তি ছিল ভেঁাতা, রসবোধ ছিল স্থূল। গ্রাম্য গৃহস্থের স্বকেন্দ্রীয় সঙ্কীর্ণ জীবন যাপনের মোটামুটি একটা ছবিই ছিল ভবিষ্যৎ জীবন সম্বন্ধে তাহার কল্পনার সীমা। কলিকাতায় থাকিবার সময় তাহার অল্পভূতির জগতে মার্জনা আনিয়া দেয় বই এবং বন্ধু। বন্ধুটির নাম কুমুদ, বাড়ি বরিশালে, লম্বা কালো চেহারা, বেপরোয়া খ্যাপাতে স্বভাব। মাঝে মাঝে কবিতাও কুমুদ লিখিত। কলেজে সে প্রায়ই যাইত না, হোস্টেলে নিজের ঘরে বিছানায় চিত হইয়া শুইয়া যত রাজ্যের ইংরেজী বাঙলা নভেল পড়িত, কথকতার মতো হৃদয়গ্রাহী করিয়া ধর্ম, সমাজ, ঈশ্বর ও নারীর (ষোলো-সতেরো বছরের বালিকাদের) বিরুদ্ধে যা মনে আসিত বলিয়া যাইত আর টাকা ধার করিত শশীর কাছে। শশী প্রথমে মেয়েদের মতোই কুমুদের প্রেমে পড়িয়া গিয়াছিল; ওকে টাকা ধার দিতে পারিলে সে যেন বর্তিয়া যাইত। কুমুদ প্রথমে তাহাকে বিশেষ আমল দিত না, কিন্তু অনেক দুঃখ, অপমান ও অভিমান চূপচাপ সহ করিয়া শশী তাহার অন্তরঙ্গতা অর্জন করিয়াছিল।

সেটা তাহার অহুকরণ করার বয়স। এই একটি মাত্র বন্ধুর প্রভাবে শশী একেবারে বদলাইয়া গেল। যে দুর্গের মধ্যে গোপাল তাহার মনকে পুরিয়া দিল করিয়া দিয়াছিল, কুমুদ তাহা একেবারে ভাঙিয়া ফেলিতে পারিল না বটে কিন্তু অনেকগুলি জানালা-দরজা

কাটিয়া বাহিরের আলো-বাতাস জানিয়া দিল, অন্ধকারের অন্তরাল হইতে মনকে তাহার বাহিরের উদারতায় বেড়াইতে বাইতে শিখাইয়া দিল।

প্রথমটা শশী একটু উদ্ভ্রান্ত হইয়া গেল। মাথা ঘামাইয়া ঘামাইয়া জীবনকে ফেনাইয়া, ফাঁপাইয়া মানুষ এমন বিরাট ব্যাপার করিয়া তুলিয়াছে? জানিবার এত বিষয়, উপভোগ করিবার এত উপায়, বিজ্ঞান ও কাব্য মিশিঃ! এমন জটিল, এমন রসালো মানুষের জীবন? তারপর গ্রামে ডাক্তারি করিতে বসিয়া প্রথমে সে যেন ইপাইয়া উঠিল। জীবনটা কলিকাতায় যেন বন্ধুর বিবাহের বাজনার মতো বাজিতেছিল, সহসা স্তব্ধ হইয়া গিয়াছে। এই সব অশিক্ষিত নরনারী, ডোবা পুকুর, বন জঙ্গল মাঠ, বাকি জীবনটা তাহাকে এখানেই কাটাতে হইবে নাকি? ও ভগবান, একটা লাইব্রেরি পর্যন্ত যে এখানে নাই! ক্রমে ক্রমে শশীর মন শান্ত হইয়াছে। সে তো গ্রামেরই দস্তান, গ্রাম্য নরনারীর মধ্যে গ্রামের মাটি মাখিয়া গ্রামের জলবায়ু শুষিয়া সে বড় হইয়াছে। হৃদয় ও মনের গড়ন আসলে তাহার গ্রাম্য। শহর তাহার মনে যে ছাপ দিয়াছিল তাহা মুছিবার নয়, কিন্তু সে শুধু ছাপ, দাগা নয়। শহরের অভ্যাস যতটা পারে বজায় রাখিয়া বাকিটা সে বিসর্জন করিতে পারিল, কুমুদও বইয়ের কল্যাণে পাওয়া বহু বৃহত্তর আশা-আকাঙ্ক্ষাও ক্রমে ক্রমে সে চিন্তা ও কল্পনাতে পর্যবসিত করিয়া ফেলিতে লাগিল।

এ সূদূর পল্লীতে হয়তো সে-বসন্ত কখনো আসিবে না যাহার কোকিল পিয়ানো, স্তবাস এসেন্স, দখিনা ফ্যানের বাতাস। তবু, শশীর মনকে কে বাঁধিয়া রাখিবে? দীর্ঘ জীবন পড়িয়া আছে, পড়িয়া আছে বিপুল পৃথিবী। আজ শশী কামিনী ঝোপের পাশে ক্যাম্প চেয়ারে বসিয়া বাঁশঝাড়ের পাতা-কাঁপানো ডোবার গন্ধ ভরা ঝির-ঝির বাতাসে উন্ননা হোক, কোলের উপর ফেলিয়া-রাখা বইখানার ছুটি মলাটের মধ্যে কাম্য জীবনটি তাহার আবদ্ধ থাক একদিন কেয়ারিকরা ফুল বাগানের মাঝখানে বসানো লাল টাইলে ছাওয়া বাংলায় শশী খাঁচার মধ্যে কেনারি পাখির নাচ দেখিবে, দামী ব্লাউজে ঢাকা বুকখানা শশীর বকের কাছে স্পন্দিত হইবে,—আলো গান হাসি আনন্দ আভিজাত্য—কিসের অভাব তখন থাকিবে শশীর?

কায়ত পাড়ার পথটি তিন ভাগ অতিক্রম করিয়া গেলে শশীর বাড়ি। হারুর বাড়ি পথের একেবারে শেষে। এই হারু ঘোষ। খালের ধারে বটগাছের তলে যে সেদিন অপরাহ্নে বজ্রাঘাতে মরিয়া গিয়াছে।

মতির জর কমে নাই। সন্ধ্যার সময় শশী তাহাকে দেখিতে গেল। সারাদিন শশীর সময় ছিল না।

সন্ধ্যার সময় হারুর বাড়িতে প্রদীপ জ্বলে নাই। হারুর বৌ মোক্ষদা হারুর ছেলে

মানের বৌ কুসুমের উপর ভারি খাল্লা হইয়া উঠিয়াছিল। ব্যাপারটা বুঝিয়া জ্ঞাথো। হুহু-বাড়ি। সন্ধ্যা আসিয়াছে। বাড়িতে একটা বৌ আছে। অথচ সন্ধ্যাদীপ জ্বলে পাই। গলায় দড়ি দিয়া বৌটা মরিয়া যায়-না কেন ?

কুসুম গিয়াছিল ঘাটে। কিরিয়া আসিয়া জলের কলসী নামাইয়া ধীরে সুস্থে সে গাশড় ছাড়িল। তারপর জ্বালিতে গেল প্রদীপ। তাহার নির্লজ্জ ধীরতা মোক্ষদাকে ঝকঝকে ক্ষেপাইয়া তুলিল। কুসুমের হাত হইতে প্রদীপটা ছিনাইয়া লইয়া রান্নাঘরে গিয়া উনানে পাটখড়ি ধরাইয়া সে প্রদীপ জ্বালিল। তারপর তাড়াতাড়ি পার হইতে গিয়া শুকনো উঠানে সে কেমন করিয়া পড়িয়া গেল কে জানে !

কুসুম হাসিয়া উঠিল সশব্দে। তারপর আঁচলটা কোমরে জড়াইয়া মোক্ষদাকে আড় কোলে শূন্তে তুলিয়া শোবার ঘরের সামনে দাওয়ায় নাগাইয়া দিল। তেইশ বছরের বীজা মেয়ে, গায়ে তাহার জোর কম নয়।

কিছুক্ষণ বাড়িতে আর কান পাতা যায় না। মোক্ষদা গলা ফাটাইয়া শাপিতে থাকে। ছেলে কোলে বঁুচি ব্যাপার জানিতে আসিলে ছেলেটা তাহার জুড়িয়া দেয় কান্না। ওদিকের ঘরে বঁুচির মুম্বু পিসী বিছানায় উঠিয়া বসিয়া আর্তস্বরে বলিতে থাকে, কি হল রে ? ও বঁুচি, ওলো কুসুম, কি হল রে ? হেই ভগবান, কেউ কি সাড়া দেবে।

বড় ঘরের অন্ধকারে মতি শুইয়াছিল, সেও তাহার ক্লীণ কণ্ঠ যতটা পারে উঁচুতে তুলিয়া ব্যাপার জানিতে চায়।

অবিচলিত থাকে শুধু কুসুম। দাওয়ার নীচে খানিকক্ষণ চূপচাপ দাঁড়াইয়া সে মোক্ষদার গাল শোনে।

তারপর রান্নাঘর হইতে একটা জ্বলন্ত কাঠ আনিয়া ঢুকিতে যায় শোবার ঘরে।

আঘাতের বেদনা তুলিয়া মোক্ষদা হাউ-মাউ করিয়া উঠে।

ও কি লো বৌ, ও কি ? ঘরে-দোরে আগুন দিবি না কি ?

আগুন দেব কেন মা ? পিলসুজের দীপটা জ্বালব।

উম্মনের কাঠ এনে দীপ জ্বালাবি ? তাখ বঁুচি, তাখ মেলেছ হারামজাদি ঘরের মধ্যে চিতা জ্বলে দিতে চলল, চেয়ে তাখ !

কুসুম চোখ পাকাইয়া বলে, গাল দিওনা বলছি অত করে, দিও না। আমপাতা দেখছ না হাতে ? কাঠ থেকে যদি দীপ জ্বালাব, পাতা নিয়ে যাচ্ছি ক্রি চিবিয়ে খাব বলে নাকি ?

মোক্ষদা গলা নামাইয়া বলে, গাল তো তোমায় আমি দিইনি বাছা—দিয়েছি বঁুচিকে।

কুহুমকে এ বাড়ির সকলে ভয় করে। এই বাস্তভিটারুঁকু ছাড়া হার ধোমের সর্ব্ব কুহুমের বাবার কাছে আজ বাঁধা আছে সাত বছর। একবার গিয়া কাঁদিয়া পড়িলেই দুই দিবে না লিশ ঠুকিয়া, এরা সব তখন যাইবে কোথায়? তাই বলিয়া কুহুম যে সব সময় বাড়ির লোকগুলিকে শাসন করিয়া বেড়ায় তা নয়। বরং সে অনেকটা নিরীহ সাজিয়াই থাকে। বকাবকি করিলে সব সময় কানেও তোলে না, নিজের মনে ঘরের কাজ করিয়া যায়। কাজ করিতে ভাল না লাগিলে খিড়কির দয়কা দিয়া বাহির হইয়া গিয়া ভাল বনে তালপুকুরের ধারে ভূপতিত তাল গাছটার গুঁড়িতে চূপচাপ বসিয়া থাকে।

উনানে ডাল-ভাত একটা কিছু চাপাইয়া হয়তো যায়। বাড়ির লোকে তাহার অল্পপস্থিতি টের পায় পোড়া গন্ধে।

মেজাজের কেহ তার হৃদয় পায় না। কতখানি সে সঙ্ঘ করিবে, কখন রাগিয়া উঠিবে, আজ পর্যন্ত তাহা ঠিকমত বুঝিতে না পারিয়া সকলে একটু বিপদগ্রস্ত হইয়া থাকে।

পাড়ার লোক বলে, বৌ তোমাদের যেন একটু পাগলাটে, না গো পরানের মা?

মোকদ্দা বলে, একটু কেন মা, বেশ পাগল—পাগলের বংশ যে। ওর বাপ ছিল না পাগলা হয়ে, দু বছর,—শেকল দিয়ে বেঁধে রাখত?

ঘরে ঢুকিয়া কুহুম প্রদীপ জালিল। গাল ফুলাইয়া সবে সে শাঁখে তিনবার ফু দেওয়া শেষ করিয়াছে, উঠানে শোনা গেল শশীর গলা।

বিছানার কাছে গিয়া কুহুম বলিল, সন্ধ্যো হতে না হতে খোঁজ নিতে এসেছে মতি।

মতি কোন জবাব দিল না। কুহুম আবার বলিল, ওলো মতি, সুনছিস? সন্ধ্যো-দীপ জালাতে না জালাতে দেখতে এসেছে,—দরদ কত?

ভারী জলচৌকিটা অবলীলাক্রমে তুলিয়া লইয়া গিয়া সে দাওয়ায় পাতিয়া দিল। বলিল, জর কমেছে ঘুমোচ্ছে এখন।

মোকদ্দা বলিল, মতি আবার ঘুমোল বৌ? এই মাস্তর সাড়া পেলাম যে?

শশী বলিল, তোমার শাঁখের শব্দেও মতির ঘুম ভাঙল না পরানের বৌ? সে জলচৌকিতে বসিল, ঘরের ভিতরে এক নজর চাহিয়া বলিল, পরান বিকেলে গিয়ে বলে এল জর নাকি এবেলা খুব বেড়েছে?

কুহুম বলিল, মিথ্যে বলেছে ছোটবাবু,—একটুতে অস্থির তো? জর কই?

মোকদ্দা বলিল, কি সব বলছ তুমি আবোল ভাবোল, যাও না বাছা রান্নাঘরে।

কুহুম বিনা প্রতিবাদে রান্নাঘরে চলিয়া গেল। মুখে কৌতুকের হাসি নাই। গাঙ্গীর্ঘও নাই।

শশী বলিল, সকালে যে ওষুধ পাঠিয়েছিলাম খাওয়ানো হয় নি ?

মোক্ষদা বলল, তা তো জানি না বাবা, দেখি শুধোই মেয়েকে ।

রামাধর হইতে কুসুম বলিল, ওষুধ খাওয়ানো হয়েছে গো হয়েছে । চেষ্টামেটি করে মেয়েটার ঘুম ভাঙাচ্ছ কেন ?

ঘরের ভিতর হইতে ক্ষীণ কণ্ঠে মতি বলিল, আমি ওষুধ খাইনি মা ।

মোক্ষদা চোখ পাকাইয়া রামাধরের দিকে চাহিয়া বলিল, শুনলে বাবা, দিব্যি কেমন মিথ্যা কথাগুলি বলে গেল বৌ. শুনলে ?

শশী একটু হাসিল, কিছু বলিল না । কুসুমের এ-রকম সরল মিথ্যাভাবণ সে মাঝে মাঝে লক্ষ্য করিয়াছে । ধরা পড়িবে জানিয়া শুনিয়াই সে যেন এই মিথ্যা কথাগুলি বলে । এ যেন তাহার এক ধরনের পরিহাস । কালোকে সাদা বলিয়া আড়ালে সে হাসে ।

ঘরে গিয়া শশী মতিকে জিজ্ঞাসা করিল, কি কষ্ট হচ্ছে রে মতি ?

মতি তাহা জানে না । সে আন্দাজে বলিল, গা ব্যথা হচ্ছে ছোটবাবু, তেষ্ঠা পেয়েছে ।

পিসীকে শাস্ত করিয়া বুঁচি আসিয়াছিল, বলিল, আজ বড় কেশেছে ছোটবাবু সারাদিন ।

কানে নল লাগাইয়া শশী মতির বুকটা পরীক্ষা করিয়া দেখিল । এ পরীক্ষায় মতির বড় লজ্জা করে, বৃকের মধ্যে টিপ টিপ করিতে থাকে । স্টেথোস্কোপের নল বাহিয়া তাহা শশীর কানে পৌঁছায়, সে অবাক হইয়া বলে, নিশ্বাস বন্ধ করে থাকতে তোকে কে বলেছে, মতি, জ্বরে জ্বরে নিশ্বাস নে!—বুঁচি আলোটা উঁচু করিয়া ধরিয়াছে, শশী মতির মুখের দিকে তাকায় ।

ভাঙা লণ্ঠনের রাঙা আলোতে মতির রঙ যেন মিণিয়া গিয়াছে ।

নিঃশব্দ পদে কুসুম যে কখন পিছনে আসিয়া দাঁড়াইয়াছিল ।

বৃকে ওর হয়েছে কি ? এত পরীক্ষা কিসের ?

একটু সর্দি বসেছে বলে মনে হচ্ছে পরানের বৌ । গরম তেল মালিশ করে দিও ।

কুসুম ভীরুকণ্ঠে বলে, সর্দি ঠিক তো ছোটবাবু ? পরীক্ষের রকম দেখে ভয়ে বৃকে কাঁপন লেগেছে মা, ক্ষয় রোগেই বা ধরল—ওলো মতি, বলিনি তোকে ? বলিনি জ্বরগায়ে হাওয়ায় গিয়ে বসি নে, ঠাণ্ডা লেগে মরবি ?

শশী বাহিরে গিয়া একটু বসে । মোক্ষদা তখন সবিস্তারে তাহাকে শোনায় তাহার আছাড় খাওয়ার বৃত্তান্ত । বলে, বৌ আমাকে ঠেলে ফেলে দিয়েছে বাবা, বৌ নিঃশব্দে হয়েছে আমার মরণ । নীচু গলায় আবোল-তাবোল অনেককণ মোক্ষদা বকে । হাস

আজ মরিয়াছে দিন সাতেক, তার কথা উল্লেখ করিয়া সে এখন আর হ্রস্ব করিয়া কাণে না, বার বার শুধু চোখ মোছে, গলাটা ধরিয়া আসে; স্বামীর শোকে ভিজিয়া-আসন্ন গলায় থাকিয়া থাকিয়া নিন্দা করে সে কুহুমের,—শুনিয়া মনে হয় সবাই বৃষ্টি সত্য বলিতেছে। বুঁচি চূপ করিয়া শোনে, কথাটি বলে না; না দেয় সায়, না করে প্রতিবাদ। আর রান্নাঘরে শশীকে শোনাইয়া কুহুম করে যাত্রার দলের গান, টানা গুনগুনানে হুরে, অস্পষ্ট ভীরু গলায়। সত্য সত্যই পাগল নাকি কুহুম?

তারপর রান্নাঘর হইতে বাহির হইয়া কুহুম কোথায় যায় কে বলিবে।

শশী খানিক পরে বিদায় নেয়। হারুর বাড়ি কায়েত-পাড়ার পথটার ঠিক উপরে নয়, দুপাশে বেগুনখেতের মাঝখান দিয়ে হাত তিনেক চওড়া খানিকটা পথ পার হইয়া রাস্তায় পড়িতে হয়।

শশী তাড়াতাড়ি এইটুকু পার হইয়া যাইতেছিল, ডাইনে বেগুনখেতের বেড়ার ওপাশ হইতে কুহুম বলিল, ছোটবাবু, শুমন!

শশী অবাক হইয়া বলিল, তুমি ওখানে কি করছ বৌ? সাপে কামড়াবে যে?

কুহুম বলিল, সাপে আমাকে কামড়াবে না ছোটবাবু, আমার অদৃষ্টে মরণ নেই।

শশী হাসিয়া বলিল, কি আবার হল তোমার?

পরানের বৌ বলে যে ডাকলেন আজ? পরানের বৌ বললে, আমার গোস্বা হয় ছোটবাবু। পিসী বলত,—বুঁচির ছোট পিসি, ও বছর যে সগ্যে গেল, অমনি গাল তাকে একদিন দিলাম—

আমাকেও না হয় দাও দুটো গাল।

তাই বললাম? হাঁ ছোটবাবু, তাই বললাম? পূজ্য মাহুঘ আপনি, আপনাকে পূজো করে আমাদের পুণ্য হয়—

গড়গড় করিয়া মুখস্থ বুলির মতো একরাশ ভোশামোদের কথা কুহুম বলিয়া যায়, শুনিতে মন্দ লাগে না শশীর। কত বছর আজ সে কুহুমের এমনি পাগলামি দেখিতেছে। ওর এই সব খাপছাড়া কথায় ব্যবহারে একটি যেন মিষ্টি ছন্দ আছে।

বাড়ি যাও বৌ, ভাত পোড়া লাগবে।

কাল আসবেন ছোটবাবু মতিকে দেখতে?

আসব। কেমন থাকে সকালে একবার খবর পাঠিও, অ্যা।

বোজ একবার এলেই হয়! জরে ভুগছে মেয়েটা, দেখে তো যাওয়া উচিত? কদিন আসেননি বলে বাড়ির সবাই কত কথা বললে ছোটবাবু, বললে, শশী আমাদের মত ডাক্তার হয়েছে, না ডাকলে আর আসা হয় না। মতি কি বললে জানেন?—ছোটবাবুর অহংকার হয়েছে!

শশী আগাইয়া যায়, বলে আমার কাজ আছে বো, কাল এসে তোমার মিছে কথা  
শুনব।

মিছে কথা নয়, সত্যি মিছে নয় ছোটবাবু।

শশী চলিয়া গেলে অন্ধকারে বেগুনখেতে দাঁড়াইয়া কুহুম একটু হাসিল। সামনে  
গাছের মাথার কাছে একটু আলো হইয়াছে। কুহুম জানে ওখানে চাঁদ উঠিবে। চাঁদ  
উঠিলে, চাঁদ উঠিবার আভাস দেখিলে কুহুম যেন গুনিতে পায় :

ভিন্দদেশী পুরুষ দেখি চাঁদের মতন  
লাঙ্গরক্ত হইয়া কণ্ঠা পরথম যৌবন।

কে সে কিশোরী, ভিন্দদেশী পুরুষ দেখিয়া যার লজ্জাতুর প্রেম জাগিত ? সে কুহুম  
নয়, হে ভগবান, সে কুহুম নয়।

অন্ধকারে ঠাहर করিয়া দেখিয়া বাহুদেব বন্দোপাধ্যায় বলেন, শশী না ? ও বাবা  
শশী তোমায় খুঁজে বেড়াচ্ছি যে ! ভূতো যেন কেমন করছে শশী। ওর মা কাঁদা-  
কাটা লাগিয়েছেন। ভূমি এসে একটিবার দেখে যাও।

শশী বলে, চলুন। চলিতে আরম্ভ করিয়া বলে, বাবা বলছিলেন, কতবার তো  
বাড়ুজ্জ-বাড়ি গেলি শশী, পয়সা-কড়ি দিয়েছে কিছু ? দুটো একটা কলের টাকা না  
দিলে তো বিপদে পড়ি কাকা ? কত মিথ্যে বলব বাবার কাছে ? পয়সা-কড়ির ব্যাপার  
জানেন তো বাবার, একটি পয়সা এদিকে ওদিকে হবার জো নাই।

বাহুদেব লজ্জা পাইয়া বলেন, শশীর টাকা কালই পৌছিয়া দিয়া আসিবেন শশীর  
বাড়ীতে, নিজে যাইবেন। শশী ভাবে, আজ নয় কেন ? মুখে সে কিছু বলে না।  
বাহুদেবের বাড়ী কম দূর নয়। শ্রীনাথের দোকান ছাড়াইয়া, রজনী সরকারের পাকা  
দালানের পাশ দিয়া বামুনপাড়া পর্যন্ত গড়ানো সাপের মতো আঁকা-বাকা পথের মাঝখান  
হইতে দক্ষিণ দিকে ঝোপঝাড়ের ভিতর দিয়া পায়-চলা যে সর্পিণ রাস্তাটুকু পোয়াটাক  
গিয়া মাঠের মধ্যে হারাইয়া গিয়াছে, তার শেষাশেষি। কদিন বৃষ্টি হয় নাই, এ বছরের  
মতো বর্ষা বোধ হয় শেষ হইয়াছে, পথের কাটা কিন্তু শুকাই নাই। জুতা হাতে করিয়া  
বাহুদেবের বাড়ি পৌছিয়া শশী পা ধুইল। বাহুদেবের ছোট ছেলে ভূতোর বয়স বছর  
দশেক, সাত-আট দিন আগে গাছের মগডাল হইতে পড়িয়া গিয়া, হাত-পা দুই-ই  
ভাঙিয়াছিল। তারপর জ্বর-বিকারে অজ্ঞান হইয়া জীবন-মৃত্যুর সন্ধিক্ষেত্রে আসিয়া  
পড়িয়াছে। শশী তাহাকে সদর হাসপাতালে পাঠাইতে বলিয়াছিল, এরা রাজী হা  
নাই। হাসপাতালের নামে ভূতোর মা ডুকরাইয়া কাঁদিয়া উঠিয়াছিল, ছেলেবে



চৌকাঠের বাহিরে নিলে সে বিষ খাইয়া মরিবে। তারপর শশীই প্রাণপণে ভূতোর চিকিৎসা করিতেছে, দিনে দুই বার তিন বার আসে।

ভূতোর শিয়রে তার মা লক্ষ্মীমণি মুহূৰ্ত্তে কানিতেছিলেন। বড় ছুটি ছেলে, ছুটি বিবাহিতা মেয়ে, তিনটি বৌ ঘরের মধ্যে ভিড় করিয়া দাঁড়াইয়া ছিল। বড় বোটি বিধবা, ঘোমটা দিয়া ভূতাকে সে বাতাস করিতেছিল। মায়ের পরে এ বাড়িতে দুঃস্বপ্ন ছেলেটাকে সেই-ই হয়তো ভালবাসে সকলের চেয়ে বেশী,—দু-চোখ দিয়া তাহার দয়দর করিয়া জল পড়িতেছে।

ভূতোর অবস্থা দেখিয়া শশীর মুখ ম্লান হইয়া গেল। ছেলেটা বাঁচিবে না এ সন্দেহ তাহার ছিল; তবু দুপুর বেলা ওকে দেখিয়া গিয়া একটু আশা তাহার হইয়াছিল বৈকি। এক বেলায় অবস্থাটা যে এ রকম দাঁড়াইবে সে তাহা ভাবিতেও পারে নাই। ছেলেটার সর্বান্তে সে জড়াইয়া জড়াইয়া ব্যাণ্ডেজ বাঁধিয়াছিল। নড়িবার উপায় তাহার নাই, এখন থাকিয়া থাকিয়া মুখ শুধু বিকৃত করিতেছে। শশীর গলা এমনি মুদ্র, এখন আরও মুদ্র শোনাইল—একটু আগুন চাই সেক্ দেবার—গরম কাপড় যদি একটুকরো থাকে?

বিধবা বোটি মালসায় আগুন আনিল। একটা আলোয়ান ভাঁজ করিয়া শশীর নির্দেশমতো ভূতোর বুকে সেক্ দিতে লাগিল। শশী তাহাকে একটা ইনজেকশন দিয়া একটু অপেক্ষা করিল। বার বার চোখের ভিতরটা লক্ষ্য করিয়া দেখিল, নাড়ী টিপিল, তারপর নীরবে উঠিয়া আসিল। সকলে এতক্ষণ শ্বাসরোধ করিয়াছিল, শশীর উঠিয়া আসার ইঙ্গিতে ঘরে তাহাদের সমবেত কান্না একেবারে ভাঙিয়া পড়িল।

বিধবা বোটি পাগলের মতো ছুটিয়া আসিয়া শশীর পথ রোধ করিয়া বলিল, না, তুমি যেতে পাবে না শশী, আমার ভূতাকে বাঁচিয়ে যাও। যাও আমার ভূতাকে বাঁচিয়ে? ও যে আমার জন্তে জাম আনতে গাছে উঠেছিল শশী!

শশী কি বলিবে? সে গম্ভীর হইয়া থাকে। তারপর পথ পাইলে বাহির হইয়া যায়। জুতা হাতে করিয়া সে নামিয়া যায় পথে। পায়ে-চলা পথটির শেষেও সে কান্নার শব্দ শুনিতে পায়।


শ্রীনাথ দাসের মুদী দোকানের সামনে বাঁশের বাতার তৈরী বেঞ্চিতে বসিয়া কয়েকজন জটলা করিতেছিল। বোধ হয় গল্পে মশগুল থাকায় বাসুদেবের সঙ্গে যাওয়ার সময় শশীকে তাহারা দেখিতে পায় নাই। এবার শ্রীনাথ দেখিতে পাইয়া ডাকিয়া বলিল, একটু বসে যান ছোটবাবু,—টুলটা ছাড় দেখি নিয়োগীমশায়, ছোটবাবুকে বসতে দাও।

পঞ্চানন চক্রবর্তী জিজ্ঞাসা করিল, কোথায় গিয়েছিলে শশী?

শশী বলিল, বাসুদেব বাঁড়ুজ্যের বাড়ি, ভূতো এইমাত্র মারা গেল।

ঝুঁটে ? ঝাঁটল না বৃষ্টি ছেলেটা ? তবে ভোঁমাকে বলি শোন শশী, কুঁতো বেদিন  
 পড়ল আছাড় খেয়ে, দিনটা ছিল বিষুদবার । খবর পেয়ে মনে কেমন খটকা বাধল ।  
 বাড়ি গিয়ে দেখলাম পাঁজি,—খা ভেবেছিলাম । ছেলেটাও পড়েছে, বারবেলাও হয়েছে  
 খতম ! লোকে বলে বারবেলা, বারবেলা কি সবটাই সর্বনেশে বাপু ? বিপদ যত ওই  
 খতম হবার-বেলা । বারবেলা যখন ছাড়ছে, পায়ে কাঁটাটি ফুটলে ছুনিয়ে উঠে অঁকা  
 পাইয়ে দেবে—নবীন জেলের বড় ছেলেটাকে সেবার কুমিরে নিলে, সেদিনও বিষুদবার,  
 সেবারও ছেলেটা খালে নামল, বারবেলাও অমনি ছেড়ে গেল—গাওদিয়ার খালে নইলে  
 কুমির আসে ?

খালের কুমির শুধু নয়, ভূতোর কথায় ভূতের কথাও আসিয়া পড়িল । তার পর  
 বাজারের সন্ন্যাসী, বাজার দর, একাল-সেকালের পার্থক্য, নারী হরণ, পূর্ণ তালুকদারের  
 মেয়ের কলক, বিদেশবাদী গাঁয়ের বড় চাকুরে স্বেচ্ছা দাস, এই সব আলোচনা । শশী কি  
 এত উচুতে উঠিয়া গিয়াছে যে এই সব গ্রাম্য প্রসঙ্গে তাহার মন বসিল না, শাস্ত  
 অবহেলার সঙ্গে নীরবে শুনিয়া গেল ? তা তো নয় । শুধু আধখানা মন দিয়া সে  
 ভাবিতেছিল, এতগুলি মানুষের মনে মনে কি আশ্চর্য মিল । কারো স্বাতন্ত্র্য নাই,  
 মৌলিকতা নাই, মনের তারগুলি এক সুরে বাঁধা । স্বধ্বংস এক, রসালুভূতি এক, ভয়  
 ও কুসংস্কার এক, হীনতা ও উদারতার হিসাবে কেউ কারো চেয়ে এতটুকু ছোট বা বড়  
 নয় । পঞ্চানন জমিদার সরকারের মুহুরি, কীর্তি নিয়োগী পেন্সনপ্রাপ্ত হেড পিয়ন,  
 শিবনারায়ণ গাঁয়ের বাঙলা স্কুলের মাস্টার, গুরুগতির চাষ-আবাদ—ব্যবসা ইহাদের পৃথক,  
 —মনগুলি এক ধাঁচে গড়িয়া উঠিল কি করিয়া ? স্বতন্ত্র মনে হয় শুধু ভূজঙ্গধরকে,  
 বাজিপুরে সে ছিল এক উকিলের মুহুরি, টাকার গোলমালে দু বছর জেল খাটিয়া  
 আসিয়াছে । বেশী কথা ভূজঙ্গধর বলে না, ছোট ছোট কুটিল চোখের চাহনি চঞ্চল  
 ভাবে এদিক ওদিক ঘুরিয়া বেড়ায় মনে হয় কি যেন সে মতলব আঁটিতেছে, গোপন ও  
 গভীর । কীর্তি নিয়োগীর মাথা জুড়িয়া চকচকে টাক, এতদিন পিয়নের হলে প্যাগড়িতে  
 ঢাকা থাকিত, এখন টাকের উপর আঁটির মতো বড় আবাটি দেখিয়া হাসি পায় । ইহার  
 প্রতি শ্রীনাথের শ্রদ্ধা গভীর, কেন সে কথা কেহ জানে না । কীর্তির কথাগুলি শ্রীনাথ  
 যেন গিলিতে থাকে । কীর্তি একটি পয়সা বাহির করিয়া বলে ; ও ছিদাম, সাবু দিও  
 দিকি এক পয়সার । শ্রীনাথ এক পয়সার যতটা সাণ্ড কাগজে মুড়িয়া তাহাকে দেয়  
 তাহা দেখিয়া সকলে যেন ঈর্ষা বোধ করে, আঁটির মতো চোখ ছুটিতে  
 কয়েকবার পলক পড়ে না । উপরে ঝোলানো কেরোসিনের আলোটাতে শ্রীনাথের  
 দোকানে আলো মন্দ হয় না, দোকানের সাজানো ভিনিসগুলিতে যেন একটি লক্ষ্মী  
 ছড়ানো থাকে । ছোট ছোট দোকা কাঠের খোঁদে টাল ডাল একটা ময়দার বস্তা,



বারকোস বসানো তেলের গাদমাথা পাত্র, মুড়িমুড়কির ছুটি জ্বালা, হরিণের ছবি খুঁটি দেশলাই-এর প্যাক, একদিকে কাঁচবসানো হলদে টিনে সাগু-বার্গি, গোল গোল লঙ্কন, —ভুজঙ্গধর চারিদিকে চোখ বুলায়, শ্রীনাথের বসিবার ও পয়সা রাখিবার চৌকো ছোট চৌকিটি ভাল করিয়া দেখিবার ভূমিকার মতো। সামনে পথ দিয়া আলো হাতে কেহ হাঁটিয়া যায়, কেহ যায় বিনা আলোতে, শ্রীনাথের একটি ছুটি খন্দের আসে। উপস্থিত একজন খন্দেরকে সে ভূতোর মৃত্যু সংবাদ শোনায়।—না, যে বিষয়েই আলোচনা চলুক ভূতোর কথাটা তাহারা ভোলে নাই।

শশী উঠি-উঠি করিতেছিল, এমন সময় সকলকে অল্পবিস্তর অবাক করিয়া এক হাতে ক্যাশিশের ব্যাগ, এক হাতে লাঠি, বগলে ছাতি, পায়ে চটি, গায়ে উড়ানি যাদব পত্রিত পথ হইতে শ্রীনাথের দোকানের সামনে উঠিয়া আসিলেন। মাহুয় বুড়া, শরীয়টা শীর্ণ, কিন্তু হাড়কথানা মজবুত।

বিভা যাদবের বেশী নয়, পণ্ডিত বলিয়া খ্যাতিও তাহার নাই, ধার্মিক ও অলৌকিক শক্তিসম্পন্ন বলিয়াই তিনি প্রসিদ্ধি লাভ করিয়াছেন। গৃহস্থ যোগী তিনি, সংসারী সাধক। স্পর্শ করিবার অধিকার যাহাদের আছে, দেখা হইলে পায়ের ধূলা নেয়, অপরে সাষ্টাঙ্গ প্রণিপাত করে। সাধন পথের কতকগুলি স্তর যাদব অতিক্রম করিয়াছেন কেহ জানে না, ভক্তি যাদের উচ্ছ্বসিত, তারা সোজাহুজি সিদ্ধি লাভের কথাটাই বলে। যাদব নিজে কিছু স্বীকার করেন না, প্রতিবাদও করেন না। কায়েত-পাড়ার পথের ধারে, যামিনী কবিরাজের বাড়ি ও শশীদের বাড়ির মাঝামাঝি একটি ছোট একতলা বাড়িতে যাদব বাস করেন। এত পুরাতন, এমন জীর্ণ বাড়ি এ অঞ্চলে আর নাই। বাড়ির খানিকটা অংশ ভাঙিয়া পড়িয়াছে। এক কালে চারিদিকে বোধ হয় প্রাচীর ছিল। এখন ছড়ানো পড়িয়া আছে শাওলা-ধরা কালো ইট। যাদব বাস না করিলে বাড়িটা অনেক দিন আগেই ভূতের বাড়ি বলিয়া খ্যাতি লাভ করিত। স্ত্রী ছাড়া সংসারে যাদবের কেহ নাই। পাগলাটে স্বভাবের জ্ঞান গ্রামের ছেলে-বুড়ো যাদবের স্ত্রীকে পাগলদিদি বলিয়া ডাকে।

কয়েক দিন আগে যাদব কলিকাতায় গিয়াছিলেন। আজ তাঁহার ফিরিবার কথা নয়। সকলে শশব্যস্তে প্রণাম করিয়া বসিতে দিল। পঞ্চানন জিজ্ঞাসা করিল, হঠাৎ কিরে এলেন পণ্ডিত মহাশয় ?

যাদব বলিলেন, গৈয়ো মাহুয়, শহরে মন টিকল না বাবা।

শ্রীনাথ উচ্ছ্বসিত ভাবে বলিল, আপনারও মন টেকেটেকি দেবতা !

এ কথায় যাদব হাসিলেন। উচ্ছ্বসিত ভক্তিকে গ্রহণ করিবার পদ্ধতি তাঁহার এই। একে একে সকলেরই মন বশ করিলেন। ভূতোর মৃত্যু সংবাদে দুঃখিত

হইয়া বলিলেন, আহা! কিন্তু বিশেষ বিচলিত হইলেন না। জীবন-মরণ ধাঁহার নিকট সমান, দুয়স্ত একটা বালকের মৃত্যুতে বিচলিত হওয়ার কথাও তাঁর নয়। তবু শশীর মনে হইল সাধারণ ভাবে আরও একটু ব্যথিত হওয়া যাদবের যেন উচিত ছিল। কানে না শুনিতে পান, একটা পরিবারে এখন যে বুক ভাঙা হাহাকার উঠিয়াছে, যাদবের কি সে কল্পনা নাই! মিনিট দশেক বসিয়া যাদব উঠিলেন। বলিলেন, যাবে না কি শশী বাড়ির দিকে ?

শশী বলিল, চলুন।

লাঠি ঠুকিয়া যাদব পথ চলেন। শশী জানে এত জোরে লাঠির শব্দ করা সাপের লজ্জা! মরিতে যাদব কি ভয় পান,—জীবন-মৃত্যু ধাঁহ কাছের সমান হইয়া গিয়াছে? অথবা শুধু সাপের কামড়ে মরিতে তাঁর ভয়!

চলিতে চলিতে যাদব বলিলেন, তুমি তো ডাক্তার মায়ায় শশী, চরক সূত্রত ছেড়ে বিলাতী বিজ্ঞে ধরেছো, কেটে ছিঁড়ে গা ফুঁড়ে মরা মায়ায় বাঁচাও—ব্যাপারটা কি বল দেখি তোমাদের? সত্যি সত্যি কিছু আছে না কি তোমাদের চিকিৎসাশাস্ত্রে?

শশী বলিল, আজ্ঞে আছে বৈকি পণ্ডিত মশায়,—কারো একার খেয়ালে তো ডাক্তারিশাস্ত্র হয়নি। হাজার হাজার বৈজ্ঞানিক সারা জীবন পরীক্ষা করে করে সব আবিষ্কার করেছেন; নইলে জগৎস্বদ্ধ লোক—

যাদব বলিলেন, সূর্যবিজ্ঞান না-জানা সব বৈজ্ঞানিক তো? আদি জ্ঞান যার নেই পরবর্তী জ্ঞান সে পাবে কোথায় শশী? যেমন তোমরা সব একালের ডাক্তার, তেমনি সব কবিরাঙ্গ—দৃষ্টিহীন অন্ধ সব। গাছের পাতার রস নিংড়ে ওষুধ করলে, গাছের পাতায় ওষুধের গুণ এল কোথা থেকে? সূর্যবিজ্ঞান যে জানে সে শেকড়-পাতা খোঁজে না শশী, একখানা অতশী কাঁচের জোরে সূর্যরশ্মিকে তেজস্কর ওষুধে পরিণত করে রোগীর দেহে নিক্ষেপ করে,—মুহূর্তে নিরাময়। মোটা মোটা বই পড়ে ছুরি-কাঁটা চালাতে শিখে কি হয়?

মনে মনে শশী রাগে। গ্রাম্য মনের অপরিত্যক্ত সংস্কারে সেও যাদবকে ভক্তি কম করে না, তাই সায় না দিলেও তর্ক সে করিতে পারে না। বাড়ির সামনে আদিয়া যাদব বলেন, কলিকাতা থেকে আঙুর এনেছি, ছুটি খেয়ে যাও শশী—মুখে বিরুদ্ধ সমালোচনা করিলেও শশীকে যাদব কি স্নেহ করেন, স্নেহ ও বিদ্বেষ যাঁর কাছে সমান? শশী বলিতে পারে না আঙুর খাওয়ার শখ তাহার নাই। যাদবের সঙ্গে ভিতরে যায়।

ডাইনে বাড়ির ভাঙা অংশের কুপ, তার পিছনে সাহাদের দশ বছরের পরিত্যক্ত ভিটা। ভারী কাঠের জীর্ণ কপাটে যাদব লাঠি ঠোঁকেন। ভিতর হইতে সাড়া

লইয়া পাগলদিদি দরজা খুলিয়া বলেন, আজ ফিরলে কেন গো? শশী এয়েছো না কি সাথে? এসো, ভেতরে এসো।

মুখে একটাও দাঁত নাই, তোবড়ানো গাল, পাকা চুল,—পাগল দিদিকে যাদবের চেয়েও বুড়ো দেখায়। পিঠটাও পাগল দিদির একটু ঝিকিয়া গিয়াছে। তবু, শীর্ণ জয়াগ্রস্ত দেহে ক্ষীণ প্রাণটুকু লইয়া পাগলদিদি ফোকলা মুখে অনবরত হাসেন,—এই ভাড়া বাড়ি, ডোরাজঙ্ঘল ভরা এই গাওদিয়া গ্রাম, এখানে, তাঁহার বার্ষিক্যপীড়িত জীবন, সব যেন কৌতুকময়—ঘনানো মৃত্যুর স্বাদে পাগলদিদি কৌতুকময়।

শশী বসিলে চিবুক ধরিয়া বলেন, বড়কর্তা বাড়ি ছিল না জানতে না বৃষ্টি ছোট কর্তা? এলে না কেন গো? ডুরে শাড়িটি পরে, চুলটি বেঁধে কনে বৌটি সেজে যে বসেছিলাম তোমার জন্তে?

আঙুরগুলি যাদব ব্যাগে ভরিয়া আনিয়াছেন। বাহির করিয়া দেখা গেল চাপ লাগিয়া অর্ধেক ফল গলিয়া গিয়াছে। ব্যাগে একটি জামা, দুখানা কাপড়, গামছা এইসব ছিল, আঙুরের রসে সব ভিজিয়া গিয়াছে। যাদব অপ্রতিভ হইয়া হাসেন। পাগলদিদি বলেন, ত্যাখো দাদা বুড়োর বুদ্ধি, ব্যাগে ভরে ফল এনেছেন! কেন, গামছাখানা খুলে বেঁধে আনতে পারলে না?—পাগলদিদিও হাসেন, মুখের চামড়া কুঞ্চিত হইয়া হাজার রেখার সৃষ্টি হইয়া যায়! আঙুর খাইতে খাইতে শশী পাগলদিদির মুখখানা নীরবে দেখিতে থাকে। রেখাগুলিকে তাহার মনে হয় কালের অঙ্কিত চিহ্ন—সাংকেতিক ইতিহাস। কি জীবন ছিল পাগলদিদির যৌবনে? শশী তখন জন্মে নাই। হৃদয় বিশীর্ণ দেহটি তখন সৃষ্টাম ছিল, মুখের টান-করা ত্বকে যখন লাভণ্য ছিল কেমন ছিল তখন পাগলদিদি—মুখের রেখায় আজ কি তাহা সে পড়িতে পারিবে?

গুছানো সংসার পাগলদিদির। উপুড়-করা বামনগুলি সাজানো, হাড়ি-কলসীর মুখগুলি ঢাকা, আমকাঠের সিন্দুকটার গায়ে ধৌত পরিচ্ছন্নতা, পিলস্কে দীপটির শিখা উজ্জ্বল। এখনো ধূপের মৃদু গন্ধ আছে! আর শাস্ত—সব এখানে শাস্ত। মৃদু মোলায়েম প্রশান্তি ঘরে ব্যাপ্ত হইয়া আছে। এ ঘরের আবহাওয়ার অমায়িকতা যেন নিশাসে গ্রহণ করা যায়। ভাড়া হাতে যে বিষন্ন স্তব্ধতা ঘনাইয়া থাকে এ তা নয়। এ ঘরে বহু যুগ ধরিয়া যেন মামুঘের জ্বালা-করা বেদনার হল্লা প্রবেশ করে নাই। এ ঘরে জীবন লইয়া কেহ যেন কোন দিন হৈ-টৈ করিয়া বাঁচে নাই,—আজীবন শুধু ঘুমাইয়া এ ঘরকে কে যেন ঘুম পাড়াইয়া রাখিয়াছে। বড় ভাল লাগে শশীর। সে তো ডাক্তার, আহত ও রুগ্নের সঙ্গে তার সারাদিনের কারবার—দিন ভরিয়া তাহার শুধু মাটি-ছোয়া বাস্তবতা, শ্রান্ত মনে-সঙ্ক্যার জনহীন মন্দিরে বসার মতো বুড়োবুড়ীর এই নীড়ে সে শাস্তি বোধ করে। শুধু আজ নয়, এখানে আসিলেই তাহার মনে যেন

জুড়াইয়া যায়। অথচ আশ্চর্য এই, এই ঘরখানার এতটুকু আকর্ষণ বাহিরে সে বোধ করে না। এখানে না আসিলে সে তো বুঝিতে পারে না মনে তাহার জালা বা অসন্তোষ আছে! এখানে আসিয়া সে সস্তাপ তাহার ধীরে ধীরে জুড়াইয়া আসে, এই ঘরের বাহিরে তাহার দিন সপ্তাহ-মাসব্যাপী জীবনে তাহা এমনভাবে খাপ খাইয়া মিশিয়া থাকে যে, সস্তাপ সে টেরও পায় না।

৩

মতির জন্ম পাত্র দেখিতে গিয়া খালের ধারে বটগাছের তলে হারু ঘোষ অপঘাতে প্রাণ দিয়াছিল। গ্রামে কি মতির পাত্র মিলিত না? হারুর ছিল উচ্চ আশা। ছেলেবেলা হারু স্থলে পড়িয়াছিল, বড় হইয়া হারু বড়লাক হইয়াছিল। তারপর গরীব হইয়া পড়িলেও মনটা হারুর বিশেষ বদলায় নাই। গাওদিয়ার গোপ-সমাজ পরিহাস করিয়া তাহাকে বলিত ভদ্রলোক। বিশেষ করিয়া বলিত নিতাই। নিতাইয়ের অবস্থা ভাল, চালচলনও তাহার অনেকটা ভদ্রলোকের মতো। তবু হারু তো তাহাকে ধাতির করিত না। নিতাইয়ের এক ভাঞ্জে আছে, তার নাম সুদেব। সুদেবের ঘরবাড়ি অমিষ্ণমা আছে, পেটে ইংরাজী বাংলা বিছাও কিছু আছে, বয়সটা কেবল একটু বেশী, প্রায় ছত্রিশ। সুদেবের সঙ্গে মতির বিবাহ দিবার কত চেষ্টাই যে নিতাই করিয়াছিল বলিবার নয়। হারু রাজী হয় নাই। বাজিতপুরে ম্যাট্রিকুলেশন-পাশ পাত্রটি দেখিতে গিয়া তাই না অকালে হারু স্বর্গে গেল।

হারু নাই, হারুর ছেলে পরান বাপের মতো চালাকও নয়, গৌয়ারও নয়। গাওদিয়ার গোপ-সমাজ মতির বিবাহের জন্ম আবার একটু ব্যস্ত হইয়া পড়িয়াছে। পরানকে তাহার অনেক কথা বুঝায়। বলে গাঁয়ের মেয়ে গাঁয়ে থাকাই তো ঠিক। জানা-শানা ঘরে দিলে মেয়ে স্থখে থাকিবে। দুধ-বেচা গোপের ঘরেও তো বোনকে দিবার কথা তাহার বলিতেছে না, সুদেবের ঘর তো বনেদী ঘরের মতো। কেন দোয়না হচ্ছিল বল তো পরান? বাজিতপুরের ছেলেটা তো ফসকে গেছে।

সুদেবের সঙ্গে মতির বিবাহ? রসালো ফলের মতো অমন কোমল রঙ যে মতির, প্রতিমার মতো অমন নিখুঁত মুখ? প্রস্তাবটা পরানের পছন্দ হয় না। কিন্তু অত লোকের কাছে স্পষ্ট না বলিবার মতো মনের জোরও তাহার নাই। নিমরাজী হইয়া সে বলিয়াছে, বাড়িতে আর শশীর মত থাকিলে সে আপত্তি করিবে না।

শশীর মতামতের প্রস্তাবটা তাহার পছন্দ করে নাই। নিতাই হাসিয়া বলিয়াছে, ছোটবাবু লোক ভাল। কিন্তু নিজের সমাজে হিতৈষী গণ্যমান্ত লোক থাকতে ছোটবাবুকে মুকবি ঠাওরালে পরান? ঘরের কথায় পরকে ডাকলে?

আজ একজন বলিয়াছে ছোটবাবু হরদম আসেন যান, না বটে ?

একথাটা পছন্দ করে নাই পরান ! দু পক্ষের অপছন্দ শেষ পর্যন্ত কিসে গিয়া  
ঠেকিত বলা যায় না । . কিন্তু হারুর আকস্মিক মৃত্যুর পর পরান বড় দমিয়া গিয়াছিল ।  
কলহ না করিয়া বাড়িতে অস্থখের ছুতা দিয়া সে উঠিয়া আসিয়াছে ।

মতির জর কিন্তু কমিয়া গিয়াছে । বর্ষার গোড়ার দিকে তাহাকে ম্যালেরিয়ার  
ধরিয়াছিল, কয়েক দিন ভাল থাকিয়াছে, আবার কাঁপিতে কাঁপিতে পড়িয়াছে  
জরে । শশীর দামী কুইনাইন জরটা একেবারে ঠেকাইতে পারে নাই । এবার গা  
ফুঁড়িয়া কয়েকবার তাহাকে ওষুধ দিয়া শশী আশ্বাস দিয়াছে, আর জর হইবে না ।  
জরে ভুগিয়া মতির বিশেষ ক্ষতি হইয়াছে মনে হয় না । ম্যালেরিয়া ধরিবার আগে  
হঠাৎ সে মোটা হইতে আরম্ভ করিয়াছিল । মাঝে মাঝে জরে পড়িয়া এটা বন্ধ হইয়া  
গিয়াছে । মতির সুন্দর গড়নটি চর্বিতে ঢাকিয়া গেলে বড় আপসোসের কথা হইত ।

এখনো প্রতি সপ্তাহে মতিকে শশী একটা করিয়া ইনজেকশন দেয় । সকালে বাড়িতে  
যে কজন রোগী আসে তাদের ব্যবস্থা করিয়া, কালো ব্যাগটি হাতে করিয়া সে যখন  
হারু ঘোষের বাড়ি যায়, হয়তো তখন বেলা হইয়াছে, সমস্ত উঠান ভরিয়া গিয়াছে  
রোদে । মতির ভীত শুকনা মুখ দেখিয়া শশী হাসিয়া বলে, এত বার দিলাম এখনো  
তোরা ভয় গেল না মতি ? কোন্ হাতে নিবি আজ ? স্পিরিট দিয়া ঘসিলে মতির  
বাহুতে ময়লা ওঠে । শশী বলে, বড় নোংরা তুই মতি,—গায়ে সাবান দিতে পারিস না ?

ইনজেকশন দিয়া শশী দাওয়ায় বসে । পরান বলে, একটা পরামর্শ আছে ছোটবাবু ।  
বিষয়টা মতির বিবাহ-সংক্রান্ত শুনিয়া শশী জাঁকিয়া বসিয়া একটা বিড়ি ধরায় । ছেলের  
ইশারায় মোক্ষদা সরিয়া আসে কাছে । বুঁচিও আসিয়া ছেলে কোলে কাছে দাঁড়ায় ।

কুসুমকে দেখিতে না পাইয়া শশী মনে মনে আশ্চর্য হয় । পূবের ভিটার ঘরখানার  
ছায়া ঘরের মধ্যেই সঙ্কুচিত হইয়া গিয়াছে । পরানের কথা শুনিতে শুনিতে প্রতি মুহূর্তে  
শশী আশা করে—পূবের ওই ঘরের ভিতর হইতে হয়তো দুচোখে গাঢ় স্তিমিত ছায়া  
সঞ্চয় করিয়া কুসুম হঠাৎ বাহির হইয়া আসিবে,—পরমাত্মীয়দের এই সভার এক প্রান্তে  
দাঁড়াইয়া থাকিবে পরের মতো ।

তার সাড়া পাইয়া কুসুম যে কলসীটা তুলিয়া ঘাটে চলিয়া গিয়াছিল, শশী তাহা  
কেমন করিয়া জানিবে ? পরানের বক্তব্য শেষ হইয়া আসিলে কুসুম ভিজা কাপড়ে  
উঠানের রোদে পায়ে দাগ আঁকিয়া পূবের ঘরের ছায়ায় মধ্যে ডুবিয়া যায় । রান্নাঘরের  
পোড়া ডালের গন্ধে চারিদিক ভরিয়া যাওয়ার পর ঘর হইতে সে আর বাহির হয় না ।

মোক্ষদার রুঢ় বাক্যশ্রোতে তারপর কিছুক্ষণের অন্ত মতির বিবাহের সমস্ত আশিরা  
যায় । রান্নাঘরের খোলা দরজা দিয়া অপরাধী ডালের হাঁড়িটা উঠানে আসিয়া

আছড়াহুয়া পাড়তে আজ যে আবার ও প্রসঙ্গ উঠবে সে সম্ভাবনা থাকে না। শশী ভাবে, সকলের কাছে কত বকাবকিই বোটা না জানি শুনিবে !

মোকদ্দার, বুঁচি, মতি সকলেই হৈ হৈ করে, ও-ঘর হইতে মুম্বু পিসী চোঁচায়, কি হল রে বুঁচি ? কি হল রে মতি ? চূপ করিয়া থাকে শশী। সকলকে চূপ করাইতে গিয়া পরান হল্লা আরও বাড়ায়।

কিন্তু কি নির্বিকার কুহুম ! রাগের মাথায় ডালের হাঁড়িটা যে উঠানে ছুঁড়িয়া দিয়াছে, সে হাসিমুখে বাহিরে আসে। দাঁড়ায় শশীর সামনে। বলে, জ্বর এল নাকি, দেখুন দিকি ছোটবাবু।

শশী নাড়ি ধরিয়া বলে, জ্বর আসেনি বৌ।

মাথা ধরেছে যে ?

কতক্ষণ ধরে জলে ডুবিয়েছ তুমিই জানো, মাথায় দোষ কি ?

কুহুম মাথা নাড়িয়া বলে, উছ, আমার ঠিক জ্বর আসছে, আমি গিয়ে শুলাম। যা লো মতি, আজ তুই রাঁধবি যা।

কুহুম ঘরে গিয়া শুইয়া পড়ে।

কিন্তু শুইয়া কেন থাকিতে পারিবে এই চঞ্চলা নারী ? খানিক পরে উঠিয়া আসিয়া না বলিতেই পরানকে এক ছিলিম তামাক দিয়া সে অদূরে বসিয়া পড়ে। স্বদেবের সঙ্গে মতির বিবাহে শশীর মত নাই শুনিয়া বলে, কেন গো ছোটবাবু, স্বদেব পাত্তর কি এমন মন্দ ? পুরুষমানুষের আবার বয়েস—সতীন কাঁটা তো নেই ? ঘরে পয়সা আছে লোকটার,—মেয়ে স্বখে থাকবে।

শশী বলে, হারুকাকার অমত ছিল সেটা তো ভাবতে হবে বৌ ?

কুহুম বলে, তিনি সগো গেছেন।

আর কিছু কুহুম বলে না। শশী তাহাকে বুঝাইবার চেষ্টা করে, স্বদেব লোক ভাল নয়, মতির সঙ্গে স্বদেবকে মানায় না। কুহুম বোঝে কি না কে জানে,—মোকদ্দার খর দৃষ্টপাতে মাথায় ঘোমটা আর একটু টানিয়া দিয়া নিশ্চল প্রতিমার মতো বসিয়া থাকে। শশী বাড়ি যাওয়ার অন্ত উঠিলে সে আবার মুগ খোলে। বলে, পিসীকে একবার দেখে যান ছোটবাবু, বুড়ী কাঁদতে নেগেছে।

শশী একটু লজ্জা পায়। মরণাপন্ন পিসীকে দেখিয়া যাওয়ার কথা প্রায়ই তাহার মনে থাকে না। পিসীর মরণ এতদূর স্থনিশ্চিত যে তার সম্বন্ধে করিবার এখন আর কিছুই নাই। তাই কি শশী ভুলিয়া যায় আজো পিসী বাঁচিয়া আছে ?

বড় বাঁচিবার সাধ পিসীর।

পিসী মরিলে যে কাঠ দিয়া তাহাকে পোড়ানো হইবে, তাহার ঘরেরই অর্ধেকটা



ছুড়িয়া সেগুলি সাজাইয়া রাখা হইয়াছে। মাথার দিকে ঘরের কোণে দাঁড়করানো পাটকাঠির বোঝা হইতে পিনী এখনো পাটের গন্ধ পায়; এক আঁটি পাট ধরাইয়া পিনীর মুখাঘি করিবে পরান। মাথার চুল পিনীর অর্ধেক বরিয়া গিয়াছে, দেহের লাল চামড়ার তলে মাংস আছে কিনা বোঝা যায় না। পিনী তবু বাঁচিবেই।

চুপিচুপি সে শশীকে বলে, ও বাবা শশী, বই দেখে ওষুধ দিও বাবা, দায়ী ওষুধ দিও। দায়ের জ্ঞান ভেব না, বাবা, সেরে উঠি, ওষুধের দায় তোমার আমি মিটিয়ে দেব।

বলে, আমার যা কিছু আছে সব তোমাকে দিয়ে যাব, তুমি ভাল করে আমার চিকিৎসা কর।

তবু শশী প্রায়ই ভুলিয়া যায় পিনী বাঁচিয়া আছে।

ইনজেকশন দিবার সময় প্রত্যেকবার শশী মতিকে বলিয়াছে, আর তোর জ্বর হবে না মতি।

শশীর আশ্বাস সত্য হইলে এ বছরের মতো মতিকে ম্যালেরিয়া ছাড়িয়াছে। ওদিকে যামিনী কবিরাজের বোঁ, শশী যাহাকে সেনদিদি বলিয়া ডাকে, পড়িয়াছে জ্বরে।

যামিনী বিখ্যাত কবিরাজ। বহু দূরবর্তী গ্রামে তাহাকে চিকিৎসার জন্য ডাকা হয়। সিঙ্কির পাতা মিশাল দিয়া যামিনী যে চ্যাবনপ্রাশ প্রস্তুত করে তাহা নিয়মিত সেবন করিলে বৃদ্ধের দেহে যুবার ত্রায় শক্তির সঞ্চার হয়। মরিয়া গেলেও যামিনীর মকরধ্বজ রোগীর দেহে জীবন আনিয়া দিতে পারে। তারপর এই জীবনকে ধরিয়া রাখিবার জন্য যামিনীরই আদি ও অকৃত্রিম আবিষ্কার মহাকপিলাদি বটিকা সেবন করা বিধেয়। এই বটিকা প্রস্তুত করিতে তিন রাত্রি সময় লাগে। ইহা কখনো প্রস্তুত হইয়া থাকে না। কারণ, তৈরি করিয়া রাখিলে এই মহা তেজস্কর ওষুধের গুণ সূর্যরশ্মি আকর্ষণ করিয়া লয়! সুতরাং যামিনীর মকরধ্বজের তেজে মৃতদেহে জীবন সঞ্চার হইলেও মহাকপিলাদি বটিকার অভাবে প্রাণটুকু যে সব সময় টিকিয়া থাকে, এমন নয়। কিন্তু সে অপরাধ কি যামিনীর? রোগীর কপাল! মহাকপিলাদি বটিকা তৈরি করিতে করিতে মৃত রোগী পুনরায় মরিয়া যাইবে বলিয়া যামিনী তাহার বিখ্যাত ও বিশিষ্ট মকরধ্বজও ব্যবহার করে না। বলে, লাভ কি হবে বাপু? মহাকপিলাদি বটিকা তো প্রস্তুত নেই। রোগীকে না হয় বাঁচালাম, তারপর তিন দিন টেকাব কি দিয়ে?

মৃতকে যামিনীর এক লহমার জীবন দান কেহ কখনও চাখে নাই। তবু লোকে বিশ্বাস করে। একজন দুজন নয়, অনেকে!

যামিনী কবিরাজের বোঁ কিন্তু কখনো স্বামীর ওষুধ খায় না। অসুখ হইলে এতকাল সে বিনা চিকিৎসাভেই ভাল হইয়াছে, এবার জ্বরে পড়িয়া শশীকে ডাকিয়া পাঠাইল।

গোপাল তখন বাড়িতে ছিল। শশীর হইয়া সে বলিয়া দিল, বলগে, যাচ্ছে—তারপর শশীকে বাইতে নিবেদন করিয়া দিল।

শশী বলিল, কেন, যাব না কেন ?

গোপাল বলিল, কবে তোমার বুদ্ধি পাকবে, ভেবে পাই না শশী।

শশীও তাহা ভাবিয়া পায় না। সে চুপ করিয়া রহিল।

তখন গোপাল বলিল, যামিনী খুড়ো অত বড় কবরেজ, সে থাকতে ডেকে পাঠানোর মানেটা বোঝ ?

শশী বলিল, আজ্ঞে না।

মুভতী জীলোক, নানা রকম কুংসাও শুনতে পাই—

গোপালের মুখে এই কথা ? লজ্জায় শশী সচকিত হইয়া গেল। মুহূর্ত্তেরে সে বলিল, এসব আপনায় বানানো কথা বাবা।

গোপাল রাগ করিল না, বলিল, তোমার যে কি হয়েছে আজকাল বুঝতে পারি না শশী, তোমার ভালোর জন্তে একটা কথা কইলে তুমি আজকাল তর্ক জুড়ে দাও। সংসারে মানুষকে ভেবে-চিন্তে কত সাবধানে চলতে হয় সে জ্ঞান তোমার এখনো জন্মেনি। এই তোমার উঠতি পসারের সময়, এখনই একটা বদনাম রটে গেলে—এও কি তোমার বলে দিতে হবে ? তুমি চিকিৎসার ভার নিলে বলাবলি করবে না লোকে যামিনী কবরেজ থাকতে তুমি ছেলে মানুষ তোমার অত মাথাব্যথা ? সবার বাড়িতে মেয়েছেলে থাকে, এর পর কে আর ডাকবে তোমায় ?

শশীর রাগ হইতেছিল। কিন্তু শৈশব ও কৈশোরের এই ষমটিকে ভয় করা তাহার সংসারে দাঁড়াইয়া গিয়াছে, গোপালের তীক্ষ্ণ ও অপলক দৃষ্টিপাতে সে চোখ নামাইয়া লইল। গোপাল আবার বলিল, যামিনী খুড়োর ইচ্ছেও নয় তুমি ওদের বাড়ি যাও।

শশীর নীরবতায় গোপাল খুশী হইয়াছে। বয়স্ক উপযুক্ত সন্তানকে বশ করা, জগতে এতবড় জয় আর নাই। আজকাল নানা ছোট-বড় ব্যাপারে শশীর সঙ্গে গোপালের সংঘর্ষ বাড়িতেছিল, কলহ বিবাদ নয়,—তর্ক ও মতান্তর, আদেশ ও অব্যাহতার বিরোধ। আজ তবে শশী বুদ্ধিতে পারিয়াছে সাংসারিক বুদ্ধিতে বাপের চেয়ে সে ঢের বেশী কাঁচা, গোপাল এখনো তাহাকে পরিচালনা করিতে পারে।

গোপাল আরও অনেক কথা বলিল, শশী নীরবে শুনিয়া গেল। শেষে তাহার কঠিন মুখের ভাব দেখিয়া আর কিছু বলা ভাল না মনে করিয়া গোপাল থাকিল।

খাওয়াদাওয়ার পর শশী গেল যামিনী কবিরাজের বাড়ি।

শশীকে দেখিয়া যামিনী কবিরাজ খুশী হইল না। সময় বাড়িতে সে তখন মুখে

মুখে ছুটি ছাঅকে ওসুখের প্রস্তুত-প্রণালী শিখাইতেছিল, পাশের চালাটার বুকি সিঁক হইতেছিল পাচন, গন্ধে চারিদিক ভরিয়া গিয়াছে। শশীকে দেখিয়া যামিনী চশমা খুলিয়া বলিল, কি মনে করে শশী ? বোসো।

শশী বলিল, সেনদিদির অসুখ শুনলাম ঠাকুরদা, একবার দেখা করে যাই।

অসুখ ?—যামিনী হাসে, কার কাছে শুনলে ? জর বুঝি হয়েছিল একটু কাল, না রে কুঞ্জ ? আজ অসুখ কোথা !

তবে বুঝি কোন কাজে ডেকেছেন, বলিয়া শশী ভিতরে গেল।

সেনদিদি শুইয়া ছিল, আচ্ছন্ন অসুস্থ মৃতকল্প সেনদিদি।

গায়ের উজ্জ্বল রঙ লাল হইয়া অনন্তের রঙের সঙ্গে মিশিয়া গিয়াছে, সারা গায়ে আরও সব অস্পষ্ট চিহ্ন, শশী যা চেনে। শশীর মুখ শুকাইয়া গেল। শরতের গোড়ায় এ রোগ সেনদিদি পাইল কোথায়। গাউদিয়া গ্রামে, কলিকাতা শহরে, দেশে বিদেশে কোথাও শশী যার মতো রূপসী দেখে নাই, শুধু রূপের জন্তই হয়তো যে মিথ্যা কলঙ্ক কিনিয়াছে, এ কি রোগ ধরিয়াছে তাহাকে ?

শশীর ডাক শুনিয়া যামিনী কবিরাজের বো চোখ মেলিয়া তাকাইয়া কাঁদিতে কাঁদিতে বলিল, তুমি এত দিনে এসেছ শশী ?—আমি যে মরতে বসেছি শশী, কি অসুখ করেছে কিছু জানি না, জরে অটৈতত্ত্ব হয়ে থাকি, গায়ের ব্যথা সহিতে পারি না—

আমি খবর পাইনি সেনদিদি।

কাকে দিয়ে খবর পাঠাব, কেউ কি আসে আমার কাছে।

সেনদিদি চোখ মেলিতে পারে না, চোখের কোণ দিয়া জল গড়াইয়া পড়ে। শশী বিছানায় বসে, সেনদিদির গায়ের তাপ পরীক্ষা করে, কি করিবে ভাবিয়া পায় না। যামিনী অসুখের কথা গোপন করিবার চেষ্টা করিয়াছিল, এ পর্যন্ত চিকিৎসারও হয়তো কোন ব্যবস্থা হয় নাই। আজকাল তাহার কি হইয়াছিল, সেনদিদির খবর লইত না কেন ? এই মলিন দুর্গন্ধ চাদরে আজ কত দিন না জানি তাহার সেনদিদি বিনা চিকিৎসায় পড়িয়া আছে, এতটুকু সেবা করিবারও কেহ থাকে নাই। শশী কিছু বুঝিতে পারে না। যে রূপের জন্ত পৃথিবীর লোক উন্মাদ, জ্বর যে সৌন্দর্য মাহুষ তপস্তা করিয়া পায় না, যামিনী তাই পাইয়াছে। বুড়া বয়সে সে তো স্ত্রীর দাস হইয়া থাকিবে। কি জন্ত তাহার এই বিকৃত নিষ্ঠুর অবহেলা ? কে জানে, হয়তো সীতা আর হেলেন আর ক্লিওপেট্রার মতো যার অসাধারণ রূপ থাকে তাহাকে ঘিরিয়া অনেক খাপছাড়া কাণ্ডই ঘটিতে থাকে জগতে !

খানিক পরে যামিনী ঘরে আসিল, মুখ ভার করিয়া বলিল, এখনও তুমি বসে আছে শশী ? আমি ভাবলাম তুমি বুঝি চলে গেছ।

শশী বলিল, ঠাকুরদা, বাইরে আস্থান দিকি একবার ! বাহিরে গিয়া বলল, সেনদিদির  
অস্থি কি আপনি ধরতে পারেন নি ঠাকুরদা ?

যামিনী কবিরাজ বলিল, হাসির কথা বললে বটে শশী, চল্লিশ বছর কবরেজি করছি,  
তিনটে জেলায় যামিনী কবরেজের নাম জানে না এমন লোক নেই, আমার তুমি শুধোচ্ছ  
রোগ ধরতে পারিনি ? এক-নজর তাকালে রোগ নির্ণয় হয় । গুঁয়ার হয়েছে ম্যালেরিয়া ।

ম্যালেরিয়া নয়, ঠাকুরদা, বসন্ত । শশী বলিল ।

হাঁ, বসন্ত ! শরৎকালে বসন্ত !—বলিল যামিনী কবিরাজ ।

বলিল বটে, যামিনীর মুখে কালি পড়িয়াছে কিসের ? শশীর কাছে যামিনী যেন  
অভিমান করিতেছে, একটা পাণ্ডুর ভয় আর কালো চিন্তার রাশিকে গোপন করবার  
অভিনয় । শশী কড়াহুত্রে বলিল, আমি সেনদিদির চিকিৎসার ভার নিলাম ঠাকুরদা ।  
ছি, ছি, আজ পর্যন্ত কিছুই করেননি ?

খায় নাকি আমার ওষুধ ?

শশী ঘরে গিয়া বসিল । কি ভাবিয়া যামিনীও ঘরের মধ্যে গিয়া দাঁড়াইয়া রহিল ।  
শশী দারুণ বিপন্ন রোধ করিতেছিল । আর বিষণ্ণতা । কয়েক দিন আগে সাতগাঁয়ে  
সে একটু বসন্তের রোগী দেখিতে গিয়াছিল । তাহাকে শশী বাঁচাইতে পারে নাই ।  
বাঁচাইবার চেষ্টাও সে করিতে পারে নাই, তাকে ডাকা হইয়াছিল একেবারে শেষ মুহূর্তে ।  
শেষ পর্যন্ত রোগীর চিকিৎসা করিয়াছিল সাতগাঁর কবিরাজ যামিনীর পূর্বতন ছাত্র ভূপতি  
চরণ । শশীর হঠাৎ মনে পড়িয়াছে, সেই রোগীটি মারা যাইবার পর যামিনী হাসিয়া  
বলিয়াছিল, আমার ছাত্র যাকে ছাড়পত্র লিখে দিল তাকে বাঁচাবে শশী—আমাদের শশে ।

শশী প্রাণ দিয়া সেনদিদির চিকিৎসা ও সেবা আরম্ভ করিল । অল্প রোগীরা তাহাকে  
ডাকিয়া পায় না । বাড়িতে কারও জরজালা হইলে চোখের পলকে পরীক্ষা শেষ করিয়া  
ওষুধ দেয়,—না বলিলে আর খবর নেয় না । বন্ধুবান্ধব আত্মীয়স্বজন সকলকে সে অব-  
হেলা করে । যায় না হার ঘোষের বাড়ি, বিনা কাজে অথবা মতিকে ইনজেকসন  
দিতে । কুসুম ভাবিল, শশী বুঝি রাগ করিয়াছে । তালবনের তালপুকুরে পদ্ম তুলিতে  
গিয়া মতি আশা করিতে লাগিল, ছোটবাবু আজ নিশ্চয় আসবে, ছোটবাবুকে একডালা  
পদ্ম দেব । কিন্তু কুসুমের মনে শশী উপর রাগ কমিল না । মতির পদ্মফুলের বীচি  
দিয়া রাখা হইল তরকারী ।

শুধু সেনদিদির ব্যবস্থা করিতে হইলে শশী হয়তো চারদিকে তাকানোর সময়  
পাইত । চিকিৎসা আরম্ভ করিয়া এ বাড়িতে গোপালের এবং ও-বাড়িতে যামিনীর  
উপদেশ, সমালোচনা ও বাধাদানের বহরে সে বিপন্ন ও বিব্রত হইয়া রহিল । ব্যাপারটা

সে ভাল বুঝিতে পারে না। সময় সময় তাহার মনে হয়, তাহার চিকিৎসায় ওদের ঐক্য নাই এই কথাটা এমনভাবে প্রকারান্তরে তাহাকে জানাইয়া দেওয়া হইতেছে। কিন্তু চিকিৎসার আর কোন ব্যবস্থাও তো নাই। ভাল হোক মন্দ হোক, তার চিকিৎসাকে ছাটয়া ফেলার মধ্যে যুক্তি আছে কোনখানে? আমার ওষুধ খায় না, বলিয়া যামিনী নিজে চিকিৎসা করিতে রাজী নয়,—ওরা মারিয়া ফেলিতে চায় নাকি সেনদিদিকে? তাই বা কেন চাহিবে? তাছাড়া যামিনীর এই লজ্জাকর পাগলামিতে গোপাল এভাবে সাহায্য করিতেছে কেন, তার স্বার্থ কি?

ব্যাপার যত রহস্যময়ই হোক, শশী একা সেনদিদির তিনটি যমের সঙ্গে লড়াই করিতে লাগিল।

যামিনীকে সে জিজ্ঞাসা করে, বড় গোল শিশির ওষুধ কি হল ঠাকুর্দা?

যামিনী বলে, তিন দাগ ছিল না? খাইয়ে দিয়েছি। কি যে সব ওষুধ তোমার শশী,—সব ওষুধে হয় মদ, নয় সিরাপের গন্ধ!

শশী সভয়ে বলে, খাইয়ে দিয়েছেন? গোল শিশির ওষুধটা খাইয়ে দিয়েছেন?

তা দিলাম বৈকি? ছটফট করছিল দেখে ভাবলাম, তোমার রুগী তোমার ওষুধ, দিই খাইয়ে!

শশী রাগ করিয়া বলে, রোগী আমার নয় ঠাকুর্দা, আমি চললাম। আপনার যা খুশী করুন।

সে একরকম চলিয়াই আসে। বাড়ির বাহিরে গিয়া গতি লুপ্ত করিয়া দাঁড়ায়। মনে পড়ে সেনদিদির ভীকু কাতর চাহনি, একান্ত নির্ভরতা। শশী আবার ফিরিয়া যায়। বলে, ওটা যে গুটি বসাবার ওষুধ, সাতদিন আগে ও ওষুধটা দিয়েছিলাম, আপনি জানতেন না?

যামিনীর মুখ কয়েকদিনে সম্ভবত দুশ্চিন্তাতেই শুকাইয়া পাংগু হইয়া গিয়াছে। সে চোখ মিটমিট করিয়া বলে, আমি কবরেজ মাহুষ, তোমাদের ওষুধের আমি কি জানব ভাই? আমি তো কিছুই জানি না।

জানেন না তো আমায় না বলে ওষুধ খাওয়ালেন কেন? আপনিই মারবেন ঠাকুর্দা সেনদিদিকে, গুটি পাকছে, এখন আপনি খাইয়ে দিলেন গুটি-বসানোর ওষুধ?

যামিনী কথা কয় না।

শশী একটু নরম হইয়া বলে, বড় অগ্রায় করেছেন ঠাকুর্দা, আর যেন এমন করবেন না কখনো।

যামিনী বলে, আমার একটা ওষুধ খাইয়ে দেবে শশী? তাড়াতাড়ি যাতে গুটি পাকে?

শশী তৎক্ষণাৎ সন্দ্বিগ্ন হইয়া বলে, খাইয়েছেন নাকি কিছু? আপনার ঔষুধ?

নাঃ, আমার ঔষুধ খায় না।

ভার মানে চেঁচা করেছিলেন খাওয়াবার?

উদ্ভ্রান্ত যামিনী এবার ক্লেপিয়া যায়।

যদি করে থাকি? হাঁ হে শশী, যদি করেই থাকি? তোমার ওসব মদ আর রাপে আমি বিশ্বাস করি না বাপু! চিকিৎসা হচ্ছে! এই যদি তোমার বসন্তের কিংসা হয়, পুথিপত্র খালে ভাসিয়ে ঘরের ছেলে ঘরে গিয়ে বসগে যাও!

বলিতে বলিতে যামিনী সাহস হারায়, তবু মরিয়ার মতো বলে, তুমি আর পৌ না।

মাথা শশীও ঠিক রাখতে পারে না, গোড়া থেকে আপত্তি যা সব কাণ্ড করছেন কুর্দা, পুলিশ ডাকলে আপনার দশ বছর জেল হয়।

যামিনী বিবর্ণ মুখে বলে, কি করলাম আমি? চিকিৎসা হচ্ছে তোমার, আমি তো কটা বড়িও খাওয়াইনি আমার!

শশী আর কথা কাটাকাটি করে না। এ পাগলের সঙ্গে ঝগড়া করিয়া লাভ কি?

এই কি কলহের সময় ঠাকুর্দা?

কলহ কে করছে বাপু!

জ্ঞান হইলে যামিনী কবিরাজের বৌ বলে, ঘরে কে, শশী? কার সঙ্গে কথা কইছ?—চোখে সে দেখিতে পায় না, চোখ ছুটি বন্ধ হইয়া গিয়াছে। যামিনী ঘরে আসিয়াছে মিলে উতলা হইয়া ওঠে, ওকে যেতে বল শশী, যেতে বল ওকে, আমাকে ও বিষ হাইয়ে মারবে,—যাও না তুমি এ ঘর থেকে, চলে যাও না।

যামিনী চলিয়া গেলে বলে, বাঁচবো তো শশী?

বাঁচবে বৈকি।

সেনদিদি খুশী হয়। খানিকক্ষণ চুপ করিয়া পড়িয়া থাকে। শশী কি জানে না, কে অসহ্য তাহার যাতনা? সেনদিদির সহশক্তি দেখিয়া বিস্ময় মানে শশী। নাগিশ আই, কাতরানি নাই, মাঝে মাঝে শুধু জিজ্ঞাসা করে বাঁচিবে কি না।

সেনদিদি বলে, এত ঘাটাঘাটি করছ, তোমার তো ভয় নেই বাবা?

কিসের ভয়? ছ'মাস আগে টিকে নিয়েছি।

তখন সেনদিদি বলে, ধরতে গেলে তুমি তো আমার ছেলেই। পেটের ছেলের চেয়ে তোমাকে বেশী ভালবাসি শশী।

কথাটা শশীকে বিচলিত করিয়া দেয়। সেনদিদি যে তাকে ভালবাসে সে তা জানে বারো বছর বয়স হইতে। কথাটা বলিবার ভঙ্গী তাহাকে অভিজ্ঞত করিয়া রাখে।

কেমন একটা বালকদের অল্পভুক্তি হয় এক অল্পহা গ্রাম্য নারীর আবেগপূর্ণ কথার।  
পেটের ছেলের চেয়ে ভালবাসে? এ কথার অর্থ কি? সেনদিদির ভো ছেলে-মেয়ে  
হয় নাই কখনো।

একদিন সেনদিদির শিয়রে সারারাত জাগিয়া ভোরবেলা বাড়ি ফেরার সময় বাড়ির  
সামনে শিউলিগাছটার তলায় মতিকে শশী ফুল কুড়াইতে দেখিল। শশী যায় না  
বলিয়া মতি বৃষ্টি ব্যাপার বৃষ্টিতে আসিয়াছে!

শিউলিগাছটা ঝাঁকিয়া ফুল বরাইয়া দিয়া শশী জিজ্ঞাসা করিল, তুই কবে টিকে নিয়ে-  
ছিলি রে মতি?

টিকে নিইনি তো?

নিস নি? কেন, টিকে নিতে কি হয়েছিল? দাঁড়া, আজ তোদের বাড়িহুঁ  
সকলকে টিকে দিয়ে আসব। পাড়ায় বদস্ত হয়েছে খবর রাখিস?

মতি অবিশ্বাসের হাসি হাসিয়া বলিল, টিকে নিলে কি হবে? মা শেতলার কুপা  
হবার হলে হবেই গো ছোটবাবু, হবেই!

তোর মাথা হবে।

শিশিরে এক পশলা বৃষ্টির মতো চারিদিক ভিজিয়া আছে। মতির বিবর্ণপাড় শাড়ি  
আধভেজা কাপড়ের মতো কোমল দেখাইতেছিল। শশীর মনে হয় শাড়ির নমনীয় স্পর্শে  
মতি ভারি আরাম পাইতেছে। সকালবেলা রাত-জাগা চোখে মতিকে যেন তার  
বয়সের চেয়ে অনেক বড় মনে হইতে লাগিল। ওকে দেখিতে দেখিতে সকাল বেলা  
বিড়ি টানার আলস্ত আরও মিষ্টি লাগিল শশীর।

মতি বলিতেছিল, বৌ বলে আপনি সায়েব মাহুদ, ঠাকুর-দেবতা মানেন না। সত্যি  
ছোটবাবু?

না, সত্যি নয়। ঠাকুর-দেবতা খুব মানি।

শুনিয়া মতি যেন স্বস্তি পাইল।

বৌ আপনার নামে যা তা বলে।

আঁ্যা? কি বলে?

মতি মুচক্কাইয়া হাসিল, কত কি বলে।

শশী হাসিয়া বলিল, তুইও তো বলিস মতি। পরানের বৌ হয়তো তোর কাছ  
থেকেই বলতে শিখেছে।

মতির মুখ শুকাইয়া গেল।

আমি আপনার নামে বলি! আমি যদি আপনার নামে কিছু বলে থাকি আমার  
যেন ওলাউঠা হয়। হয়-হয়-হয়, তিন সত্যি করলাম, ভগবান শুনো।

শশী অবাক হইয়া বলিল, তুই তো আচ্ছা রে মতি ! সকাল বেলা ফুল তুলতে তুলতে ওলাউঠার নাম করছিস !

মতি এবার রাগ করিয়া বলিল, আমার যেন হয় !

রোদ উঠিলে মতি বাড়ি গেল। শশী ভাবিল এমন গৈয়ো স্বভাব, দেখতে তো গৈয়ো নয় ?

আর মতি ভাবিল, শেষের দিকে ছোটবাবু আমাকে কি করে দেখছিল ? আমাকে দেখতে দেখতে কি ভাবছিল ছোটবাবু ?

হারু ঘোষের বাড়ির সামনে বেগুনগাছগুলি এমন সতেজ। কয়েকটা গাছে কচি কচি বেগুনও ধরিয়াছে। বড় ঘরের পাশ দিয়া পিছনের মাঠে তাকাইলে অনেক দূরে কুয়াশা দেখা যায়। দূরত্বই যেন ধোঁয়াটে হইয়া আছে, কুয়াশা মিছে। মতি তৃপ্তি বোধ করে। সকাল বেলার সোনালী রোদে তাহার চোখের সীমানার গ্রামখানি দেখিতে অপূর্ব হইয়া উঠিয়াছে বলিয়া নয়। প্রকৃতিকে, তাদের এই গ্রামের প্রকৃতিকে, মতি এত বেশী করিয়া চেনে যে আকাশের রামধনু ছাড়া তাহার চোখ তাহার মন কোথাও রঙ খুঁজিয়া পায় না। নাকের সামনে কচি কিশলয়ের মূহু হিন্দোল কোন কাঁচা মনকে দোল দেয় কে জানে, মতির মনকে দেয় না ! সর্বাক্ষের শুভ্রতায় তালগাছের রহস্যময় ছায়া মাখিয়া মাখিয়া তালপুকুরের গভীর কালো জলে হাঁস সাঁতার দেয়, তাদের গায়ে ঠেকিয়া লাল ও সাদা শাপলাগুলি জলে ডুবিয়া ভাসিয়া ওঠে, চারিদিকের তীর ভরিয়া কলমিশাকের ফুলগুলি বাতাসে যেন কেমন করিতে থাকে ! আকাশে ভাসে উজ্জল সাদা মেঘ আর বগু কপোতের ঝাঁক। শালিখ পাখি উড়িবার সময় হঠাৎ শিশু দেয়। অল্প দূরে কাতোরা পাখির পাঠশালা বসে। বাতাসে থাকে কত ফুল, কত মাটি, কত ডোবার মেশানো গন্ধ।

মতি কিছু দেখে না, কিছু শোনে না, কিছু শোঁকে না। তালপুকুরের নির্জনতাকে সে শুধু ভোগ করে গায়ে জড়ানো আঁচলটি কোমরে বাঁধিয়া। গা উদলা করিয়া দেওয়াতেও কেহ যে তাহাকে দেখিতে পাইতেছে না ইহাতে মতির ভারি মজা লাগে।

সংসারের কাজ না করিলে কুসুম তাহাকে বকে। তালপুকুরের ধারে কাজ-ফাঁকি দেওয়া আলস্তটুকু মতি ভোগ করে ভবিষ্যতের চিন্তা করিতে করিতে। হৃদেবকে মনে মনে মরিবার আশীর্বাদ করিয়া আরম্ভ না করিলে ভবিষ্যতের ভাবনাটা তাহার যেন ঝাল খোলে না।

মতির ভারি ইচ্ছা, বড়লোকের বাড়িতে শশীর মতো বরের সঙ্গে তার বিবাহ হয়। কাজ নাই, বহুনি নাই, কলহ নাই, নোংরামি নাই, বাড়ির সকলে সর্বদা পয়সার পরিচ্ছন্ন থাকে, মিষ্টি মিষ্টি কথা বলে, হাসে, তান-পাশা খেলে, কলের গান বাজায়, আর,—আর



বাড়ির বৌকে খালি আদর-করে। চিবুক ধরিয়া তাহার লজ্জিত মুখখানি তুলিয়া বলে  
লক্ষ্মী বৌ, সোনা বৌ, এমন না হলে বৌ ?

বলে, বাড়ি আলো হল !

স্বপ্ন মতির অফুরন্ত। মস্ত একট ঘরের এককোণে সে বসিয়া আছে। সর্বদা  
তাহার বলমলে গহনা, পরণে ঝকঝকে শাড়ি। ঘোমটার মধ্যে চন্দনচর্চিত মতির  
মুখখানি কি রাঙা লজ্জায় ! আনন্দে সে ছোট ছোট নিঃশ্বাস ফেলিতেছে আর শুনি-  
তেছে ঘরের বাহিরে বড়লোকের বাড়ির প্রকাণ্ড সংসারের কলরব। শশীর বোনের  
মতো পাড়ার কে যেন একটি মেয়ে মতির সঙ্গে ভাব করিয়া গেল। যামিনী কবি-  
রাজের বৌ-এর মতো স্নন্দরী একটি মহিলা, মতির বোধহয় সে ননদই হইবে, পানের  
বাটা সামনে দিয়া বলিল, পান-সাজো, বৌ। ও সোনা বৌ, পান সাজো।

তারপর কে বলিল, বৌমাকে খেতে দে তোরা কেউ একজন।

যেই বলুক, তালপুকুরের ধারে প্রকৃতির মহোৎসব হইতে বাড়ি ফেরার সময়  
মতি আবার তীব্রভাবে ইচ্ছা করে স্বদেব ব্যাটা মরিয়া থাক।

কুসুমের সঙ্গে আজকাল প্রায়ই ঝগড়া বাধে মতির। সকলের অগোচরে মতিকে  
কুসুম শশীর কথা তুলিয়া অগায় পরিহাস করিতে আরম্ভ করিয়াছে।

বলে, শরীর খারাপ লাগছে মতি ? তাই চুপ করে বসে রয়েছিস ? আহা বাট।  
ছোটবাবুকে ডাকব ? পরীক্ষা করে ওষুধ দেবে ?

মতি বলে, কেন লাগতে এলি বৌ ? তোর আমি কি করেছি।

কুসুম বলে, চোখ ছিল ছিল করছে। দেখলে ছোটবাবুর বুক ফেটে যাবে।

মতি বলে, যমের অকুচি। মর তুই, মর।

কুসুম তবু বলে, জানিস লো মতি,—রাতে তোর কথা ভেবে ছোটবাবুর ঘুম হয় না।  
বসে বসে মালা জপ করে, মতি, মতি, মতি। স্বদেবের সঙ্গে তোর নিকে হয়ে গেলে  
ছোটবাবু তালপুকুরে ডুবে আত্মহত্যা করবে।

তুই তালপুকুরে ডুবে মর। মরে শাকচূনি হয়ে থাক।

মতি স্থান ত্যাগ করিতে যায়, কুসুমের সঙ্গে সে কথায় পারিবে কেন ? কুসুম  
তাহাকে রেহাই দেয় না। খপ করিয়া মতির হাতটা সে ধরিয়া ফেলে। মুখের কাছে  
মুখ লইয়া গিয়া অপলক চোখের তারা স্থির রাখিয়া কথাগুলিকে দাঁতে কাটিয়া কাটিয়া  
বলে, লজ্জা নেই তোর ? এত বড় খেড়ে মেয়ে তুই, লজ্জা নেই তোর ? পেটে ভাত  
জ্বাটে না, গয়লার মুখ্য মেয়ে তুই,—ছোটবাবুর তুলনায় তুই ছোটলোক ছাড়া কি ! অত  
তোয় পাকামি কিসের ? অমনি করিস বলেই তো বিরক্ত হয়ে ছোটবাবু আর  
আসে না।

ভাঙ্গির মতি কুম্ভের হাত দেয় কামড়াইয়া। তাহাকে ছাড়িয়া দিয়া দংশিত হাত-  
খানা ঘুরাইয়া ফিরাইয়া কুম্ভ দাঁতের দাগগুলি ভাল করিয়া ঞাখে।

কামড়ালি! আমাকে তুই কামড়ালি? দাঁড়া তোর আমি কি করি দেখ।

কি করিবে? কুম্ভ তাহার কি করিবে? বুক দুকুদুক করে মতির। ছোটবাবুকে  
যদি বলিয়া দেয়।

মতির মনে হয়, সে কুম্ভের হাত কামড়াইয়া দিয়াছে শুনিলে ছোটবাবু ভয়ানক  
রাগ করিবে।

খানিক পরেই সে কুম্ভের আশেপাশে ঘোরাফিরা আরম্ভ করিয়া দেয়। এক সময়  
সাহস করিয়া বলে, লেগেছে বো? দেখি?

কুম্ভের ক্ষমা নাই। সে ভ্যাঙাইয়া বলে, লেগেছে বো? কামড়ে দিয়ে শ্রাকামি  
করতে এলেন।

মতি দাওয়ায় আসিয়া খুঁটি ধরিয়া দাঁড়ায়। ভাবে, বউ কি ভীষণ মেয়ে। ও ঠিক  
বলে দেবে।

পিসীর ঘরে খোলা দরজা দিয়া পিসীকে দেখা যায়। পিসীর আজকাল কথা বন্ধ  
হইয়া গিয়াছে। কথা বলিতে গেলে গলায় ফ্যাস ফ্যাস আওয়াজ হয় মাত্র, কিছুই সে  
বলিতে পারে না। মতিকে দেখিয়া সে হাতের ঝেশারায় তাহাকে কাছে ডাকে। মাত্রা  
উঁচু করিয়া বার বার ব্যাকুলভাবে মুখের ফাঁকে আঙুল ঢুকাইয়া পিপাসা জানায়।  
দেখিতে পাইয়াও মতি কিন্তু অনেকক্ষণ নড়ে না।

বলে, যাইগো যাই—অত ব্যস্ত কেন?

মোকদ্দা জিজ্ঞাসা করে কে ডাকে লো মতি?

পিসী। জল খাবে।

8

এবার কাতিক মাসে পূজা। সেনদিদির সর্বাঙ্গে ত্রণগুলি পাকিয়া উঠিতে উঠিতে  
গ্রামের পূজার উৎসব শুরু হইয়া গেল। উৎসব সহজ নয়, গ্রামের জমিদার শীতলবাবুর  
বাড়ি তিনদিন যাত্রা, পুতুলনাচ, বাজি পোড়ানো সাতগাঁর মেলা—পূজা তো আছেই।  
গ্রামবাসীর কিমানো জীবন-প্রবাহে হঠাৎ প্রবল উত্তেজনার সঞ্চার হইয়াছে, কেবল শশী  
এবার সেনদিদিকে লইয়া বড় ব্যস্ত।

যাত্রা আরম্ভ হয় সপ্তমীর রাতে। যাত্রার দল তার আগেই গ্রামে হাজির হইয়া  
থায়। বায়না দিবার সময় শীতলবাবু অধিকারীকে বলিয়া দেন, দল নিয়ে দু-একদিন

আগেই আসবে বাপু, এক রাত্রি বেশ করে ঘুমিয়ে রাত্তার কষ্ট দূর করে অভিনয় করবে।

এবার যে দলকে বায়না দেওয়া হইয়াছিল সে-দল এ অঞ্চলের নয়। বিনোদিনী অপেরা পার্টির আদি আস্তানা খাস কলিকাতায়। বাজিতপুরের মথুরা সাহার ব্যবসা উপলক্ষ্যে কলিকাতা যাওয়া-আসা আছে। কিছুদিন আগে ছেলের বিবাহে এই দলটি সে কলিকাতা হইতে ভাড়া করিয়া আনিয়াছিল। লোকমুখে দলের প্রশংসা শুনিয়া শীতলবাবু সেই সময় বায়না দিয়া রাখিয়াছিলেন।

কাল বিকালে বিনোদিনী অপেরা পার্টি আসিয়া পৌছিয়াছে। মস্ত দল, সঙ্গে অনেকগুলি বড় বড় কাঠের বাক্স। দেখিয়া গ্রামের লোক খুশী হইয়াছে। দলের অধিকারী বি-এ ফেল, তবে দলে তাহার দুজন বি-এ পাশ অভিনেতা আছে শোনা অবধি সকলে উত্তেজিত হইয়া উঠিয়াছে।

থেটার, অ্যা ?

উছ, যাত্রা। অপেরা-পার্টি নাম যে ?

তাই ভাল। যাত্রাই ভাল।

সাতগাঁর কাছারি-বাড়িটা সাফ করিয়া যাত্রাওয়ালাদের থাকিতে দেওয়া হইয়াছিল। দলের সকলের মশারী নাই, কুমুদের আছে। রাত্রে তার ঘুম মন্দ হয় নাই। সকালে উঠিয়া সে শশীর সঙ্গে দেখা করিতে আসিল।

শশী অবাক হইয়া বলিল, তুই! কুমুদ ?

কুমুদ হাসিয়া বলিল, না রে, আমি প্রবীর।

শশী বুঝিতে পারে না—প্রবীর কি, প্রবীর ?

গ্রামে বিনোদিনী অপেরা পার্টি এল, চারিদিকে হৈ-চৈ পড়ে গেছে, খবর পাসনি ?

তুই যাত্রাদলের সঙ্গে এসেছিস কুমুদ ? তুই যাত্রা করিস ?

কথাটা বিশ্বাস করিতে এত বিস্ময় বোধ হয়। কুমুদ বদলাইয়া গিয়াছে। মুখে আর সে জ্যোতি নাই। চুলে সেই অগ্নয়নক বিদ্রোহ নাই। অত সকালেও কুমুদ কিছু প্রসাধন সারিয়া তবে দেখা করিতে আসিয়াছে। তবু, যতই বদলাক, এতো সেই কুমুদ! মানের বই না দেখিয়া যে একদিন তাহাকে ক্লাসের কাব্যসঙ্ঘনে শেলীর দুর্বোধ্য কবিতা বুঝাইয়া দিয়াছিল, মোনালিসার হাসির ব্যাখ্যা করিয়াছিল।

কুমুদ বলিল, করি বৈকি যাত্রা। প্রবীর সাজি, লক্ষণ সাজি, চন্দ্রকেতু সাজি, আরও কত কি সাজি। গলা ফাটিয়ে পার্ট বলি। সাতশো মেডেল পেয়েছি।

শশী অবাক হইয়া বলিল, আয়, ঘরে আয়। বসে সব বলবি চল।

কুমুদকে শশী তাহার ঘরে লইয়া গেল। ঘরে গিয়া আর একবার বলিল, অ্যাঙ্কিন পরে তুই এলি কুমুদ! এতকাল পরে তোর সঙ্গে দেখা হইল! কি আশ্চর্য!

তাহার বিছানায় বসিয়া ঘরের চারিদিকে চাহিতে চাহিতে কুমুদ বলিল, এতে আশ্চর্যের কি আছে? তিন বছর ধরে বাঙলাদেশের কত গ্রামে ঘুরেছি তার ঠিক নেই। এবার কোন্‌গ্রামে এলাম।

যাত্রার দলে ঢুকলি কেন?

সে এক ইতিহাস শশী। বাড়ি থেকে দিলে খেদিয়ে। নিলাম চাকরি। চাকরি থেকেও দিলে খেদিয়ে,—একদিন অস্তুর আপিস গেলে কে রাখবে? ঘুরতে ঘুরতে বহরমপুরে বিনোদিনী অপেরা-পার্টীর যাত্রা শুনে অধিকারীর সঙ্গে ভাব জমালাম। অধিকারী লোক ভাল রে শশী, পরীক্ষা করে সতর টাকা মাইনে দিয়ে দলে নিলে। দু-চারটে সেনাপতির পার্ট করে গলা খুলল, খুব আবেগ-ভরে চেষ্টাতে শিখলাম। এক বছরের মধ্যে মেন অ্যাকটর। আশী টাকা মাইনে দেয়। মাসে আটটার বেশি পাল্লা হলে পাল্লা-পিছু পাচ টাকা করে বোনাস। দলে আমার খাতির কত! কুমুদ হাসিল, গ্র্যাণ্ড সাক্সেস, অ্যা?

শশীও হাসিল, তুই শেষে যাত্রা করবি একথা ভাবতেও পারতাম না কুমুদ।

আমি কি ভাবতে পারতাম?

তখন আকস্মিক কথার অনটনে শশী বলিল, আজ তুই এখানে খাবি ভাই, সারাদিন থাকবি।

কুমুদ বলিল, বেশ।

মনে মনে শশী ভারী খুশী হইয়াছিল। এতকাল পরে কুমুদের সঙ্গে দেখা হইয়াছে, শুধু এই জন্ত নয়। কুমুদ নামিখা আসিয়াছে বলিয়া। কুমুদের সেই অগ্নমনস্ক সরল ঔক্য নাই, নিজেকে সংসারের আর সকলের চেয়ে স্বতন্ত্র, সকলের চেয়ে বড় মনে করিতে সে ভুলিয়া গিয়াছে। এটুকু শশী প্রথম হইতেই টের পাইতেছিল। কুমুদের কাছে নিজেকে তাহার চিরদিন ছোট মনে হইয়াছে, তুচ্ছ মনে হইয়াছে। কুমুদের অগ্নায়ের ইতিহাসগুলি শুনিয়া পর্যন্ত ঈর্ষার সঙ্গে তাহার মনে হইয়াছে এত সাহস এত মনের জোর এতখানি তেজ তাহার নাই, এরকম অসাধারণ ব্যক্তিত্বের অভাবে জীবনটাই বৃথা গেল তাহার। আজ কুমুদের মুহু অস্বস্তি, চেষ্টা করা সহজ ব্যবহার এবং একেবারে যাত্রার দলের অধঃপতন তাহাকে যেন শশীর চেয়েও নীচে নামাইয়া দিয়াছে। বন্ধুকে আর শশীর গুরুজন মনে হইতেছে না।

কুমুদ বলিল, তোর ঘরখানা বেশ সাজানো। গ্রামে থেকে গেলো মনে ঘাসনি দেখছি।—সে আবার একটু হাসিল, তাহার পূর্বের হাসির সঙ্গে তুলনা করিয়া এ হাসিকে শশীর মনে হইল ভীকু অপরাধী হাসি—কতকাল ধরে কারো বাড়িতে ঢুকিনি জানিস শশী? চার বছর। পারিবারিক আবহাওয়াটা মুক্ত করে দিচ্ছে। বিয়ে করেছিস?

না।

কমিসনি ? তোর ঘর দেখে মনে হচ্ছিল বৌ আছে। ঘর কে গুছিয়েছে রে, বোন ? উঠানে থাকে দেখলাম ?

ও বোন নয়। ভাগনী,—পিসির মেয়ের মেয়ে। বোন একটা আছে, ছোট, আট বছর বয়স, গোছানোর বদলে বরং নোংরাই করে দিয়ে যায়। আমার খাটের তলাটা হল ওর খেলাঘর ! তাকিয়ে দেখ, পুতুলেরা সার সার ঘুমোচ্ছে ! এই বার ঘুম ভাঙবে—খুকীর আসবাব সময় হল। একটু চেপ্টা করে ভাব জমাস, ভারি চালাক মেয়ে, ভারি বুদ্ধি। পড়াচ্ছি কিনা, আমি জানি। চটপট শিখছে। সামনের বছর স্কুলে ভরতি করে দেব।

শশী চিন্তিত হইয়া মাথা নাড়ে, দেব বলছি—হবে কি না ভগবান জানেন। বাবার এসব পছন্দ নয়। নয়তো বলবেন, ছেলে লেখাপড়া শিখে হয়েছে অবাধ্য, মেয়ে কি হবেন ঠিক কি ? স্কুলে-টুলে দিয়ে কাজ :নই বাপু—শেখা না, বাড়িতেই শেখা।

কুমুদ শশীর মুখের ভাব লক্ষ্য করিতেছিল, বলিল, বুঝিয়ে দিস, আজকাল মেয়েদের স্কুলে না দিলে চলে না।

বুঝিয়ে ? বাবাকে ? বাবা সেকলে।

কথা বদলাইয়া বলিল, ঘর কে গোছায় বলছিলি ? লোকের অভাব কি ! এ হল বাংলাদেশ, একজন রোজগার করে, দশজনে খায়। ঘর গোছাবার লোকের অভাব নেই। তবে—বন্ধুকে শশী চোখ ঠারিল, নিজের ঘর আমি নিজেই গোছাই।

শশীকে যামিনী কবিরাজের বৌ এর কাছে যাইতে হইবে। এই কর্তব্য অবহেলা করিবার উপায় ছিল না। বন্ধুকে খই-এর মোয়া আর চন্দ্রপুলি খাওয়াইয়া শশী বিদায় লইল।

গ্রামে পর্দা প্রথা শিথিল কিন্তু সে গ্রামেরই চেনা মাল্লবের জন্ত। শশীর বাড়ির মেয়েরা সকাল বেলা অন্তঃপুরে পাক খায়। কুমুদ উৎসুক দৃষ্টিতে খোলা দরজা দিয়া প্রকাণ্ড সংসারটির গতিবিধি যতটা পারে দেখিতেছিল, খানিক পরে ছোট একটা ছেলে আসিয়া দরজাটা ভেজাইয়া দিয়া গেল। কুমুদ আহত হইয়া ভাবিল, আমি তো ওদের দেখিনি ? ওদের কাজ দেখছিলাম যে আমি। সকলে মিলে কি রচনা করছে তাই দেখছিলাম।

জামাটি গায়ে দিয়া কুমুদ বেড়াইতে বাহির হইয়া গেল। একটা পরিবারের গোপন মর্ম স্পন্দন দেখিয়া ফেলার অপরাধ একা-একা অন্তঃপুরের একটা ঘরে বসিয়া সহ করা কঠিন।

বাড়ি হইতে বাহির হইয়া পড়িয়া কুমুদের চোখে পড়িল হারু ঘোষের বাড়ির পিছনে

তালবনের ওপাশে উঁচু মাটির টিগাটির দিকে। সে সেইদিকে চলিতে আরম্ভ করিল। জীবনে সে যত পুণ্য অর্জন করিয়াছে, তার পাশের হিসাবটা আজ এখানকার মতো ধরিয়া তালবনের গভীর নির্জনতায় হঠাৎ তাহার পুরস্কারকে দিল মাহুঘের বৃদ্ধিতে তাহার বিশ্লেষণ নাই। হয়তো শশীর বাড়ির মেয়েরা অকারণে তাহাকে যে লাঞ্ছনা দিয়াছিল জীবনের নিরপেক্ষ দেবতা ভোরের বাতাস পাখির কলরব আর ঋজু তালগাছগুলির প্রহরায় রক্ষিত ঘৃণাস্তের পুরাতন নিভৃত শাস্তির উপলক্ষে ক্ষতিপূরণ করিলেন। এত সহজে সেক্টিমেটাল করিয়া দিতে পারে, একটি স্থবী পরিবারের অন্তঃপুর ছাড়া পৃথিবীতে এমন স্থান আছে কুমুদ তাহা জানিত না। এত কি কুমুদ জানিত যে এই অহেতুকী আনন্দ তাহার মৃত্যুরই শেষ ভূমিকা?

তালপুকুরের ধারে পৌছিয়া হঠাৎ তাহার মনে হইল, কি একটা রবারের মতো নরম জিনিসে পা পড়িয়াছে। চোখের পলকে হলুদ রঙের নরম জিনিসটার মুখ মাটি হইতে উঠিয়া আসিয়া তাহার হাঁটুর কাছে কামড়াইয়া ধরিল। লেজের দিকটা জড়াইয়া গেল তাহার পায়ে।

কুমুদ জীবনে কত পাপ করিয়াছে, পরিমাণ তার কম নয়, অল্প একটু পুণ্যের কয়েক মিনিটব্যাপী অসাধারণ পুরস্কারের পর, এই তাহার শাস্তি। ঘাড় ধরিয়া সাপের মাথাটা কুমুদ হাঁটু হইতে ছিনাইয়া লইল।

সাপ। সাপ।

শুনিয়া আগে আসিল মতি, ভিজা শরীরে শুকনো কাপড়টা কোনমতে জড়াইয়া।

কুহুম ও-ভাবে ছুটিতে পারে না। তাহার আসিতে দেরি হইল।

সাপ দেখিয়া মতি বলিল, ও তো চোঁড়া সাপ। জলে থাকে। ওর বিষ নেই।

কুমুদের মৃত্যুভয় প্রবল। কুহুম আসিয়া সায় না দেওয়া পর্যন্ত মতির কথা সে বিশ্বাস করিল না। বিশ্বাস করিয়াও হাঁটুর উপরে কামাল দিয়া সজোরে বাঁধিয়া দলিদ্ধভাবে বলিল, শশীকে একবার ডেকে আনো খুকী, দেখুক। যদি বিষ থাকে? চেনো তো শশীকে? তোমাদের পাড়াতেই থাকে,—ডাক্তার।

কুহুম মুচকিয়া হাসিয়া বলিল, যা লো খুকী, ছোটবাবুকে ডেকে আন। তাহার হাসিটা কুমুদের ভাল লাগিল না।

ছোটবাবুর কে হন? খানিক পরে কুহুমের এ কথার জবাবে সে তাই সংক্ষেপে শুধু বলিল, কেউ না। বন্ধু।

ছোটবাবু আমাদের বলতে গেলে একরকম আপনার লোক। দুবেলা আসেন।

একথা শুনিয়াও কুহুমকে হঠাৎ আত্মীয়া-জ্ঞান করিয়া বসিবার মতো মনের অবস্থা কুমুদের ছিল না। সে বলিল, চোঁড়া সাপের বিষ থাকে না কেন?

সব সাপের কি বিষ থাকে? টোঁড়া হল জলের সাপ। আমার একবার কামড়েছিল। হয়তো ওই সাপটাই হবে। একদিন খুব ভোরে এই পুকুরে নাইছি, বেড়াতে বেড়াতে ছোটবাবু এসে পুকুরপাড়ে দাঁড়িয়ে গল্প করতে লাগলেন। এমনি সময়ে সাপটা এইখানে কামড়ে দিল,—কুহুম তাহার লিভারটা দেখাইয়া দিল, তাহার বোধ হয় ধারণা ছিল মাহুকের হৃদয়ের অবস্থানটা ওইখানে—ছোটবাবুকে বললাম, সাপে কামড়েছে ছোটবাবু। শুনে ছোটবাবুর মুখ যা হয়ে গেল!

কি হয়ে গেল? কুমুদ কৌতুহল বোধ করিতেছিল।

শুকিয়ে গেল? ছাইবর্ণ হয়ে গেল।

সাপের কামড়ে তোমার কিছু হল না!

কুমুদ তুমি বলায় কুহুম রাগ করিয়া বলিল, কথা বলতে শেখোনি দেখছি তুমি।  
ভদ্রলোক তো?

তারপর দুজনেই দমিয়া যাওয়ায় আর কথা হইল না। তালগাছগুলি নিঃশব্দে দাঁড়াইয়া রহিল। একটা মাছরাঙা ঝুপ করিয়া তালপুকুরে আছড়াইয়া পড়িল।

দুপুরবেলাটা বন্ধুর সঙ্গে গল্প করিয়া কাটাইয়া বেলা পড়িয়া আসিলে কুমুদ বিদায় গ্রহণ করিল।

সকাল সকাল পালা শুরু হবে। যাবি তো শশী?

যাব বৈকি! নিশ্চয় যাব।

হারুর বাড়ির পিছনে সাতগাঁ পর্যন্ত বিস্তারিত ধানের ক্ষেত। তালপুকুরের ধার হইয়া ক্ষেতের আল দিয়া কুমুদ সাতগাঁর কাছারি-বাড়ি পৌছিল। তালপুকুরে সে মতিকে দেখিবার আশা করিতেছিল। কিন্তু যাত্রা শুনিতে যাওয়ার আয়োজনে ব্যস্ত মতির পুকুরে আসিবার সময় ছিল না। কুহুম রাঁধিতেছিল। সন্ধ্যার আগেই খাওয়ার পাট চুকিয়া যাওয়া চাই! মতি বিনা বাক্যব্যয়ে তাহার সমস্ত হুকুম পালন করিয়া যাইতেছিল।

পরান সব বিষয়ে উদাসীন। সন্ধ্যার আবির্ভাবে তাহার বোন আর বৌ যত ব্যস্ত হইয়া ওঠে, সে যেন ততই ঝিমাইয়া যায়। রান্নাঘরে বসিয়া কুহুমের সঙ্গে সে প্রথম একটু গল্প জমাইবার চেষ্টা করিয়াছিল। গল্প করিবার সময় না থাকায় কুহুম তাহাকে আমল দেয় নাই; দাওয়ায় বসে ছকা টান গে না বাপু? মেয়েমাহুকের আঁচল-ধরা পুরুষকে আমি দু চোখে দেখতে পারি না।—কুহুমের ভৎসনায় চিরকাল পরানের খারাপ লাগে। তবে স্পষ্ট খারাপ লাগার ভাবটা এত অল্প সময়ের মধ্যে মনের একটা উদাস বৈরাগ্য ও দেহের একটা ঝিমানে আলস্তে পরিণত হইয়া যায় যে, রাগিবার অবসর প্রায়ই সে পায় না। মাঝে মাঝে কুহুমকে তাহার ভারি ছেলেমাহুবে মনে

হয়। চোদ্দ বছর বয়সে তার বৌ হইয়া এককাল কুহুমের শরীরটাই যেন বড় হইয়াছে, মনের বয়স বাড়ে নাই।

মোকদ্দাকে একখানা ফরসা কাপড় পরিতে দেখিয়া পরান জিজ্ঞাসা করে তুমিও যাবে নাকি মা, যাত্রা শুনিতে ?

না, আমার আবার যাত্রা কি !

জোর করিয়া ধরিলে মোকদ্দা যাইতে রাজী আছে। কিন্তু এরা কেউ যাইতে বলিবেও না। আগে হইতেই মোকদ্দা তাহা জানে। তাই সঁাতরাদের বুড়ী পিসীর সঙ্গে সে আগেই ঠিক করিয়া রাখিয়াছে। তারা দুজনে যাত্রা শুনিতে যাইবে। বাড়ি আসিয়া মোকদ্দা তাহা হইলে বলিতে পারিবে, যাত্রা শুনিবার শখ তাহার একটুও ছিল না। কি করিবে, আর একজন টানিয়া লইয়া গেল। জোর করিয়া টানিয়া লইয়া গেল।

পরান বলে, ফরসা কাপড় পরে তুমি তবে যাচ্ছ কোথা ?

সঁাতরাদের বাড়ি যাব বাবা। যত্ন পিসী একবার ডেকেছে।

কুহুম ঝাঁ করিয়া সামনে আসিয়া পড়ে।

কাল যেও মা কাল যেও। আমরা এখন বেরোব, তুমি চললে সঁাতরাদের বাড়ি। বাড়িতে তা হলে থাকবে কে ?

মোকদ্দা তার কি জানে। যার খুশি থাক।

তোমরা যাবে যাত্রা শুনিতে, বাড়ির ব্যবস্থা তোমরাই কর বাছা। আমি তার কি জানি ? আমি বুড়োমাহুষ, সব ব্যাপারে আমাকে টান কেন ? আমি আছি নিজের শতক জালায়।

কুহুম রাগিয়া বলে, জালা বাপু সংসারে সবারই আছে। ঘরে বসে জ্বলেই হয়। এমন শত্রুতা করা কেন ? আগেই জানি শেষকালেতে ফ্যাকড়া বাধবে।

মোকদ্দা বোধ হয় একটু লজ্জা বোধ করে। হয়তো তাহার মনে হয় বুড়ো-মাহুষের যাত্রা শুনিতে যাওয়ার জ্ঞান এত কাণ্ড করা উচিত নয়। বাড়িতে থাকিতে রাজী হইয়া সে গুম হইয়া বসিয়া থাকে।

রান্না শেষ করিয়া কুহুম স্বামীকে খাওয়ায়, তারপর ননদের সঙ্গে এক খালায় নিজে খাইতে বসে। পরান পেট ভরিয়া খায়, কুহুম আর মতির গলা দিয়া আজ ভাত নামিতে চায় না। ফেলা-ছড়া করিয়া কোনরকমে তাহার খাওয়া শেষ করে। দিনের আলো যত ম্লান হইয়া আসে মনের মধ্যে তাহাদের এই আর্শঙ্কা ততই প্রবল হইয়া উঠে যে, ওদিকে বুঝি যাত্রা শুরু হইয়া গেল। মতিকে কাপড় পরিতে কুহুম দিয়া কুহুম হৈসেল তুলিয়া ফেলে। পুকুরে যাওয়ার সময় এখন নাই। উঠানের



এক কোণে ছাইকেলা আমগাছটির তলে বসিয়া বাসন ক'খানা কুহুম তাড়াতাড়ি মাজিয়া নেয়। এই স্থবিধাটুকুর ব্যবস্থা সে সেই বিকালেই করিয়া রাখিয়াছে। দু কাঁখে দুটি কলসী বহিয়া কত জল তুলিয়া কুহুম যে আজ হাঁড়ি গামলা সব ভরতি করিয়াছে।

মতি বলে, আর্মিও হাত লাগাই বউ, শীগগির হয়ে যাবে, অ্যা ?

না। মতি তাড়াতাড়ি কাজ করিতে পারে এ বিশ্বাস কুহুমের নাই। এক মিনিটের কাজে মতি দশ মিনিট লাগাইয়া দেবে।

যা বললায় তাই কর তো তুই। কাপড় পরতেই তো তোর দশ ঘণ্টা।

এক সময় গোখুলি শেষ হওয়ার আগেই, কি করিয়া কাজ শেষ হয়। বাকি থাকে শুধু এটা আর ওটা, যা করিলেও চলে, না করিলেও চলে। কুহুমের তাড়ায় পরান ও মতি দুজনেই কাজ সমাপ্ত করিয়াছে। নিজে সাজিতে গিয়া ওদের দুজনকে দেখিয়া কুহুম এতক্ষণে একটু হাসিল। শাটের উপর উড়ানি চাপানোয় পরানকে একেবারে বাবু বাবু দেখাইতেছে। আর ডুরে শাড়ি পরিয়া মতি হইয়াছে হুন্দরী। মতির হালকা অপরিণত দেহটাকে কুহুম হিংসা করে। মনে হয় তাহার নিজের স্বাস্থ্য এতখানি ভাল না হইলেই যেন সে খুশী হইত। ডুরে শাড়ি তারও আছে বৈকি। তবে আজ কাল রঙীন লাইন দিয়া শরীর ঢাকিতে কুহুমের লজ্জা করে।

আসরে যখন তাহারা পৌঁছিল, যাত্রা আরম্ভ হইতে বিলম্ব আছে। চিকের আড়ালে জায়গার জগ্ন কলহ শুরু হইয়া গিয়াছে ইতিমধ্যেই। সকলেই চিক ঘেঁসিয়া বসিতে চায়, এগার বছরের সত্ত-পর্দা-পাওয়া মেয়ে হইতে তাহার পঞ্চাশ বছরের দিদিমা পর্যন্ত। এসব বিষয়ে কুহুম ভারি ওস্তাদ। সকলকে ঠেলিয়া তুলিয়া সেই যে সে চিকের কাছে প্রথম সারিতে একটা দশ ইঞ্চি ফাঁকের মধ্যে নিজেকে গুঁজিয়া দিল কেহ আর তাহাকে সেখান হইতে নড়াইতে পারিল না। মতি তাহার পিঠের সঙ্গে মিশিয়া সংস্কৃত সাহিত্যের ছুঁচের পিছনে স্ত্রী চলার উপমার মতো আগাইয়া আসিয়াছিল। কুহুমের পিঠ ঘেঁষিয়া সে একরকম চরণ দত্তের গৃহিনীর কোলের উপরেই বসিয়া পড়িল। চরণ দত্তের গৃহিণী তাহাকে ঠেলিতে আরম্ভ করায় কুহুমের কোমর সে জড়াইয়া ধরিল প্রাণপণে।

কুহুম মুখ ফিরাইয়া চোখ রাঙাইয়া চরণ দত্তের গৃহিণীকে বলিল, মেয়েটাকে ঠেলছ কেন গা? কেন ঠেলছ? গাল দিলে ভাল হবে! সরে বোসো, জায়গা দাও। সবাই বসবে, সবাই দেখবে—তোমার একার জগ্ন তো যাত্রা নয়।

কুহুমকে মোতির এত ভাল লাগিল! কুহুমের কাছে মতি এত কৃতজ্ঞতা বোধ করিল!

যাত্রা শুরু হওয়ার একটু আগে কুহুম বলিল, ওই জ্বাখ মতি, ছোটবাবু।  
দেখেছি।

এত লোক, এত আলো, এত শব্দ—মতির নেশা লাগিয়া গিয়াছিল। পাটকরা  
মুগার চাদরটি কাঁধে দেওয়ার শরীকে ভারি বাবু দেখাইতেছে। সে আসরে আসিয়া  
দাঁড়ানো মাত্র মতি তাহাকে দেখিতে পাইয়াছিল। স্বয়ং শীতলবাবু তাহাকে ডাকিয়া  
কাছে বসাইলেন দেখিয়া শরীর সম্মানে মতিরও সম্মানের সীমা নাই।

সামিয়ানার তলা ভারিয়া গিয়া খোলা আকাশের নীচে পর্বস্ত লোক জমিয়াছে।  
দুজন সুলকায়্যা গৃহিণীর মাঝে পড়িয়া মতির গরম বোধ হইতেছিল। এদিকে এক  
সময় বাজনা বাজিয়া ওঠে। কনসার্ট—ত্রকতান। শুনিলে এমন উত্তেজনা বোধ হয়!  
কিছু একটা উপভোগ্য ঘটবার প্রত্যাশা, তারপর বাজনা থামিয়া যাত্রা শুরু হয়। বোল-  
জন সখী আসিয়া নৃত্য আরম্ভ করে। তাদের পরনে পশ্চিমা ঘাগরা।

মতি ফিসফিস করিয়া বলে, ব্যাটাছেলে সখি সেজেছে, না বৌ?

সখীরা নাচিয়া গেলে প্রবেশ করেন জনা ও অগ্নিদেব। জনাকে দেখিয়া মতির  
সন্দেহ হয়। ও নিশ্চয়ই মেয়েমানুষ, বৌ! না?

তোর মাথা। চূপ কর, শুনতে দে।

প্রবীরের প্রবেশ দ্বিতীয় দৃশ্যে। গঙ্গাদেবীর পুত্রবাতী অর্জুনকে যথাবিধি শাস্তি  
দিবার প্রতিজ্ঞামূলক এক পৃষ্ঠাব্যাপী স্বগত উক্তির পরেই। প্রবীরকে দেখিয়াই আসর  
মুগ্ধ হইয়া যায়। স্মার্ট সাজপোষাক, কি লালিত্যময় যৌবনমূর্তি, তলোয়ারটা কি  
চকচকে। কথা যখন সে বলে, আসরে একটা শিহরণ বহিয়া গিয়া শ্রোতারী যেন পরম  
আরাম বোধ করে। জমিবে, প্রবীরের পাট জমিবে। খাসা জমিবে। যেমন  
রাজপুত্রের মত চেহারা, তেমনি চমৎকার গলা। প্রবীরের প্রিয়া মদনমঞ্জরীও আসরে  
আছেন। এত লোকের মাঝে এ যেন একান্ত নির্জন রাজোদ্যান, এমনি নিঃসঙ্কোচ  
নির্ভুল আবেগ মথিত স্বরে প্রবীর তাহাকে ভালবাদিতে থাকে। যাত্রার আসরে  
হাত ধরার অতিরিক্ত প্রেমস্পর্শ নিষিদ্ধ। সেজন্ত প্রবীরের কোন অসুবিধা আছে মনে  
হয় না। শুধু কথায়, শুধু অভিনয়ে এতগুলি লোকের মনে সে বিশ্বাস জন্মাইয়া  
দেয় যে তাহারা দুজন একদেহ একপ্রাণ।

অবাক হয় কুহুম আর মতি।

কুহুম বলে, ওলো, এ যে সেই লোকটা।

মতি বলে, কি সুন্দর করছে বৌ, মনে হচ্ছে যেন সত্যি।

কুহুম একটু হাসে, যেন তোয় সন্দেহই করছে, না?

মতি জবাব দেয় না। শোনে।

প্রবীর বলৈ :

রাগ করিয়াছ ?

কেন রাগ করিয়াছ অবোধ বালিকা ?

কেন এত অভিমান । দুটি চোখে

কেন এত ভৎসনা ? মুখে মেঘ

নামিয়াছে, দুলে দুলে ফুলে ফুলে

উঠিতেছে বুক দেখে মনে হয়

আমি যেন বকিয়াছি তোরে,

মন্দ বলিয়াছি ।

এ গাঙ্গীর্ধ, হাসিহীন এত কঠোরতা

ফুলে কি মানায় সখি,

মানায় কুহুমে ? আমি তোরে ভালবাসি

সত্য কহিয়াছি, প্রাণদিয়ে ভালবাসি তোরে

সাক্ষী নারায়ণ । সাক্ষী মোর হৃদয়ের—

মতির বৃকের ভিতর সিরসির করে । কুহুম মনে মনে অধীর হইয়া ভাবে, বল না লক্ষ্মী-  
ছাড়ি, রাগ করিনি ; মুখ ফুটে ও কথাটা তুই আর বলতে পারিস না ? খন্নি প্রাণ তোর ।

রাত তিনটা অবধি যাত্রা শুনিয়া আসিয়া ঘুম ভাঙিতে পরদিন সকলেরই বেলা হয় ।  
হয় না শুধু শশী আর পরানের । যামিনী কবিরাজের বৌ রোগের বিপজ্জনক অবস্থায়  
উপনীত হইয়াছে । সকাল সকাল উঠিয়া স্নান করিয়া শশী তাহার কাছে যায় ।  
পরানের ক-বিধা জমির ফসল অবিলম্বে ঘরে না তুলিলেই নয় । নিজে উপস্থিত না  
থাকিলে সাতাশটা খেজুরগাছের রসই তাহার অর্পেক চুরি হইয়া যাইবে ।

তালগাছ ছাড়া আর কোন গাছ পরান এবার জমা দেয় নাই । এবার সে নিজেই  
খেজুর রস জাল দিয়া গুড় করিবে । ডাঙা জমিতে এবার সে কিছু মুলারও চাষ করিবে  
স্থির করিয়াছে । শশী বলিয়াছে, জমিতে হাড়ের সার দিলে মুলা ভাল হয় । দশ সের  
গুঁড়া হাড় পরান পরীক্ষার জন্ত আনাইয়া লইয়াছে । এখনো জমিতে দেওয়া হয়  
নাই । পরানের অনেক কাজ ।

হুপুরে কুমুদ শশীর বাড়িতে আসিল । শশী বাড়ি ছিল না । গোপাল জানিয়াছে কুমুদ  
যাত্রা করে । কুমুদকে সে বাড়ির বেড়া পার হইতে দিল না । বাহিরের ঘরে বসাইয়া রাখিল ।

দাবা খেলতে পার হে ?

আমি নী।

গোপাল তখন বাড়ির মধ্যে গেল ঘুমাইতে। কুমুদ, গত রাজের হাজার নরনারীর হৃদয়ঙ্গমী কুমুদ, নিজেকে পরিত্যক্ত বন্ধু মনে করিয়া গেল তালপুকুরের ধারে। সেখানে তাহার বন্ধু জুটিল মতি।

মতি কি মাঝে মাঝে তালপু রে কবিত্ব করিতে আসে? নিরুন্ম দুপুরের অলস প্রহরগুলি ঘরে কি তাহার কাটে না? কে বলিবে! আজ কিঙ্ক সে বিশেষ দরকারেই তালপুকুরে আসিয়াছিল। পুকুরপাড়ে কাল সে কানের একটা মাকড়ি হারাইয়াছে। যাত্রা দেখার উৎসাহে কাল খেয়াল থাকে নাই। আজ স্নানের সময় কানে হাত পড়িতে,—ওমা, মাকড়ি কোথায়? ভয়ে কথাটা সে কাহাকেও বলে নাই। দুপুরে সকলে ঘুমাইলে চুপিচুপি খুঁজিতে আসিয়াছে।

রূপা নয়, তামা নয়, সোনার মাকড়ি। কি হইবে?

মাকড়ি মতি পাইল না। পাইল কুমুদকে। উভয় পক্ষই কৃতার্থ হইয়া গেল। কুমুদ এ জগতের রক্তমাংসের মাণ্ড্য নয়, রূপকথার রাজপুত্র, মহাতেজা, মহাবীর্যবান, মহা-মহা প্রেমিক। হাঁ, কুমুদ মাটির পৃথিবীর কেহ নয়। পৃথিবীর সেরা লোক শশী, কুমুদ শশীর মতোও নয়। ছোটবাবুর কথা মতি কি না জানে? ছোটবাবু কি খাইতে ভালবাসে তা পর্যন্ত। কুমুদ কি খায় কে তার খবর রাখে? শাট-পরা কুমুদ হইল রাজপুত্র প্রবীর। শশী কে?

কি খুঁজছ খুকী?

মতি বলে। বলিতে মতির ভাল লাগে। সোনার মাকড়ি হারানো যেন বাহা-দুরির কাজ। বলে, বাড়িতে জানালে মেরে ফেলবে।

মেরে ফেলবে? বাড়িতে তোমাকে খুব মারে নাকি?

এমনি মারে না। দামী জিনিস হারালে মারে। আজ আপনি কি সাজবেন? রাবণ। কুমুদ হাসে।

হঁ্যা, রাবণ বৈকি! রাবণ তো দেখতে বিল্লী?

কুমুদ খুশী হইয়া বলে, লক্ষ্মণ সাজব।

মতি উৎসুক হইয়া জিজ্ঞাসা করে, উর্মিলা কে সাজবে? কাল যে আপনার বোঁ সেজেছিল সে? আচ্ছা, ও তো ব্যাটাছেলে, অঁ্যা?

কুমুদ বলে, ব্যাটাছেলে বৈকি!

মতির সঙ্গে কুমুদও মাকড়ি খোঁজে। তালপুকুরের ভাঙাচোরা ঘাট হইতে তাল-বনের মাঝামাঝি পর্যন্ত পায়ে-চলা পথের দুধারে।

বাড়ির কাছে পৌঁছিয়া যাওয়ার ভয়ে মতি বলে, ওদিকে নেই, আমি ভাল করে

খুঁজেছি। ভাবে, প্রবীর চলিয়া গেলে এখান হইতে বাড়ি পৰ্বন্ত সে নিজেই খুঁজিয়া দেখিবে। খুঁজিতে খুঁজিতে দুজনে আবার ঘাটে ফিরিয়া যায়।

মতি বলে কোথায় পড়ে গেছে কে জানে! ও আর পাওয়া যাবে না।

না পেলে তোমায় মারবে, না? কে মারবে?

কে মারিবে মতি তাহার কি জানে? একজন কেউ নিশ্চয়।

তবে তো মুশকিল। কুমুদ চিন্তিত হইয়া বলে।

বলে, তোমার আর একটা মাকড়ি কই? দেখি, কি রকম?

অগ্র মাকড়িটি মতি আঁচলে বাধিয়া রাখিয়াছিল। খুলিয়া দেয়। খুবই সাদাসিধে মাকড়ি, একটুকরা চাঁদের কোলে একরত্তি একটা তারা। তারার তলে চাঁদটা দোলে।

মাকড়ি হারিয়েছে কাউকে বোলো না খুকি।

কেউ টের না পাইলে মতি আপনা হইতে অবশ্যই বলিবে না। কিন্তু কেন?

কাল তোমাকে একটা মাকড়ি এনে দেব।

মতি অবাক হইয়া যায়!

পাবেন কোথায়?

কেন, গাঁয়ে তোমাদের গয়নার দোকান নেই?

কিনে আনবেন!—মতির মনে হয় মাকড়ি কেনার আগে প্রবীর তাকেই কিনিয়া ফেলিয়াছে!

তাহার মাকড়িটা পকেটে ভরিয়া কুমুদ চলিয়া গেলে পুকুরঘাটে বসিয়া বসিয়া সে এই কথাটাই ভাবে। তাহাকে একটা মাকড়ি দেওয়া প্রবীরের কাছে কিছুই নয়। আর কত মেয়েকে হয়তো সে অমন কত দিয়াছে। বেশি না থাক, যাত্রার দলে দুটো একটা মেয়েও কি নাই? তবু তাহাকেই মাকড়ি দিতে চাওয়ার জন্য প্রবীর কি ভয়ানক ভাল!

আজ তাহাদের যাত্রা শুনিতে যাওয়া বারণ। পরান নিষেধ করিয়া দিয়াছে। রোজ রোজ যাত্রা শোনা কি? একদিন শুনিয়া আসিয়াছে, আজ বাদ যাক, কাল আবার শুনিবে। পরান ওদের যাত্রা শুনিতে যাওয়া পছন্দ করে না। কেন করে না তার কোন কারণ নাই। ওরা যাত্রা শুনিয়া বেলা দশটা পৰ্বন্ত পড়িয়া পড়িয়া ঘুমাক আর না ঘুমাক, পরানের কিছুই আসিয়া যায় না। প্রতিদিন প্রদোষের আধ অন্ধকারে সে যখন বাহির হইয়া যায়, এ বাড়িতে কারো ঘুম ভাঙে না। তাহার স্বপ্ন-স্ববিধার দিকে তাকানোর অভ্যাস এ বাড়িতে কাহারো নাই। এক বেলা ভাতের বদলে মুড়ি খাইয়া থাকিতে হইলে নালিশ করা পরানকে দিয়া হইয়া উঠে না। তবু সে চায় না বাড়ির মেয়েরা যাত্রা শুনিতে যায়—পর পর দুদিন যাত্রা শুনিতে যায়।

তুমি যাবে না? না, নিজের বেলা ভিন্ন নিয়ম? কুহুম বলিল। সে রাগিয়াছে।  
আমার সঙ্গে তোমার কথা কি? ব্যাটাছেলে নাকি?

তুমি গেলে আমিও যাব।

আমি যাব না তবে। পরানও মাঝে মাঝে গৌঁ ধরতে জানে।

কুহুম বলে, তুমি যাও না যাও আমি কিন্তু যাব।

চুলোয় যাও।

মুখে যাই বলুক, কুহুম যাত্রা শুনিতে যাওয়ার কোন আয়োজনই করিল না। পাড়ার অনেক বাড়ির মেয়েরা যাইবে। কুহুমও তাদের সঙ্গে যাইতে পারে। কিন্তু যাওয়ার চেয়ে না যাওয়ার মধ্যেই এখন রাগ ও অভিমান বেশি প্রকাশ পায়; জিদও তাহাতেই বজায় থাকে বেশি। কুহুম তাই সারাটা দুপুর ঘুমাইয়া কাটাইয়া দিল।

সন্ধ্যার সময় বাজনার শব্দ শুনিয়া অস্থির হইয়া উঠিল মতি। প্রবীর আজ লক্ষণ সাজিবে। কি রকম না জানি আজ দেখাইবে তাহাকে! পারিলে মতি একাই চলিয়া যাইত। দু বছর আগেও এমন সে গিয়াছে। এখন আর সেটা সম্ভব নয়। দু বছরের মধ্যে সে যে কি ভয়ানক বড় হইয়া গিয়াছে ভাবিলেও মতির চমক লাগে। কিন্তু কি করা যায়। অমন করিয়া বাজনা বাজিতে থাকিলে ঘরেও টেকা অসম্ভব।

এক সময় কুহুমকে সে বলিল, যাত্রা নাই শুনি, ঠাকুর দেখে আসি চল না বৌ?

পরান দাওয়ায় বসিয়া অর্থসমস্তার কথা ভাবিতেছিল। সে ডাকিয়া বলিল, এদিকে শোন মতি, শুনে যা।

মতি কাছে আসিল: কি বলছিলি?

ঠাকুর দেখতে যাব।

ঠাকুর দেখতে যাবি? আচ্ছা, চল। একটু যাত্রাও শুনে আসবি অমনি।

পরান এমনি ভাবে এক রকম স্পষ্টই হার স্বীকার করিল। কিন্তু কুহুম আর যাইতে রাজী নয়। এখন খাওয়া-দাওয়া সারিয়া পান সাজিয়া যাইতে যাইতে পালা শেষ হইয়া যাইবে না!

ঠাকুর পূজার বাজি বাজছে। পালা শুরু হতে ঢের দেরি। পরান উদাসভাবে বলিল।

মতি বলিল, চল না বৌ? অমন করিস কেন?

কুহুম বলিল, গিয়ে বসবি কোথায়? তোর জগ্গে জায়গা ঘুমোচ্ছে! সকাইয়ের পেছনে বসে যাত্রা শোনার চেয়ে ঘরে শুয়ে ঘুমানো ঢের ভাল।

পরান বলিল, ছোটবাবুকে বললে—

ছোটবাবুর নামোল্লেখে কুহুম আরও রাগিয়া কহিল, ছোটবাবু কি করবে? জায়গা গড়িয়ে দেবে?

পরান বদলি, ছোটবাবুর বাড়ির সবাই বাবুদের বাড়ির মেয়েদের জায়গায় বসে। নেটের পর্দা টাঙানো, দেখিসনি মতি! বাবুদের বাড়ি ছোটবাবুর খাত্তির কত! ছোটবাবুকে বললে তোদের ওইখানে বসিয়ে দেবে।

কুসুম হঠাৎ শাস্ত হইয়া বলে, আমি যাব না।

তাহাকে আর কোনমতেই টলানো যায় না। বাবুরা জমিদার, শশীরা বড়লোক। ওদের বাড়ির মেয়েদের কত ভাল-ভাল কাপড়, কত দামী দামী গয়না। একটা জ্বরজ্ব লেন-লাগানো জ্যাকেট গায়ে দিয়া তাঁতিবাড়ির কোরা কাপড় পরিয়া ওদের মাঝখানে (মাঝখানে তাহাকে বসিতে দিবে না ছাই, এককোণে বিয় মত বসিতে হইবে) গিয়া বসিলে দম আটকাইয়া যাইবে কুসুমের।

শেষ পর্যন্ত পরানের সঙ্গে মতি একাই গেল। শশীকে খুঁজিতে হইল না। সে বাড়িতেই ছিল। সে বলিল, তোর তো কম সখ নয় মতি! কিন্তু সঙ্গে গিয়া মতির বসিবার একটা ভাল ব্যবস্থা করিয়া দিতে সে আপত্তি করিল না। বরং নেটের পর্দার আড়ালে, যেখানে বাবুদের বাড়ির মেয়েরা বসে মতিকে সেখানে বসাইতে পারিয়া সে বিশেষ গর্বই বোধ করিতে লাগিল।

শীতল বাবুদের বাড়ির মেয়েরা গায়ে সিল্কের ব্লাউজ দেয়, বোম্বাই শাড়ি পরে। শীতলবাবুর ভাই কলিকাতা-প্রবাসী বিমলবাবুর স্ত্রী-কন্ঠারা পায়ে জুতাও দিয়া থাকে। হুঁভায়ের পরিবারে নারীর সংখ্যাও কি কম! সংসারে যেখানে যত টাকা সেখানে তত নারী, সেখানে তত পাপ। মতি সংসারের এ নিয়ম জানিত না। সংসারে কোন্ নিয়মটাই বা সে জানে? কাঁচা মেয়ে সে, বোকা মেয়ে। প্রায় কুড়ি বর্গফিট পরিমাণ পরিষ্কার চাদরের উপর গাদা করা ঘষামাজা সাজানো-গোছানো স্বজাতির মধ্যে আসিয়া পড়িয়া সে যেন দিশেহারা হইয়া গিয়াছিল।

বিমলবাবুর স্ত্রী শুধোন, আমার মুখে কি দেখছ বাছা।

বিমলবাবুর মেয়ে বলে, তোমার চশমা দেখছে মা।

মতির বৃকের ভিতর টিপ-টিপ করে। তাহাকে বসিতে দেওয়া হইয়াছে সন্মানের আসনেই, সামনের দিকে, পিছনে আশ্রিত পরিজনদের মধ্যে নয়। শীতলবাবু নিজে মেয়েটিকে সঙ্গে করিয়া পৌঁছাইয়া দিয়া বলিয়াছেন, সামনে বসিও। শশী ডাক্তারের বাড়ির মেয়ে।

কাল শশী ডাক্তারের বাড়ির মেয়েরা যত বিলী করিয়াই হোক খুব সাজিয়া আসিয়াছিল, এর আজ একি বেশ! শীতলবাবু আর বিমলবাবুর বাড়ির মেয়েরা এই কথা ভাবিয়াছিল। তাহারা কাপড় চেনে, গয়না চেনে, নিজেদের ঘবে এবং মাজে। ও মেয়েটা, ধরতে গেলে, রীতিমত নোংরাই।

শীতলবাবুর পুত্রবধু গভীর ছেলে হওয়ার সময় বাজিতপুরের সিভিল সার্জন আসিয়া পড়ার আগে শশীর হাতেই জীবন সমর্পণ করিতে বাধ্য হইয়াছিল। বিছানায় শুইয়া শুইয়া নভেল পড়ার সে কী ভীষণ শাস্তি! যাই হোক ছেলেটি বিয় কাছে দোতলায় এখন চোখ বুজিয়া ঘুমাইতেছে। সিভিল সার্জন করিয়াছিল কচু, ছেলেটা একরকম শশী ডাক্তারের দান বৈকি! শীতলবাবুর পুত্রবধু তাই এক সময় মতিকে কৌতুহলের সঙ্গে জিজ্ঞাসা করিল, শশী ডাক্তার তোমার কে হয় গো?

কেউ না।

ওমা! কেউ না? এই রাজে তুমি পরের সঙ্গে যাত্রা দেখতে এলে?

পর কেন? দাদার সঙ্গে এসেছি।

তোমার দাদা কে? কাদের বাড়ির মেয়ে তুমি?

আমি ঘোষবাড়ির মেয়ে—আমার বাবা স্বর্গীয় হারানচন্দ্র ঘোষ।

কথাটা শীঘ্রই রটিয়া গেল। হারু ঘোষের মেয়েকে তাহাদের মধ্যে শুঁজিয়া দেওয়ার স্পর্ধায় শশীর উপর শীতলবাবু আর বিমলবাবুর পরিবারের মেয়েরা বিশেষ অসন্তুষ্ট হইলেন। মতির কাছে ধাঁহারা ছিলেন, তাঁহারা বাড়ির মধ্যে যাওয়ার ছলে উঠিয়া গেলেন এবং ফিরিয়া আসিয়া অগ্রভ্রম্ব বসিলেন। হাত-পা ছড়াইয়া আরাম করিবার স্বেযোগ পাইয়াও মতির কিন্তু আরাম হইল না। অবহেলা অপমান বুঝিতে না পারায় মতো বোকা সে তো নয়।

এদিকে শশী মাঝে মাঝে সাজঘরে যায়! কুমুদকে প্রশংসা করিয়া বলে, বেশ হচ্ছে কুমুদ! তুই কলকাতার থিয়েটারে গেলি না কেন?

কুমুদ খুশী হইয়া বলে, ভাল হচ্ছে? চৌদ্দ বছর উপোস করতে হয়েছে ভাই। তবু এখনো বৌদিকে রাবণের হাত থেকে উদ্ধার করতে পারিনি। অযোধ্যায় ফিরিয়ে নিয়ে গিয়ে দাদাকে রাজা করতে পারলে বাঁচি।

কুমুদ হাসে : খানিক পরে অশোকবন থেকে বৌদিকে আনতে যাব—রাবণবধ হতে বেশী দেরী নেই। সে সিনটা দেখিস। ইয়ারে, তোদের গায়ে গয়নার দোকান আছে?

শশী বলিল, গয়নার দোকান? গয়নার দোকান কোথায় পাব? দুটো স্রাকরার দোকান আছে, ফরমাস দিলে গয়না তৈরি করে দেবে। ছোট ছোট দুটো একটা গয়না সময় সময় তৈরি করেও রাখে হয়তো, দোকান করার মতো কিছু নয়। গয়না কিনব না কি?

কিনব? আমি? কেন, গয়না কিনব কেন?

শশী একটু বিচলিত হয়। কুমুদ গয়নার দোকানের কথা জিজ্ঞাসা করিয়াছে কেন? তাও এক কথা বলিতে বলিতে হঠাৎ জিজ্ঞাসা করিয়াছে। কি ভাবিতেছে ও?



শশী ভাবে সৃষ্টিছাড়া গৌয়ার ছেলে, জগতে এমন কাজ নাই যা করে না—এই সেরা করিয়াই যেন সুখ পায়। কিন্তু গয়নার দোকানের খবর নেয় কেন? শশী আরও ভাবে যে খবর লইতে হইবে বিনোদিনী অপেরাপাটি বাজিতপুরে অভিনয় করার সময় সেখানকার কোন গয়নার দোকানে কিছু ঘটিয়াছে কি-না।

শশীর মনের মধ্যে সন্দেহটা খচখচ করিয়া বেঁধে বৈকি। সে মনে করে বৈকি যে আচ্ছা পাগল সে, এ কি কথা এও কি কখন হয়? তবু সে ভাবিয়া রাখে, বাজিতপুরের গয়নার দোকানের গত দু মাসের কুশল কালই জানিবার চেষ্টা করিবে। এই অজ্ঞান কাজটা করিবার আগাম প্রায়শ্চিত্ত হিসাবে রাত বারোটটার সময় বাড়ি ফেরার আগে কুমুদকে সে পরদিন দুপুরে তাহার ওখানে আহ্বানের নিমন্ত্রণ করিয়া যায়।

পরানকে বলে, মতিকে এবার বাড়ি নিয়ে যাও না পরান? কত রাত আগবে?  
পরানেরও ঘুম পাইয়াছে। সে বলে, যাবে কি।

কিন্তু মতি ডাকিবামাত্র চলিয়া আসে। আজ যাত্রা শুনিতে তাহার ভাল লাগিতেছিল না। যে কাঁচা মনে বিনা কারণেই সর্বদা আনন্দ ভরিয়া থাকে, যে কোন একটা তুচ্ছ উপলক্ষে মনে তাহার উত্তেজিত সুখ হয়, শীতলবাবুর পরিবারের মেয়েয়া যাত্রা শোনার উৎসাহ তাহার নষ্ট করিয়া দিয়াছে। মতি যেন চুরি করিয়া বাড়ি ফিরিল। তবু, কি সুন্দর ওই মেয়েমানুষগুলি! এক-একজন যেন এক-একটি ছবি।

হারু ঘোষ যেখানে বজ্রাঘাতে মরিয়াছিল, সেখানটা বিবাক্ত সাপের আস্থানা। হারু ঘোষের বাড়ির কাছে তালবনের সাপগুলির বিষ নাই। বিষ নাই? কুমুদকে যে সাপটা কামড়াইয়াছিল সেটার বিষ ছিল না। সেটা জলের সাপ, ঢোঁড়া সাপ। কিন্তু তালবনের সাপ কি জলের সাপ, সব সাপ কি ঢোঁড়া সাপ? কে বলিবে! মতি তাহা জানে না। শেষ পর্যন্ত তাহাকে স্বীকার করিতে হয় যে অজ্ঞ সাপে কামড়ালে হয়তো যেতেন মরে।

মতির দু কানে দুটি মাকড়ি দোলে। মাকড়ি দুটির চাঁদ দুটির কোলে একরতি তারা দুটিও দোলে। কুমুদ নিজের হাতে তাহাকে মাকড়ি পরাইয়া দিয়াছে। ওর মধ্যে একটা নূতন ঝকঝকে; অগ্নটা অনেক দিনের পুরানো, মলিন। এ একটা সমস্তার কথা বৈকি! মতি যত বোকাই হোক,—আসলে, সে আর এমন কি বেশি বোকা? এটুকু মতি খেয়াল করিয়াছিল। নূতন মাকড়ি দেখিলেই সকলে ধরিয়া ফেলিবে যে? সে বলিবে কি? কৈফিয়ত দিবে কী? রাজপুত্র প্রবীর, দুপুরবেলা তালপুকুরের ধারে মাকড়িট নিজের হাতে তাহার কানে পরাইয়া দিয়াছে শুনিতে বাড়িতে তাহাকে আর আশ্ত রাখিবে না। কুমুদ এ সমস্তার মীমাংসা করিয়া দিয়াছে। বাড়ি

ধাওঁৱাৰ আগে ( বাড়ি যেন মতিৰ কঁত দূৰ ! ) কান হইতে ছুটা মাকড়িই মতি খুলিয়া  
কলিবে। ৰাজে তেঁতুল মাখাইয়া ৰাখিয়া দিয়া সকালে সোড়া দিয়া মাজিলে ছুটি  
মাকড়িই মনে হইবে মাজিয়া-ঘৰিয়া পৰিষ্কাৰ-করা পুৱানো মাকড়ি। জিজ্ঞাসা কৰিলে  
মতি বলিবে, সাফ কৰেছি। তেঁতুল দিয়ে আৰ সোড়া দিয়ে। মতি এই কথা বলিবে !  
এই সত্য কথাটা।

কুমুদেৰ বুদ্ধি দেখিয়া মতি অৰাক হইয়া গিয়াছে।

অন্ত সাপে কামড়ালে মৱে যেতাম ? আমি মৱে গেলে তুমি কি কৰতে ?

আমি ? আমি কি কৰতাম ? কি জানি কি কৰতাম।

কাঁচা মেয়ে। একেবাৰেই কাঁচা মেয়ে। কিন্তু মনে মনে মতি সবই জানে। কি  
জানে না সে ? সেদিন কুমুদ সাপেৰ কামড়ে মৰিয়া গেলে সে কিছুই কৰিত না এক  
নম্বৰ, মতি এটা জানে। দু নম্বৰ সে জানে, কুমুদ শুনিতে চায় সে মৰিয়া গেলে মতি  
একটু কাঁদিত। মতি এত কথা জানে। সে কিছু কৰিত না এই সত্য কথা, আৰ সে  
একটু কাঁদিত এই মিথ্যা কথা, এৰ কোনটাই যে বলিতে নাই, এও যদি মতি না জানিবে  
—মধ্যবৰ্তী ও জবাবটা দিয়া সে অজ্ঞতাৰ ভান কৰিল কেন ? তবু, যত হিসাবই ধৰা  
যাক মতি কাঁচা মেয়েই।

এখন যদি মৱে যাই ? কুমুদ বলে।

তা হলে আমি—এখন যদি মৱে যান ? দূৰ, মৱাৰ কথা বলতে নেই।

কে জানে মতি এসব শিখল কোথায় ! আপনা হইতে শিখিয়াছে নিশ্চয়,—কথা  
বলিতে, কাপড় পৰিতে, ভাত খাইতে শেখাৰ মতো। এসব কেহ শেখায় না। কে  
শিখাইবে ? এবেং তাৰপৰ কুমুদ মতিকে নানা কথা জিজ্ঞাসা কৰে। আৰ ছেলেমাছৰী  
প্ৰশ্ন নয়। তাহাৰ নিজের কথা, আত্মীয় স্বজনৰ কথা, তাহাৰ গ্ৰামেৰ কথা। মতি  
আগ্ৰহেৰ সঙ্গে সকল প্ৰশ্নেৰ জবাব দেয়। কখনো পালটা প্ৰশ্ন কৰে। কখনো বা  
আপনা হইতেই কুমুদকে অনেক অতিরিক্ত অৱাস্তৰ কথা বলে। তাহাৰ সৱল চাহনি  
একবাৰও ফুটল হইয়া ওঠে না। তাহাৰ নিৰ্ভৰশীলতা কখনো টুটিয়া যায় না। না,  
মতিৰ কোন ভাবনা নাই। সে কিছু জানে না, কিছু বোঝে না, পৃথিবীৰ সবই তাহাৰ  
কাছে অভিনব, অভিজ্ঞতাৰ অতীত। কুমুদকে হাত ধৰিতে দেওয়া উচিত কি অল্পচিত  
সে তাৰ কি জানে। ওসব কুমুদ বুঝিবে। ৰাজপুত্ৰ প্ৰবীৰ বুঝিবে। মতিৰ বিশেষ  
লক্ষ্যও কৰে না। তবে, হঠাৎ চোখ নীচু কৰিয়া একটু যে সে হাসে সেটো কিছু নয়।

দিন ও ৰাতিৰ মধ্যে দুপুৱেৰ সময়ৰ গতি সবচেয়ে শিখিল। দুপুৱেৰ অস্ত নাই।  
আকাশেৰ সূৰ্য কতক্ৰমে কতটুকু সৱিয়া তাহাদেৰ গায়ে ৰোদ ফেলেন জানা যায় না।  
তাহাৰা উত্থিয়া টিলাটাৰ দিকে চলিতে থাকে। ওদিকে নিবিড় ছায়ার ছড়াছড়ি।

যামিনী কবিরাজের বৌ বাঁচিয়া উঠিয়াছে। ভগবানের দয়া, যামিনী কবিরাজের বৌ-এর কপাল, শশীর গৌরব।

গোপাল ছেলের সঙ্গে আজকাল প্রায় কথা বন্ধ করিয়া দিয়াছে। যামিনী কবিরাজের বৌ বাঁচিয়া উঠিয়াছে বলিয়া নয়, অল্প কারণে। অস্তুত সাধারণ মানুষের তাই ধরিয়া লওয়া উচিত। ব্যাপারটা হইয়াছিল এই। শশীর বেশ পসার হইয়াছে। বাজিতপুরের সরকারী ডাক্তারকে ডাকিতে খরচ অনেক। অনেকে শশীকেই ডাকে। যামিনী কবিরাজের বৌ-এর চিকিৎসার জ্ঞ কয়েক দিন শশী দূরে কোথাও যাওয়া তো বন্ধ রাখিয়াছেই, তিন মাইল দূরের নন্দনপুরের কল পর্যন্ত ফিরাইয়া দিয়াছে। এই সময়টা যামিনী কবিরাজের বৌ মরিতে বসিয়াছিল। গোপালের উস্কানিতে যামিনী ঝগড়া করিয়া অপমান করিয়া শশীর আসা-যাওয়া বন্ধ করিবার চেষ্টা করিয়া সফল হয় নাই। দূর গ্রামে রোগী দেখিতে পাঠাইতে না পারিয়া ছেলের উপর গোপাল ক্ষেপিয়া গিয়াছে। অথচ বাড়াবাড়ি করিবার সাহস তাহাদের ছিল না। শশীকে তাহারা দুজনেই ভয় করিতে শুরু করিয়া দিয়াছিল। মনে পাপ থাকার এই একটা লক্ষণ। মনে হয়, সকলে বুঝি সব জানে। সাপ উঠিয়া পড়ার আশঙ্কায় কেঁচো খুঁড়িবার চেষ্টাতেও মানুষ ইতস্ততঃ। আকাশে চাঁদ ওঠে, সূর্য ওঠে। পৃথিবীটা চিরকাল ঈশ্বরের রাজ্য। মানুষের এই বন্ধমূল সংস্কার সহজে যাইবার নয়। হাজার পাপ করিলেও নয়।

এমনি করে তুমি, গোপাল বলিয়াছিল, পসার রাখবে? লোকে ডাকতে এলে যাবে না? মক্কেল ফিরিয়ে দেবে?

বলিয়াছিল, যামিনী খুঁড়ে কোন দিন এতটুকু উপকার করবে যে ওর জন্ম এত করছ? নিজের সর্বনাশ করে পরের উপকার করে বেড়ানো কোন্-দেশী বুদ্ধির পরিচয় বাপু?

আমার মার যদি ওমনি অমুখ হত?—শশী বলিয়াছিল। কেন বলিয়াছিল কে জানে!

তোমার মা তো বাপু বেঁচে নেই? কপাল ভাল, তাই আগে আগে ভেগেছেন। তোমার যা সব কীর্তি—যে কীর্তি সব তোমার; তুই উজ্জ্বল যাবি শশী!

যামিনী কবিরাজের বৌ বাঁচিয়া উঠিবার পর বিপজ্জনক গাভীরের সঙ্গে গোপাল বলে, এইবার কাজকর্মে মন দাও শশী। যামিনী খুঁড়োর ইচ্ছে নয় তুমি ওদের বাড়ি যাও।

ঠাকুরদাকে পুলিশে দেওয়া উচিত।

সর্বনাশ! শশী এসব বলে কি ?

তোমার ইচ্ছেটা কি শুনি ? হ্যাঁ রে বাপু, মনের বাসনাটা তোমার কি ? সব ছেড়েছুড়ে আমি কাশী চলে গেলে তুমি বোধ হয় খুশী হও ? গুরুদেব তাই বলছিলেন । লিখছিলেন, আর কেন গোপাল, এইবার চলে এসো । আমি ভাবছিলাম, শশীর একটু স্বীতি করে দিয়ে যাই, হঠাৎ সব ছেড়ে চলে গেলে ও কোন দিক সামলাবে । কিন্তু তুমি এরকম আরম্ভ করলে আর একটা দিনও আমি থাকি কি করে ?

গোপাল করিবে সংসার ত্যাগ, গোপাল যাইবে কাশী ! সম্মুখ যুদ্ধ ত্যাগ করিয়া পছন্দ হইতে গোপালের এই ধরণের আকস্মিক আক্রমণ শশীর অভ্যাস হইয়া গিয়াছে । সে এতটুকু টলে না ।

কি অজ্ঞায় কাজটা করেছি আমি, তাই বলুন না ।

কি করেছ ? মুখে চুনকালি মেখেছ । সবাই কি বলছে তোমার কানে যায় না — আমার কানে আসে । যামিনী খুড়োর বৌ-এর অল্পধে তোমার এত দয়দ কেন ? ডাক্তার মানুষ তুমি, একবার গেলে, ওষুধ দিলে, চলে এলে । দিনরাত রোগীর কাছে পড়ে থাকলে বলবে না লোকে যে আগে থাকতে কিছু না থাকলে—

এসব আপনাদের বানানো কথা ।

এ অভিযোগ সত্য বলিয়া গোপালের রাগ বাড়িয়া যায় । গোপাল ছেলের সঙ্গে কথা বলে না ।

একটি কথা নয় । বাহিরের ঘরে ফরাসের উপর খাতাপত্র ছড়াইয়া বসিয়া গোপাল হিসাব দেখে,—খাতক, ঋণপ্রার্থী, পরামর্শপ্রার্থী ও অল্পগ্রহপ্রার্থীদের সঙ্গে কথা বলে । শশী ঘরের ভিতর দিয়া পার হইয়া যাইবার সময় গোপাল হঠাৎ কথা বন্ধ করিয়া আড়চোখে ছেলের দিকে তাকায় । কথা বলিবে না, না বলুক, ছেলেকে গলার আওয়াজও সে শুনাইবে না কি ? তা নয় । শশীকে দেখিলে গোপালের ডাকিতে ইচ্ছা হয়, শশী শোন । এই ইচ্ছাটা দমন করিবার সময় গলা দিয়া গোপালের আওয়াজ বাহির হয় না । গোপাল বাক্যহার হইয়া থাকে ।

শশী বাহির হইয়া গেলে অল্পগ্রহপ্রার্থীকে বলে, শুন্নি যে এসো তো যাচ্ছে কোথায় ?

সে যদি আসিয়া বলে,—যামিনী কবিরাজের বাড়ি,—গোপাল একদম ক্লেপিয়া যায় ।

ইয়ার্কি ? ইয়ার্কি হচ্ছে আমার সঙ্গে ?

অল্পগ্রহপ্রার্থীর চোখে আর পলক পড়ে না ।

যামিনী কবিরাজের বৌ-এর গুটিগুলি শুকাইয়া বরিয়া পড়িতে কার্তিক মাস কাবার হইয়া অগ্রহায়ণেরও কয়েক দিন লাগিয়াছে । তাহাকে দেখিলে এখন ভয় করে, করুণা

হয়। সর্বাঙ্গের ছোট ছোট ক্ষতগুলি এখনো লাগতে রঙের কদম্ব কতকগুলি গর্ত। সময়ে বার কয়েক চুমটি পড়িয়া পড়িয়া ক্ষতের কতক দাগ অনেকটা মিলিয়া আসিবে, কতক থাকিবে। কিন্তু যামিনী কবিরাজের বৌ-এর রূপের খ্যাতি আর রহিল না। রূপই গেল নষ্ট হইয়া, রূপের খ্যাতি !

একটা চোখও তার নষ্ট হইয়া গিয়াছে।

এই ক্ষতিটাই যামিনী কবিরাজের বৌকে কাবু করিয়াছে সবচেয়ে বেশী। শুধু ক্ষতটিহে ভরিয়া রূপনষ্ট হওয়াটাও তাহার কাছে সহজ ব্যাপার নয়। রূপ তাহার তেজিশ বছরের আত্মীয়, তেজিশ বছরের অভ্যাস। একগোছা চুল কাটিতে মেয়েরা কাতর হয়, এতো তাহার সর্বাঙ্গীণ সৌন্দর্য, আসল সম্পত্তি। তবু এটা তাহার সহ্য হইত। মনকে সে এই বলিয়া বুঝাইতে পারিত যে আর কি তাহার ছেলেখেলার বয়স আছে? ছেলে-ভুলানো রূপ দিয়া এখন সে করিবে কি? কিন্তু চোখ কানা হইয়া যাওয়া! এ তো রূপ নষ্ট হওয়া নয়, এ যে কুৎসিত হওয়া, কদম্ব হওয়া! তাহাকে দেখিলে এবার যে লোকের হাসি পাইবে? তাহার অমন ডাগর চোখ!

চোখ নষ্ট হয়ে গেল শশী। আমি কানা হয়ে গেলাম?

কি আর করবেন সেনদিদি? বেঁচে যে উঠেছেন—শশী সাশ্বনা দেয়।

এর চেয়ে আমার ময়াই ভাল ছিল শশী, যামিনী কবিরাজের বৌ বলে।

বলে, দেখলে ঘেমা হয় না?

না না, ঘেমা হবে কেন? ঘেমা হয় না।

যামিনী কবিরাজের বৌকে দেখিলে শশীর দুঃখ হয়, ঘেমা হয়তো হয় না। না, ঘেমা হয় না।

শশী সে রকম নয়।

কিন্তু সেনদিদির দাম যে কমিয়াছে তাতে সন্দেহ নাই। শশী অবশ্য বুঝিতে পারে না, সেনদিদির আকর্ষণ যতখানি কমিয়াছে সহানুভূতি দিয়া তাহার ক্ষতিপূরণ হইয়াছে। সেনদিদির হাসি আর দেখিবার মত নয়, তাহার একটি চোখে এখন আর গভীর স্নেহ রূপ নেয় না, তাহার মুখের দিকে অবাক হইয়া চাহিয়া থাকিবার সাধ্য এখন আর কাহারও নাই। সেনদিদির মুখের কথা, তাহার স্নেহ ও পক্ষপাতিত্ব আজ আর অমূল্য নয়। তাহার অল্প শশীর দুঃখ হয় কিন্তু শশীকে সে আর তেমনভাবে টানিতে পারে না।

প্রতিদিন সেনদিদিকে দেখিতে আসার সময় শশী আজকাল পায় না। আসিলেও, বেশীক্ষণ বসিবার তাহার উপায় নাই। যামিনী কবিরাজের বৌকে ভাল করিয়া শশীর পসার কয়েক দিনেই বাড়িয়া গিয়াছে। রোগীকে সে আর স্মিরাইয়া দেয় না, দেখিতে যায়, পকেটে টাকা লইয়া বাড়ি ধরে। একটা রাত্রি সে তো নন্দনপুরেই কাটাইয়া

আসিল। যাতায়াতের খরচ আর দশ টাকা ভিজিট। গ্রামে দশটা রোগী দেখিলে দশ টাকা, এক রাত্রে দশ-দশটা টাকা পাওয়া সহজ কথা নয়।

যামিনী কবিরাজের বৌ বলে, সেনদিদিকে ত্যাগ করলে না কি শশী ?

না সেনদিদি। রোগীর বড় ভিড়। আসবার সময় পাই না।

আঃ বেঁচে থাক বাবা, তাই হোক। আরও রোগী হোক, লক্ষপতি হও। ভগবানের কাছে দিনরাত এই প্রার্থনা করছি।—যামিনী কবিরাজের বৌ যেন কাঁদিয়া ফেলিবে। রোগা শরীর, আবেগে কান্নাই চলিয়া আসে।—বিয়ে করে সংসারী হও, দেশ জুড়ে তোমার নাম হোক, তাই দেখে যেন মরতে পারি।

এক চোখের, কোটরে ঢুকানো তাহার একটিমাত্র ডাগর চোখের, নিরতিশয় মোহা-চ্ছন্ন সজল দৃষ্টিতে শশীকে সে দেখিতে থাকে। যামিনীর চেলারা ওদিকে হামানদিস্তায় ঠকাঠক-শব্দে গুল্ল গুল্ল করে। যামিনী খায় তামাক। কাশে আর ভাবে। স্ত্রীর ঘরের চৌকাটও সে ডিঙায় না। শশীর সঙ্গে কথা বলে না! ভাবনার তাহার অন্ত নাই। থাকার কথাও নয়। এই বয়সে,—বয়স তাহার ষাটের উপর গিয়াছে, মাহুষের আর কত সহ হয়? কাণ্ড দেখো, এতদিনের রূপসী বৌটা এমন কুৎসিত হইয়াই বাঁচিয়া উঠিল যে, চোখে দেখিলে মাথা ঘোরে! ভাল এক আপদ আসিয়া জুটিয়াছিল,—শশী। মাহুষকে ও মরিতেও দিবে না?

গ্রামবাসী কিন্তু যামিনীর মুখে অন্য কথা শোনে।

শশীর চিকিৎসা? চিকিৎসাই বটে! অমনি চিকিৎসা হলে রুগীকে আর শীগগির শীগগির স্বর্গে যাবার ভাবনা ভাবতে হয় না। য়েরেই ফেলেছিল। বসস্তের চিকিৎসা ও কি জানে? কত গুণ্ডপত্র দিয়ে আমিই শেষে...

বলে, চোখটা গেল কি সাথে? ওই লক্ষ্মীছাড়ার দু দাগ গুণ্ড খেয়ে!

এসব কথা গোপালের কানে যায়। গ্রামের অনেকে গোপালের কাছে গিয়া বলে, যে যামিনী কবিরাজ আছা নিমকহারাম, গোপালের ছেলের নিন্দা করিয়া বেড়াইতেছে। সংবাদটা বলিবার সময় অনেকে মনে মনে হাসে। গ্রামের লোকের অহুমানশক্তি প্রথম। সকালে আকাশের দিকে চাহিয়া তাহারা বলিতে পারে বিকালে বৃষ্টি হইবে। বিকালে যদি নেহাৎ বৃষ্টি না-ই হয় সে অপরাধ অবশ্য আকাশের। গোপাল যামিনী কবিরাজের বউ আনিয়া দিবার পর গ্রামের লোক চার পাঁচ বছর ধরিয়া যাহা অহুমান করিয়াছিল তাহা যদি মিথ্যা হয় তবে পৃথিবীই মিথ্যা। অর্থাৎ সে অপরাধ গ্রামের লোকের অহুমানশক্তি ছাড়া জগতের আর সমস্ত কিছুর। তাই, যামিনী কবিরাজ সংক্রান্ত কোন সংবাদ দিবার সময় গভীর মুখে গোপালের দিকে চাহিয়া মনে মনে তাহারা হাসে।

গোপালের রাগ হয়। সে যামিনীকে বলে, কি গুন্ডি খুড়ো? ছেলের নিন্দে কেন?

কার নিন্দে ? শশীর ? যামিনী আশ্চর্য হইয়া যায়, আমি শশীর নিন্দে করব !  
এ কথা তোর বিশ্বাস হয় গোপাল ?

যবে নিন্দে কর, আমার কাছে নিন্দে কর, কথা নেই । কিন্তু খবদার বাইরে যেন  
নিন্দে কোরো না খুড়ো ।

কিন্তু যামিনী নিজেকে সামলাইতে পারে না । তাহার অসহ জালা । সে ফের  
শশীর নিন্দা করিয়া বসে ।

বলে, গাঁ-টাকে ও ছোঁড়া উচ্ছন্ন দেবে । ছোঁড়ার চুল ছাঁটার কায়দা দেখেছি !

মাঝে মাঝে শশীকেও সে অপমান করে, শশী গায়ে মাখে না । আগে শশী কারও  
অপমান সহ করিত না, আজকাল তাহার একপ্রকার অদ্ভুত ধৈর্য আসিয়াছে । যামিনীর,  
কথায় তাহার একেবারেই রাগ হয় না । সেনদিদির অল্পখ উপলক্ষে ওর যে পরিচয় সে  
পাইয়াছে তাহাতে বুঝিতে তাহার বাকি থাকে নাই যে, সংসারের বন্ধ পাগল ছাড়াও  
কম বেশী অনেক পাগল আছে । এক-এক বিষয়ে মাথায় যাহাদের অত্যাশ্চর্য বিকার  
থাকে । যামিনীও তাহাদেরই একজন । ওর অর্থহীন অপমানে রাগ করিলে নিজেকে  
সে এমনি পাগলের দলে গিয়া পড়িবে ।

তা ছাড়া, আর-এক দিক দিয়া শশীর মন শান্ত হইয়া স্থিতিলাভ করিয়াছিল ।  
তাহার ইন্টেলেকচুয়াল রোমান্সের পিপাসা । যাহা চায়ের ধোঁয়ার মতো, জলীয় বাষ্প  
ছাড়া আর কিছু নয়, চা-ও নয় । জীবনকে দেখিতে শিখিয়া, অত্যন্ত অসম্পূর্ণ ভাষা-  
ভাষা ভাবে জীবনকে দেখিতে শিখিয়া, সে অবাধ হইয়া দেখিয়াছে যে এইখানে, এই  
ডোবা আর জঙ্গল আর মশাভরা গ্রামে জীবন কম গভীর নয়, কম জটিল নয় । একান্ত  
অনিচ্ছার সঙ্গে গ্রামে ডাক্তারি শুরু করিয়া ক্রমে ক্রমে এ জীবন শশীর যে ভাল  
লাগিতেছে, ইহাই তাহার প্রথম ও প্রধান কারণ । তারপর যাত্রাদলের অভিনেতা সাজিয়া  
কুমুদের আবির্ভাব । মোনালিসার কুমুদ, ভেনাস ও কিউপিডের কুমুদ, শেলী-বায়রন-  
হুইটম্যানের কুমুদ, পেগ খাওয়া waltz-foxtrot-নাচা কুমুদ ; নীলাক্ষীর প্রেমিক কুমুদ  
তার চেয়ে বয়সে জ্ঞানে বিদ্যায় বুদ্ধিতে শ্রেষ্ঠ কুমুদ ; যাত্রাদলের অভিনেতা সাজিয়া  
তাহার আবির্ভাব ? এ কি ব্যর্থ যায় ! শশীর মন শান্ত হইয়াছে, স্থিতিলাভ করি-  
য়াছে । কেমন করিয়া হঠাৎ সে বুঝিতে পারিয়াছে কিউপিডের জুতাটা, আশ্চর্য শাড়িটা,  
বিশ্বয়কর ব্লাউজটাই আসল । আর আসল তখনকার কুমুদের টাকাটা । তারপর  
তোমার চেহারা তো আছেই । সেটাও একটু দরকার আর দরকার বিশ্বজগৎকে একটু  
ভোষ্ট কেয়ার করার ভাব । জমিল রোমান্স ।

শশী এটা বুঝিয়াছে । কিন্তু হিসাব তো কম নয় ? অতগুলি সমন্বয় তো তুচ্ছ  
নয় ? এটাও শশী স্বীকার করে । স্বীকার করে যে ব্যাপারটা মন্দ নয় । মানুষের

সত্যতার খুবই অগতির পরিচয়, চমৎকার উপভোগ। লোভ করিবার মতো। পাইলে সে লাভবানই হইত। কিন্তু বঞ্চিত হইয়াছে বলিয়া মনের মধ্যে অসন্তোষ পুষ্টিয়া রাখিবার মতোও কিছু নয়।

শশী ইহাও বুঝিয়াছে যে, জীবনকে শ্রদ্ধা না করিলে জীবন আনন্দ দেয় না। শ্রদ্ধার সঙ্গে আনন্দের বিনিময়, জীবনদেবতার এই রীতি।

শশী তাই প্রাণপণে জীবনকে শ্রদ্ধা করে। সংকীর্ণ জীবন, মলিন জীবন, দুর্বল পশু জীবন—সমস্ত জীবনকে। নিজের জীবনকে সে শ্রদ্ধা করে সকলের চেয়ে বেশী।

কুসুমের সঙ্গে কিন্তু শশীর আর একদিন ঝগড়া হইয়া গিয়াছে।

রাত্রে একদিন হঠাৎ কুসুমের পেটের ব্যথা ধরিয়াছিল। অসহ্য প্রাণঘাতী ব্যথা। শশীকে না ডাকিয়া উপায় ছিল না। রাত্রে, বিশেষত নীতের রাত্রে, ঘুম ভাঙিয়া বিছানা ছাড়িয়া উঠিয়া গিয়া ডাক্তারি করাটা শশীর এখনো ভাল রকম অভ্যাস হয় নাই। প্রথমে সে একটু বিরক্তই হইয়াছিল। পেটে ব্যথা! পেটে ব্যথার জন্ম হারু ঘোষের বংশে কবে ডাক্তার ডাকিয়াছে? একটু গরম তেল মালিশ করিয়া দিলেই হইত। কিন্তু কুসুমের ব্যথার প্রতাপ দেখিয়া শশীর বিরক্তি টেকে নাই।

কলিক? কে জানে?

কি খেয়েছিলে পরানের বৌ?

অবাব দিয়াছিল মতি।

বৌ আজ কিছু খায়নি ছোটোবাবু। দাদার সঙ্গে ঝগড়া করে সারাদিন উপোস করেছে। একাদশীর দিন এয়োদ্বী মাহুস করল উপোস,—হবে না?

কথাটা সাংঘাতিক। একাদশীর দিন এই উপবাস করার কথাটা। এমন কাজ করিবার মতো বৃকের পাটা কুসুম ছাড়া আর কারও হইত কি না সন্দেহ।

কিছু খাওনি পরানের বৌ?

খেয়েছি। খাব না কেন? একটা মাছের আঁশ খেয়েছি। কুসুম খুঁকিতে খুঁকিতে বলিয়াছিল।

তাহা হইলে একাদশীর দিন উপবাস করে নাই। ঝগড়ার কথাটাই সত্য, একাদশীর উল্লেখটা মতি অনর্থক করিয়াছে। শশীর হঠাৎ রাগ হইয়া গিয়াছিল। কেন, কি যুক্তান্ত না জানিয়া মতি অমন বা-তা মন্তব্য করে কেন? কিন্তু কুসুমের কি হইয়াছে? কলিক? পেটের ব্যথাটা বড় রহস্যময় অস্থখ।

পরীক্ষা করিয়া দেখিবার উপায় নাই, সত্য কি মিথ্যা বুঝিবার উপায় নাই, ধার্মো-মিটার স্কেলোপ কোনটাই কাজে লাগে নাই। রোগী বা বলে, তাই নই। ব্যথাটা ডান দিকে বলিলে ডান দিকে, বাঁদিক দেখিয়া ব্যথা বলিলে বাঁদিক-দেখিয়া ব্যথা,



চনচনে একটানা ব্যথা বলিলে চনচনে একটানা ব্যথা ! সন্দেহ করিবার ষো নাই । কুহুমের বর্ণনা শুনিয়া শশী কিছুই বুঝিতে পারে নাই । পরানকে সে আড়ালে ডাকিয়া লইয়া গিয়াছিল ।

খানিক পরে বাড়ি গিয়া পাঠাইয়া দিয়াছিল ওষুধ । নিজে আর ফিরিয়া যায় নাই । এই হইল তাহার অপরাধ । পরদিন খবর লইতে গিয়া ছাখে কুহুম আশুন হইয়া আছে ।

মরিণি । এই আপনার টাকা ।

কুহুম সত্য সত্যই আচলে বাধা ছুটি টাকা শশীর সামনে রাখিল । শশীর বুঝিতে বাকি রহিল না এই উদ্দেশ্যেই সে আচলে টাকা বাধিয়া ঘরের কাজ করিতেছিল ।

মতি বলিল, তোর কি আশ্পর্ধা বো !

বুঁচি নাই । বুঁচি অনেকদিন আগে শশুরবাড়ি চলিয়া গিয়াছে । সে থাকিলে অস্ত কিছু বলিত । আরও কড়া, আরও ঝাঁঝালো কিছু ।

কুহুম শাস্তভাবে বলিল, মা একলা গোয়াল সাফ করছে, যা তো মতি লক্ষ্মীটি, হাত লাগাবি যা । হৃদেবের সঙ্গে তোর বিয়ের পরামর্শটা ছোটবাবুর সঙ্গে করে নি । মা যেন গোয়াল ফেলে ছুটে আসে না বাপু । কাজ সেরে একেবারে চান করে আসবি । ছোটবাবু বসবে ।

কুহুম হুকুম দিতেও জানে । কেন জানিবে না ? সকলে মিলিয়া তোশামোদ করিয়া গোক কেনার জন্য তাহার অনন্তজোড়া বাগাইয়া লয় নাই ? সেও ছাড়িবে কেন ? মাঝে মাঝে ভয়ানক দরকারের সময়, শশীর সঙ্গে এখন সে যে কলহ করিবে এমনি দরকারের সময়, হুকুম তাহার সকলকে মানিতে হইবে ।

মতি চলিয়া গেলে শশী বলিল, ওষুধ খেয়ে কাল তোমার পেটব্যথা কমেই নাকি বো ?

ও ভারি ওষুধ ! কটা এইটুকু-টুকু সাদা বড়ি—ওষুধ না ছাই । নিজে একবার আসতে পারেননি ? বড়ি খেয়ে ব্যথা যদি না কমত !

এর নাম অক্ষতজ্ঞতা । ব্যথা তাহা হইলে কমিয়াছিল ? রাত্রে একবার উঠিয়া আসিয়া দেখিয়া গিয়া ওষুধ দিল, ওষুধ খাইয়া ব্যথাও কমিল, তবু কুহুমের মন ওঠে নাই । শশী বিরক্তি বোধ করিল ।

তোমার সব বিষয়েই একটু বাড়াবাড়ি আছে বো ।

কি আছে ? বাড়াবাড়ি ? হ্যাপো ছোটবাবু, আছেই তো । তা বাই বলেন, এক ঘণ্টা ধরে বুক পরীক্ষা ম্যাগেফিরা অর হলে, আমি ক'বি না ।

সে বুক পরীক্ষা করিবে, সে কি ডাক্তার ? কুহুমের মনটা শশীর বোধগম্য হয় না ।

পেটব্যথার জন্য কাল এক ঘণ্টা স্টেথোস্কোপটা ওর বুকে লাগাইয়া হৃদস্পন্দন শুনিলে ও কি স্থখী হইত ? কুসুমের মাথাধরার চিকিৎসা বোধ হয় পা টেপা। সে ডাক্তার মাহুঘ, এসব পাগলামিকে প্রশ্রয় দিলে তাহার চলিবে কেন ?

টাকা কোথায় পেলে পরানের বোঁ ?

যেখান থেকেই পাই, আপনার ভিজিট দিয়েছি, নিয়ে যান।

কোথা থেকে পেয়েছ না বললে নিতে পারি না বোঁ।

কেন, চুরি করেছি ভাবেন নাকি ?

শশী ভাবিল, এই বেশ সুযোগ পাওয়া গিয়াছে। কুসুমের এই কথাটাকে পরি-হাসে দাঁড় করাইয়া দিলেই সে হাসিয়া ঠাণ্ডা হইয়া যাইবে।

তা আশ্চর্য কি ? চুরি না করিলে তুমি টাকা পাবে কোথায় ? রোজগার কর ?

কুসুম বলিল, আমার বাবা চের রোজগার করে। তাই বলে আমরা কি আপনার তুলিয়া ? লোকের গলায় ছুরি দেওয়া পয়সায় আমরা বড়লোক হইনি, তাই আপনারা গরিব বলেন গরিব, চোর বলেন চোর !

শশী মুখ কালো করিয়া বাড়ি ফিরিল।

সারাদিন তাহার মন খারাপ হইয়া রহিল। নিজের চারিদিকে সে যে শিক্ষা ও সভ্যতার খোলটি সময়ে বজায় রাখিয়াছিল, কুসুম তাহাতে ফাটল ধরাইয়া দিয়াছে। কুসুমের কথা মিথ্যে নয়। হারু ঘোষের চেয়ে তাহার বাবা কি একদিন গরীব ছিল না ? লোকের গলায় ছুরি দিয়াই গোপাল যে পয়সা করিয়াছে এ কথাও প্রতিবাদ চলিবে না। গোপালের চেয়ে কুসুমের বাবা চের বেশি ভদ্রলোক। কুসুমকে তাহার বাবা মধ্যে মধ্যে পত্র লেখে। গোপালের সাধ্য নাই অমন সুন্দর হস্তাকরে ওরকম চিঠি লিখিতে পারে। ঠিকানায় কুসুমের নামটা বাংলায় লিখিয়া কুসুমের বাবা বাকিটা লেখে ইংরাজীতে। গোপাল এ বি সি ডিও চেনে না। অপমানটা করিবার সময় কুসুম হয়তো এই সব কথাও মনে রাখিয়াছিল।

গ্রামের লোকেরা তাহাকে যে ছোটবাবু বলিয়া ডাকে ইহাতে শশীর গৌরব কিছু নাই। এটা উপাধি মাত্র, শুধু নাম। সম্মান নয়। গোপালের মক্কেলরা শিশুকালে আদর করিয়া তাহাকে ছোটবাবু বলিয়া ডাকিত, ডাকটা কি করিয়া গ্রামে ছড়াইয়া পড়িয়াছে এবং টিকিয়া আছে। এসব ভুলিয়া গিয়া সে কি অহঙ্কারী হইয়া উঠিতেছিল ? সকলের সঙ্গে—ছোটবাবুটির মতো ব্যবহার শুরু করিয়া দিয়াছিল ?

শশীর আত্মসম্মান অত্যন্ত আহত হইয়া রহিল। সে ভাবিল, আমার রকম সকম দেখে কুসুম হয়তো মনে মনে হাসে। কুসুম হয়তো ভাবে, আঙ্গুল ফুলে কলাগাছ হলে এমনই করে মাহুঘ ! বাপের চুরি-চামারির পয়সায় লেখাপড়া শিখে এত কেন ?

কুহুম কমা চাহিতে আসিল দিন চারেক পরে । হুপুংবেলা চুপিচুপি, চৌরের মতো !  
শশীর ঘরের পিছনে বাগান । বাগানে লিচু হয়, আম হয়, কাঁঠাল হয়, কপি হয়,  
নটেশাক হয়, তীব্রগন্ধী কাঁঠালী চাপা, লালবোটা শিউলিফুল ফোটে । বাগান দিয়া  
আসিয়া ঘরের জানালার ফাঁকে ফিসফিস করিয়া কুহুম ডাকিল, ছোটবাবু, শুমন ।

শশী ঘুরিয়া বাগানে গিয়া আঁখে জানালার নীচে তাহার অত সাধের গোলাপচারাটি  
কুহুম দুই পায়ে মাড়াইয়া মাটিতে পুঁতিয়া দিয়াছে ।

গাছটা মাড়ালে কেন বৌ ? কিসে দাঁড়াচ্ছ দেখে দাঁড়াতে হয় ।

শশীর সাধের ফুলের চারাকে হত্যা করিয়া শুরু করিলেও কুহুমের কাজ হইল । শশী  
তাহাকে ক্ষমা করিয়া ফেলিল ; সমস্ত অপরাধ । আজ পবন কুহুম তাহার কাছে  
যত অপরাধ করিয়াছে সব । কুহুম বলিল, চার রাত সে ভাল করিয়া ঘুমায় নাই ।  
কথাটা শশী বিশ্বাস করিল । কুহুম অম্লানবদনে মিথ্যা বলে জানিয়াও বিশ্বাস করিল ।  
কারণ, কুহুমের মুখে কথাটার প্রমাণ ছিল এবং চোখে ছিল জল । কুহুম আরও বলিল,  
কয়েক দিনের মধ্যেই সে বাপের বাড়ি চলিয়া যাইবে । তার বাবা ভুবনেশ্বর পত্র  
দিয়াছে । ছোটবাবুকে রাগাইয়া চলিয়া যাইবার কথাটা ভাবিতে তাহার এমন খারাপ  
লাগিতেছিল ! তাই ক্ষমা চাহিতে আসিয়াছে ।

আমার এই স্বভাবেই জগৎ কেউ আমাকে দুচোখে দেখতে পারে না । মুখের আমার  
আটক নেই !

শশী জিজ্ঞাসা করিল, সেদিন রাত্রে তোমার কি হয়েছিল বল তো ? সত্যি বলো !

পেট ব্যথা করছিল ।

জিভ দেখি ?

কুহুম সঙ্গজ্জভাবে জিভ দেখাইল ।

জিভ তো পরিষ্কার ।

জিভ পরিষ্কার হবে না কেন ছোটবাবু ?

না, জিভ অপরিষ্কার থাকিবার কোন কারণ নাই । কুহুমের স্বাস্থ্য বাহিরের ফাঁকি  
নয়, ভিতরেরও সে খুব মজবুত । কুহুমকে শশীর এই জগুই ভাল লাগে । দশ বছরে  
একবার একরাত্রে শুধু একটু পেটের ব্যথায় কষ্ট পায়, আর কোন রোগ-বালাই নাই ।  
এই তো চাই । সব বাঙালী ঘরের মেয়ের এ রকম স্বাস্থ্য হইলে জাতটা আজ ডুবিতে  
বসিত না, শশী এ কথাও ভাবে ।

জানালার দিয়া উৎসুক দৃষ্টিতে ঘরের ভিতর চাহিয়া কুহুম বলিল, আপনার ঘরটা  
একটু দেখে যাব ছোটবাবু ?

চল না, সিঁদু ওদের কাউকে ডাকি, অ্যা ?

না। আমি একাই দেখে যাই।

কুহুম একাই শশীর ঘর দেখিল। শশী জানিত এটা উচিত নয়। কিন্তু বারণও  
সে করিল না। ভাবিল ওর বদি বদনামের ভয় না থাকে আমার বয়ে গেল। আমি  
তো ডাকিনি।

শশীর ঘর দেখিয়া কুহুম বলিয়াছিল, বেশ সাজানো ঘর। কিন্তু জাহ্নবীর মিউজিয়মের  
মতো মাহুঘের শোবার ঘরে কি আর দেখিবার থাকে? বড় আলমারি দুটির পাঁচটি  
তাক। একটি আলমারিতে ঠাসিয়া বই ভরিয়াও কুলায় নাই, মাথার উপরে উঁচু  
করিয়া সাজাইয়া রাখা হইয়াছে। অপরটির উপরে তাক তিনটিতেও ডাক্তারি বই  
সাজানো, নীচের তাকে চকচকে ডাক্তারি, যন্ত্রপাতি। কোনটা কি কাজে লাগে?  
কুহুম জিজ্ঞাসা করিল। কুহুমের যেন তাড়াতাড়ি নেই, যতক্ষণ খুশী শশীর ঘরে  
থাকিতে পারে। দেয়ালে কয়েকটা ছবি আর ফটো টাঙানো আছে, কুহুম অশ্রমনস্কের  
মতো সেগুলি দেখিল। ফটোগুলি অধিকাংশই শশীর বাড়ির স্ত্রী-পুরুষের, কোন মস্তব্য  
নিশ্চয়োজ্ঞান। কুমুদের ফটোটা দেখিয়া কুহুম বলিল, সেই লোকটা না? গতবৎসর  
শশী দেয়ালে এক গোছা ধানের শীষ টাঙাইয়া দিয়াছিল। দেখিয়া কুহুম ভারি খুশি।  
কাঠের বাস্কে কি আছে? গুধু? দেখি। ওই ছোট আলমারিতে গুধু রাখিয়াছে,  
আবার বাস্কে কেন?

এ ঘরে আপনি একা শোন ছোটবাবু?

একাই শুই!

তা, বৌ আসতে আর দেরি কত? শীগগির বাড়ি চলে যাব ছোটবাবু। আর  
আসব না।

আসবে না? সে কি? শশী অবাক হইয়া গেল।

হুম একটু ভাবিল! আসব, অনেক দেরি করে আসব। হয়তো ও বছর নয়তো  
পরের বছর, ঠিক কিছু নেই। আচ্ছা, যাই ছোটবাবু।

শশী বলিল, কি করে যাবে? বাবা ওদিকে দাওয়ায় এসে বসেছেন। ঘুমিয়ে  
উঠলেন।

তবে? কুহুম জিজ্ঞাসা করিল। সে যে বিশেষ ভয় পাইয়াছে মনে হয় না। বিপদে  
কুহুম শান্তই থাকে। বিচলিত হয় না, দিশেহারা হয় না।

শশী বলিল, একটু বোসো। বাবা এখন বাইরের ঘরে চলে যাবেন।

তবে দয়জা বন্ধ করে দিন। দেখতে পান যদি?

কে জানিত নিয়তি! আজ গোপাল খুম ভাঙিয়া ওদিকের দাওয়ায় বসিবে, আজ  
সাত বছর পরে।

পূর্বার পর গাওদিয়ার বাহ্য ক্রমে ক্রমে ভাল হয়। ম্যাংগেরিয়া কমিয়া আসে, কলেরা বন্ধ হয়, লোকের ক্ষুধা বাড়ে, মাছ দুধ সজা হয়। নিম্মুনিয়া ও ইনফ্লুয়েঞ্জার কেবল দুই-দশজন বা মারা যায় —সে কিছু নয়। অগ্রহায়ন-পৌষ মাসে খালের জল অনেক কমিয়া আসে। মাঘের শেষাংশে ভোবা শুকাইয়া যায়। চৈত্র মাসে অনেক পুকুরে দু-এক হাত জল থাকে মাত্র। বৈশাখে বৃষ্টি না হইলে অধিকাংশ পুকুর শুকাইয়া ওঠে। তখন গ্রামে বড় জলের কষ্ট। শীতলবাবুর বাড়ির সামনের বড় দীঘিটার জল খাইয়া গাওদিয়া, সাতগাঁ আর উখারার লোক প্রাণধারণ করে। বাবুর দীঘিতে বাবুদের বাড়ির লোক ছাড়া কাহারো দেহ ডুবানো নিষেধ। দারোয়ান লাঠি ঘাড়ে পুকুর পাহারা দেয়, শীতলবাবুর ছেলেরা, ভায়েরা আর কমবয়সী মেয়েরা দীঘি তোলপাড় করিয়া স্নান আরম্ভ করিলে লাঠিতে ভয় দিয়া সে একগাল হাসে। বাট ছাড়া গ্রামের লোকের অন্ত কোথাও কলনী ডুবানো বারণ। শীতলবাবুর বাড়ির ছেলেমেয়েরা স্নান করিয়া গেলে দু-তিন ঘণ্টা বাটের কাছে জল কাদা হইয়া থাকে।

জল লইতে আসিয়া কেহ বলে : খোকাবাবুদের একটু সাবধানে স্নান করতে বলতে পার না দারোয়ানজী ?

দারোয়ান বলে : দীঘি কিসকো ? তুমারা ?

তা বটে, দীঘিটা বাবুদের বটে।

কিন্তু বৈশাখ মাস আসিতে এখনো দেরি আছে, বৈশাখ মাসে এ বছর খুব বড়বৃষ্টি হইবে কিনা এখন হইতে তাই বা কে বলিতে পারে। শীতকালটা গ্রামের লোক স্থখে কাটায়। কই, মাগুর, শোলমাছ প্রচুর পাওয়া যায়। যাদের ভোবা আছে, ভোবা শুকাইয়া আসিলে জল ছেঁচিয়া ঝুড়িখানেক মাছ পায়। তার মধ্যে খলসে আর ল্যাটা মাছই বেশি।

এই খাল আর খালের চিকরি-কাটা দেশে ভাল রাস্তা নাই কিন্তু শীতকালটা দেশে কাটাইবেন সঙ্কল্প করিয়া বিমলবাবু সপরিবারে একটা মোটর গাড়ি সজে করিয়া গ্রামে আসিলেন।

বাজিতপুরে মোটর গাড়ি আছে। কিন্তু গাওদিয়ার মোটরগাড়ি !

কুমুম শশীকে বলে, সেবার কলকাতায় মোটরগাড়ি চড়েছি। বিয়ের আগে সেবার কলকাতায় গিয়েছিলাম বাবার সঙ্গে !

শশী বলে, তোমার সে কথা মনে আছে ?

কুমুম অবাক হইয়া বলে, বাঃ, মনে থাকবে না ? কতদিন আর হল ? আট বছর কি ন' বছর। আমার বয়স কত ভাবেন ?

পচিশ ?

দূর্ব! বাইশ বছর।

সুদেবের সঙ্গে মতির বিবাহের প্রস্তাব ভাঙিয়া গিয়াছে। কুসুম ইদানীং আর ওকথা উত্থাপনও করিত না। মতির বিবাহ হোক বা না হোক তাহার যেন কিছুই আসিয়া যায় না। পরান যদি বা রাত্রে কোন দিন কথাটা তুলিত, কুসুম হাই তুলিয়া বলিত, তাহার কোন মতামত নাই। কোন দিন কিছু না বলিয়াই সে ঘুমাইয়া পড়িত। এদিকে নিতাই তাগাদা দিতেছিল। এত বেশী তাগাদা দিতেছিল যেন বিবাহটা সুদেবের নয়, তাহার নিজের। শশীর সঙ্গে আর একবার পরামর্শ করিয়া শেষে পরানকে বলিতে হইয়াছে না, সুদেবের সঙ্গে মতির সে বিবাহ দিবে না। নিতাই শাস্তভাবে কথাটা গ্রহণ করিতে পারে নাই। লোভ দেখাইয়াছে, সত্বপদেশ দিয়াছে, মেজাজ গরম করিয়াছে। কিন্তু না, পরান রাজী নয়।

ছোটবাবু বারণ করে দিয়েছে, অ্যা? হারুদা মরলে তাকে কে পুড়িয়েছিল রে পরান? কাঁধ দিয়েছিল কে? ছোটবাবু? ছোটবাবু যখন বারণ করেছে, বাস, তার আর কি, ছোটবাবুর কথা বেদবাক্যি বটে?

আমার নিজের বুদ্ধি নেই? মতির বিয়ে আমি শহরে দেব—ভদ্রঘরে।

এ কথাটা পরান না বলিলেও পারিত।

যাই হোক, তারপর সুদেব নিতাইয়ের নামে বাজিতপুরে মামলা রুজু করিয়াছে। অভিযোগ গুরুতর, গচ্ছিত ধন অপহরণ, বে-আইন আটক আর মারপিট। গায়ের জালায় সুদেব নাশি করিয়াছে বটে কিন্তু কিছু প্রমাণ করিতে পারিবে কিনা সন্দেহ! নিতাই বিচক্ষণ সংযমী মানুষ। হঠাৎ কিছু করিয়া বসিবার লোক সে নয়, প্রমাণ রাখিয়া অপকর্মসে কখনো করিবে না।

একদিন বাজিতপুর-ফেরত নিতাইয়ের সঙ্গে শশীর রাস্তায় দেখা হইল। এই মামলার ব্যাপারে নিতাইকে অপরাধী সন্দেহ করিয়াও শশীর রাগ হইয়াছে সুদেবের উপর। নিতাই সুদেবের মামা, নিজের মামা। একেবারে মামলা না করিয়া আর কিছু তো করিতে পারিত? কোর্টে এখন মতির নামটি উঠিয়া পড়িবে। পরানকে সাক্ষ্য দিতে যাইতে হইবে। সে এক কেলেঙ্কারী ব্যাপার।

কিন্তু নিতাইয়ের সঙ্গে মামলার কথা শশী আলোচনা করিল না।

বলিল, তোমার কাছে কিছু টাকা পাওনা আছে নিতাই।

দেব ছোটবাবু, মাঘ মাসটা গেলেই শোধ করে দেব।

শশী চিন্তিত হইয়া বলিল, মাঘ মাস? আচ্ছা, তাই দিও। কিন্তু লালীর বাছুরটা তুমি পরানকে দিলে না যে? লালী দুধ বন্ধ করেছে শুনলাম?

লালীর বাছুর পরাণকে দেব কেন ছোটবাবু?

কেন লালীকে বেচবার সময় কথা হয়নি, প্রথম বাছুরটা পরান পাখে ?

না ছোটবাবু, এমন কথা হয়নি, পরান মিছে বলেছে। লালীকে আমি কিনেছি হারদার ঠেয়ে, পরান কি জানে ?

শশী উদাস ভাবে বলিল, যাক, কথা না হয়ে থাকলে আর কি কথা ? পরণ্ড লেগে ছয়েক দুধ পাঠিও নিতাই। বাড়িতে কি সব করবে বলেছিল।

শশী চলিয়া যায়,—নিতাই ডাকিয়া বলিল, ছোটবাবু শোনেন, বাজিতপুরে জাহাই-বাবুকে দেখলাম। কাল বিয়ানে এ গাঁয়ে আসবেন।

কোন জাহাইবাবু ? মেজো।

এ খবর শশী জানিত না। তাদের কোন সংবাদ না দিয়া নন্দলাল গাঁয়ে আসিতেছে ইহাতে আশ্চর্যও সে হইল না। বিবাহের পরেই নন্দলাল খত্তরবাড়ির সঙ্গে সম্পর্ক তুলিয়া দিয়াছে। কখনো চিঠি লেখে না, চিঠির জবাব দেয় না। বিন্দু প্রথম প্রথম চিঠি লিখিত, স্বামীর আদেশের বিরুদ্ধে লুকাইয়া। নন্দলাল টের পাইবার পর বাপের বাড়ির সঙ্গে চিঠি লেখার সম্পর্কটুকুও তাহাকে তুলিয়া দিতে হইয়াছে। একবার সে যে দু-চার দিনের জন্য বাপের বাড়ি আসিয়াছিল তাও স্বামীকে লুকাইয়া, ব্যবসা উপলক্ষে নন্দলাল দিন পনের বোধে গিয়াছিল সেই সময়। এমন ব্যাপার-বেশি দিন গোপন থাকিবার নয়। বোধে হইতে ফিরিয়া একদিন নন্দলাল স্ত্রীকে বলিয়াছিল, গাওদিয়া গিয়েছিলে ?

বিন্দু ভয়ে কাঁপিয়া একটু হাসিয়া ব্যাপারটা উড়াইয়া দিবার চেষ্টা করিয়া বলিয়াছিল, একদিনের তরে গিয়েছিলাম, মোটে একদিন। বাবার যা অস্থখের কথা শুনলাম—  
—রাগ করেছ ?

রাগ করেছ ?—ভ্যাঙাইয়া,—ছোটলোকের বাচ্চা।

গছাইয়া-দেওয়া বৌ, প্রাণভয়ে-গ্রহণ করা বৌ, লেখাপড়া-নাচ-গান-কিছু মাঝামাঝি বৌ, জীবনের অপূর্ণীয় স্ততি।

বিন্দুকে নন্দলাল ত্যাগ করে নাই কেন, কে বলিবে। হয়তো কর্তব্যজ্ঞান, হয়তো খেয়াল, হয়তো নির্বিবাদে গুকে লইয়া যা খুশি তাই করা যায় বলিয়া নন্দলালের কাছে বিন্দুর এক ধরনের দাম আছে,—কে বলিবে ! বিন্দুকে নন্দলাল অত গহন-কপড় কেন কেন, সে আর এক রহস্য। বিন্দু কি ধারকরা গহনা গায়ে দিয়া বাপের বাড়ি আসিয়াছিল ? যাহা পায় নাই তাহাই পাইয়াছে এই অভিনয়টুকু করিয়া বাওরার জন্য ? কে বলিবে ! জীবনের অজ্ঞাত রহস্য গাওদিয়ার বিন্দুকে গ্রাস করিয়াছে, কলিকাতার অনামী রহস্য। কলিকাতায় থাকিয়া পাড়িবার সময়ও শশী যাহা ভেদ করিতে পারে নাই। নন্দলাল একপ্রকার অপমানই করিত, কিন্তু শশী বাইতে ছাড়িত

না। ভাইকেটির দিক ক-বার বিন্দু তাহাকে কোঁটা দিরাছে। বিন্দুর পা-ভরা গহনা  
 দেবিরাছে পাইত না? না। অন্তঃপুরের দৈনন্দিন সাদাসিধে জীবনে গহনার বোকা  
 বহিরা বেড়াইতে বিন্দু ভালবাসে না,—চোখের আবিষ্কার কানে শোনো এই কৈশিক্ত  
 শশীক কাছে বিখ্যা হইয়া বাইত। শশী ভাবিত, বিন্দু তবে হুখেই আছে? একটা  
 ব্যাপার সে বুঝিত না। বাহিরের লোকের বুঝিবার মতো ব্যাপারও সেটা নয়। নন্দলাল  
 ঙ্গিত্ত বাড়িতে বিন্দুকে রাখিয়াছে, বিন্দুকে একা। নন্দলালের পরিবার যে বাড়িতে পচিশ  
 বৎসর বাস করিতেছে, বিন্দু সেখানে কতদিন বধু জীবন যাপন করিয়াছিল জিজ্ঞাসা  
 করিলে বিন্দু সে প্রশ্ন এড়াইয়া যায়, নূতন বাড়িতে কতদিন সে গৃহিণী হইয়া বাস  
 করিতেছে তাও বলে না। বগড়াঝাটি হতে লাগল, তাই চলে এসেছি।—বিন্দু শুধু এই  
 কৈশিক্ত দেয়। বলে, বেশ আছি স্বাধীনভাবে। ওখানে এমন ঝগড়া করে। এবং বলিয়া  
 এমন ভাবে হাসে যে মনে হয় যেন সত্য সত্যই বেশ আছে, স্বাধীনভাবে। ঝি-চাকরের  
 অজ্ঞাব নাই, সদরে একটা দারোগানও আছে। ঘরগুলি দামী আসবাবে ভরতি, বাড়াঝড়ি  
 বকলে ভরতি। বিন্দুর অস্ত্র নন্দলাল বিলাসিতার চূড়ান্ত ব্যবস্থা করিয়া দিয়াছে। সারা  
 বাড়িতে এমেলের গছ।

নন্দলাল তাহা হইলে বিন্দুকে ভালবাসে? বিন্দুর বাড়িতে গিয়া কত দিন শশী  
 দেবিরাছে, বিন্দুর ভাব অমায়িক, বিন্দু সাদাসিধে। জিজ্ঞাসা করিয়া জানিয়াছে, নন্দলাল  
 সে বেলা আসিবে না। আবার কতদিন গিয়া দেখিয়াছে বিন্দু অমায়িক নয়, রহস্তময়ী।  
 বিন্দু মহা সমারোহের সঙ্গে প্রসাধনে ব্যাপৃত হইয়া আছে, কথা বলার সময় নাই! এক  
 ঘণ্টার মধ্যে নন্দলাল আসিবে।

জীবনের অজ্ঞাত রহস্ত বিন্দুকে গ্রাস করিয়াছে বৈকি।

পরদিন শশী খালের ঘাটে গেল—যে ঘাটে হারুর যুতদেহের সঙ্গে এক নোকায় সে  
 একটি সন্ধ্যা অতিবাহিত করিয়াছিল। সকাল বেলা।

নন্দলাল আসিতেছে বাড়িতে শশী একথা প্রকাশ করে নাই। নন্দলাল কখনো  
 তাহাদের বাড়ি বাইবে না। কিন্তু শশী অনেক দিন বিন্দুর কোন খবর পায় নাই।  
 নন্দলালের কাছে বিন্দুর খবরটা জানিবার অগ্রই সে খালের ঘাটে আসিয়াছে। গ্রামের  
 মধ্যে একান্ত পর উৎকৃত ভগিনীপতিটির সঙ্গে আলাপ করা অসম্ভব।

শশীর মনে আর একটা ইচ্ছা ছিল। সে এক অসম্ভব কল্পনা। বিন্দুর বিবাহের  
 ব্যাপারটা শশী জানে। কিন্তু সেতো আজকের কথা নয়, প্রায় ইতিহাসে পাড়াইয়া  
 দিয়াছে। এককাল নন্দলাল রাগ করিয়া ছিল, ভাল কথা, তাহার দোষ নাই। কিন্তু  
 দ্বিভাষীনের অতীত ঘটনার অব্যব কাটিয়া চলিয়া লাভ কি? নন্দলাল তেঁা আজ  
 সন্ধ্যাবেলা গোপালকে কথা করিয়া ফেলিতে পারে। মনে করিতে পারে যে জোর-



করার দাবি নয়, সে নিজেই দেখিয়া পছন্দ করিয়া বিবাহ করিয়াছিল। গোপালের অপরাধে রাগ করিয়া আছে নন্দলাল আর মাঝে পড়িয়া শান্তি পাইতেছে মিলু, এটা উচিত নয়।

বাপের বাড়ির সঙ্গে সম্পর্ক তুলিয়া দেওয়াটা বিন্দুর শান্তি, শশী এই রকম মনে করে। নন্দলালকে সে আজ তাহাদের বাড়ি গিয়া উঠিতে অহুরোধ করিবে। আভাসে ইঙ্গিতে বুঝাইয়া দিবে গোপাল আজ সাত বছর অহুতপ্ত হইয়া আছে, আর কেন ভাই, এবার মিটাইয়া ফেল।

তারপর নন্দলাল আসিল! সে আরও বৃড়া হইয়াছে, আরও বাবু হইয়াছে। অসহ্য অল্পপাতে হিসাব করিলে সঙ্গের চাকরটি কিছ তাহার চেয়েও বাবু। এইটুকু খাল বাহিয়া আসিতে দুজনের জন্ত নন্দলাল নৌকা ভাড়া করিয়াছে দশজনের। হয়তো তাহার ডুবিয়া মরার ভয়,—কলকাতার বাবু!

খবর না দেওয়ার জন্ত শশী কোন অহুযোগ করিল না। বলিল, কলকাতা থেকে বেরিয়েছ কবে?

বিন্দু শশীর এক বছরের ছোট। সেই হিসাবে নন্দলালের সে গুরুজন।

পরশু।

বিন্দু ভাল আছে?

ভাল থাকবে না কেন?

কি জবাব! নন্দলালকে সামনে দেখিয়া, তাহার কথা শুনিয়া, শশীর কমনা নিভিয়া আসিতেছে। রাগ, প্রতিহিংসা এই সব যে মাছবের অবলম্বন, সহজে ওসব সে ছাড়িতে চায় না। ছাড়িলে বাঁচিবে কি লইয়া?

খবর পেলাম, আজ সকালে তুমি পৌছবে। বাবা বললেন, ঘাটে যা শশী, বাবুদের গাড়িটা নিয়ে যা, সঙ্গে করে নিয়ে আসবি। নিজেও আসতেন, আমি বারণ করলাম। বাতে কষ্ট পাচ্ছেন, কতক্ষণ ঘাটে অপেক্ষা করতে হবে তারও কিছু ঠিক নেই। তুমি আসছ শুনে বাড়িতে হৈ-টৈ পড়ে গেছে নন্দ।

নন্দলাল বলিল, হুঁ। মোটরটা কার?

নন্দলাল বলিল শীতলবাবুর ভাই বিমলবাবুর। ওরাই জমিদার।

শীতলবাবু লোক কেমন?

প্রশ্ন শুনিয়া শশী একটু বিস্মিত হইল।

বেশ লোক। খুব ধর্মচর্চা করেন। এখানে দাঁড়িয়ে কি হবে? তোমার চাকরকে ধল, জিনিস গাড়িতে তুলুক। নৌকা ছেড়ে দাও, আমাদের নৌকায় কিরে যাবে।

নন্দলাল মাথা নাড়িল—আমি এ বেলাই ফিরব শশী। আর কখনো ফেরা হবে

তোমাদের বাড়ি যাওয়ার সুবিধে হবে কি না,—মানে, হয়তো সময় পাব না। নী, হয়তো কেন, সময় পাব না।

শশী এ অপমানও হজম করিল।

আজ তোমাকে ফিরতে দিচ্ছে কে? সবাই আশা করে আছে নন্দ।

আমাকে ফিরতেই হবে। বাজিতপুরে কাজ ফেলে এসেছি। শীতলবাবুর সঙ্গে দেখা করিয়ে আবার নৌকা খুলব।

শীতলবাবুর কাছে তাহার কি প্রয়োজন জিজ্ঞাসা করিতে নন্দলাল একটা ভাসাভাসা জবাব দিল যে বাজিতপুরে শীতলবাবুর কিছু জমি কিনিবে। কথা কহিতেও নন্দলালের যেন কষ্ট হইতেছিল। কেন, কি বৃত্তান্ত শশী তাহা কিছুই জিজ্ঞাসা করিল না। নিজে কে তাহার গোমস্তা মনে হইতেছিল নন্দলালের।

বেশ, কাজ থাকলে তোমায় আটকাব না। এ বেলাটা থেকে খাওয়া-দাওয়া করে বিকেলে রওনা দিও। বলিয়া শশী যোগ দিল, বাবা নিজে আসতেন নন্দ। আমি বারণ করলাম।

কিন্তু নন্দর সুবিধা হইবে না। সময় নাই।

তখন শশী বলিল, ও, আচ্ছা।

তাহার রাগ হইতেছিল, মনে জ্বালা ধরিয়া গিয়াছিল। টিনের চালাটার এক ধারে চণ্ডী ছোকরা কেরোসিন কাঠের উপর রেকাবি-ভরা পান সাজাইয়া রাখিয়াছে, আর কয়েক প্যাকেট লাল-নীল-কাগজে-মোড়া বিড়ি। চণ্ডী নিজে কাছে গিয়া ই করিয়া বাবুদের গাড়িট দেখিতেছে। গাণ্ডিয়ায় মোটরগাড়ি! নন্দ থাকিয়া থাকিয়া গাড়িটার দিকে চাহিতেছিল। কিন্তু শশীর সঙ্গে এইমাত্র সে সম্পর্ক চুকাইয়া দিয়াছে, গাড়িটা আনিয়াছে শশী। নন্দলাল তাই বলিল, শীতলবাবুর বাড়িটা কতদূর?

গাঁয়ের শেষে।

তবে তো কম দূর নয়! ঘোড়ার গাড়ি-ট্যাক্সি পাওয়া যায়? চাকরটাকে পাঠিয়ে দিই, ডেকে আনুক।

ঘোড়ার গাড়ি পাওয়া যায়। এই গাড়ি বাবুদের বাড়ি ফিরে যাচ্ছে, তুমি ইচ্ছে করলে খেতে পার। রসিকবাবুর বাগানের একটা গাছের দিকে শশী দৃষ্টি নিবদ্ধ রাখিয়াছিল, এবার সে আবার চণ্ডীর দোকানের দিকে চাহিল।

নন্দ কি ভাবিল বলা যায় না, বলিল, সময় থাকলে তোমাদের বাড়ি যেতাম শশী।

সময় না থাকলে আর কথা কি?

সেইখানেই ইতি। নৌকায় গিয়া স্ট্রাকেশ হইতে আয়না-চিকনি বাহির করিয়া নন্দ চুলটা ঠিক করিয়া লইল। পানের কোটা হইতে দুটা পান, জরীর কোটা হইতে

খানিকটা জরী মুখে দিল। গায়ের দামী আলোয়ানটা খুলিয়া রাখিয়া একটা ডার  
চেয়ে দামী শাল গায়ে দিয়া মোটরে উঠিল।

এসো শশী। আমার একটু তাড়াতাড়ি আছে।

সেই যেন এতক্ষণে মোটরের মালিকানা স্বত্ব পাইয়াছে। তা, সেটা আশ্চর্য নয়।  
মোটরে চড়ার অভ্যাস নন্দলালের আছে, শশী তো চাপে গোকর গাড়ি।

শশী বলিল, তুমি যাও। আমার এদিকে কাজ আছে।

কলিকাতা শহর! মোটরে চাপিয়া কলিকাতা শহর গাওদিয়ার দিকে চলিয়া  
গেল। বিন্দুকে নন্দ স্বতন্ত্র বাড়িতে রাখিয়াছে। দাস-দাসী-দারোয়ান আর বিলাসিতার  
ব্যবস্থা করিয়া দিয়াছে। বিন্দুর বাড়ি যে পাড়ায়, সে পাড়াটাও ভাল নয়। নন্দ কি  
পাগল? পাগল হোক আর যাই হোক, ওকে তো সে অনায়াসে মারিতে পারিত।  
বৃষ্টিধারার মতো কিল চড় ঘুঁসি। কতক্ষণ আর সহিতে পারিত? পাঁচ মিনিট। পাঁচ  
মিনিটের মধ্যে নন্দ পায়ের কাছে গড়াগড়ি দিত। অজ্ঞান অচেতন নন্দ।

তবু, নন্দ হয়তো বিন্দুকে ভালবাসে।

শীত জমিয়া আসে।

পৌষ-পার্বণ আসিয়া পড়িতে আর দেরি নাই। গ্রামে অবিরত ঢেকি পাড় দিবার  
শব্দ শোনা যায়। আকাশে রবির তেজ কমিয়াছে। মাঠে রবিশস্ত্র সতেজ। মানুষের  
গা ফাটিতে আরম্ভ করিয়াছে। গায়ে যাহার মাটি বেশি, ঘষা লাগিলেই খড়ি উঠিয়া যায়।  
লেপ-কাঁথা খোলা হইয়াছে, বেড়ার ফাঁকগুলিতে ঝাকড়া ও কাগজ গাঁজা হইতেছে।  
মতি একবার জরে পড়ি পড়ি করিয়া পড়ে নাই। কুম্বমের আর একবার পেটব্যথা হইয়া  
গিয়াছে। পরান একদফা গুড় চালান দিয়াছে। এবার তাহার কিছু পাটালি গুড়  
করিবার ইচ্ছা। শশীর কাছে টাকা ধার করিয়া সে আরও প্রায় চল্লিশটা খেজুর গাছ  
লইয়াছে। লালীর বাছুরটা নিতাই একদিন ঘাটিয়া পরানকে ফেরত দিয়া গিয়াছে।

ছোটবাবুর জন্মে। নইলে বাছুর তুমি কখনও ফেরত পেতে না। এই কথা বলিয়াছে  
কুম্বম। খেজুর গাছ কেনার জন্ত শশীর কাছে পরানকে টাকা ধার করিতে দিতে কুম্বমের  
নিতান্ত অনিচ্ছা দেখা গিয়াছিল। সব সময় তাহার ইচ্ছা ও অনিচ্ছাকে মর্যাদা দিলে  
সংসার চলে না, এই যুক্তিতে পরান তাহার কথা গ্রাহ্য করে নাই। মোক্ষদার শরীরের  
অবস্থাটা কিছুদিন হইতে ভাল যাইতেছে না। শশীর বাড়িতে একটি আশ্রিতা মেয়ে,  
শশীর সে কি সম্পর্কে ভাই-বি হয়, ছেলে হওয়ার সময় ঠাণ্ডা লাগিয়া নিম্নানিয়া হইয়া  
মরিয়া গিয়াছে।

এই ব্যাপারটিতে শশী বড় খান্কা খাইয়াছিল। বাড়ির উঠানে সাময়িক ভাবে অতি

কম খরচে কাঁচা বাঁশের সস্তা বেড়ায় একটি ঘর তুলিয়া আতুড়ঘর করা হয়। চাল টিনের।  
ব্যাপার চুকিলে টিনের চালটি ছাড়া ঘরটিকে বিসর্জন দেওয়া হয়। মৃত্যু মেয়েটির  
বেলাতেও এই ব্যবস্থাই হইয়াছিল।

এখন, শশীর বাড়িতে এ প্রথা চিরস্তন। শশী নিজেও এমনি একটি কুটির জয়গ্রহণ  
করিয়াছে, মনে নাই। শশী পৃথিবীতে আসিয়াছিল উলঙ্গ সন্ন্যাসী হইয়া, এখন সে  
ডাক্তার। পসারওয়াল ডাক্তার, এমন ব্যাপার সে ঘটিতে দিল কেন ?

সে কি শুধু টাকার জন্য ডাক্তারি শিখিয়াছে ? যেখানে যতটুকু কাজে লাগাইলে  
টাকা মেলে আপনার শিক্ষাকে সেখানে ঠিক ততটুকুই কাজে লাগাইবে ? সমস্ত গ্রামকে  
স্বাস্থ্যতত্ত্ব শিখাইতে যাওয়া বৃহৎ ব্যাপার, ওটা না হয় সে বাদ দিল, কিন্তু নিজের গৃহে ?

না সে ডাক্তার নয়। ব্যবসাদার। বাহিরে সে টাকা কুড়াইয়া বেড়ায়, বাহিরে সে  
মৃত্যুর সঙ্গে লড়াই করিবার ভাড়া করা সৈনিক ; গৃহে তাহার অস্বাস্থ্যকর আবহাওয়া,  
মৃত্যুর আধিপত্য।

তারপর কয়েক দিন শশী বাড়িতে স্বাস্থ্যনীতি প্রবর্তনের চেষ্টায় সকলকে ব্যতিব্যস্ত  
করিয়া তুলিল।

কি দিয়ে দাঁত মাজছিস ?

কয়লা দিয়ে।

নিমের দাঁতন দিয়ে মাজ।

তেতো যে ? কয়লায় দাঁত কত সাদা হয় !

যে কয়লা দিয়ে দাঁত মাজিত সে কিছুতেই নিমের দাঁতন ব্যবহার করিতে রাজী  
হইল না।

শশী কি কেপিয়া গিয়াছে ? দাঁত মাজিবে, তার মধ্যে এত কাণ্ড কেন !

মাটিতে গুকে মুড়ি দিলি যে কুন্দ ? বাটি নেই !

বাটিতে দিলে এক খাবলায় সব খেয়ে ফেলবে যে ! তখন ফের চাঁচাতে আরম্ভ  
করবে। ছড়িয়ে দিলাম, খুঁটে খুঁটে অনেকক্ষণ খাবে।

কুন্দ সগর্বে ছেলেকে নিরীক্ষণ করে। নখর শিশু ! শশীর চোখে লাগিয়াছে। একটু  
কোলে নিক না ? শশী তাহাকে বোঝায়, বলে, মুড়ির সঙ্গে ছেলে তোর জার্ব খাচ্ছে  
জানিস ? পেটে কুমি হবে, আমাশা হবে, কলেরা হবে—

কি সব অমজুলে কথা ! কুন্দ বলে, বালাই বাট ! ভাবে, ওসব কিছু যদি হয় তো,  
তোমার মুখের দোষে হয়েছে জানব। ডাক্তার হয়েছে বলেই তুমি যা-তা বলবে নাকি ?  
বাছার তুমি গুরুজন, ওর কপালে কথা তোমার ফলেও যেতে পারে, এ খেয়াল  
তোমার নেই।

কুন্দর ছেলে হামা দিবা মাটি হইতে খুঁটিয়া খুঁটিয়া মুড়ি খাইতে থাকে কুন্দলা। শশীর কথা কুন্দ বিশ্বাস করে না। দু'আঙুলে একটি একটি মুড়ি মুখে বিবরি ময়র ছেলেকে তাহার কী কুন্দর দেখায়।

শশী রাগ করিয়া ধমক দিলে কুন্দ বলে, চুপ করুন শশীদা। ছেলে আপনার নয়। মামা চোখ বুজলে আপনি বাড়ি থেকে খেদিয়ে দেবেন তা জানি।

বাড়ি হইতে তাড়াইয়া দিবার কথাটা কোথা হইতে আসে শশী বুঝিতে পারে না। তবে অবাস্তর শোনায় না। কারণ, শশীর মতে বাড়ি হইতে খেদাইয়া দেওয়ার উপযুক্ত কুন্দ ছাড়া আর কে আছে ?

শশী বলে, পিসী কথা শোন, ছেলেকে তোমার অত দুখ খাইও না। ওর সিকি দুখ হজম করবার ক্ষমতাও যে ওর নেই।

পিসী ভাবে হায়রে কপাল ! বাড়িতে এত দুখের ছড়াছড়ি, আমার ছেলে একটু দুখ খায় এ কারো সয় না। কতটুকু দুখই বা ও খায় !

কি জানি কবে ছেলের দুখের বরাদ্দ কমিয়া যায় এই ভয়ে পিসী ছেলেকে আরও একটু বেশি দুখ খাওয়াইতে আরম্ভ করে। দুপুরবেলা শশী ঘরে ঘরে বলিয়া যায় ; ওঠ, উঠে পড় সবাই, ঘুমোতে হবে না ! শীতকালের দুপুরে ঘুম কিসের ?

সকলে একদিন দুইদিন সহ্য করে, হাসিমুখে উঠিয়া বসিয়া হাই তুলিয়া বলাবলি করে ; শশীর হয়েছে কি ? এবার বাপু ওর একটা বিয়ে দেওয়ার দরকার ! কিন্তু কয়েকদিনের মধ্যেই তাহার বিদ্রোহ করে। যাদের বয়স কম ও স্বামী আছে তারা ভাবে আমাদের মতো রাত জাগতে হলে দুপুরে ঘুমোই কেন বুঝতে ! যাদের স্বামী নাই, তারা ভাবে দুপুরবেলা না ঘুমিয়ে কব্ব কি ? সময় কাটবে কি করে ? শশী যেন পাগল, স্বাস্থ্য দিয়ে আমাদের কি হবে। গিন্নীরা, যাদের বয়স হইয়াছে, তারা ভাবে কথাটা বোধ হয় মিথ্যে নয়। দুপুরে না ঘুমুলে অধিকার জালা বোধ হয় একটু কমে কিন্তু পেটে ভাতটি পড়লেই চোখ জড়িয়ে আসে, তার কি হবে ?

গোপাল গুনিয়া বলে, ও কি শেষে বাড়িতেই ডাক্তারী বিত্তে ফলাতে আরম্ভ করি না কি ?

সন্ধ্যার পর ঘরে ঘরে শশী একবার বেড়াইয়া আসে। পাকা ঘরের অধিবাসীদের বলে, তোমাদের কাণ্ডখানা কি ! দম আটকে মরবে যে সবাই ! সব জানালা বা বাতাস আসবে কোথা দিয়ে ?

তাহারা হাসে ; জানালা খুলিলে ঠাণ্ডা লাগিবে না ? একঘর বাতাস আপে এ কটি প্রাণী নিশ্বাস নিক, দম তো আটকাইবে তবে ?

বেড়ার-ঘরের অধিবাসীদের শশী বলে : বেড়ার ফাঁক পর্বত কাশল দিয়ে

করবে। এর মধ্যে বাতাস-চূর্ণাঙ্ক হয়ে উঠেছে। একটা জানালা অন্তত খুলে দাও। কাল নইলে আমি পিলিং কাটিয়ে দেব, চাল আর বেড়ার মধ্যে বে ফাঁক আছে তাই দিয়ে পচা বাতাসটা বেরিয়ে যাবে।

কুম্ভ বলে স্কেমির মতো আমাদেরও নিম্ননিরা করিয়ে মারবেন নাকি শশীদাদা? চি ছেলে নিয়ে কাঁচা ঘরে আছি, কত সাবধানে থাকতে হয় আপনি তার কি বুঝবেন? এ তো দালাল নয়, পাকা ঘর তো আমাদের ভাগ্যে নেই যে—

প্রত্যেক কথায় কুম্ভ এমনি নালিশ টানিয়া আনে। এই তাহার স্বভাব। বাড়ির লোকের স্বাস্থ্য ভাল করার চেষ্টা শশী ত্যাগ করিয়াছে। প্রথমটা ভয়ানক রাগ হইয়াছিল, ক্রমে ক্রমে সে করিয়াছে জানলাভ। সে বুঝিয়াছে, তার স্বাস্থ্যনীতি পালন করিতে গেলে জীবনের সঙ্গতি ওদের একেবারে নষ্ট হইয়া যাইবে, অস্বাধী হইবে ওরা। রাগে-ভুগিয়া অকারণে মরিয়া ওরা বড় আনন্দে থাকে। স্মৃতি নয়—আনন্দ, শান্ত স্তমিত একটা স্বখ। স্বাস্থ্যের সঙ্গে, প্রচুর জীবনীশক্তির সঙ্গে ওদের জীবনের একান্ত মসামঞ্জস্য। ওরা প্রত্যেকে রুগ্ন অল্পভূতির আড়ত, সঙ্গী সীমার মধ্যে ওদের মনের বৈশ্বকর ভাঙা-গড়া চলে, পৃথিবীতে ওরা অস্বাস্থ্যকর জলাভূমির কবিতা : ভাপসা গন্ধ, মাঘা কুয়াসা, শ্রামল শৈবাল, বিষাক্ত ব্যাঙের ছাতা, কলমি ফুল। সতেজ উত্তপ্ত জীবন ওদের সহির্বে না।

শশী ভাবে। ভাবিয়া অবাধ হয় শশী। কুম্ভ একদিন এই ধরনের একটা লকচার ঝাড়িয়াছিল, পৃথিবীস্থক লোক যে কত বোকা এই কথাটা প্রমাণ করিবার ক্ষমতা। কাপড়-মাথা গজ দিয়া আমরা নাকি আকাশের রঙ মাপি, জীবনের অবস্থা হিসাবে স্থির করি মনের স্বখ-দুঃখ : বলি মাহুঘ দুঃখী, আর রাগে গরগর করি। মধ্য তো বলে নাই কুম্ভ, শশী ভাবে। চিন্তার জগতে সত্য সত্যই আমাদের স্তর-বৈভাগ নাই। বস্ত্র আর বস্ত্রের অস্তিত্ব এক হইয়া আছে আমাদের মনে। কখনো কে ভাবিয়া দেখি মাহুঘের সঙ্গে মাহুঘের বাঁচিয়া থাকিবার কোন সম্পর্ক নাই? মাহুঘটা খন হাসে অথবা কাঁদে তখন হাসি-ক্লমার সঙ্গে জড়াইয়া ফেলি মাহুঘটাকে : মনে নে মাহুঘটার গায়ে একটা লেবেল জাটিয়া দিই—স্বখী অথবা দুঃখী। লেবেল জাটা দাস্কের নয়। সব জিনিসেরই একটা সংজ্ঞা থাকা দরকার। কে হাসে আর কে কাঁদে টা বোঝানোর জন্য দু-দশটা শব্দ ব্যবহার করা স্ববিধাজনক বটে। তার বেশী ভাগাই কন? কেন পরিবর্তন চাই? নিঃশব্দে অশ্রু মুছিয়া আনিতে চাই কেন সশব্দ উদ্ভাস? হাগ শোক দুঃখ বেদনা বিবাদের বদলে শুধু স্বাস্থ্য বিঘ্নতি স্বখ আনন্দ উৎসব থাকিলে পাভ কিসের?

আরও মজা আছে। লাভ না থাক, ক্ষতিই বা কি?

ভাবিতে ভাবিতে বীতিমত বিহ্বল হইয়া যায় বই-কি শশী! সে রোগ সন্ধান, অহঙ্কে হৃৎ করে। অথচ একেবারে চরম হিসাব ধরিলে শুধু এই সত্যটা পাওয়া যায় : ক্লেশে ভোগা, হৃৎ হৃৎ, রোগ সারানো, রোগ না-সারানো সমান—রোগীর পক্ষেও শশীর পক্ষেও। এই দুই ভাবিতে ভাবিতে কত অতীন্দ্রিয় অহুভূতি যে শশীর আগে! রহস্যহুভূতির এ প্রক্রিয়া শশীর মৌলিক নয় : সব মাহুকের মধ্যে একটি খোকা থাকে যে মনের কবিত্ব, মনের কল্পনা, মনের সৃষ্টিছাড়া অবাস্তবতা, মনের পাগলামিকে লইয়া সময়ে অসময়ে এমনি ভাবে খেলা করিতে ভালবাসে।

একদিন শশী হারু ঘোষের বাড়ির অদূরে তালবনের ধারে মাটির টিলাটিতে উঠিয়াছিল। বর্ষার পর টিলাটি জঙ্গলে ঢাকিয়া যায়। জঙ্গল ভেদ করিয়া টিলার উপর উঠিবার কি দরকার ছিল শশীর? সূর্যাস্ত দেখিবে। দিগন্তের কোলে তরুণেশী যে ঝাঁক রেখাটি রচনা করিয়াছে তাহারই আড়াল হইতে দেখিবে সূর্যকে।

কি ছেলেমাহুসী শখ! নিজের কাছে ছেলেমাহুস হইতে শশীর লজ্জা ছিল না। কেবল শখটি মিটাইতে গিয়া যে মূল্য তাহাকে দিতে হইল আগে জানিলে তাহাতে শশী রাজী হইত না। টিলার উপরে উঠিয়া পশ্চিম দিকে মুখ করিয়া সে যখন দাঁড়াইল তখন তাহার মন শান্তিতে ভরিয়া আছে। আগামী জীবনের যত ভাল মন্দ কাজ তাহাকে করিতে হইবে তাহা সম্পন্ন করিবার শক্তিতে সহজ বিশ্বাস আছে, সাহস আছে। কিন্তু সূর্য ডুবিবার আগে শশী ভীত হইয়া পড়িল। ছেলেবেলা মাঝরাতে ঘুম ভাঙিয়া এক একদিন তাহার জেমন ভয় করিত, তেমনি ভয়। শশীর সর্বাঙ্গ শিহরিয়া কাঁপিয়া উঠিল। তাহার মনে হইল, কয়েক মিনিটের ভবিষ্যতেও তাহার আর অবশিষ্ট নাই, সে এমনি অসহায়, এমনি ভঙ্গুর। পৃথিবীর বহু উর্ধ্ব, স্তরে স্তরে সাজানো ভয়ের তলে প্রোথিত পৃথিবীর উর্ধ্ব, একটা জঙ্গলাকীর্ণ মাটির টিলার শীর্ষে শশী হঠাৎ হারাইয়া গিয়াছে। সামনে রূপ-ধরা অনন্ত; সীমাহীন ধারণাতীত কী যে তাহার চারিদিকে ঘনীভূত হইয়া সীমাবদ্ধ হইয়া আসিয়াছে শশী জানে না; কিন্তু আর কখনো নিঃশ্বাস সে লইতে পারিবে না।

তারপর কয়েকদিন শশী খুব চিন্তিত ও বিষণ্ণ হইয়া রহিল।

৬

গ্রাম্য জীবনে আবার শশীর বিতৃষ্ণা আসিয়াছে। মাঝখানে কিছুদিন সে যেন এখানে বাস করিয়াছিল অল্পমনস্কের মতো। আধখানা মন দিয়া সব সময় সে তাহার কাম্য জীবনের কথা ভাবিত,—শিক্ষা সভ্যতা ও আভিজাত্যের আবেষ্টনীতে উজ্জ্বল কোলাহল-

মুখের উপভোগ্য জীবন। এখানকার মশকদষ্ট মুক্তিকালীন জীবন এই সাধনার জন্ম শশীর সঙ্গ হইয়া আসিয়াছিল যে যখন খুশি গ্রাম ছাড়িয়া যেখানে খুশি গিয়া মনের মতন করিয়া জীবনটা সে আরম্ভ করিতে পারে। ইতিমধ্যে শশীর বিপুলতা অবশ্য কমিয়া যায় নাই। শশীর স্বাধীনতাও হরণ করে নাই কেই। তবু শশীর মনে হয় চিরকালের জন্ম সে মার্কা-মারা গ্রাম্য ডাক্তার হইয়া গিয়াছে,—এই গ্রাম ছাড়িয়া কোথাও যাইবার শক্তি নাই। নিঃসন্দেহে এ জন্ম দায়ী কুহুম। শশীর কল্পনার উৎস সে যেন চিরতরে রুদ্ধ করিয়া দিয়াছে। বিদ্যাতের আলোর মত উজ্জ্বল যে জীবন শশী কল্পনা করিত সে বাধাবরের জীবন নয়, শশীর নীড়-প্রেম সীমাহীন। কল্পনার তাই একটি কেন্দ্র ছিল শশীর, এক অত্যাশ্চর্য অস্তিত্বহীন মানবী, কিন্তু অবাস্তব নয় : শশীর ভাবুকতা উদ্ভ্রান্ত হইতে জানে না। কুহুম যেন তাহাকে মিথ্যা করিয়া দিয়াছে— সেই মহা-মানবীকে।

ছোট বোন সিদ্ধু আর মতি ছাড়া কারো সঙ্গ শশীর ভাল লাগে না। এত বড় গ্রামে শুধু এই দুটি প্রিয়তমা বান্ধবী। নীচে সিদ্ধু পুতুল খেলা করে, খাটে বসিয়া শশী অস্বাভাবিক মনোযোগের সঙ্গে সে খেলা চাহিয়া থাকে।

খুকী, বড় হয়ে তুই কি করবি ?

পুতুল খেলব।

এই একটিমাত্র জবাবে ক্ষণেকের জন্ম শশীর মন যেন একেবারে হালকা হইয়া যায়। জানালা দিয়া সে বাহিরের দিকে তাকায়। জানালার নীচে সেদিন কুহুম যে গোলাপের চারটি মাড়াইয়া দিয়াছিল, শশীর যত্নে সেটি আবার মাথা তুলিয়াছে।

মতি স্পষ্টই জিজ্ঞাসা করে, আপনার সেই বন্ধুটি পত্র দিয়াছে ?

কে রে মতি, কুমুদ ? না দেয়নি—কেন ?

এমনি শুধোছি।

এমনি শুধোবি কেন ও-কথা ?

স্বন্দর যাত্রা করে যে !

তা বটে। স্বন্দর যাত্রা করে বলিয়া কুমুদ পত্র দিয়াছে কি না মতির তা জিজ্ঞাসা করা চলে বটে। শশী হাসিয়া বলে, ওর পাট তোর খুব ভাল লাগত, না রে মতি ?

আমার একার কেন, সবার লাগত। একটা যাত্রাগান দিন না ছোটবাবু, দেবেন ? কত টাকা নেয় ? গম্ভীর মুখে শশীর হাসিকে মতি অগ্রাহ্য করে, বলে, আমার টাকা থাকলে ও-দলটা ভাড়া করে আনতাম, ছোটবাবু, আকাশের বাড়ির সামনে সাইমানা খেঁচে আসয় করে দিতাম, পালা হত সাত দিন।

মতি একটু গম্ভীর হইয়াছে আজকাল। কথা বলিতে বলিতে হুটোখে জাহাঙ্গ



একটু ভীক ঠাণ্ডা দেখা দেয়। কথা শেষ করিয়া কি যেন ভাবে মতি। শশী ভাবে, কে জানে, হয়তো ধীরে ধীরে অবশ্যস্তাবী আত্মচিন্তাই এবার আসিতেছে মতির। গ্রামের মেয়ে তো, বিক্রির বাকিবার বয়সটা ইতিমধ্যে পার হইয়া বাইতে আরম্ভ করিবে আশ্চর্য নাই।

একদিন বাহুদেব বাঁড়ুজ্যে সপরিবারে গ্রামত্যাগের আয়োজন করিলেন। কলিকাতায় মেজছেলে চাকরি করিত, সম্প্রতি মেজছেলেরও কোন আপিসে চাকুরী হইয়াছে। জমিজমা নাই। গোপালের শত্রুতার জন্ত কেহ টাকা ধার করিতে আসে না। আপিসেও গোপালের পরামর্শে হুদে আসলে গাপ করিতে চায়। ম্যালেরিয়ায় ভুগিতে আর কেন গ্রামে থাকা? এমন অনেক গিয়াছে। গ্রাম জুড়িয়া এখানে ওখানে পোড়ে ভিটা খা-খা করে। খবর পাইয়া শশী দেখা করিতে গেল; জিনিসপত্র বাঁধাছাঁদা হইতেছে দেখিয়া হঠাৎ কেমন রাগ হইয়া গেল শশীর। সে নিজে যখন গ্রামের পাকে আত্মসমর্পণ করিয়াছে চিরকালের জন্ত, আর কারো যেন গ্রাম ত্যাগ করা অশ্রায়।

আপনার কাছে কতগুলো টাকা পেতাম বাঁড়ুজ্যেকাকা।

কলকাতা গিয়ে পাঠিয়ে দেব বাবা। কটা টাকা তো—ছেলেরা মাসকাবারের মাইনে পেলে একটা দিনও দেরি করব না।

শশী মাথা নাড়িল, না, অনেকদিন পড়ে আছে টাকাটা, দিয়েই যান।

শশীর এত টাকার প্রয়োজন কিসের কে জানে! বিক্রী একটা কলহ বাধিয়া গেল বাহুদেবের সঙ্গে। তার দুই ছেলে রাখিয়া আসিল। কোন পক্ষেরই মান অপমানের পার্থক্য রহিল না। তবু শশী ছাড়িল না,—ছোট নোটবুকেতে ভিজিট আর গুণ্ডির জন্ত যত টাকার অঙ্কপাত করা ছিল, সমস্ত টাকা আদায় করিয়া ক্ষান্ত হইল। টাকাটা পকেটে পুরিয়া বলিল, দু দুটো চাকরে ছেলে আপনার,—ডাক্তারের ফি দিতে মরেন কেন বাঁড়ুজ্যেকাকা? কলকাতার ডাক্তার ডেকে তার সঙ্গে খেন এ রকম করবেন না কথুনো, জুতো মেরে যাবে।

ফিরতে ইচ্ছা হয় না শশীর,—অনেকক্ষণ ধরিয়া আরও তীব্র ভাষায় সকলকে গালাগালি দিতে ইচ্ছা হয়, সে একটা কটু আনন্দের নিবিড় স্বাদ পায়। বাহুদেবের বিধবা বোটি, মৃত ভূতাকে বাঁচানোর জন্ত একদিন যে শশীর পথ আটকাইয়াছিল, হঠাৎ তার দিকে চোখ পড়ায় শশী যেন চমকাইয়া গেল। ভূতোর মৃত্যুর তিন মাস পরেও এ-বাড়ির কাছাকাছি পথ দিয়ে যাওয়ার সময় শশী এর বিনানো কান্না শুনিয়াছে। আজও সে কাঁদিতোছিল, নিঃশব্দে। আশ্চর্য নয়, যার চিকিৎসায় ভূতো বাঁচে নাই সেই ডাক্তার আসিয়া ভিজিটের টাকার জন্ত এমন কাণ্ড করিলে মন যার স্নেহকোমল সে তো কাঁদিবেই। পাংগু মুখে শশী পলাইয়া আসিল।

তুতোর চিকিৎসার হিসাব যে সে ধরে নাই,—যে টাকা সে আদায় করিয়াছে তার প্রত্যেকটি পয়সা যে এ-বাড়ির অল্প লোকের অহুখের চিকিৎসা করার দরুন,—যারা আজও স্বস্থ শরীরে বাঁচিয়া আছে, বোট একবারও তাহা ভাবিব না। তুতোর অন্ত মন কেমন করিলে গাওদিয়ার শশী ডাক্তারকে স্মরণ করিয়া শিহরিয়া উঠবে। হয়তো কোন দিন শহরের প্রতিবেশিনীদের কাছে গ্রামে গল্প বলিবার সময় আঙ্গিকার ঘটনার উল্লেখ করিয়া বলিবে, গাঁয়ের ডাক্তারগুলো পর্যন্ত এমনি মানুষ দিদি, আমরা গাঁ ছেড়ে এসেছি কি সাথে ?

কয়েক দিন পরে শশীর একবার কলিকাতা যাওয়ার প্রয়োজন ছিল,—কয়েকখানা বই ও কতগুলি ওষুধ কিনিবে। একদিন পরান লঙ্কিত মুখে কাছে আসিয়া দাঁড়াইল, বলিল, কলকাতা যাবার বায়না নিয়ে মতি বড় কাঁদাকাটা জুড়েছে ছোটবাবু।

শশী অর্থাৎ হইয়া বলিল, কলকাতা যাবে ? কার সঙ্গে ?

বলছে আপনার সঙ্গে যাবে।

শশী হাসিয়া বলিল, তুমি বুঝি তাই আমাকে বলতে এসেছ, যদি নিয়ে যাই ? তোমার বুদ্ধি নেই পরান। আমি যেতে পারি নিজে, গাঁয়ের লোক বলবে কি ?

শশী একা মতিকে লইয়া কলিকাতা যাইবে পরান সে কথা বলিতে আসে নাই। পরানও সঙ্গে যাইবে বই-কি। মোক্ষদা বারকয়েক গঙ্গাস্নানের ইঙ্গিত করিয়াছে,—এ স্বযোগ বুড়ি ছাড়িবে মনে হয় না। স্ততরাং কুসুমও যাইবে সন্দেহ নাই। মতির অন্ত এবার ফতুর হইতে হইবে পরানকে,—এতগুলি মানুষের কলিকাতা যাওয়া আসার খরচ কি সহজ ! কিন্তু না গেলেও চলিবে না,—মতি দুদিন নাওয়া খাওয়া ছাড়িয়া কাঁদিয়াছে।

হঠাৎ ওর এত কলকাতা যাওয়ার শখ হল কেন ?—শশী জিজ্ঞাসা করিল।

পরান তা জানে না। মাথা নাড়িয়া জ্ঞানীর মতো সে শুধু বলিল, জানেন ছোটবাবু, নাই দিয়ে দিয়ে কর্তা ওর মাথাটা খেয়ে গেছে।

নাই তুমিও ওকে কম দাও না পরান।

শশী মতিকে বুঝানোর চেষ্টা করিল। বলিল, কি চাস তুই আমাকে বল, কিনে আনব তোর অন্তে—কি করবি মিছামিছি কলকাতা গিয়ে ? মতি ভীকু ও শাস্ত, শশীর কথা সে চিরকাল মানিয়া আসিয়াছে,—আজ কিন্তু সে কোর কথা কানে তুলিল না।

শেষে শশী রাগিয়া বলিল, চল্ তবে, চল্। তোকে কলকাতায় ফেলে রেখে আমরা চলে আসব। তখন টের পাবি।

নৌকা, ষ্টিয়ার, রেল, তবে কলকাতা। সমস্ত পথ মতি অস্থির, উত্তেজিত হইয়া রহিল ! কুসুম চারদিক দেখিতে দেখিতে বেড়ানোর আনন্দ উপভোগ করিতে করিতে

টলিল, কিন্তু মতি'র যেন নদীর বঁকে, রেলপথের ছুধারে দেখিবার কিছু মিলিল না। অতটুকু মেয়ে, জীবনে এই প্রথম দূরদেশে বেড়াইতে চলিয়াছে, চোখের পলকে পথ ফুরাইয়া গন্তব্য স্থানে শৌছাইয়া যাওয়ার ভয়টাই ছিল তার পক্ষে স্বাভাবিক, কিন্তু তার একান্ত আগ্রহ দেখা গেল তাড়াতাড়ি কলিকাতায় উপস্থিত হইতে। হয়তো সে ভাবিয়াছিল কলিকাতায় পা দেওয়া মাত্র কুমুদের দেখা মিলিবে;—তাকে শহরে অভ্যর্থনা করিয়া লইবে রাজপুত্র প্রবীর !

পথে একবার সে জিজ্ঞাসা করিল, কলিকাতায় আমরা কোথায় থাকব ছোটবাবু ? আপনার সেই বন্ধুর বাড়িতে ?

শশী বলিল, খুব তাহলে যাত্রা শুনতে পারিস, না ? যাত্রা শুনবার লোভে তুই কলিকাতায় চলেছিস নাকি মতি ? থিয়েটার দেখিস একদিন, দেখাব তোদের—যাত্রার চেয়ে সে ঢের ভাল ।

পাঁচ দিন তাহারা কলিকাতায় রহিল। যা কিছু দেখার ছিল শহরে দেখিয়া বেড়াইল। স্নান করিল গঙ্গায়, পূজা দিল কালীঘাটে, ট্রামে চাপিয়া অকারণে ঘোরাফেরা করিল। কিন্তু কোথায় মতির রাজপুত্র প্রবীর ? শশীর সে বন্ধু, এই শহরের কোথায় সে বাস করে। কিন্তু শশী একবার না করিল তার নাম, না আনিল তাকে ডাকিয়া। শহরের অফুরন্ত বিশ্বয় অভিভূত করিয়া না রাখিলে মতির দুচোখ ভরিয়া হয়তো জল আসিত। শিয়ালদহের কাছে একটা হোটেলের তাহারা দু খানা ঘর ভাড়া করিয়াছে—একটা ঘর শশীর একার। একদিন শশী এক ডাক্তার বন্ধুর বাড়ি রাত কাটাইয়া আসিল। রাত্রে উকি দিয়া তার ঘর খালি দেখিয়া মতি ভাবিল শশী তবে নিশ্চয় কুমুদের কাছে গিয়াছে,—সকালে দুজনে একসঙ্গে আসিবে। কুমুদ ছাড়া জগতে শশীর আর কোন বন্ধু আছে বলিয়া মতি জানে না। পরদিন বেলা দশটা বাজিয়া গেল, সকাল হইতে মতি সিঁড়ি দিয়া হোটেলের সমস্ত লোকের গুঠানামা চাহিয়া দেখিল, কিন্তু শশী অথবা কুমুদ কেহই আসিল না। পরানের সঙ্গে সেদিন তাদের জাহ্নঘরে যাওয়ার কথা, —সকাল সকাল খাওয়া দাওয়া সারিয়া বাহির হওয়া দরকার,—মতি নড়িতে চায় না।

ছোটবাবু আস্থক ?

ছোটবাবু এবেলা আসবে না মতি, এলে এতক্ষণ আসত।

ওবেলা জাহ্নঘর যাব দাদা, অঁয়া ? এবেলা বড্ড শীত।

পরানের চাদরটা গায়ে জড়াইয়া মতি ঠিরঠির করিয়া শীতে কাঁপে।

কুহুম বলে, মর তুই আঙ্লান্দী মেয়ে ! ছোটবাবু আজ মটরগাড়ি চাপাবে না লো, পিতৃশ্রম করে থেকে করবি কি ? দেবী হল বলে মটর এল সেদিন, মটরে ঢের পরস লাগে। নাইবি তো নেয়ে ফ্যাল মতি, নয়তো ভাত দিয়েছি খাবি আর।

ধাইতে হইল মতিকে। জন্তু-জানোয়ার দেখিয়া সন্ধ্যার সময় হোট্টেলে কিরিয়া স দেখিল, ঘরে বসিয়া শশী চা খাইতেছে,—একা। কুম্ভ নিশ্চয় আদিয়াছিল, বসিয়া গিয়া বিরক্ত হইয়া চলিয়া গিয়াছে।

মতি সভয়ে জিজ্ঞাসা করিল, কখন এলেন ছোটবাবু ?

শশী বলিল, এই তো! এলাম খানিক আগে। কোথায় গিয়েছিলি—, জাহ্নবর ? ভাল কিন্তু শেষ দিন মতি, পরশু আমরা ফিরে যাব।

মতির তাতে কোন আপত্তি নাই। আর কলিকাতায় থাকিয়া কি হইবে ?

পরদিন সন্ধ্যার সময় শশী বিন্দুর খবর আনিতে গেল। নন্দ থাকিলে রাগ করিবে, হয়তো অপমানও করিবে। করুক। সেজন্ত বোনটা বাঁচিয়া আছে কি না এইটুকু না জানিয়া বাড়ি ফেরা যায় না। গোপালের খেয়ালে জীবনে যারা দুঃখ পাইয়াছে তাদের জন্ত শশীর মনে একটা অতিরিক্ত মমতা আছে। গোপালের কীর্তিতে নিজেকেও সে কেমন অপরাধী মনে করে। মনে হয়, তারও যেন দায়িত্ব ছিল।

পাড়াটা ভাল নয়। যে পথের শেষাশেষি বিন্দুর বাড়ি—সন্ধ্যার পর মাহুষকে সে পথে হাঁটিতে দেখিলে চেনা লোক নিন্দা রটায়। তবে বিন্দুর বাড়িটা একটু তফাতে,—ভদ্রপাড়ার গা ঘেঁষিয়া! বাড়ির পূর্ব দিকে খানিকটা জমি খালি পড়িয়া আছে। ইট-হরকির তলে সমাধি পাওয়া বিন্দু বোধ হয় ওই দিকে চাহিয়া মাঝে মাঝে অবরুদ্ধ নিশ্বাস ত্যাগ করে।

নন্দ বাড়ি ছিল না। বিন্দুকে শশী প্রায় আড়াই বছর পরে দেখিল। প্রায় তেমনি আছে বিন্দু। বিন্দুর ঘরের চেহারাও বিশেষ বদলায় নাই।

কেমন আছিস বিন্দু ?

ভাল আছি দাদা, কবে এলে ? সবাই ভাল আছে তো ?

শশী হাসিয়া বলিল, কেন ? চিঠি লিখে খবর নিতে পারিস না ?

বিন্দু বলিল, চিঠি লিখতে বড় আলসেমি লাগে দাদা।

শশী জানে এটা ফাঁকির কথা। নন্দ চিঠি লিখতে দেয় না। শশীকে খাবার দিয়া নানা কথা জিজ্ঞাসা করিতে লাগিল। গাওদিয়া গ্রামটি সম্বন্ধে আজও বিন্দুর কৌতূহল আছে। কে বাঁচিয়া আছে, কে স্বর্গে গিয়াছে, চেনা ছেলেমেয়েদের মধ্যে কার কার বিবাহ হইয়াছে, কার কটি ছেলেমেয়ে—শশীর মুখে এ-সব খবর শুনিতে শুনিতে বিন্দুর চোখ ছলছল করিতে লাগিল।

শশী বলিল, এর মধ্যে তোর খোকা-খুকী কিছু হয়নি বিন্দু ?

বিন্দু ঘাড় নাড়িল। কিন্তু মুখে বলিল উলটা কথা।

মরে গেল যে ?

মরে গেল ? কবে মরে গেল ?

আয় বছর ।

শেষবার দেখিতে আসিয়া শশীর মনে হইয়াছিল বিন্দুর বোধ হয় ছেলে হইবে । সে ছেলে হইয়া তবে মরিয়া গিয়াছে ? বিন্দু দেওয়ালের গায়ে রাখাক্ষের ছবিটার দিকে চাহিয়া পাড়াইয়া ছিল । হঠাৎ শশীর মনে হইল শরীরটা বিন্দুর ঠিক আছে, কিন্তু মুখটা তাহার কেমন এক অদ্ভুত রকমের রোগা হইয়া গিয়াছে । মুখের চামড়ার নীচেই যেন শুষ্কতা,—স্বকের লাভণ্য গুটিয়া লইতেছে !

তোমার অস্থবিস্থ করছে নাকি বিন্দু ?

কিসের অস্থব ? বেশ আছি আমি ।

বাহিরে গিয়া বিন্দু কোথা হইতে একপাক ঘুরিয়া আসিল ।

ভালোই আছিল বিন্দু, অ্যা ?

আছি বই-কি ! .

সমস্ত ব্যাপারটা এমন বিস্ময়কর লাগে ! এমন রহস্যময় মনে হয় বিন্দুর মুখের গোপন-করা বুড়োটে ভাব, বিন্দুর অবসাদক্লিষ্ট, নিরুত্তেজ কথা । বিন্দু তার বোন, পাতানো সম্পর্ক নয় । ছুরি দিয়া আঙুল কাটিয়া দিলে দুজনের যে রক্ত বাহির হইবে তাহা এক, কোন পার্থক্য নাই । অথচ বিন্দুকে সে একরকম চেনে না, বোঝে না ।

শশী মমতার সঙ্গে বলিল, অতদূর বসলি যে ? এদিকে আয়, এখানে বোস ।

বিন্দু উদ্ধতভাবে বলিল, কেন ?

শশী বলিল, আয়, সরে আয়, কটা কথা শুধোই তোকে ।

ইতস্ততঃ করিয়া বিন্দু কাছে আসিল । তার ছুচোখ দিয়া জল পড়িতেছে ।

কাঁদিস কেন ?

এ প্রশ্নে বিন্দু ফুঁ পাইয়া কাঁদিয়া উঠিল ।

কোন দিন তুমি আমাকে কাছে ডেকেছ ! কেউ ডেকেছে !

শশী অবাক হইয়া যায় । কিছু বলিতে পারে না । এ বাড়িতে আসিয়া পরের মতো আধ ঘণ্টা বসিয়া সে চিরদিন বিদায় লইয়াছে, তা সত্য । কিন্তু কি করিতে পারিত শশী ? কদাচিৎ অতটুকু সময়ের অল্প সে যে আসিত, তাতেই নন্দ পাছে রাগ করিয়া বিন্দুকে কষ্ট দেয় শশীর সে অল্প ভয় করিত । বিন্দুর মনে তাতে এত ব্যথা লাগিত, সেই নিরুপায় অনাদরে ? বিন্দু তো কোন দিন কিছু বলে নাই মুখ ফুটিয়া ।

অনেক দিনের অভিমানে বিন্দু অনেকক্ষণ কাঁদিল । শেষে সে শান্ত হইলে, শশী বলিল, তোমার ব্যাপারটা খুলে বল তো বিন্দু ?

কিছু না দাদা ।

শশী বুঝাইয়া বলিল, আজ না বললে আর কোন দিন বলতে পারবি না বিন্দু—অল্প দিন লজ্জা করবে। নন্দ খারাপ ব্যবহার করে ?

হঁ। আমাকে ভীষণ শাস্তি দিচ্ছে।

ভীষণ শাস্তি ? নন্দ ভীষণ শাস্তি দিতেছে বিন্দুকে ? বিন্দুর এমন বাড়ি, এত কাপড়-গয়না, এত বিলাসিতার ব্যবস্থা !

নন্দ তোকে ভালবাসে না, বিন্দু ?

বাসে—স্ত্রীর মতো নয়—রক্ষিতার মতো।

অঁ ? কিসের মতো ?—শশী যেন বুঝিতে পারে। গাওদিয়ার বিন্দুকে গ্রাস করা কলিকাতার অনামী-রহস্য শশীর কাছে স্বচ্ছ হইয়া আসে।

বিন্দু বলিল, দেখবে ? উনি এলে কোন্ ঘরে বসেন দেখবে দাদা ? চল দেখাই।

শশীর দেখবার সাধ ছিল না, হাতে ধরিয়া বিন্দু তাহাকে টানিয়া লইয়া গেল। ওদিকের বড় একখানা ঘরের তালা খুলিয়া সুইচ টিপিয়া বিন্দু আলো জ্বালিল।

কী সে স্ত্রী আলো ! গোটা-তিনেক বালব ঘিরিয়া কাঁচের ঝাড় ঝলমল করে—শশীর চোখ যেন বলসিয়া গেল। দেওয়ালে আট দশটা অশ্লীল ছবি। মেঝে জুড়িয়া ফরাস পাতা। তাতে কয়েকটা বড় বড় তাকিয়া। হারমোনিয়াম, বাঁয়া তবলা এ সবও আছে।

বিন্দু বলিল, গান শিখিয়েছেন। উনি তবলা বাজান, আমি গান করি।

শশীর আর কিছু দেখিবার অথবা শুনিবার ইচ্ছা ছিল না। সে মড়ার মতো বলিল, ও-ঘরে চল বিন্দু।

বিন্দু শব্দ করিয়া তাহার হাত চাপিয়া ধরিয়া বলিল, না আসল জিনিস দেখে যাও।

ঘরে ছোট একটি আলমারি ছিল। টানিয়া দরজা খুলিয়া বলিল, ঘাখো।

শশী না দেখিয়াই অসুস্থ মনে হইতেছিল। আলমারির তাকগুলি নানা আকারের নানা লেবেলের বোতলে বোঝাই হইয়া আছে।

নিজেকে শশীর অসুস্থ মনে হইতেছিল। এমন কাণ্ডও ঘটে সংসারে ? কী শব্দ মেয়ে বিন্দু ! এতকাল একথা সে চাপিয়া রাখিয়াছিল ? ছেলে হইয়া মরিয়া না গেলে স্নেহ করিয়া কাছে না ডাকিলে, আজও হয়তো সে কিছু বলিত না।

তুই খাস ?

না খেলে ছাড়ছে কে দাদা ? ঘাখো, আমার একটা দাঁত বাঁধানো—, প্রথম দিন পঁাড়াশি দিয়ে দাঁত ফাঁক করে গলায় ঢেলে দিয়েছিল। তার পর থেকে নিজেই খাই।

এ দিকের ঘরে আসিয়া শশী বলিল জোর করে বিয়ে দেবার অন্তে, না ?

বিন্দু বলিল, না। আমি হাবভাব দেখিয়ে ভুলিয়েছিলাম বলে।

কিন্তু তা তো তুই করিসনি? তুই তখন কতটুকু!

ও তাই মনে করে দাদা।

বিন্দুর স্তম্ভ চোখ এতক্ষণ জলজল করিতেছিল, আবার স্তিমিত সজল হইয়া আসিল।  
চোখ মুছিয়া বলিল, কেন মিথ্যে তোমায় বললাম।

শশী ভাবিতেছিল, বিন্দুর কথায় চমকাইয়া গেল। এমন হতাশ হইয়া গিয়াছে বিন্দু। ভাবিতে ভাবিতে শশীর মুখ কালো আর কঠিন হইয়া ওঠে। অগ্র দিকে চাহিয়া সে জিজ্ঞাসা করিল, নন্দ আর কাউকে আনে,—বন্ধুবান্ধব?

বিন্দু বলিল, না না, ছি, ওসব বুদ্ধি নেই। যা শাস্তি দেবার নিজেই দেয়।

তারপর মুহূর্তের আবার বলিল, অস্থখ-বিস্থখ হলে খুব ভাবে দাদা, সেবাও করে।

শশী অনেকক্ষণ ভাবিল।

আমার সঙ্গে যাবি বিন্দু?

বিন্দু উৎসুক হইয়া বলিল, কোথায় যাব তোমার সঙ্গে?

শশী বলিল, কাল আমরা দেশে চলে যাব,—যাবি?

বিন্দু ব্যগ্র হইয়া বলিল, যাব। চল এখনি বেরিয়ে পড়ি দাদা, হঠাৎ যদি এসে পড়ে?

বিন্দুর যেন এক মিনিটও সবুর সইবে না। এতকাল এখানে সে কেমন করিয়া ছিল কে জানে। গাড়িতে শশী তাহাকে এই কথাই জিজ্ঞাসা করিল।

পথের পাশে সাজানো দোকানের দিকে চোখ রাখিয়া বিন্দু বলিল, ভেবেছিলাম ক্ষমা করবে।

১

এতকাল পরে এ কি প্রত্যাবর্তন বিন্দুর? গহনা কই, কাপড় কই, মোটবহর কই? গ্রামের লোক অবাক মানিল। বিন্দুকে জ্বালাতনও কম করিল না। ব্যাপারটা বুঝিবার জন্ত সকলেই উৎসুক। জেরায় জেরায় বাহিরে পুরুষদের এবং ভিতরে মেয়েদের জীবন অতিষ্ঠ হইয়া উঠিল। শশী আর বিন্দু নিজে ছাড়া কেহ কিছু জানিত না, কেহ কিছু জানিতেও পারিল না। তাই মুখে মুখে নানা কথা প্রচারিত হইয়া গেল।

সেনদিদিই বিন্দুকে যত্ন দিল সবচেয়ে বেশি। শশীকে অবাক করিয়া কিছুদিন হইতে সেনদিদি হামেশা এ বাড়িতে আসিতেছিল। গোপালের সঙ্গে তার যেন একটা সন্ধি হইয়াছে। কৃত্যয় ভুড়ি ঢাকিয়া গোপাল তামাক টানে, অদূরে সিঁড়ি পাতিয়া বসিয়া সেনদিদি তার সঙ্গে করে আলাপ। সেনদিদির দাগী মুখ আর কানা চোখ দেখিয়া গোপালেরও যেন একটা রোগ আরাম হইয়া গিয়াছে। আজকাল সে প্রসন্ন

ঐশাঙ্ক । গ্রাম্য রমণীর আবেগপূর্ণ মমতায় সেনদিদি শশীকে আকর্ষণ করিত বটে এবং গাণ্ড্যবতীর স্নেহ স্বভাবতই মাহুৰ একটু বেশি পছন্দ করে বলিয়া সে মমতা দামীও ছল শশীর কাছে । কিন্তু একথা শশী কখনো বিশ্বাস করে নাই যে পড়ন্ত সূর্যের ততো শেষ বৌবনের অত্যাম্ৰুৰ্ণ রূপের অন্তে ছেলেকে বশ করিয়া গোপালের উপর একটা ঐপয়ুক্ত প্রতিক্রোধ গ্রহণের এতটুকু ইচ্ছাও সেনদিদির ছিল । গোপালের বাঁকা মন বাঁকা পানে খুঁজিত । তাই সেনদিদির বর্তমান শ্রীহীনতায় গোপালের প্রসন্নভাব শক্র বৃদ্ধিতে পারে । বৃদ্ধিতে পারে না সেনদিদির আসা-যাওয়া । চিরকাল যে শত্রুতা করিয়াছে, প্রতি করিয়াছে অপূরণীয়, তার সঙ্গে বসিয়া সেনদিদি যে গল্প করিতে পারে, শশীকে চা যেন অপমান করে । মাঝে মাঝে হাসির কথাও বৃদ্ধি বলে গোপাল, কারণ সেনদিদির কুশ্রী মুখখানা অনিন্দ্য হাসিতে ভরিয়া যাইতেও দেখা যায় । শশী জানে, যে অল্প বয়সে সেনদিদির ভার গোপালের ঘাড়ে পড়িয়াছিল ! তারপর কত টাকার বিনিময়ে সেনদিদিকে গোপাল যামিনীর কাছে বিশর্জন দিয়াছিল তাও শশী জানে—দেড় । টাকা ! গোপালের গ্রাম্য রসিকতায় সেই সেনদিদি আজ এমন অকুণ্ঠ হাসি হাসিতে পারে ভাবিলে গ্রামের উপরেই শশীর বিতৃষ্ণা যেন বাড়িয়া যায় ।

বিন্দুকে সেনদিদি একদিন একাই প্রায় তিন ঘণ্টা কোণঠাসা করিয়া রাখিল । কাক্যহারা মেয়েটাকে কত কথাই সে যে বলিল তার ঠিকঠিকানা নাই । বিন্দু বেশির গগ কথার জবাব পর্যন্ত দিল না । তাতে দমিবার পাত্রী সেনদিদি নয় । নিজে প্রশ্ন করিয়া নিজেই একটা পছন্দসই জবাব আবিষ্কার করিয়া বিন্দুর সম্বন্ধে নিজের কাল্পনিক মানকে সে অবোধে আগাইয়া লইয়া গেল । মোট কথাটা দাঁড়াইল এই : নন্দ আর কটা বিবাহ করিয়া বিন্দুকে খেদাইয়া দিয়াছে । নন্দর তাহলে তিনটে বিয়ে হল—না হাঁদি ? কি মাহুৰ নন্দ, অঁয়া ? শশী বৃদ্ধি খবর পেয়ে আনতে গিয়েছিল ? তাই তো লি, হঠাৎ কেন শশী কলকাতা গেল । আমি জানি দিদি তোর এমন অদেষ্ট হয়েছে ।

এমনি আবেগপূর্ণ মমতা সেনদিদির ! কানা চোখ ভরিয়া তাহার অশ্রু টলমল করিতে লাগিল !

কুহুম যেদিন শশীর ঘর দেখিয়া গিয়াছিল তারপরে নির্জনে কুহুমের সঙ্গে শশীর মার দেখা হয় নাই । একদিন ভোরবেলা সেই জানালা দিয়ে কুহুম তাহাকে ডাকিয়া ফিলিল । শশী উঠিয়া ছাখে গোলাপের সেই চারাটিকে আজও কুহুম পায়ের তলে পিরা দাঁড়াইয়াছে । কাঁটা ফুটিবার ভয়ও কি নাই কুহুমের মনে ?

আজও চারাটা মাড়িয়ে দিলে বৌ ! কত কষ্টে বাঁচিয়েছি সেবার ।

ইচ্ছে করেই দিয়েছি ছোটবাবু, চারার অন্তে এত মায়া কেন ? দরকার আছে, তবু টাকতে আসতে হবে,—রাগ হয় না মাহুমের ?



শশী বলিল, কি দরকার বৌ ?

কুসুম বলিল, ভালপুকুরে আস্থান একবার, বলছি ।

শশী ভালপুকুরে গেল । কনকনে শীতে ভালগাছগুলি পর্যন্ত যেন অসাড় হইয়া গিয়াছে ! পুকুরের অনেকখানি উত্তরে একটা ভালগাছ মাটিতে পড়িয়া ছিল, শশীকে কুসুম সেইখানে লইয়া গেল । নিজে ভালগাছের গুঁড়িটাতে জাঁকিয়া বসিয়া হুকুম দিয়া বলিল, বসুন ছোটবাবু, অনেক কথা সময় নেবে বলতে ।

শশী কিছু বলিল না । কুসুমের অনেকখানি তফাতে বসিল । কুসুম যেন একটু অবাধ হইয়া গেল প্রথমে, তারপর হঠাৎ লজ্জায় মুখখানা তাহার লাল হইয়া উঠিল ; বিন্দুর ব্যাপারটা শুনিবার জন্ত কুসুম শশীকে এখানে ডাকিয়া আনিয়াছে । কৌতূহলের বশে এতক্ষণ তাহার খেয়ালও হয় নাই যে চুপিচুপি শশীকে এখানে ডাকিয়া আনিলে কতখানি উপযাচিকা অভিসারিকার মতো কাজ করা হয় ।

তারপর বিন্দুর কথা স্ফিজাসা করিয়া কুসুম শশীকে একটু অবাধ করিয়া দিল । খেয়ালী কম নয় কুসুম । বিন্দুর কাহিনী শুনিবার জন্ত এত কাণ্ড ! ও কথা সে তো যেখানে খুশী বলিতে পারিত কুসুমকে ।

ওর কথা শুনে কি করবে বৌ ?

কুসুম সবিস্ময়ে বলিল, আমাকে বলবেন না ?

শশীর গোপন কথা কুসুমকে না বলার যতো স্ফটিকছাড়া ঘটনা যেন আর নেই । জীবনে আজ প্রথম শশী কুসুমের প্রকৃতির একটা আশ্চর্য দিক আবিষ্কার করিয়া অভিভূত হইয়া গেল । একটি বালিকা আছে কুসুমের মধ্যে, মতির চেয়েও যে সরল, মতির চেয়েও নির্বোধ । সংসারকে দেখিয়া শুনিয়া কুসুমের যে অংশটা বড় হইয়াছে, এই বালিকা কুসুমটি তার আড়ালে বাস করে । সংসারকে যখন সে ভুলিয়া যায়, জীবনের যত দায়িত্ব, যত জটিলতা আছে, কিছুই যখন তাহার নাগাল পায় না, তখন তাহার এই বিস্ময়কর দিকটা চোখে পড়ে । শশী বৃষ্টিতে পারে ; এতকাল কুসুমের যে-সব পাগলামি সে লক্ষ্য করিয়াছে,—ওর শাস্ত সহিষ্ণু ও গম্ভীর প্রকৃতির সঙ্গে যা কোনদিন খাপ খাওয়ানো যায় নাই,—সে সব বহু দূর-অতীতের ছেলেমানুষ কুসুমের কীর্তি,—কুসুমের এখনকার পরিণত দেহমানে যার অস্তিত্ব কল্পনা করাও কঠিন ।

বিন্দুর কথা ধীরে ধীরে শশী সব বলিয়া গেল । বলিতে বলিতে সে অস্বমনস্ক হইয়া গেল মাঝে মাঝে । কি রহস্যময়ী আজ তাহার মনে হইতেছে কুসুমকে । কুসুম যখন সেদিন দুপুরে তার ঘর দেখিতে গিয়াছিল, সেদিন প্রথম শশীর মনে হইয়াছিল, গত কয়েক বছর ধরিয়া কুসুমের যত খাপছাড়া ব্যবহার সে লক্ষ্য করিয়াছে, সব তাহার মন ভুলানোর জন্ত বয়স্ক রমণীর প্রণয় ব্যবহার । বড় দুঃখ হইয়াছিল সেদিন শশীর,

—নিজের মনকে সে মহার্ঘ মনে করে, সে মন যেন বিকাইয়া গিয়াছিল কানাকড়ির নামে। শশী এখন ভৃষ্টি বোধ করিল। তাই যদি হইত, কু মের সংস্পর্শে সে বছরের পর বছর কাটাইয়া দিয়াছিল, একদিনও সে কি টের পাইত না কুহুম কি চায়? একটি নারী মন ভুলাইতে চাহিতোছে এটুকু বুঝিতে কি সাত বছর সময় লাগে মাহুঘের? এই কুহুমের মধ্যে যে কুহুম কিশোর-বয়সী, সে শুধু খেলা করিত শশীর সঙ্গে। শশী তো চিনিত না, তাই ভাবিত, এত বয়সে পাগলামি গেল না কুহুমের।

তালবন হইতে শশী সেদিন হালকা মনে বাড়ি ফিরিল।

কুহুমকে বিন্দুরও ভাল লাগিল। কুহুমের কৌতূহল মিটিয়াছিল। বিন্দুর কলিকাতার জীবন সম্বন্ধে সে কোন কথা ভুলিল না। সাধারণ নিয়মে বিন্দু বাপের বাড়ি আসিয়াছে, এতে আশ্চর্য হওয়ার কিছুই নাই, এমনি ভাব দেখাইল কুহুম। বিন্দুর কাছে সে অনেক সময় আসিয়া বসে, নানা কথা বলিয়া বিন্দুকে ভুলাইয়া রাখিতে চেষ্টা করে। ও সব পারে সে। সত্যমিথ্যা জড়াইয়া জমজমাট উপভোগ কাহিনী রচনা করিতে কুহুম অধিষ্ঠা। অপরূপ ভাস্কি সৃষ্টি করিবার কৌশল সে জানে চমৎকার। বলে, শহর থেকে শখ করে গায়ে তো এলে ঠাকুরঝি, মরবে ভুগে ম্যালেরিয়ায়। দুবার কাঁপুনি দিয়ে জর এলে বাপের বাড়িতে পেল্লাম করে কর্তার কাছে ছুটবে তখন।

গোপাল রাগারাগি করিল,—শশীর সঙ্গে তার কলহ হইয়া গেল। টেচামেচি করিয়া সে বলিতে লাগিল যে এমন কাণ্ড জীবনে সে কখনো ছাখে নাই। স্ত্রীকে মাহুঘ নিজের খুশিমতো অবস্থায় রাখিবে এই তো সংসারের নিয়ম। মারধোর করিলে বরং কথা ছিল। কিছুই তো নন্দ করে নাই। যা সে করিয়াছে বিন্দুর তাতে বরং খুশি হওয়াই উচিত ছিল। স্ত্রীকে ভিন্ন বাড়িতে হীরা-জহরত দিয়া মুড়িয়া রাখিয়া চাকর-দারোয়ান রাখিয়া দিয়া কেহ যদি নিজের একটা খাপছাড়া খেয়াল মিটাইতে চায়, স্ত্রীর সেটা ভাগ্যই বলিতে হইবে। স্বামীর সে অধিকার থাকিবে বই কি। মদ খায় নন্দ? সংসারে কৈন বড়লোকটা নেশা করেনা শুনি? তখন বলিলেই হইত, অত কষ্টে বড়লোক জামাই যোগাড় না করিয়া একটা হা-ঘরের হাতে মেয়েকে সঁপিয়া দিত গোপাল,—টের পাইত মজাটা!

কেন ওকে তুই নিয়ে এলি শশী! তোর কর্তালি করা কেন। ছেলেখেলা নাকি এ-সব, অ্যা? রেখে আর গে, আজকেই চলে যা।

তা হয় না বাবা। আপনি সব জানেন না,—জানলে বুঝতেন ওখানে বিন্দু থাকতে পারে না।

এতকাল ছিল কি করে?

সে কথা ভাবিলে শশীও কি কম আশ্চর্য হইয়া যায়।

গোপাল মেয়েকে জিজ্ঞাসা করে, গয়নাগাঁট জিনিসপত্র কি করে এলি ?

আনিনি বাবা ।

কেন, আনিনি কেন ?

আমার কি ছিল যে আনব ? আনলে চেয় বলে জেলে দিত ।

শুনিয়া গোপাল রাগিয়া ওঠে ।—জেলে দিত ! গোপাল দাসের মেয়েকে অত সহজে কেউ জেলে দিতে পারে না । তোরা সবকটা ছেলেমানুষ, কাঁচা বুদ্ধি তোদের । তোরা ঢের কষ্ট পাবি, এই আমি বলে রাখলাম ।

গোলমাল করার কল হইল এই, শশীর সঙ্গে গোপালের আবার কথা বন্ধ হইয়া গেল । ছেলের সঙ্গে এরকম মনান্তর গোপালের বাৎসল্যের জগতে মনস্তন্দের সমান, বড় কষ্ট হয় । দিন যায়, কলহ মেটে না । গোপাল উসখুস করে । ছেলে যেন আকাশের দেবতা হইয়া উঠিয়াছে,—নাগাল পাওয়া কঠিন । শেষে গোপাল নিজেই একদিন মরিয়া হইয়া শশীর ঘরে যায় । শশী মোটা ডাক্তারী বইটা নামাইয়া রাখিলে সেটা সে টানিয়া লয়, পাতা উলটায় । আর ছেলের এত মোটা বই পড়িবার অমায়ুখী প্রতিভায় সুম্পষ্ট গর্ব বোধ করে । বলে, যতক্ষণ বাড়িতে থাক বই পড়ে সময় কাটাও, শশীর তোমার খারাপ হয়ে যাচ্ছে শশী । এত পড় কেন, পরীক্ষা তো নেই ? আগে তো এরকম পড়তে না দিনরাত ?

ডাক্তারের সর্বদা নতুন বিষয় জানতে হয় । শশী বলে ।

যা তুমি জান শশী, গাঁয়ে ডাক্তারী করার পক্ষে তাই ঢের ।

শহরে গিয়ে যদি বসি কখনো—

কি বিচিত্র চক্র কথোপকথনের ! বিন্দুর কথা আলোচনা করিতে আসিয়া কি কথা উঠিয়া পড়িল ছাখো । শহর ? শহরে গিয়া ডাক্তারি করার মতলব আছে নাকি শশীর ? তাই এত পড়াশোনা ? গোপাল বিবর্ণ হইয়া যায় । এই গ্রামে একদিন কুঁড়ে ঘরে গোপালের জন্ম হইয়াছিল, এইখানে একদিন সে ছিল পরের দুয়ারে অয়ের কাঙাল । আজ সে এখানে দালান দিয়াছে ; একবেলায় তার দাওয়ার পাত পড়ে ত্রিশ-খানা । চারিদিকে ছড়ানো টাকা, ছড়ানো জমি-জায়গা । ঘরে-বাইরে এখানে তাহার আদর্শ বাঙালী জীবনের বিস্তার । এইখানে মরিতে হইবে তাহাকে । শশী এখানে থাকিবে না, অমুসরণ করিবে না তার পদাক ? গোপাল বাকুল হইয়া বলে, ও সব সর্ব-নেশে কথা মনে এন না শশী ।

শশী বলে, সময় সময় মনে হয় শহরে বসলে পয়সা বেশী হত—

ছাই হত ! শহরে ঢের বড় বড় ডাক্তার আছে,—তুমি সেখানে পাত্তাও পাবে না শশী । এখানে মন্দ কি হচ্ছে তোমার ? তা ছাড়া, ডাক্তারিতে পয়সা না এলেও

তোমার চলবে। জমিজমা দেখবে, হুদ গুনে নেবে। ডাক্তারীতে কিছু হয় ভাল, না হয় না-ই হবে। গাঁয়ে আর ডাক্তার নেই, অটিকিচ্ছে মরে গাঁয়ের লোক, সেটাও তো দেখতে হবে? বড় তুই স্বার্থপর শশী।

গোপাল পালায়। কি বলিতে কি বলিয়া ফেলিবে, আবার হয়তো পনের দিন কথা বন্ধ থাকিবে ছেলের সঙ্গে। খানিক পরে গোপাল আবার শশীর ঘরে ফিরিয়া যায়। বলে, চাবিটা ফেলে গেলাম নাকি রে?

শশী বলে, চাবি? ওই যে আপনার পকেটে চাবি?

চাবির ভায়ে কর্তার পকেটটা ঝুলিয়াই আছে বটে। গোপাল অপ্রতিভ হইয়া যায়। পদে পদে জ্ঞপ্ত করে, কি ছেলে! খানিক সে চূপ করিয়া বসিয়া থাকে। তারপর করে কি, হঠাৎ অন্তরঙ্গভাবে জিজ্ঞাসা করে, হ্যাঁ রে শশী, গাঁয়ে তোমার মন টিকছে না কেন বল তো, গাঁয়ের ছেলে তুই?

মন টিকবে না কেন?

তবে যে শহরে যাবার কথা বলছিস?

ঠিক করিনি কিছু। কথাটা মনে হয় এই মাত্র।

শশীর শাস্ত ভাব দেখিয়া নিজের উত্তেজনায় আর এক দফা অপ্রতিভ হয় গোপাল। ছেলে বড় হইলে কি কঠিন হইয়া দাঁড়ায় তার সঙ্গে মেশা। সে বন্ধু নয়, খাতক নয়। উপরওয়ালা নয়, কি যে সম্পর্ক দাঁড়ায় বয়স্ক ছেলের সঙ্গে মানুষের, ভগবান জানেন।

একদিন নন্দর একখানা পত্র আসিল—বিন্দুর নামে। লিখিয়াছে, চিঠি পাওয়ার তিনদিনের মধ্যে ফিরিয়া গেলে এ-বারের মত ক্ষমা করিবে। শশী আগুন হইয়া বলিল, ক্ষমা? তাকে কে ক্ষমা করে ঠিক নেই, কোন্ সাহসে ক্ষমার কথা লেখে? তুই যেন ভদ্রতা করে চিঠির জবাব দিতে বসিস না বিন্দু।

জবাব দেব না?

শশী অবাক হইয়া বলিল, জবাব দেবার ইচ্ছা আছে না কি তোমার? সব সম্পর্ক চুকিয়ে দিয়ে এলি, চিঠির জবাব দিবি কি রকম?

বিন্দু বলিল, দেব না দাদা,—দেব কি না জিজ্ঞেস করলাম।

এও জিজ্ঞেস করতে হয়?

বিন্দু ম্লানভাবে হাসিল, মনটা বড় নরম হয়ে গেছে দাদা—একেকার সাহস নেই। নিজে নিজে কিছু ঠিক করতে পারি না। নইলে জাখো না, আগে কি পালিয়ে আসতে পারতাম না আমি?

একখানা চিঠি লিখিয়া নন্দ আর সাড়াশব্দ দিল না। শীতের দিনগুলি

তাড়াতাড়ি কাটরা বাইতে লাগিল। কুহুমের সঙ্গে শশীর কল্যাণ দেখা হয়। দেখা করিবার জন্য কোন পক্ষেই যেন তাড়া নাই। তা ছাড়া, শশী বড় ব্যস্ত। শীতকালে গ্রামে অস্থ-বিস্থ কিছু কম থাকে বটে, সে শুধু অন্য সময়ের তুলনায়। কিছুদিন আগে বাজিতপুরের হাসপাতালের ডাক্তারের সঙ্গে শশী আলাপ করিয়া আসিয়াছিল। কলকাতায় পড়িবার সময় ডাক্তারটির সঙ্গে মুখচেনা ছিল শশীর। তাকে সে বলিয়া আসিয়াছিল, হাসপাতালে কোন অসাধারণ রোগী আদিলে শশীকে তিনি যেন একটা খবর দেন,—শুধু বই পড়িয়া শেখা যায় না। মাঝে মাঝে শশী বাজিত-পুরে যায়। বড় রকমের অপারেশন দেখিবার সুযোগ থাকিলে নিজের রোগীদের কথা ভুলিয়া দু-একদিন সেখানে থাকিয়া আসে।

কুহুম নাশিশ করে না। কি যেন হইয়াছে কুহুমের। বোধ হয় ভুলিয়া গিয়াছে নাশিশ করিতে। এমন অন্তমনস্কতা মাঝে মাঝে আসে বই-কি মাগবের, অভ্যস্ত কাজেও যাতে ভুল হইয়া যায়।

শাস্ত্রের গোড়ায় হঠাৎ একদিন কুমুদ আসিয়া হাজির।

কদিন থাকতে দিবি শশী ?

যদিন থাকবি, শশী খুশি হয়, সত্যি থাকবি ?

থাকব বলেই এলাম। ভাল লাগলে থাকব।

শশী হাসিল, ভাল লাগার মত কিই-বা আছে গাঁয়ে ? ডোবা জঙ্গল আর মুখা মাছ। ভাল না লাগলেও থাকিস কুমুদ কিছুদিন। সঙ্গীর অভাবে বড় চিন্তাশীল হয়ে উঠেছি।

কুমুদ বলিল, সঙ্গীর অভাব ? বিয়ে কর না ?

শশীর হাসি দেখিয়া কুমুদ গম্ভীর হইয়া বলিল, ঠাট্টা করছি না শশী, সত্যি তোমার বিয়ে দরকার। শাস্ত্র হিন্দেবী সাধারণ সংসারী মাছ। সাধারণ মাছের জীবন যেমন হয় তোমারও তেমনি হওয়া দরকার। অন্য রকম করে বাঁচতে গেলে তুমি স্থবী হতে পারবি না।

শশী বলিল, তুমি তো এরকম ছিলা না কুমুদ, এসব কি পরামর্শ দিচ্ছিস ?—আমার ঘরে থাকবি, না, একটা ভিন্ন ঘরের ব্যবস্থা করে দেব তোকে।

কুমুদ বলিল, ভিন্ন ঘরে হলে মন্দ হয় না শশী,—দু-চার ঘণ্টা একা না থাকতে পারলে কি চলে ?

কবিতা লিখিস, অ'গা ?

না ঠিকমত বাঁচতেই জানি না, কবিতা লিখব ! লিখতে লজ্জা করে।

কুমুদ লজ্জায় কবিতা লেখে না এটা আশ্চর্য মনে হয়। জীবনে সে কি চায় আশ্রয়

কি কুমুদ তাহা বুঝিতে পারে নাই? জীবনকে লইয়া আজও সে পরীক্ষা করিয়া চলিতেছে? কোন্ সাগরে মুক্তা আহরণ করিবে তারই অশেষণে সাত সাগরে ভাদিয়া বেড়াইতেছে? এর চেয়ে বিশ্বয়কর কিছু নাই যে শাস্ত আর বন্ত কোন মাহুঘই জীবনের রহস্য ভেদ করিয়া সেই চিরম স্থিতির খোঁজ পায় না, যা অপরিবর্তনীয় হইলেও চলে, যেখানে অভিনবত্ব কাম্য নয় মাহুঘের। শশীর মতো জীবনকে কুমুদ আজ মন্থর করিতে চায়; আর শশী প্রার্থনা করে কুমুদের অতীত দিনের উত্তপ্ত উচ্ছল জীবনের আবর্ত! সুখ যে তাতে বিশেষ হইবে না তা জানে শশী। তবু মন কেমন করে!

কুমুদ যে কেন গাওদিয়ায় আসিয়াছে শশী ঠিক তাহা বুঝিয়া উঠিতে পারিতেছিল না। কতদিন থাকিবে তাই বা কে জানে। জিজ্ঞাসা করিলে কুমুদ সেই একই জবাব দেয়; যত দিন থাকতে দিবি। এ কথার কোন মানে হয় না। সে যদি ছ মাস একবছরও এখানে থাকিয়া যায়, শশী কি তাহাকে বলিবে যে এবার ভূমি বিদেয় হও?

কুমুদের মধ্যে একটা নূতন পরিবর্তন এবার শশীর চোখে ধরা পড়িতেছিল। সেবার তাহার মুখে চোখে কথায় ব্যবহারে যাত্রার দলের অধঃপতনের পরিচয় ছিল স্পষ্ট, এবার সে যেন বহুদিন আগেকার মত কবি ও ভাবুক হইয়া উঠিয়াছে। কেবল পুরানো দিনের মতো এবার আর তাহার বিদ্রোহী উক্কত ভাব নাই। কি যেন সে ভাবে, কি এক রসালো ভাবনা, চোখের দৃষ্টি তাহার হইয়া আসে উৎসুক এবং একান্ত বেমানানভাবে সেই সঙ্গে মুখে ফুটিয়া থাকে গভীর সম্ভাষ। তা ছাড়া, গাওদিয়ার মাঠে ঘুরিয়া বেড়ানোর মধ্যে কি রস সে আবিষ্কার করিয়াছে সে-ই জানে—সময় নাই অসু সময় নাই, কোথায় যেন চলিয়া যায়।

একদিন শশী জিজ্ঞাসা করিল, বিনোদিনী অপেরার কি হল রে কুমুদ?

কুমুদ বলিল ও দলটা ছেড়ে দিয়েছি। বৈশাখ মাসে সরস্বতী অপেরা বলে আর একটা দলে ঢুকব,—কথাবার্তা সব ঠিক হয়ে আছে। এরা মাইনে অনেক বেশি দেবে। এখনি যোগ দেবার জন্ত ঝুলোঝুলি করছিল, কিন্তু পার্ট বলে বলে কেমন বিরক্তি জন্মে গেছে তাই, ভাই ভাবলাম কটা মাস একটু বিশ্রাম করেনি।

কে জানে এ কথা সত্য কি মিথ্যা। শশীর মনে একটা সন্দেহ উঁকি দিয়া যায়। সে ভাবে যে হয়তো বিনোদিনী অপেরা হইতে কুমুদকে বিদায় করিয়া দিয়াছে, কোথাও কিছু স্থবিধা করিতে না পারিয়া সে আসিয়া আশ্রয় লইয়াছে এখানে—সরস্বতী অপেরার কথাটাও বানানো। টাকাকড়ি কিছুই হয়তো কুমুদের নাই।

একদিন শশী বলিল, আমায় গোটা পনের টাকা দিবি কুমুদ? হাতে নগদ টাকা নেই, একজনকে দিতে হবে।

কুমুদ তাহার স্মটকেশ খুলিল, একোণ ওকোণ হাতড়াইয়া বলিল, আমার মনিব্যাগ?

শশী ভাবিল, হঁ, এবার মনিব্যাগ তোমার চুরি যাবে! ছি কুহুদ, আমার সঙ্গেও শেবে তুই ছলনা আরম্ভ করলি!

কিন্তু না, ব্যাগ আছে। জামা-কাপড় নামাইয়া খুঁজিতেই ব্যাগটা বাহির হইয়া পড়িল। কুমুদ বলিল, তোর কাছে রাখতে দেব ভেবে একেবারে ভুলে গিয়েছি ভাই, চুরি গেলেই হয়েছিল আর কি! যা দরকার নিয়ে রেখে দে ব্যাগটা তোর কাছে।

ব্যাগটা হাতে করিতে শশী লজ্জা বোধ করিল।

কত আছে?

কে জানে কত আছে। গুণে ঢাখ।

তারপর একদিন পুকুর-ভোবা-জঙ্গলভরা গাওদিয়া গ্রামে কুমুদের আত্মনির্ভরনের কারণটা জানা গেল।

শশী বিবর্ণ হইয়া বলিল, তুই কি বলছিলি কুমুদ, মতিকে বিয়ে করবি? ওইটুকু মেয়ে।

কুমুদ বলিল, বিশেষ ছোট নয়। তা ছাড়া, ছোটই ভাল! বিয়েই যদি করব, ধাড়ী মেয়ে বিয়ে করব কোন্‌ হুঃখে?

শশীর রাগ হইতেছিল। কেমন একটা জ্বালাও সে বোধ করিতেছিল, বলিল, তুই তবে এইজন্ম এসেছিলি কুমুদ, বন্ধুর বাড়ি, বিশ্বামের ছল করে?

কুমুদ বিস্মিত হইয়া বলিল, বিচলিত হয়ে পড়লি যে শশী? খুব কি একটা অজ্ঞায় কাজ করতে বসেছি আমি? ছন্নছাড়ার মতো ভেসে ভেসে বেড়াচ্ছিলাম,—বিয়ে করে সংসারী হব এতে তোর খুশি হওয়াই তো উচিত।

বাঙলাদেশে তাই আর মেয়ে পেলি না?

কেন, মতি কি দোষ করেছে?

ওইটুকু একটা মুখ্য গৈয়ো মেয়ে।

কুমুদ একটু হাসিল, তুই যে কার টানছিলি বুঝে উঠতে পারছি না শশী। মতি মুখ্য গৈয়ো বটে, আমিও তো যাত্রা-দলের সং!

কুমুদের হাসি দেখিয়া শশী আরও রাগিয়া গেল। এ জগতে কিছুই যেন কুমুদের কাছে গুরুতর নয়, যখন যা খেয়াল জাগে খেলার ছলেই যেন তা করিয়া ফেলা যায়, জীবনে যেন মাহুঘের নিয়ম নাই, বাঁচিবার দীতি নাই। মনের রাগ চাপিয়া বিচারকদের রায় দেওয়ার ভঙ্গিতে শশী বলিল, এসব দুর্বুদ্ধি ছেড়ে দে কুমুদ, যাত্রাদলের সং সঙ্গে থাকতে তোকে কে বলেছে? সরস্বতী অপেরায় ঢুকে আর কাজ নেই, ফিরে যা তোর কাকার কাছে। কাকার তোর অত বড় মাইকার কারবার, একটা ভালরকম কাজ তোকে তিনি দিতে পারবেন না? তখন সমান ঘরের কত ভাল মেয়ে পাবি, তোর উপযুক্ত সঙ্গিনী হতে পারবে। খেয়ালের বশে একটা গৈয়ো মেয়েকে বিয়ে করে কেন জলে মরবি আত্মীবন?

কুমুদ বলিল, কাকার ছুটো গ্রেট ডেন কুকুর আছে জানিস ?

শশী অবাক হইয়া বলিল, না।

কাকার বাড়ির গেটের ভেতর ঢুকলে কুকুর ছুটো তিনি লেলিয়ে দেবেন।

কথাটা হইতেছিল শশীর ঘরে, — সন্ধ্যার পর। ঘরে সাত টাকা দামের একটা টেবিল ল্যাম্প জলিতেছিল। এতো আলোতে পরস্পরের মুখের দিকে চাহিতে তাদের ঘেন কষ্ট হইতে লাগিল। রাগ শশীর মনে বেশিক্ষণ টেকে না। খানিক চুপ করিয়া থাকিয়া সে বলিল, মতিকে তোর ভাল লাগল কুমুদ! বিশ্বাস হতে চায় না।

প্রথমে আমারও হয়নি। সেবার যখন চলে গেলাম, কে জানত ওর অজ্ঞে আবার ফিরে আসতে হবে!

তারপর কুমুদ ভালপুকুরের পাড়ে অবাধ গ্রাম্য বালিকার সঙ্গে তার ভালবাসার অন্ধ-ইতিহাস ধীরে ধীরে শশীকে শুনাইয়া দিল। এতটুকু মেয়ে মতি, তার যে এমন একটি মন থাকিতে পারে যাহাতে অতল স্নেহের সঞ্চয় সম্ভব তা কি কুমুদ জানিত? সরল মনের স্নেহ ছাড়া আর সবই যে ফাঁকি মাহুঘের জীবনে, মতি কুমুদকে এ শিক্ষা দিয়াছে। সত্য কথা বলিতে কি, এ অপূর্ব অভিজ্ঞতা কুমুদ তো কোন দিন কল্পনাও করে নাই। শুনিতে শুনিতে শশীর বিশ্বয়ের সীমা থাকে না। মতি? ওই একরকমি নোংরা মেয়েটা গোপনে গোপনে এত ভালবাসিয়াছে কুমুদকে? শশীর মনে হয় সব কুমুদের বানানো,—দিবাস্বপ্ন, কল্পনা! মুখে মুখে গীতগোবিন্দের মতো যে মহাকাব্য কুমুদ রচনা করিয়া চলিয়াছে, মতি কি কখনো তার নায়িকা হইতে পারে?

সেদিন অনেক রাত্রি অবধি শশী ঘুমাইতে পারিল না। কুমুদের সঙ্গে মতির বিবাহ? কেমন করিয়া ইহা ঘটতে দেওয়া যায়! চিরদিন কুমুদ ছয়ছাড়া যাযাবরের জীবন যাপন করিয়াছে, সাময়িক একটা নীড় প্রেম তার মধ্যে দেখা দিলেও এটা যে স্থায়ী হইবে বিশ্বাস করা কঠিন। তা ছাড়া মতির মূর্খতা এবং গ্রাম্যতা অসহ্য হইয়া উঠিতে কুমুদের বোধ হয় ছ মাস সময়ও লাগিবে না। কি উপায় হইবে মতির তখন? কুমুদ কষ্ট দিলে, ত্যাগ করিলে, নিরীহ বোকা মেয়েটার জীবন যে দুঃখে ভরিয়া উঠিবে কে তার দায়িত্ব গ্রহণ করিবে? একদা-প্রিয় বস্তুগুলি জীবন হইতে ছাঁটিয়া ফেলাই যে স্বভাব কুমুদের।

পরদিন কুমুদকে সে এ বিষয়ে প্রশ্ন করিল। বলিল, মতিকে তোর বেশি দিন ভালো লাগবে কেন কুমুদ?

মতিকে আমার চির দিন ভাল লাগবে।

কি করে লাগবে তাই ভাবছি।

কুমুদ বলিল, শশী, তুই কি ভাবিস বিয়ের পরেও মতি এমনি থাকবে? ওকে



আমি মনের মত করে গড়ে তুলব না? খনি থেকে তোলা হীরের মতো ওকে আমি গ্রহণ করছি,—নিজে কাটব, ঘষব, মাজব, উজ্জল করে তুলব। ওর মনের কোন গড়ন নেই, তাই ওকে বিয়ে করতে আমার এত আগ্রহ। ওর মনকে আমি গড়ে নেব। আমার সঙ্গিনী হতে পারে, এমন মেয়ে জগতে নেই ভাই—সঙ্গিনী আমার সৃষ্টি করে নিতে হবে আমাকেই।

শশীর অর্ধেক মন সংসারী, হিসাবী, সতর্ক—এসব বড় বড় কথা শুনিলে তার বিরক্তি জন্মে। মনের মতো গড়িয়া তুলিতে গেলে মানুষ যে মনের মতো হয় না, এটুকু জান কি কুমুদের নাই? পরের চেষ্টায় মনের যে বিকাশ তাহা অস্বাভাবিক, অপ্রীতিকর। মতিকে ছাঁচে ঢালিয়া সৃষ্টিছাড়া অদ্ভুত জীবে পরিণত করিবার ঐর্ষ কুমুদের থাকিবে কিনা সন্দেহ,—থাকিলেও, সেই পরিবর্তিত মতিকে কি তাহার ভাল লাগিবে? কি ভাবেই বা মতিকে সে গড়িয়া তুলিবে? লেখাপড়া গানবাজনা ছবি-আঁকা—শুধু এই সব শিক্ষা তাকে দেওয়া সম্ভব। তার অতিরিক্ত আর কি করিতে পারিবে কুমুদ? মতির নিজস্ব সত্তাটুকু পর্যন্ত কুমুদ যদি তাকে দান করে, স্বতন্ত্র সম্পূর্ণ মানুষ হিসাবে কি মূল্য থাকিবে মতির? কুমুদ এত জানে, এটুকু জানে না যে প্রিয়াকে মানুষ গড়িয়া লইতে পারে না। মেয়ের মতো যাকে শিখাইয়া পড়াইয়া মানুষ করা যায় তাকে বসানো চলে না প্রিয়ার আসনে?

ভাবিয়া শশী কিছু ঠিক করিতে পারে না। এক সময় সে খেয়াল করিয়া অবাধ হয় যে মতির সঙ্গে কুমুদের ভালবাসার খেলাটা তাহার বিশেষ খাপছাড়া মনে হইতেছে না—ওদের বিবাহের কথাটাই তার কাছে সৃষ্টিছাড়া কাণ্ডের মতো ঠেকিতেছে। মতিকে নষ্ট করিয়া কুমুদ যদি চলিয়া যাইত, শশীর দুঃখের সীমা থাকিত না, তবু যেন মনে হইত অস্বাভাবিক কিছু ঘটে নাই, দুইজনের মধ্যে যে দুস্তর পার্থক্য তাহাদের তাহাতে দু-দিনের নিন্দনীয় ঘনিষ্ঠতা ছাড়া আর কি সম্পর্ক তাহাদের মধ্যে হওয়া সম্ভব? ওদের বিবাহ অবাস্তব, অর্থহীন।

এ চিন্তায় শশী লজ্জা পায়। মতির জগৎ তার মনে বাৎসল্য-মেশানো এক প্রকার আশ্চর্য মমতা আছে, মতিকে কুমুদের বোঁ হওয়ার অল্পপযুক্ত মনে করিতে তাহার কষ্ট হয়। সেদিন বিকালে মতির সঙ্গে শশীর দেখা হইল। মতি একডালা কুমড়া ফুল লইয়া তাহাদেরই বাড়ি আসিয়াছিল। শশীকে যে কথাটা জানানো হইয়াছে, কুমুদ হয়তো মতিকে এ সংবাদ দিয়াছিল। শশীকে দেখিয়া মুখখানা তার রাঙা হইয়া উঠিল। তারপর একটু হাসিল মতি,—হঠাৎ লজ্জা পাইলে এ বয়সে ঠোঁটে হাসির ঝিলিক দিয়া যায়। মতির মুখখানা আজ শশীর অসাধারণ সুন্দর মনে হইল। সে ভাবিল, হয়তো কুমুদ ভুল করে নাই। হয়তো সত্যই একদিন সে মতিকে রূপে গুণে অতুলনীয় করিয়া তুলিবে।

মতি চলিয়া গেলে কুমুদের এই শক্তিতে কিন্তু শশীর আর বিশ্বাস রহিল না। ধনিগর্ভের হীরার মতোই বটে মতি,—তাকে একদিন অল্পপমা ও জ্যোতির্ময়ী করিয়া ভালোও সম্ভব, কিন্তু কুমুদ তাহা পারিবে না। ভবিষ্যতের স্বপ্ন দেখিবার প্রতিভা আছে কুমুদের,—স্বপ্নকে সফল করিবার তপস্বী নাই। মতির মুখের পেলব স্বকে হুদিনে সে চুঃখের রেখা আনিয়া দিবে।

মনটা শশীর খারাপ হইয়া থাকে। কুমুদের প্রতি সে বিড়ম্বা বোধ করে সীমাহীন। এ কি বন্ধুর কাজ, বন্ধুর বাড়ি আসিয়া তাহার স্নেহের পাজীর সঙ্গে গোপনে ভাল-বাসার খেলা করা? উপায় থাকিলে কুমুদকে সে তাড়াইয়া দিত। কিন্তু কুমুদের কথা শুনিয়া আর তো মনে হয় না মতির কোন দিকে আশা-তরসা আছে। কুমুদের সম্বন্ধে মতির উৎসুক প্রশ্ন, কুমুদকে দেখিবার আশায় মতির কলিকাতা যাওয়ার আগ্রহ, সব এখন শশীর মনে পড়িতে থাকে। প্রেম? কুমুদের জন্ম এতখানি প্রেম জাগিয়াছে মতির বৃকে? তা ছাড়া, হয়তো মতির বুকভরা প্রেমই শুধু নয়,—কুমুদকে বিশ্বাস নাই, জীবনটা কুমুদের আগাগোড়া অসঙ্গতিতে পরিপূর্ণ।

কি করিবে শশী ভাবিয়া পায় না। এ ব্যাপারে তার সিদ্ধান্তই চরম। যে যদি বলে হোক তবেই এ বিবাহ হইবে,—পরানের কাছে কথাও পাড়িতে হইবে তাহাকেই। শশীর ইচ্ছা হয়, যাই ঘটিয়া থাক—কুমুদকে সে এইদণ্ডে দূর করিয়া দেয়। চিরদিনের জন্ম বন্ধুত্বের অবসান হোক,—কুমুদ চলিয়া যাক তাহার যাযাবর জীবন যাপনে,—গাঁয়ের মেয়ে মতি থাক গাঁয়ে। চিরকাল মতি চুঃখ পাইবে জানিয়াও এ বিবাহ সে ঘটিতে দিবে কেমন করিয়া।

সন্ধ্যার পর কুমুদের সঙ্গে শশী এ বিষয়ে পরামর্শ করার সুযোগ পাইল। আকাশে তখন ঠান্ড উঠিয়াছিল। ঘরের চালা যে জ্যোৎস্নার ছায়া ফেলিয়াছিল সে ছায়ায় দাঁড়াইয়া অনেক কথা বলিবার পর শশী বলিল, একটা উপায় আছে বৌ।

কি উপায়?—কুমুম জিজ্ঞাসা করিল।

আমি মতিকে বিয়ে করতে পারি।

এই উপায়! কুমুম হাসিয়া ফেলিল।

শশী কিন্তু হাসিল না, বলিল, হাসির কথা নয় বৌ। কুমুদের হাতে ওকে সঁপে দিতে সত্যি আমার ভাবনা হচ্ছে।

কুমুম গম্ভীর হইয়া বলিল, সে আপনি ওকে বোনটির মতো ভালবাসেন বলে! মেয়ে, বোন—এদের বিয়ে দেবার সময় মানুষের এ রকম ভাবনা হয়।

শশী তবু বলিল, আমি যদি মতিকে বিয়ে করি—

যদি করেন! যদি! ভীত চাপা গলায় এই কথা বলিয়া কুমুম পরক্ষণেই আবার

হাসিয়া ফেলিল, সংসারে অত যদি চলে না ছোটবাবু। আপনি করবেন মতিকে বিয়ে।  
জীবনটা আপনার নষ্ট হয়ে যাবে না ?

তখন শশী বলিল, কুমুদ অবশ্য একেবারে অমাহুষ নয়, রোজগার-পাতিও মন্দ  
করে না—

কুমুম বলিল, মতির ভাগ্যি ওকে কুমুদবাবুর পছন্দ হয়েছে। পড়ুত গিয়ে কোনও  
চাষার ঘরে,—দুবেলা চেলা কাঠের মার খেয়ে প্রাণটা ছুঁড়ির বেরিয়ে যেত। অনেক  
পুণ্যিতে এমন বর জুটেছে ওর।

হোক তবে, তাই হোক। মতি কি বলে বোঁ ?

কি বলবে ? দিন গুনছে।

দিন গুনিতেছে মতি ! গুমুক !

কুমুমের উপর রাগে শশীর মন জ্বালা করিতে থাকে। সেদিন প্রত্যুষে তালবনে  
কুমুমের মধ্যে যে সরলা বালিকাকে আবিষ্কার করিয়া সে পুলকিত হইয়াছিল, আজ সে  
কোথায় গেল ? কি পাকা বুদ্ধি কুমুমের ! কি নিখুঁত কৌশলে মতির বিবাহ সম্বন্ধে  
সে তার মনের মোড় ঘুরাইয়া দিল ? দুদিন ভাবিয়া সে যা স্থির করিতে পারে নাই,  
আধ ঘণ্টার মধ্যে দুটো অচল যুক্তি দেখাইয়া কুমুম কত সহজে সব সমস্তার মীমাংসা  
করিয়া দিল। কুমুমের কাছে দাঁড়াইয়া মতির ভালমন্দ সম্বন্ধে এমন সে নির্বিকার  
হইয়া উঠিল কিসে যে অনায়াসে বলিয়া বলিল, হোক তবে, তাই হোক ? তা ছাড়া,  
এসব আজ কি বলিতেছে কুমুম ?

এমনি চাঁদনি রাতে আপনার সঙ্গে কোথাও চলে যেতে সাধ হয় ছোটবাবু।

গভীর দুঃখের সঙ্গে শশীর মনে হয়, একথা কুমুমের বানানো। মতিকে পাছে সে  
আবার নিজে বিবাহ করিয়া কুমুদের হাত হইতে বাঁচাইতে চায়, তাই কুমুম এই মন-  
রাখা বলিয়াছে। বলুক। সে তো কুমুম নয়, তার জীবনে সবই অভিনয়। তবু,  
চাঁদের আলোয় চারিদিক আজ কেমন স্বপ্ন দেখিতেছে ছাখে। এ যেন বিশ্বাস করিতে  
ইচ্ছা হয় না কুমুমের কুটিলতার বিষে এমনি সমস্ত এত কষ্ট পাওয়া তাহার ভাগ্যে ছিল !  
কিন্তু কেন সে দাঁড়াইয়া আছে, কেন সে চলিয়া যাইতে পারে না ? কে জানে, হয়তো  
জীবনের বিতৃষ্ণা ও আত্মদানি-ভরা মুহূর্তগুলির আকর্ষণ তার কাছেই এত তীব্র ?  
কুমুম হস্তো ছুটিয়া পলাইত, বলিয়া যাইত তুমি গোল্লায় যাও কুমুম। অথবা হয়তো  
নিজের আনন্দ দিয়া, এই জ্যোৎস্নার কবিতাটুকু ছাঁকিয়া লইয়া এমনি স্থল মুহূর্তগুলিকে  
অপূর্ব করিয়া তুলিত ?

কুমুম নিশ্বাস ফেলিয়া বলিল, আপনার কাছে দাঁড়ালে আমার শরীর এমন করে  
কেন ছোটবাবু ?

শরীর! শরীর!

তোমার মন নাই কুম্ভ ?

৭

বিবাহের পর মতিকে লইয়া কুম্ভ চলিয়া গিয়াছে।

কোথায়! হনিমুনে! গাওদিয়ার গেঁয়ো মেয়ে মতি, তাকে লইয়া কুম্ভ চলিল হনিমুনে। কিছু টাকা দে শশী।

পরানের কাছে এ ব্যাপারটা বড় দুর্বোধ্য ঠেকিয়াছে। কনে-বৌকে সঙ্গে করিয়া অনির্দিষ্ট ভ্রমণে বাহির হওয়া? এক কোন দেশী রীতি! মতিকে লইয়া গিয়া উঠিতে পারে এমন আত্মীয়স্বজন কুম্ভদের কেহ নাই পরান তাহা জানিত। সে আশা করিয়াছিল কুম্ভ এখন সস্ত্রীক কিছুদিন শশীর বাড়িতেই বাস করিবে। তারপর মতির রক্ষণাবেক্ষণের ব্যবস্থা করিয়া সংসার পাতিয়া বসিবে শহরে অথবা গ্রামে। রাতারাতি বোনটাকে লইয়া কোথায় উধাও হইয়া গেল কুম্ভ?

এ বিবাহে পরানের আনন্দ হয় নাই, শুধু শশীর মুখ চাহিয়া সে সন্মতি দিয়াছিল। চিরদিন সব ব্যাপারে শশীর উপরই সে নির্ভর করিয়া আসিয়াছে। হোক সে গরীব গ্রাম্য গৃহস্থ, মতির সে বড় ভাই, কুম্ভদের গুরুজন,—কিন্তু আগাগোড়া কি উদ্ধত অপমানজনক ব্যবহার কুম্ভ তার সঙ্গে করিয়া গিয়াছে! শশীও এটা লক্ষ্য করিয়াছিল। রাগ তাহার কম হয় নাই। মতিকে যদি কুম্ভ বিবাহ করিতে পারে, মতির দাদাকে সন্মান করিতে পারিবে না? কিন্তু মুখে সে কিছুই বলে নাই কুম্ভকে। শুধু তার সামনে পরানের সঙ্গে করিয়াছিল শ্রীতি ও অন্ধাণুর্ণ ব্যবহার,—কুম্ভ যাতে দেখিয়া শিথিতে পারে। শশীর এ চেষ্টার বিশেষ কিছু ফল হয় নাই। মতির আত্মীয়-পরিজনের প্রতি অসীম অবজ্ঞা দেখাইয়া মতিকে কুম্ভ গ্রহণ করিয়াছিল।

মাঠে পরানের খেজুর রস জাল হইতেছে। দুপুরে ছাড়া শশীর সময় হয় না বলিয়া পরান দেড় মাইল পথ হাঁটিয়া আসিয়া কাজের ক্ষতি করিয়া শশীর কাছে বসিয়া থাকে। চণ্ডা সবল কাঁধ দুটি যেন তাহার আশ্রিতে ঢালু হইয়া আসে। বলে পত্র দেয় না কেন ছোটবাবু?

শশী অপরাধীর মতো বলে, কি জান পরান, চিঠিপত্র লেখা কুম্ভদের অভ্যাস নেই, কলেজে পড়বার সময় ওর বাবা হোস্টেলের সুপারিন্টেণ্ডেন্টকে লিখে শুর খবর নিতেন।

ভাই বলে একবারটি জানাবে না কোথায় গেল, কোথায় উঠল, কি বিস্তারিত? মা ইদিকে কাঁদাকাঁটা জুড়েছে।

কুমুদকে মনে মনে অভিশাপ দিয়া শশী বলে, আসবে পরান, পত্র আসবে। খবর না দিয়ে পারে? আজ হোক কাল হোক খবর একটা দেবেই।

পরান কেমন এক প্রকার স্তিমিত বিষণ্ণ দৃষ্টিতে শশীর দিকে চাহিয়া থাকে। নীরবে সে যেন কিসের নালিশ জানায়, মুক প্রাণীর মতো। শশীর অস্বস্তির সীমা থাকে না। হারক ঘোষের পরিবারে ভালমন্দের দায়িত্ব শশীকে কেহ দেয় নাই, তবু চিরদিন ওদের মঙ্গল করিতে চাহিয়াছে বলিয়া আপনা হইতে দায়িত্ব যেন তাহার জন্মিয়াছে। কিন্তু কি মঙ্গল সে করিতে পারিয়াছে ওদের? তার দোষ নাই, তবু তারই জন্ম কুমুদ যেন কেমন হইয়া গেল। একটা খাপছাড়া বিপজ্জনক বিবাহ হইল মতির। হয়তো পরান আজ এসব হিসাব করিয়া দেখিতেছে, হয়তো তাদের অসমান বন্ধুত্বের ফলাফলে বিচলিত হইয়া উঠিয়াছে পরান, ভীত হইয়া ভাবিতেছে ভাল করিতে চাহিয়া আরও না জানি কত মন্দ শশী তাদের করিবে!

শশী জানে মুখ ফুটিয়া পরান কোন বিষয়ে তাহাকে দোষী করিবে না। শুধু বিষণ্ণ চিস্তিত মুখে দুর্বোধ্য-রহস্য-দ্রষ্টা শিশুর মতো তার দিকে চাহিয়া থাকিবে। দীর্ঘদেহ নির্ভরশীল সরল লোকটির জগৎ শরীর মন মমতায় ভরিয়া যায়। ভাবে যেমন করিয়াই হোক মতিকে স্থখী করিতে কুমুদকে সে বাধ্য করিবে। মতি বদলাক, মতিকে কুমুদ যেমন খুশি গড়িয়া তুলুক,—তার মুখে চোখে উপচানো স্থখের সঙ্গে পরানের পরিচয় ঘটা চাই।

শুধু মতির জন্ম নয়, নানা দিকে শশীর চিন্তা বাড়িয়াছে। তার মধ্যে বিন্দুর সম্বন্ধে চিন্তাটা গুরুতর। দিন দিন বিন্দু কেমন হইয়া যাইতেছে। ভুলিয়া থাকিতে পারিবে বলিয়া প্রকাণ্ড সংসারটা চালানোর ভার শশী মাসীপিসী কবল হইতে ছিনাইয়া বিন্দুর হাতে তুলিয়া দিয়াছিল। বিন্দু জীবনে কখনো সংসার পরিচালনা করে নাই। সে কেন এ ভার বহন করিতে পারিবে? তা ছাড়া বিন্দুর ভালও লাগে নাই। সব ভার সে আবার একে একে মাসী-পিসীকে ফিরাইয়া দিয়াছে! কাজ করিতে বিন্দুর আলস্য বোধ হয়। মাছুষের সঙ্গ তাহার ভাল লাগে না। কথাবার্তা কারো সঙ্গেই সে বেশি বলে না, নিজের মনে চূপচাপ ঘরের কোণে বসিয়া থাকে। বসিয়া বসিয়া বিমায়। কত কাল অনবরত রাত জাগিয়া জাগিয়া সে যেন নিদ্রাতুরা হইয়া আছে এমনি ভাবে সর্বদা হাই তোলে অথচ ঘুমায় সে খুব কম। কিছু সে খাইতে চায় না, দিন দিন শুকাইয়া যাইতেছে। আধমরা মাছুষের মতো শিথিল নিস্তেজ সজ্জিতে সে দীর্ঘ দিবারাত্রি যাপন করে।

শশী ডাক্তার মাছুষ, বিন্দুকে নিজের ঘরে ডাকিয়া লইয়া সে জিভ ত্যাগে, হার্ট পরীক্ষা করে, শরীরের অবস্থা সম্বন্ধে জেরা করে। তারপর সন্দেহ ভাবে মাথা নাড়িয়া বলে,

কিছু বুঝতে পারলাম না বাপু। গায়ের ডাক্তার, পেটে তো বিণ্ডে নেই ভেমন! একটা ওষুধ দিচ্ছি, কদিন খা, তারপর আবার পরীক্ষা করে দেখব।

বিন্দু বলে, উহ, ওষুধ আমি খাব না!

শশী বলে, খাবি। মুখ দিয়ে না খাস, গা ফুঁড়ে দেব। বাপের বাড়ি এসে তুই যদি মরে যাস বিন্দু আমি থাকতে, আমার তাতে কি অপমান হবে বল দিকি?

বিন্দু কাঁদিয়া ফেলে। কাঁদিতে কাঁদিতেই বলে, কি করব দাদা, মনে বল পাই না, দিনরাত হুহু করে জলে মনের মধ্যে।

শশী বলে, কাঁদিস না। আমার ওষুধ খেলেই মন ভাল হয়ে যাবে। বিন্দুর রোগ-নির্ণয় করা শশীর অসাধ্য মনে হয়। মনের মধ্যে দিনরাত হুহু করিয়া জলে? কার জন্ম জলে, কেন? জীবনটা ব্যর্থ হইয়া গেল বলিয়া মাহুয কি শোকে এমন নির্জীব মৃতপ্রায় হইয়া যায়? নন্দর প্রতি তীব্র বিদ্বেষই তো বিন্দুকে দুদিন সুস্থ ও সবল করিয়া তোলার পক্ষে যথেষ্ট। বিদ্বেষ যদি নাও হয়, আকাশ ছোঁয়া অভিমান বিন্দুকে নব-জীবন দিতেছে না কেন? নন্দ ক্ষমা করিবে এই আশায় অতগুলি বছর বিন্দু যে অবস্থায় কাটাইয়া আসিয়াছে তাহাতে যদি আজ নন্দর জন্মই বিন্দুর মন হাহাকার করে শশী তাহাতে বিস্মিত হইবে না। সংসারে এ রকম অদ্ভুত মেয়ে দু-চারটা থাকে। কিন্তু নন্দর জন্ম মন কেমন করিলে বিন্দুর তো উচিত অস্থির চঞ্চল হইয়া থাকা, কাজ ও অকাজের ভানে ছটফট করা। এমন সে অলস ও অবসন্ন হইয়া আসিবে কেন,—তৈলহীন প্রদীপের মতো কেন সে নিভিয়া যাইতে থাকিবে?

একদিন বিন্দু বলিল, দাদা আলমারির চাবি দাও। বই নেই?

শশী বলিল, বাঙলা বই বেশি তো নেই আলমারিতে। বই যদি পড়িস তো আনিয়ে দেব শহর থেকে।

আলমারিতে যা আছে তাই তো এখন পড়ি, শহর থেকে যখন আনিয়ে দেবে দিও।

শশী চাবির গোছাটা তাহার হাতে দিল। আলমারি খুলিয়া একখানা বই বাহির করিয়া আবার বিন্দু আলমারি বন্ধ করিল বটে, চাবি ফেরত দিল না। বলিল, চাবি আমার কাছে থাক। তুমি তো বেড়াও রোগী দেখে, আর একটা বই বার করতে হলে সারাদিন তোমার দেখাই পাব না।

শশী বলিল, গোছাস্বত্ব রেখে কি করবি? বই-এর আলমারির চাবিটা খুলে নে।

বিন্দু বলিল, থাক না গোছাস্বত্বই—ইচ্ছে হলে তোমার বাস-প্যাটরা ঘেঁটেও তো সময় কাটাতে পারব দু-দণ্ড? বাড়ি ছেড়ে কোথাও যাব না আমি, চাবির দয়কার হলে আমার ডেক।

এমন সহজ ভাবে সে কথাগুলি বলিল যে শশীর মনে কোন সন্দেহই আসিল না। হয়তো অল্পমনস্ক ছিল বলিয়াও শশীর মনে পড়িল না। গুণ্ধের আলমারিতে চার-পাঁচ শিশির গায়ে লাল অক্ষরে বিষ লেখা আছে। বিন্দুকে সে যে কত দিন উৎসুক লোভাতুর দৃষ্টিতে গুণ্ধের আলমারির দিকে চাহিয়া থাকিতে দেখিয়াছে খেয়াল করিলে তাও হয়তো শশীর মনে পড়িত।

সেদিন বিকালে মাইল পাঁচেক দূরে একটা গ্রামে শশী রোগী দেখিতে গিয়াছিল। গ্রামে ফিরিতে রাত প্রায় নটা হইয়া গেল। বাড়ির সামনে পৌঁছিয়াই অন্তরে একটা গোলমাল শশীর কানে আসিল। বাহিরের ঘরগুলি অন্ধকার, জনপ্রাণী নাই। কেবল সিদ্ধু একা অন্ধকারে দাঁড়াইয়া মৃদুস্বরে কাঁদিতেছে। শশী ভীত হইয়া জিজ্ঞাসা করিল, কি হয়েছে রে সিদ্ধু ?

সিদ্ধু কাঁদিতে কাঁদিতে বলিল, মেজদি মরে যাচ্ছে দাদা।

ভিতরে যাইতে শশীর পা উঠিতেছিল না। বিন্দু মরিয়া যাইতেছে ? কেন মরিয়া যাইতেছে ? সিদ্ধু গুছাইয়া তাকে কিছু বলিতে পারিল না। তবু ব্যাপারটা অল্পমান করিতে শশীর দেহি হইল না। সন্ধ্যার সময় কি যেন বিন্দু খাইয়া ছিল, তাই এখন মরিয়া যাইতেছে। শশীর বৃকের ভিতরটা হিম হইয়া গেল। ডাক্তার মাছুষ সে, এরকম খবর পাইয়া জড়ভরতের মতো এখানে দাঁড়াইয়া থাকা উচিত নয়, এসব শশী বুঝিতে পারিতেছিল, তবু খানিকক্ষণ সে নড়িতে পারিল না। বিন্দু বিষ খাইয়াছে। মরিতে চায় বিন্দু ? পলকের জন্ম শশীর যেন মনে হয় বিন্দুর এ ইচ্ছা সফল হইতে দিলে মন্দ হয় না। আলমারিতে কি বিষ ছিল শশী জানে, সন্ধ্যার সময় বিন্দু যদি তাহা খাইয়া থাকে ওকে সে বাঁচাইতে পারিবে। কিন্তু কি হইবে বাঁচাইয়া ? বিন্দু ছেলেমাছুষ নয়, জীবন সন্ধকে দুঃপ্রাণ্য অভিজ্ঞতা তাহার, ভাবিয়া চিন্তিয়া দুঃখের হাত এড়াইবার চরম পন্থাই সে যদি অবলম্বন করা ঠিক করিয়া থাকে, বাধা দেওয়া কি উচিত হইবে ?

কপালের ঘাম মুছিয়া, বাহিরের বিস্তৃত অঙ্গন পার হইয়া কুন্দের ঘরের পাশ দিয়া শশী অন্তরের অঙ্গনে আসিয়া দাঁড়াইল। বিন্দু উঠানেই পড়িয়া আছে, নিজের বমির মধ্যে, বিষস্ত বসনে। বাড়ির সকলে এবং পাড়ার অনেকে চারিদিকে ভিড় করিয়া দাঁড়াইয়া আছে। শশীকে দেখিয়া সকলে কলরব করিয়া উঠিল। মুখরা কুন্দ সকলের কণ্ঠ ছাপাইয়া বলিল, ও শশীদাদা, কি কাণ্ড করছে বিন্দুদিদি দেখুন।

মদের তীব্র গন্ধ শশীর নাকে লাগিতেছিল, সে বিহ্বলের মতো জিজ্ঞাসা করিল, কি হয়েছে রে কুন্দ ?

কুন্দ বলিল, বিকেল থেকে যা কাণ্ড বিন্দুদিদি আরম্ভ করেছিল, যদি দেখতে

শশীদাদা! এই হাসে, এই কাঁদে, এখুনি আবার গান ধরে দেয়—ভয়ে তো আমাদের  
হাত-পা পেঁদিয়ে গেল পেটের মধ্যে। কি করেছে—জানেন? আপনার গুয়ের  
আলমারী খুলে—

আর কিছু শুনিবার দরকার ছিল না। শশী বিন্দুর কাছে গিয়া বসিল। নাড়ী  
দেখিয়া কন্দকে বলিল, এখানে এমন করে পড়ে আছে, ধুইয়ে মুছিয়ে ঘরে নিয়ে শুইয়ে  
দিতে পারলি না তোরা কেউ?

কন্দ কৈফিয়ত দিয়া বলিল, ধরতে গেলে কামড়াতে আসে যে!

শশী বলিল, এখন তো হুঁশও নেই কন্দ? এক কলসী জল নিয়ে আয়।

বিন্দুকে শশী স্নান করাইয়া দিল। তারপর কয়েকজনের সাহায্যে ধরাধরি করিয়া  
ঘরে শোয়াইয়া দিল।

এও একটা কলঙ্ক বই-কি!

কদিন গ্রামে খুব একটোট হৈ-টৈ হইয়া গেল। ভদ্রপরিবারের অস্তঃপুরে এ কি  
বিসদৃশ কাণ্ড! পুরুষ মানুষ মদ খায়, মাতলামি করে, বমি করিয়া ভাসাইয়া দেয়,  
লোকে নিন্দা করে, কিন্তু আশ্চর্য হয় না। বাড়ির মেয়ে এমন বীভৎস ব্যাপারের  
নায়িকা হইতে পারে তা যে কল্পনা করাও যায় না। যারা উপস্থিত থাকিয়া বিন্দুর  
মাতলামি দেখিতে পায় নাই তারা আপসোস করিয়া মরে,—সকলকে বিস্তারিত বর্ণনা  
শুনাইতে শুনাইতে প্রত্যক্ষদর্শীদের হয় স্তম্ভিত প্রাণাশু।

সেদিন রাতে গোপাল খতমত খাইয়া গিয়াছিল, সারারাত্রি নিষ্ক্রিয় অবস্থায়  
শুঁমরাইয়া শুঁমরাইয়া পরদিন সকালবেলা তাহার ক্রোধের আগুন দাউদাউ করিয়া  
জলিয়া উঠিল। বিন্দুকে আনিবার অপরাধে শশীকে সে গালাগালি করিল। অকথ্য,  
চীৎকার করিয়া বিন্দুকে সে বার বার বলিল দূর হইয়া যাইতে। এমন হতভাগ্য যে  
মেয়ে, গোপালের বাড়িতে তার একদণ্ড ঠাই হইবে না। শশী নির্বাক হইয়া রহিল,  
বিন্দু ঘরে খিল দিয়াছিল, সেও কোন সাড়াশব্দ দিল না। সমস্ত সকালটা বাড়ি তোল-  
পাড় করিয়া, একজন মুনীষকে খড়ম দিয়া পিটাইয়া, জামা-চাদর লইয়া ছাতা বগলে  
গোপাল বাহির হইয়া গেল। বলিয়া গেল, কলিকাতা যাইতেছে, কারণ গ্রামে তাহার  
মুখ দেখাইবার উপায় নাই। ফিরিয়া আসিয়া বিন্দুকে যদি গৃহে দেখিতে পায় বাড়ি-  
ঘরে গোপাল আগুন ধরাইয়া দিবে।

মেজাজটা শশীরও বিগড়াইয়া গিয়াছিল। বিন্দুর উপরে কিন্তু তাহার রাগ হইল  
না। দিন তিনেক বিন্দু ঘরের বাহিরে আসিল না,—দিবারাত্রি খিল দিয়া ঘরের মধ্যে  
নিজেই নির্বাসিত করিয়া রাখিল। শুধু শশীর ডাকাডাকিতে বাহিরে আসিয়া পুরুষ  
দু'ব দিয়া আসে, ঘাড় গুঁজিয়া দুটি ভাত মুখে দেয়, তারপর আবার ঘরে গিয়া খিল বন্ধ



করে। কেহ কথা বলিলে জবাবও দেয় না, মুখও তোলে না। তিন দিন পরে কি মনে করিয়া সে ঘরের বাহিরে আসিল, কুন্দর সঙ্গে সহজভাবে দুটি-একটি কথাও বলিল। স্তম্ভিত মিশিতে পারিল না কারো সঙ্গে। এখানে আসিয়া অবধি যেরকম নিজীব নিঃসঙ্গ বন যাপন করিতেছিল তেমনি ভাবে দিন কাটিতে লাগিল।

একটা অনাবশ্যক ব্যস্ততার সঙ্গে শশী ঘুরিয়া বেড়ায়, কর্তব্য কাজগুলি সম্পন্ন করে। তিন দিন সে রোগীর পরিবারের আত্মীয়-বন্ধুর মতো রোগী দেখিয়াছে, ওষুধের সঙ্গে যোগে আশ্বাস। এখন সে গম্ভীর মুখে রোগীর নাড়ি টেপে, সামান্য কারণে রাগিয়া গুলন হইয়া ওঠে। কোন কথা একবারের বেশি দুবার বলিতে হইলে বিরক্তির হার সীমা থাকে না।

সময়টা চৈত্র মাস। কড়া বোদে মাঠ ভাঙিয়া শশীর পালকি গ্রাম হইতে গ্রামান্তরে য়, ছুছ করিয়া গরম বাতাস বহিতে থাকে। পালকির মধ্যে নিজস্ব উত্তপ্ত অবসর গী ভাবিয়া ভাবিয়া ক্ষয় করিয়া ফেলে। বিন্দুর কথা ভাবে, কুসুম ও মতির কথা বে। কুসুম ও মতির সম্বন্ধে নূতন করিয়া কিছু ভাবিবার নাই। বিন্দুর কথা বিয়া সে কুল-কিনায়া দেখিতে পায় না। বিন্দুকে সে-ই নন্দর কবল হইতে নাইয়া আনিয়াছে,—ওর সম্বন্ধে-সমস্ত দায়িত্ব তাহার। বিন্দু যে বীভৎস কীর্তি রিয়া লোক হাসাইয়াছে, গ্রাম হইতে গ্রামান্তরে অকথ্য রটনা হইতেছে, এজন্য শশী ঙ্গেকে অপরাধী মনে করে। তারই দোষ। যে বিষয়ে সে দায়িত্ব গ্রহণ করে তাই স্তাইয়া যায়। একটা অদৃশ্য দুর্বীর শক্তি যেন অহরহ তার বিরুদ্ধে কাজ করিতেছে। সী সেনদিদির স্নেহপাত্র ছিল, কুরুপা সেনদিদিকে এড়াইয়া চলিবার ইচ্ছার জন্ম তাই ঙ্গেকে আজ অশ্রদ্ধা করিতে হয়। অবস্থা পড়িয়া গিয়াছে বলিয়া মমতার বশে ার্শ দিয়া সাহায্য করিয়া হাফ ঘোষের পরিবারের সঙ্গে ঘনিষ্ঠতা করিয়াছিল। রপর যেদিন আপন হইতেই ওদের অভিভাবকের আসনটি সে পাইয়াছে, সেদিন নেতে পারিয়াছে কুসুমের মন, নষ্ট করিয়াছে মতির ভবিষ্যৎ। এবার বিন্দুর এই অবস্থা াইল। বিন্দুকে আনিবার সময় কত কল্পনাই সে করিয়াছিল!—ধীরে ধীরে বিন্দুর াকে হুহু করিয়া তুলিবে, গ্রামের শাস্ত্র আবেষ্টনীতে মনে ওর শাস্তি আসিবে, তার হ যত্ন সাহচর্যে স্বামীহীনা নারীর যত রস ও আনন্দ জীবনে থাকা সম্ভব ক্রমে ক্রমে আসিবে বিন্দুর জীবনে : বই পড়িতে এবং ভাবিতে শিখাইয়া একটি অপূর্ব অন্তলোক জন্ম সে সৃষ্টি করিয়া দিবে। তা যে কতদূর অসম্ভব আজ আর বুঝিতে শশীর ক নাই।

ভাবিতে শশীর কষ্ট হয়, তবু ইহা সত্য যে শুধু নেশার জন্ম বিন্দু সেদিন মদ খাইয়া- া, আর কোন কারণে নয়। একদিন হয়তো সাঁড়াশি দিয়া দাঁত ফাঁক করিয়া

তাহাকে নন্দর ও জিনিসটা গিলাইতে হইয়াছিল, আজ মদ ছাড়া বিন্দুর চলে না। তা ছাড়া, শুধু, মদের নেশা নয়, সাত বছর ধরিয়া নন্দ তাহাকে যে উত্তেজনার অস্বাভাবিক জীবন দিয়াছিল, সেই জীবনও বিন্দুর অপরিহার্য হইয়া উঠিয়াছে। তাহার বিপুল বিকারগ্রস্ত বিরহ তো শুধু নন্দর জ্ঞান নয়—লজ্জাকর বিলাসিতার জ্ঞান, সঙ্গীত ও উন্নততার জ্ঞান। গ্রামের বৈচিত্র্যহীন স্তিমিত নিস্তেজ জীবন বিন্দুর সহিতেছে না।

কি উপায় হইবে বিন্দুর ? নন্দর কাছে ফিরিয়া যাইবে ? তাহাতেও লাভ নাই। যে বিকৃত অভ্যস্ত জীবনের জ্ঞান বিন্দু মরিয়া যাইতেছে, সে জীবনে ফিরিয়া গেলেও তার সমস্তার মীমাংসা হইবে না। গায়ের জোরে এই অস্বাভাবিক জীবনে বিন্দুর অভ্যাস জন্মানো হইছে, তাই, গৃহস্থ কণ্ঠার একটি সংস্কারও তার মরিয়া যায় নাই। ওই অশান্ত উদ্দাম লজ্জাকর অবস্থায় দিন কাটাইতে না পারিলে তাহার চলিবে না, কিন্তু সে জ্ঞান লজ্জায় দুঃখে অল্পতাপে যন্ত্রণাও সে পাইবে অসহ। আকর্ষণ মদের লিপাসার সঙ্গে বিন্দুর মনে মদের প্রতি এমন মারাত্মক ঘৃণা আছে যে নেশার শেষে আত্মগ্লানিতে সে আধমরা হইয়া যায়।

কি হইবে বিন্দুর ?

বিন্দুর লজ্জা ভাঙিয়াছে। কোণটাসা ভীকু জন্তুর একটা হীন সাহস জাগিয়াছে তাহার। রাত ছুপুরে উঠিয়া আসিয়া সে দরজা ঠেলিয়া শশীর ঘুম ভাঙায়, ঘুমের ওষুধ চায়, মাথা ধরার প্রতিকার প্রার্থনা করে।

শশী বলে, চূপচাপ শুয়ে থাকবি যা, ঘুম আসবে ! মাথা ধরাও কমে যাবে। বিন্দু কাঁদিয়া বলে, না দাদা, দাও ঘুমের ওষুধ,—এত কষ্ট সহিতে পারি না।

নিশ্চিন্তি রাতে তাহার শীর্ণ কল্পিত শরীর আর জলজলে চোখের গাঢ় তৃষ্ণা শশীকে উতলা করিয়া তোলে। বুঝাইয়া সে পারিয়া ওঠে না। বিন্দু কোন কথা কানে তোলে না—অবুঝ শিশুর মত ঘুমের ওষুধ চাহিতে থাকে।

শশী বলে, তোর একটু মনের জোর নেই বিন্দু ?

বিন্দু বলে, মরে গেলাম আমি, মনের জোর কোথা পাব ?

শশী একটা ওষুধ তৈরি করিয়া তাকে দেয়। বিন্দু সে ওষুধ মেঝেতে ঢালিয়া ফেলে। শশীর পা জড়াইয়া ধরিয়া বলে একটু ভাল ওষুধ দাও, একটুখানি দাও। দাও না একটু ভাল ওষুধ আমাকে ?

ব্রাণ্ডির বোতল শশী বাস্তবে বন্ধ করিয়া রাখিয়াছিল—আলমারিতে রাখিচ্ছে সাহস পায় নাই। চাবির অভাবে কাঁচ ভাঙিয়া বোতলটা আয়ত্ত করা বিন্দুর পক্ষে অসম্ভব নয়। ঋণিকমুগ্ধ সে অবলুপ্ততা বিন্দুর দিকে চাহিয়া থাকে। তারপর বলে, পা ছাড়, দিচ্ছি।

ওষুধের প্লাসে ঘুমের ওষুধ খাইয়া বিন্দু ঘুমাইতে যায়। শশী চূপ করিয়া জাগিয়া বসিয়া

থাকে। কত বে মশা কামড়ায় তাহাকে তাহার ইয়ত্তা নাই। শশী ভাবে. কেন সে এমন অক্ষম, এত অসহায়? শাস্তি দিবে বলিয়া যাকে সে কুড়াইয়া আনিয়াছিল, রাতছপুরে তাকে তার মদ পরিবেশন করিতে হয় কেন?

দিন দশেক কলিকাতায় থাকিয়া গোপাল ফিরিয়া আসিল। বিন্দুর সঙ্কে সে আর কোন উচ্চবাচ্য করিল না, মনে হইল বিন্দুর সেদিনকার অপরাধ সে বুঝি ক্ষমাই করিয়া ফেলিয়াছে। শশী তাহাকে চিনিত, গোপালের শাস্ত ভাবে সেই শুধু একটু চিন্তিত হইয়া রহিল।

দিন তিনেক নির্বিবাদে কাটিয়া গেল। তারপর একদিন সকালে শশীকে ডাকিয়া গোপাল বলিল, নন্দর সঙ্গে দেখা হয়েছিল শশী।

দেখা হইয়াছিল হঠাৎ, পথে!—গোপাল যাচিয়া দেখা করে নাই। গোপালের মানসিক প্রক্রিয়াটা ধরিতে না পারিয়া শশী একটু বিরক্ত হইয়া উঠিল।

বিন্দু অনেক দিন এসেছে. নন্দ ওদিকে রাগারাগি করছে শশী,—ছ-চার দিনের মধ্যে পাঠিয়ে দিতে বললে।

শশী স্পষ্ট জিজ্ঞাসা করিল, পাঠিয়ে দিতে বললে. না আপনি কথার ভাবে অহমান করলেন?

গোপাল জোর দিয়া বলিল, বললে, পাঠিয়ে দিতে বললে। তুমি ওকে রেখে আসতে পারবে?

শশী বলিল, পারব।

কাল দিন ভাল আছে কালকেই রওনা হয়ে যাও।

তাই হোক। যাইতে যদি হয় বিন্দুকে, কাল গেলে কোন ক্ষতি নাই। বিন্দুকে শশী কথাটা তখনই শুনাইয়া দিল। বিন্দু একটু হাসিল।

তাই চল দাদা, সেই ভাল।

শশী বলিল, এমন জ্ঞানলে তোকে আমি আনতাম না বিন্দু। শুধু কষ্ট পেলি, ওদিকে নন্দ রেগে রইল, কোন লাভ হল না।

বিন্দু বলিল, লাভ হল বই কি দাদা! চলে না এলে কি করে বুঝতাম ওখানে ওমনি ভাবে থাকা ছাড়া আমার গতি নেই? এবার আর কিছু না হোক, মুক্তির কল্পনা করে অথবা ব্যাকুল হব না। হয়তো এবার মনও বসবে। হয়তো এবার খুব সুখেই থাকব।

বিদায় নেওয়া ঠিক হইয়া গেল বলিয়া বোধ হয় বিন্দু এত দিন পরে গ্রামের দিকে চাহিয়া দেখিল,—আত্মীয়-পরিজনের সঙ্গে মেলামেশা করিল। সেদিনকার কাণ্ডের পর সকলের সঙ্গে ঘনিষ্ঠতা করিতে আজ বিন্দুর সঙ্কেচ হওয়া উচিত ছিল। এ বাড়ির উঠানে

নিজের বমির মধ্যে সে যে একদিন গড়াগড়ি দিয়াছিল, সকলের সঙ্গে হঠাৎ তার অবাধ অকুণ্ঠ ব্যবহার দেখিয়া মনে হইল না সে কথা বিন্দুর স্বরণ আছে। রান্নাঘরে কুন্দর ছেলেকে কোলে করিয়া বসিয়া অনেকক্ষণ সে সকলের সঙ্গে গল্প করিল, হাসিল পর্যন্ত। সে যেন স্বামীর গৃহে সহজ ও সাধারণ বধুজীবন যাপন করিয়া বহুদিন পরে বাপের বাড়ি আসিয়াছে; জীবনে তাহার গ্লানি নাই, অস্বাভাবিকতা নাই—মনভরা তাহার নির্মল আনন্দ।

খবর পাইয়া পাড়াহুদু মেয়েরা বিন্দুকে দেখিতে আসিল। অনেকে তাহারা বিন্দুকে জন্মাইতে দেখিয়াছে। বিন্দু আজ তাদের কাছে আকাশের পরীর চেয়েও রহস্যময়ী। অনেকদিন আগে একবার আসিয়া গ্রামকে সে চমকাইয়া দিয়াছিল, এবারও দিয়াছে। আবার সে ফিরিয়া যাইতেছে তাহার অজ্ঞাতরহস্যময় প্রবাসে, তাদের গাঁয়ের মেয়ে বিন্দু। কুসুম এবং পুরানও আসিল! কুসুম চুপিচুপি বিন্দুকে বলিল, বড্ড যে হাসিখুসি দিদি? বিন্দু বলিল, বরের কাছে যাব যে ভাই!—শীর্ণ মুখে সে অকথ্য হাসি হাসিল।

আবার কবে আসবে?

আর-তো আসব না বৌ।

পুরান শশীকে বলিল, মতিদের খোঁজ করবেন ছোটবাবু?

শশী বলিল, করব বইকি। বৈশাখ মাস পড়ল না? বৈশাখ মাসে কুমুদ সরস্বতী অপেরায় যোগ দেবে বলেছিল পুরান। দলটার ঠিকানা অবশ্য আমি জানি না, তবু খোঁজ পেতে কষ্ট হবে মনে হয় না।

খবর যদি পান ছোটবাবু, মতিকে নিয়ে আসবেন। দু-মাস হল গেছে, ছেলেমানুষ তো, কাঁদাকাটা করছে হয়তো।

দু মাস গিয়াছে? তাই তো বটে! পুরানের মুখের দিকে শশী চাহিতে পারে না! দু-মাস হইল মতি গ্রামছাড়া, এর মধ্যে একটা খবরও আসে নাই! টাকা চাহিয়াও হুম্ব যদি একখানা পত্র লিখিত! যদি দেখা হয় কুমুদের সঙ্গে একটা বোঝাপড়া করিতে হইবে! বুঝাইয়া দিতে হইবে সে কতবড় দায়িত্বজ্ঞানহীন রাস্কেল।

আচ্ছা, মতি তো একখানা চিঠি লিখিতে পারিত তাহার আঁকা-বাঁকা অক্ষরে? কেন লিখিল না? কুমুদের সঙ্গে খেলা করিয়া সময় পায় না? এ ক্ষমতা কুমুদের কাছে,—মানুষকে সে আত্মভোলা করিয়া দিতে পারে। তা ছাড়া হয়তো কুমুদ যেমন বিবরণ দিয়াছিল তেমনি অদস্তব অবাস্তব ভালবাসা সত্যসত্যই মতির বৃকে ঝুঁসিয়াছে, চাব্যে যেমন লেখে, মিলনের তেমনি অতল উচ্ছল আনন্দে মতি বিশ্বসংসার ভুলিয়া গিয়াছে? শশী একটু হাসে। মতিকে উপস্থাপনের নাগিকার মতো ভাবিতে আরম্ভ করিয়াছে, সেও তো কম কল্পনাপ্রবণ নয়।

পরদিন বিন্দুকে সঙ্গে করিয়া শশী কলিকাতায় রওনা হইয়া গেল। দিন এবং রাত্রি কাটিল পথে, কথা তাহারা বলিল খুব কম। কে ভাবিয়াছিল এভাবে বিন্দুকে আবার ফিরাইয়া দিতে হইবে। বিন্দুর বাড়ির সেই ফরাস-পাতা তবলা তাকিয়া ও কুদুচ্ছ ছবিতে সাজানো ঘরখানা শশীর মনে ভাসিয়া উঠিতেছিল। সে ভাবিতেছিল, তার আলমারিতে বোতলের পাশে লেবেল আটা বিষের শিশি ছিল, বিন্দু কেন সেদিন বিষ খাইল না ?

বেলা প্রায় দশটার সময় তাহারা বিন্দুর বাড়ি পৌঁছিল। দারোয়ান খুব ঘটা করিয়া সেলাম করিল বিন্দুকে, বিন্দুর দাসী একগাল হাসিল। নন্দ নামিয়া আসিল, নিলঞ্জ অকুষ্ঠ নন্দ। হাসিমুখে শশীকে অভ্যর্থনা করিয়া সে বলিল, এস এস, আসতে আজ্ঞা হোক।

শশী বলিল, আসতে পারব না নন্দ। কাজ আছে।

বিন্দু মিনতি করিয়া বলিল, একটু বসে যাবে না দাদা ?

কাজ আছে বিন্দু।

শশী নামিয়া দাঁড়াইয়াছিল, এবার গাড়িতে উঠিয়া বসিল। বিন্দু তাকে আর নামিতে অনুরোধ করিল না, শুধু বলিল, গায়ে ফেরার আগে যদি সময় পাও, একবারটি খবর নিয়ে যেও।

বিন্দু ভিতরে চলিয়া গেল। শশীর গাড়ি চলিতে আরম্ভ করিলে, গাড়োয়ানকে থামিতে বলিয়া নন্দ কাছে আগাইয়া আসিল। শশীর মনে হইল, নন্দ খুব রোগা হইয়া গিয়াছে, চোখে রাতজাগার চিহ্ন।

খবর নিতে বোধ হয় আসবে না ?—নন্দ জিজ্ঞাসা করিল।

কি করে বলি ? সময় পাবো না হয়তো।—বলিল শশী।

নন্দ একটু ভাবিল, এলে ভাল করতে শশী। ওকে কাল বাড়ি নিয়ে যাব ভাবছি—মা ওরা সব যে বাড়িতে আছেন সেইখানে। এ বাড়িটা বেচে দেব। নতুন লোকের মধ্যে গিয়ে পড়ে একটু হয়ত বিব্রত হয়ে পড়বে, তুমি গিয়ে দেখা করলে ভাল লাগবে ওর। মন বসতে সাহায্য হবে।

শশী অবাক হইয়া বলিল, বিন্দুকে বাড়ি নিয়ে যাবে ?

নন্দ বলিল, তাই ভাবছিলাম। এখানে যখন থাকতে চায় না, বাড়িই চলুক! একবার তোমার সঙ্গে চলে গেল, পরের বার যদি জন্মের মতো আমাকে ত্যাগ করে বসে ? কি জান শশী, বুড়ো বয়সে এসব হাঙ্গামা ভাল লাগে না। এখানে নিজের মনে কত আরামে ছিল,—ভিড় নেই, ঝগড়া নেই, সব বিষয়ে স্বাধীন। তা যদি ভাল না লাগে, চলুক তবে যেখানে থাকতে ভাল লাগবে সেইখানে—আমার কি ? আমি কাজের মানুষ, কাজ নিয়ে থাকি নিজের।

এ সুবুদ্ধি তোমার আগে হল না কেন নন্দ ?

নন্দ হঠাৎ এ কথার জবাব দিতে পারিল না। তারপর ছেলেমানুষের মতো বলিল, আগে কি করে জানব যে পালিয়ে যাবে ? বেশ তো হাসিখুশি দেখতাম।

শশী একবার ভাবিল, নন্দকে বুঝাইয়া এ মতলব ত্যাগ করিতে বলে। সাত বছর ধরিয়া যে অন্য় সে করিয়াছে, আজ অসময়ে কেন তার প্রতিকারের চেষ্টা ? চেষ্টা সফল হইবার সম্ভাবনাও নাই। ঘোমটা টানিয়া বিন্দু আজ এতকাল পরে শাশুড়ী নন্দ সতীনেয় সংসারে নিরীহ বধুটি সাজিতে পারিবে কেন ? তা যদি পারিত, গাও-দিয়ার উত্তেজনাহীন সহজ জীবন তাহার অসহ্য হইয়া উঠিত না।

শেষ পর্যন্ত কিছু না বলাই শশী মনে করিল। নন্দর সঙ্গে এ আলোচনা করা চলে না।

গতবার কুমুদের সঙ্গে করিয়া যে হোটেলের উঠিয়াছিল এবারও শশী সেইখানে গেল। কুমুদের দেখা পাইবার আশায় মতি যে এখানে আগ্রহে ব্যাকুল হইয়া উঠিয়াছিল সে কথা শশীর মনে আছে। মতি ? অতটুকু মেয়ে মতি ? কি মন্ত্রই কুমুদ জানে, বেহিসেবী নিষ্ঠুর যাবাবর কুমুদ !

পরদিন শশী কুমুদের খোঁজ করিল। একটা থিয়েটারের সাজপোশাকের দোকানে বিনোদিনী অপেরার ঠিকানা পাওয়া গেল, সরস্বতী অপেরার সন্ধান কেহ শশীকে দিতে পারিল না। কুমুদ বলিয়াছিল, বিনোদিনী অপেরার সঙ্গে তাহার সম্পর্ক চুকিয়াছে, ওখানে খোঁজ করিয়া লাভ হইবে কি না সন্দেহ। তবু শশী শেষ বেলায় চিৎপুরে একটা বাড়ীর দোতলায় অধিকারীর সঙ্গে দেখা করিল।

সম্ম-সুম ভাঙা অধিকারী বলিল, কুমুদ ? অত্নান মাস থেকে সে শালাকে আমরাও খুঁজছি মশায়। ভাঁওতা দিয়ে তিন মাসের মাইনে আগাম নিয়ে সরেছে। দু-দিন পরে শ্রীপুরে রাজবাড়িতে বায়না ছিল, একেবারে ডুবিয়ে দিয়ে গেছে মশায়। অধিকারী আরক্ত চোরে কটমট করিয়া শশীর দিকে চাহিল, মশায়ের কি সর্বনাশটা করেছে শুনেতে পাই ?

শশী একটু হাসিল, সে কথা শুনে আর কি হবে ? সরস্বতী অপেরার ঠিকানাটা বলতে পারেন।

সরস্বতী অপেরা ? নামও শুনিনি।

এইখানে তবে ইতি কুমুদকে খোঁজ করার ? শশী চলিয়া আসিতেছিল, অধিকারী বলিল, কুমুদের সঙ্গে আপনার দেখা হবে কি ?

শশী বলিল, তা বলতে পারি না। হওয়া সম্ভব।

অধিকারী বলিল, দেখা হলে একবার জিজ্ঞেস করবেন তো, এই কি ভদ্রলোকের ছেলের কাজ ? আচ্ছা থাক, ওসব কিছু জিজ্ঞেস করে কাজ নেই, বাবুর আবার

অপমানজ্ঞানটি টনটনে ! বলবেন যে অধর মল্লিক ও দুশো-চারশো টাকা আর জন্ত কেয়ার করে না। পালাবার কি দরকার ছিল রে বাপু, অ্যা ? চাইলে ও কটা টাকা তোকে আর আমি দিতাম না,—তিন বছর তুই আমার দলে আছিস, ছেলের মতো তোর পরে মায়া বসেছে !

গলাটা অধিকারীর ধরিয়া আসিল, কে জানে প্লেম্মায় কি মমতায় ! চোখ পিটপিট করিয়া বলিল, আমার ছেলেপিলে নেই, জানেন ? একটা মেয়ে ছিল, বাপ বটে আমি, তবু বলি দেখতে-শুনতে মেয়ের আমার তুলনা ছিল না মশায়—রঙ যাকে বলে আসল গৌর, তাই। কুমুদের সঙ্গে বিয়ে দেব ভেবেছিলাম, তা ছোড়ার কি আর বিয়ে-টিয়ের মতলব আছে,—একদম পাষণ্ড। তাই না কেটনগরের এক ডাকাতের হাতে মেয়ে দিতে হল, বস্ত্রণা দিয়ে মেয়েটাকে তারা মেয়ে ফেললো। সেই থেকে কি যে হল আমার সংসারে আর মন নেই—দল একটা করেছি, কেউ ডাকলে-ডুকলে পালা গেয়ে আসি—কিছু ভাল লাগে না মশায়। আছি শতেক জালায় আধমরা হয়ে, কুমুদ ছোড়া কিনা ডুবিয়ে গেল আমাকেই,—ছোড়ার দেহে একফোটা মায়াদয়া নেই। আমি হলে তো পারতাম না বাপু একটা শোকাতুর মাহুষের ঘাড় ভেঙ্গে পালাতে,—পারতাম না। ছোড়াটা কি !

বিস্ময়ে ও আবেগে অধিকারী শুধু মাথাই নাড়িল খানিকক্ষণ। তারপর আরও বেশি অস্তরঙ্গ হইয়া বলিল, আপনাকে খুলেই বলি দাদা, কুমুদ গিয়ে থেকে দলটা কানা হয়ে গেছে। খাসা পাট বলত, বিশ বছর আছি এ লাইনে, অমনটি আর দেখিনি ! দেখা হলে বলবেন, টাকা গেছে যাক, আস্থক, কাজ করুক, পুরোনো কাস্তান্দী ঘাঁটবার পাত্র অধর মল্লিক নয়। দশ-বিশ টাকা মাইনে বেশী চায়, আমি কি বলেছি দেব না ? ছোড়াটা কি !

দিন তিনেক শশী আরও কয়েকটা দলে কুমুদের খোজ করিল, কোন সন্ধান পাওয়া গেল না। অনেক রোগী ফেলিয়া আসিয়াছে, বেশি দিন কলিকাতায় বসিয়া থাকিবার উপায় শশীর ছিল না ! পরদিন সে গাওদিয়া ফিরিয়া যাইবে ঠিক করিল। বাকি জীবনটা কলিকাতায় বসিয়া মতির খোজ করিলে তো তার চলিবে না। গ্রামে ফিরিবার এই আভ্যন্তরিক তাগিদ সেদিন রাত্রে শশীকে একটু অবাধ করিয়া দিল। শশীর ঘরখানা রাস্তার উপরে। অনেক রাত্রে চৌকির প্রান্তে জানালার ধারে সে বসিয়া ছিল। পথে তখন লোক চলাচল কমিয়াছে, দোকানপাট বন্ধ হইয়াছে। কাল তাহাকে গ্রামে ফিরিতে হইবে। একদিন গ্রাম ছাড়িয়া আসিয়া বৃহত্তর বিষ্ণুতত্তর জীবন গঠনের কল্পনা করিয়া সে দিন কাটায়, আর ইতিমধ্যেই এমন অবস্থা দাঁড়াইয়াছে যে এক সপ্তাহ বাহিরে আসিয়া তাহার থাকা চলে না। কলেরা, বসন্ত, কালাজ্বর, টাইফয়েড এবং আরও অনেক ছোট-বড় রোগে আক্রান্ত যাদের সে ফেলিয়া আসিয়াছে, একে একে তাদের কথা

ধনে পড়িলে আর একটা দিনও অকারণে কলিকাতায় বসিয়া থাকিবার সম্বন্ধে নিজেকে তাহার খেয়ালী, বর্ষর মনে হইতেছে! কে জানে ওদের কে ইতিমধ্যেই গিয়াছে মরিয়া, কার অবস্থা গিয়াছে খারাপের দিকে। ফিরিয়া গিয়া আবার ওদের রোগ-শয্যাপার্শে বসিতে না পারিলে মনে তো স্বস্তি পাইবে না। এ কি বন্ধন, এ কি দাসত্ব?

শশীর রাগ হয়। এ দায়িত্ব সে মানিবে না, এত কিসের নীতিজ্ঞান? গ্রামে তো সে ফিরিবে না এক মাসের মধ্যে—সে কি মাহুষের জীবন-মরণের মালিক? যতদিন গ্রামে ছিল, যে ডাকিয়াছে চিকিৎসা করিয়া আসিয়াছে। এখন যদি রোগীরা তার চিকিৎসার অভাবে মরিয়া যায়, মরুক। তিন বছর আগে সে যখন ডাক্তারি পাশ করে নাই, তখন কি করিয়াছিল গাঁয়ের লোক? এখনো তাই করুক। শশী কিছু জানে না।

৮

এক মান গ্রামে না ফিরিবার প্রতিজ্ঞা দুদিনের বেশি টিকিল না শশীর! এ-গাঁয়ে ও-গাঁয়ে অসহায় বিপন্ন রোগীরা যে পথ চাহিয়া আছে।

বিন্দুর সঙ্গে দেখা করিবার ইচ্ছা শশীর আর ছিল না। রওনা হওয়ার দিন বিকালে হঠাৎ অনিচ্ছা জয় করিয়া সে হাজির হইল নন্দর বাড়িতে। নন্দ বাড়ি ছিল। বিন্দু? না, বিন্দুকে এখনো এ বাড়িতে আনা হয় নাই।

নন্দ বলিল, ও বাড়ি যাব বলে তৈরী হচ্ছিলাম। দেখা করবে তো চল আমার সঙ্গে। শশী বলিল, ও বাড়ি যাবার সময় হবে না নন্দ। আজ বাড়ি যাচ্ছি, সাতটায় গাড়ি। আজকেই যাবে? বোসো, চা টা খাও।

শশীর মনে কি এ আশা ছিল যে গাওদিয়ার বাড়িতে টিকিতে না পারিলেও নন্দর গৃহে গৃহিণী হইয়া বিন্দু থাকিতে পারিবে? বিন্দু আসে নাই শুনিয়া সে যেন বড় দমিয়া গেল। নন্দর বাড়িঘর দেখিয়া সে একটু অবাক হইয়া গিয়াছিল। এখানে আগে সে কখনো আসে নাই,—নন্দর গৃহে বনেদীত্বের ছাপ যে এত স্পষ্ট ও প্রীতিকর এ ধারণা তাহার ছিল না। সেকেলে ধরনের ভারী নিরেট সব আসবাব, দরজা জানালায় দামী পুরু পর্দা, দেওয়ালে প্রকাণ্ড কয়েকটা অয়েলপেন্টিং, এমনি সব গৃহসজ্জা নন্দর এই ঘরখানাকে একটি অপূর্ব গম্ভীর শ্রী দিয়াছে। নন্দর বোধ হয় বেশি তফাতে নয়,—কোমল গলায় কথা ও হাসি শশীর কানে আসিতেছিল,—সে অসুভব ঝরিতেছিল অস্তুরালে একটি বৃহৎ স্ত্রী পরিবারের অস্তিত্ব। তারপর এক সময় সাত-আট-বছর বয়সের একটি স্ত্রী ছেলে কি বলিতে আসিয়া শশীকে দেখিয়া নন্দর গা ঘেঁষিয়া দাঁড়াইয়া পড়িল! কি স্নন্দর তার ছুটি কৌতুহলী চোখ! আর কি মায়া নন্দর চোখে।



গরমে যে যেম উঠেছিল ? বলিয়া নন্দ নিজে ছেলের জামা খুলিয়া দিতে শশী যেন অবাক হইয়া গেল। এ কি অসঙ্গতি নন্দ ও নন্দের আবেষ্টনীর মধ্যে ? তার এই পুরুষানুক্রমিক নীড়ে শাস্তি আছে নাকি ? এই গৃহের সীমাবদ্ধ জগতে কি স্বথ ও আনন্দের তরঙ্গ ওঠে আর পড়ে ?

নন্দের ছেলে চলিয়া গেলে শশী বলিল, বিন্দুকে বলেছিলে নন্দ, এখানে আসার কথা ? বলেছিলাম। সে আসবে না।

আসবে না ?—ইহা অপ্রত্যাশিত নয়। তবু শশী যেন নিভিয়া গেল।

চাকর তামাক দিয়া গিয়াছিল, নন্দের হাতের নলটা সাপেয় মতো ছলিয়া উঠিল, অল্পমনস্কভাবে সে বলিতে লাগিল, এমন জেদী মানুষ জন্মে দেখিনি শশী। কথা বললে হেসে উড়িয়ে দেয়। কি যে বিপদে আমি পড়েছি। স্বীকার করি, কাজটা প্রথমে ভাল করিনি, রাগের মাথায় ঠিক থাকেনি দিকবিদিক,—কিন্তু সত্যি বলছি শশী, শেষের দিকে ওই আমাকে চালিয়ে নিয়ে এসেছে, থামতে দেয়নি। স্পষ্ট করে আমি অবশ্য এতদিন বলিনি কিছু, মনটা আমার কদুর বদলে গেছে আগে ভাল বুঝতে পারিনি শশী। এবার যখন গাওদিয়া চলে গেল হঠাৎ, সেই থেকে কেমন—

নন্দ হেন লোক. সেও আজ তামাক টানার ছলে কাশিল।

এখানে আনবার জন্য কত তোশামোদ করছি, কি আর বলব তোমাকে। কত বলছি যে আর কেন, চল এবার ও-বাড়িতে, সকলের সঙ্গে মিলে মিশে থাকবে,—খোকর মা আজ এক বছর শয্যাশায়ী, তার ভালমন্দ কিছু হলে এত বড় সংসার তো তোমারি। না, আমি আর একটা বিয়ে করতে যাব এই বয়সে। তা শুনে এমন করে হাসে যেন ঠাট্টা করছি।

শশী বলিল, তোমার মুখে এসব কথা হয়তো ঠাট্টার মতোই শোনায় নন্দ।

নন্দের ভাবপ্রবণতা ভাঙিয়া গেল। মুখে দেখা দিল মেঘের মতো বিরাগের ছায়া। হাতের নল নামাইয়া, চোখের ভুরু কঁচকাইয়া সে বলিল, তুমি যদি পরিহাস করতে এসে থাক—

পরিহাস ? তোমার সঙ্গে ? এরকম কাণ্ডজ্ঞানের অভাব না হলে তুমি এমন সব কাণ্ড করতে পার !

শশী আর বসিল না। তাগাকে আগাইয়া দিতে নন্দ উঠিয়া আসিল না, যে চা ও খাবার শশী স্পর্শ করে নাই সেদিকে চাহিয়া কি যেন ভাবিতে লাগিল।

গ্রামে ফিরিয়া দিনগুলি এবার অপ্রীতিকর মানসিক চাঞ্চল্যের মধ্যে কাটিতে থাকে। গরমে শরীরও কিছু খারাপ হইয়া যায় শশীর। এ বছর একেবারে বৃষ্টি নাই। গ্রামের শ্রামল রূপ রোদে পুড়িয়া একেবারে বাদামী হইয়া উঠিয়াছে। এটা

কলেরার মরহমের সময়, খাশানে ধুম লাগিয়াই আছে। বেশী খাটিতে হওয়ার শশীর মেজাজ গিয়াছে আরও বিগড়াইয়া। স্নানাহারের সময় পায় না, অথচ তেমন পয়সা নাই। কলিকাতায় এরকম পশার হইলে এতদিনে সে বোধ হয় লাঞ্ছিত হইয়া বাইত।

পরান আশা করিয়াছিল কলিকাতা হইতে শশী তাহাকে মতিবর খবর আনিয়া দিবে। শশী ফিরিয়াছে শুনিবামাত্র সে ছুটিয়া আসিয়াছিল। শশী মুখ তুলিয়া চাহিতে পারে নাই। পরানও চূপচাপ খানিক বসিয়া থাকিয়া উঠিয়া গিয়াছিল। সেটা সকাল। তারপর দুপুরে আসিয়াছিল কুহুম। বলিয়াছিল, কেন যে মরছে ভেবে ভেবে! চুরি করে তো আর নিয়ে যায়নি বোনকে কেউ, সে গেছে—সোয়ামির সঙ্গে, অত ভাবনা কিসের দিনরাত?—কি আনলেন আমার জন্তে?

তোমার জন্তে? কিছু আনিনি বৌ।

কি তুলো মন মাগো! কত করে যে বলে দিলাম আনতে?

শশী অবাক হইয়া বলিয়াছিল, কি আবার আনতে বললে তুমি? কখন বললে?

ওমা, বলিনি বুঝি? তা হবে হয়তো! বলব বলে বলিনি শেষ পর্যন্ত? কিন্তু না বললে কি আনতে নেই?

কি অকৃত্রিম ছেলেমাহুবি কুহুমের, কি নির্মল হাসি! তারপর কয়েকদিন কুহুমের সঙ্গে দেখা হয় নাই, এই হাসি শশীর মনে ছিল। জোর করিয়া মনে রাখিয়াছিল। ভাপসা গুমোট, শুক ডোবা-পুকুর-ভরা গ্রামের রক্ষ মূর্তি আর কলেরা রোগীর কদর্ঘ সান্নিধ্য, এই সমস্ত পীড়নের মধ্যে কুহুমের খাপছাড়া হাসিটুকু ভিন্ন মনে করিবার মতো আর কিছু শশী খুঁজিয়া পায় নাই।

কিছু ভাল লাগে না শশীর,—না গ্রাম, না গ্রামের মাহুবি। শেষ রাত্রে ঢেকির শব্দে ঘুম ভাঙিয়া যায়। তখন হইতে সন্ধ্যার নীরবতা আসিবার আগে কায়েতপাড়ার পথের ধারে বটগাছটার শাখায় জমায়েত পাখির কলবর শুক হওয়া পর্যন্ত। বগ্ন ও গৃহস্থ জীবনের যত বিচিত্র শব্দ শশীর কানে আসে, সব যেন ঢাকিয়া যায় যামিনীর হামানদিস্তার ঠুকঠুক শব্দে আর গোপালের গঞ্জীর কাশির আওয়াজে। বাড়িতে মেয়ে-পুরুষ হাসে কাঁদে কলহ করে, বাহিরে যুবক ও বৃদ্ধের দল তাস খেলে, আড্ডা দেয়, চাষী মজুর গয়লা কুমোর সেকরা জেলে দোকানী এরা ছাড়া অলস অকর্মণ্যতার অতিরিক্ত ভদ্র পেশা যাদের আছে আঙুলে গুনিয়া ফেলা যায়। শ্রীনাথের দোকানের লালচে আলোর কীর্তি নিয়োগীর মাথার তেলমাখা আবটি চকচক করিতে দেখিলে নৈশ আকাশের তারা ও টাদের আলোর দিকে চাহিতে শশীর লজ্জা করে। বাগদীপাড়ায় জেল করত কয়েকজন বীরপুরুষ রাত দুপুরে পরস্পরের মাথা কাটাইয়া দেয়, শশীর

হাঁতের বাঁধা ব্যাণ্ডেজ তাহাদের খোলা হয় জেলের হাসপাতালে। হৃদেব বলিয়া বেড়ায়, বিবাহটা মিছে, ছল—শশী কর্তৃক মতিকে গাপ করার কৌশল মাত্র। ভদ্র-পানা যার সঙ্গে বিয়ে হল মতির, কত টাকা সে খেয়েছে জান ছোটবাবুর ঠেয়ে ? হয়তো বাজিতপুরে হয়তো আর কোথাও মতিকে শশী লুকাইয়া রাখিয়াছে—পাঁয়ে যে শশী থাকে না, রোগী দেখিবার ছলে কোথায় চলিয়া যায়, হৃদেব ছাড়া আর কে তার অর্থ বুঝবে ! অঙ্ককার রাজে গোয়ালপাড়ার আট দশটা ছোকরা একদিন দু-তিন গামলা গোবর-গোলা জল শশীর গায়ে ঢালিয়া দেয়,—গোয়ালপাড়ার গোবর অতি সুপ্রাপ্য। পরদিন গোপালের গোমস্তা বাকি টাকার জন্ত সদরে নাশিশ রুজু করিতে গিয়াছে খবর পাইয়া গোয়ালপাড়ার মোড়ল বিপিন অবশ্য আসিয়া কাঁদিয়া পড়ে,—গোটা কয়েক নিরীহ ছোকরাকে ধরিয়া আনিয়া কান মলায়, নাকে খত দেওয়ায়। তাতে মন শান্ত হওয়ার কথা নয়।

তারপর আছে সেনদিদি। অঙ্ককারে চোরের মতো পলায়নপর অবস্থায় সামনে পড়িয়া থমকিয়া দাঁড়ানো যেন আজকাল তার বিশেষ একটা প্রিয় অভিনয়ে দাঁড়াইয় গিয়াছে। অদূরে হাঁকার লাল আগুন হঠাৎ কোথায় অদৃশ্য হয়, খানিক পরে অন্দরে শোনা যায় গোপালের গলা।

সেদিন নূতন একটা আকার আরম্ভ করিয়াছে শশীর কাছে। গ্রামের একটা বৃদ্ধের চোখের ছানি কাটিয়া শশী সম্প্রতি তাহার দৃষ্টিশক্তি ফিরাইয়া আনিয়াছে। সেই হইতে সেনদিদি তাহাকে রেহাই দেয় না। বলে, ও শশী, দাও বাবা দাও, কেটে কুটে ষুধু দিয়ে যেমন করে হোক, দাও চোখটা আমার সারিয়ে।

শশী বলে, চোখ আপনার নষ্ট হয়ে গেছে সেনদিদি, ও আর সারবে না।

সেনদিদি ব্যাকুল হইয়া বলে, তুমি কেটে কুটে দিলেই সারবে শশী, আমি তো জন্মান্ন নই, অ্যা ? আমার জন্তে তোমার এত মায়া ছিল সে সব কোথায় গেল বাবা ?

সেনদিদিকে বোঝান দায়। কিছুই সে বুঝতে চায় না। শশীর হাত চাপিয়া ধরিয়া কাঁদিয়া ফেলে,—সবাই কানী বলে, আমার তা সয় না শশী। ওরে বাপরে, আমি কানী !

নিরুপায় শশী ভাবিয়া চিন্তিয়া বলে, কাঁচের চোখ নেবেন সেনদিদি, নকল চোখ ? দেখতে অবশ্য পাবেন না চোখে, তবে চোখটা আপনার আসল চোখের মত দেখাবে, লোকে সহজে টের পাবে না।

কাঁচের চোখ দিয়ে কি করব শশী !—বলিয়া সেনদিদি রাগিয়া ওঠে, তুমি ছাইয়ের ডাক্তার শশী, কিছু জান তুমি চিকিৎসক ! কর্তা যা বলে তা তো মিথ্যে নয় দেখছি তা হলে। তুমি চিকিৎসক করে চোখটা আমার খেয়েছ, অস্ত্র কেউ হলে চোখ কি

আমার নষ্ট হত ! আজকে তুমি কাচের চোখ দিয়ে আমার ভোলাতে চাও ? পাজী, হতভাগা, জোচ্চোর ! মর তুই মর !

শশী চূপ করিয়া থাকে। কত ভালবাসিত সেনদিদি তাকে, তার উপর কত বিশ্বাস ছিল। তবু শশী আর অবাধ হয় না। যে স্নেহ-মমতার ভিত্তি ভাবপ্রবণতা, তা যে বৃষুদের মতো অস্থায়ী, শশী তা অনেককাল জানে।

কদিন পরে সেনদিদি বলে হ্যাঁ শশী, কাঁচের চোখ লাগালে টের পাবে না লোকে ?

ভূমিকা নাই, সেদিনকার গালাগালির জন্তু আপসোস নাই, সোজা স্পষ্ট প্রশ্ন !

সহজে পাবে না—টের পেলেই বা কি এসে যায় ? চোখটার জন্তু খারাপ দেখাচ্ছে এখন সেটা তো দেখাবে না।

কবে লাগাবে চোখ ?

কাঁচের চোখের নামে সেনদিন সেনদিদিই ক্ষেপিয়া উঠিয়াছিল, আজ তাহার আগ্রহ ছাধো ! শশী শাস্তভাবেই বলে, আমি তা পারব না সেনদিদি, আমার যন্ত্রপাতি নেই। ব্যক্তিগতপূরে হবে কি না তাও জানি না। কলকাতা গিয়ে করাতে হবে, সময় লাগবে অনেক। আপনার ভাল চোখটির সঙ্গে রঙটঙ মিলিয়ে চোখ তৈরি করে নিতে হবে।

কবে নিয়ে যাবে কলকাতা ?

এ কথা বলিতে সেনদিদির দ্বিধা হয় না, সঙ্কোচ হয় না ! কত যেন দাবি তাহার আছে শশীর উপর ! প্রথমে শশীর রাগ হয়। তারপর মনে মনে সে হাসে। বলে কবে যেতে পারব তা তো ঠিক নেই সেনদিদি। রোগী নিয়ে কি রকম ব্যস্তা হয়ে আছি তা তো দেখতে পান ? পুঞ্জোর আগে আমার যাওয়া হবে কি না সন্দেহ, আর কারো সঙ্গে যান না ?

সেনদিদি কাঁদ-কাঁদ হইয়া বলে, কে আছে শশী, কে আমাকে নিয়ে যাবে ? আমি মরলে সবাই বাঁচে, কে আমার জন্তু এ সব হাঙ্গামা করবে ? সময় করে একবারটি আমায় নিয়ে চল বাবা, চোখটা ঠিক করে আনি।

মুখের দাগ মিলাইয়া দিবার ওষুধও তাহাকে শশীর দিতে হয়। ছুদিন না যাইতেই আসিয়া নালিশ জানায়, কই দাগ তো শশী মিলিয়ে যাচ্ছে না একটুও ? কি রকম ওষুধ দিচ্ছ ?

শশী ক্লান্ত স্বরে বলে, যাবে সেনদিদি যাবে, বসন্তের দাগ কি এত শীগগির যায় ?

যত দিন যায়, গ্রাম ছাড়িয়া নতুন জগতে নতুন করিয়া জীবন আরম্ভ করিবার কল্পনা শশীর মনে জোরালো হইয়া আসে। সে বুঝিতে পারিয়াছে জোর করিয়া না গেলে সে কোনদিন এই সঙ্কীর্ণ আবেষ্টনী হইতে মুক্তি পাইবে না। ভবিষ্যতের জন্ত

স্থগিত রাখিয়া চলিতে থাকিলে জীবন শেষ হইয়া আসিবে, তবু নাগাল মিলিবে না ভবিষ্যতের। তা ছাড়া, জীবনে যে বিপুল ও মনোরম সমারোহ সে আনিতে চায় তাহা সম্ভব করিতে হইলে গুণু গ্রাম ছাড়িয়া গেলেই তাহার চলিবে না, আত্মীয়বন্ধু সকলের সঙ্গে মনের সম্পর্কও ভুলিতে হইবে। এদের সীমাবদ্ধ সঙ্কীর্ণ জীবনের স্মৃতি-দুঃখের চেউ যদি তাকে নদীর বৃকে মোচার খোলার মতো আন্দোলিত করে; নূতন জীবনকে গড়িয়া তুলিবার শক্তি সে পাইবে কেন? সে আবেষ্টনীতে যেভাবে সে বাঁচিতে চায় তার ব্যক্তিগত জীবনে তাহা বিপ্লবের সমান। এ বিপ্লব তাকে আনিতে হইবে একা, তারপর নবমুঠ জগতে বাস করিতে হইবে একা—সেখানে তো এদের স্থান নাই। বিন্দুর কথা ভাবিয়া সে যদি কাতর হইয়া থাকে, কুহুম গোপনে কাদে কি না, আর মতি কোথায় গেল তাই ভাবে সর্বদা, সিন্ধুকে মনের মতো করিয়া গড়িয়া তুলিতে পারিল না ভাবিয়া ক্ষোভ করে, নিজের জীবনকে সে গুছাইবে কখন, কখন করিবে নিজের কাজ? যাদের সাহচর্য অশান্তিকর, যাদের সে কাছে চায় না, জীবনের সার্থকতা আনিতে হইলে নির্মমভাবে মন হইতে তাহাদের সরাইয়া দিতে হইবে।

যাদব বলেন, তা হবে না দাদা? বিরাগী হতে হলে মনে বিরাগ চাই। বাইশ বছর বয়সে এ গাঁয়ে এসে বাসা বাঁধলাম, কেউ জানে না কোথা থেকে এলাম, কি বৃত্তান্ত। আমার সব ছিল শশী, বাড়িঘর আত্মীয়স্বজন, বন্ধুবান্ধব, চল্লিশ বছর কারো খবর রাখি না। বাপ মা মরেছে, খবরও পাইনি, শ্রাদ্ধও করিনি। ভাইবোন ছিল গোটা কতক, আছে না গেছে তাও জান না। সে জগৎ দুঃখও নেই শশী। নতুন ঘর বাঁধতে হলে পুরোনো খড়কুটো বাদ দিতে হবে না?

কষ্ট হত না প্রথমে—শশী বলে।

কদিন কষ্ট হত? ভুলো মন মাহুঘের, দুদিনে ভুলে যায়। সহ হ'ল না বলেই ছেড়ে এলাম না সকলকে?

পাগল-দিদি হাসিয়া বলেন, স্মৃতি শাস্তিতে আছি এখনে,—নয় গো?

চল্লিশ বছরের স্মৃতিশাস্তি! কোন্ গ্রামে কি জীবন ছিল যাদবের কে জানে? বাইশ বছর বয়সে কিসের লোভে সে গৃহ ছাড়িয়াছিল? গৃহী সাধকের এই জীবন কি তখনও কাম্য ছিল যাদবের, দশটা গ্রামের ভয় ও শ্রদ্ধায় সকলের উপরের একটি আসন? তা যদি হয়, জীবনে তিনি অতুলনীয় সাফল্য লাভ করিয়াছেন বলিতে হইবে। সিদ্ধ-পুরুষ বলিয়া চারিদিকে নাম রটিয়াছে, পদধূলির জগ্ন সকলে লোলুপ।

ভাল করিয়া যাদবকে শশী কোনদিন বুঝিতে পারে না। নিষ্পৃহ নির্বিকার মাহুঘ, কারো প্রণাম গ্রহণ করে না, ভক্তি-গদগদ কথা শুনিয়া অবিচলিত থাকেন, কত লোক মন্ত্রাশিত্ত হইবার জগ্ন ব্যাকুল, আজ পর্যন্ত একটি শিষ্যও করেন নাই। তবু, শশীর মনে

ইয়, প্রণাম যেন যাদব কামনা করেন। পদধূলি দেন না, আশীর্বাদ করেন না, পাষণ্ড দেবতার মতো উপেক্ষা করে ভক্তিকে,—শশীর সন্দেহ জাগে লোকের মনে ভয় ও শ্রদ্ধা জাগানোর কৌশল এসব। তবে তাতে কি আসে যায়? মানুষের কাছে অলৌকিক শক্তিসম্পন্ন হইয়া থাকার অভ্যাস যে মিশিয়া আছে চল্লিশ বছরের স্বথশাস্তির সঙ্গে। নিরলোভ সদাচারী শাস্তিপূর্ণ নিরীহ মানুষ, মানুষের কাছে অপার্থিব ক্ষমতার অধিকারী হইয়া থাকিবার কামনাও পার্থিব কোন লাভের জন্ত নয়। ও যেন একটা শপথ যাদবের, একটা খেয়াল।

পাগলদিদি আম কাটিয়া দেন শশীকে, একটা খোলা পুঁথির সামনে বসিয়া স্থূল শুভ্র উপবীতখানি যাদব আঙুলে জড়ান। দ্বিজত্বের এই চিহ্নটি শশী তাঁহার কখনো মলিন দেখিল না। শশীর দৃষ্টিপাতে যাদব হাসেন পৈতে কখনো মাজি না শশী।

মাজেন না?

না। ও কাজের বরাত দিয়েছি সূর্যকে।

সূর্যকে?—শশী সবিস্ময়ে বলে।

যাদব গম্ভীর মুখে বলেন, সূর্যকে। সূর্যবিজ্ঞান বিশ্বাস কর না তাই অবাধ হও, নইলে এ তো তুচ্ছ! সূর্য বিজ্ঞান যে জানে তার উপবীত কখনো ময়লা হতে পারে? কি করি জান? স্নান করে উঠে রোজ একবার রোদে মেলে ধরি, ধবধবে সাদা হয়ে যায়। আজ খানিকটা বাদ পড়ে ছিল, কেমন ময়লা হয়ে আছে দ্যাখো—

যাদব পৈতা মেলিয়া ধরেন, শশী লক্ষ্য করিয়া দেখে রোদের পাশে ছায়ার মতো পৈতার খানিকটা সত্যসত্যই নিস্প্রভ, মলিন। সূর্যবিজ্ঞানে আর নিজের অত্যাশ্চর্য ক্ষমতায় শশীর বিশ্বাস জন্মানোর জন্ত কত যত্নে না জানি যাদব পৈতার ওই অংশটুকু পাতলা জল-মেশানো কালিতে ডুবাইয়াছেন, কালি যাতে বুঝা না যায়। শশীর হাসিও পায়, মায়াও হয়। তাকে অভিভূত করার জন্ত এত ব্যাকুল প্রয়াস কেন যাদবের? অলৌকিক শক্তিতে অবিশ্বাস করিলেও যাদবকে শ্রদ্ধা সে তো কম করে না।

যাদব বলেন, কত বললাম, শেখ, শশী শেখ, সূর্য-বিজ্ঞানের ভূমিকাটুকু অন্তত শেখ, গুপ্তধের বাস্তু ঘাড়ে করে আর রোগী দেখে বেড়াতে হবে না। তা তো শিখলে না। যে বিজ্ঞানের ভিত্তিই মিথ্যে তাই নিয়ে যেতে রইলে। যাকে-তাকে দেবার বিদ্যা এ তো নয়, সারা জীবনে একটি শিষ্য পেলাম না যাকে শিখিয়ে যেতে পারি। এদিকে সময় হয়ে এল যাবার। শুধু তুমি একটু শিখতে পার শশী সবটা নয়, সুরটা নেবার ক্ষমতা তোমারও নেই, শুধু ভূমিকাটুকু। তাই বা কখনে পায়? কায়মনোবাক্যে আজও তুমি ব্রহ্মচারী বলে—

বিত্রত, বিন্মিত শশী গুনিয়া যায়। এ ধরনের কথা যাদব মাঝে মাঝে বলেন,

শশী সায়ও দেয়না, প্রতিবাদও করে না। যাদবের শাস্ত ধূপগন্ধী ঘরে সে দুদণ্ডের জন্ত জুড়াইতে আসে, তাকে এসব অবিশ্বাস্ত কাহিনী শোনানো কেন? সে কি শ্রীনাথ মুদী যে স্নিতে স্নিতে গদগদ হইয়া মুখে ফেনা তুলিবে?

শশীর অবিশ্বাস যাদব টের পান। শশীকে জয় করিবার জন্ত তাঁর এত বেশি আগ্রহের কারণও বোধ হয় তাই।

বলেন, সূর্যবিজ্ঞান যে জানে, তার অসাধ্য কি? অতীত ভবিষ্যৎ তার নখদর্পণে। কবে কি ঘটবে জীবনে কিছুই তাহার অজানা থাকে না! মৃত্যুর দিনটি পর্যন্ত দশ বিশ বছর আগে থেকে জেনে রাখতে পারে।

পৈতাটা যাদব আঙুলে জড়ান আর খোলেন। দুচোখ জলজল করে। সাথে কি ভীকু গ্রামবাসী ভয় করে যাদবকে। এমন জ্যোতিষ্মান চোখে চাহিয়া এমন জোরের সঙ্গে যাই তিনি বলুন, অবিশ্বাস করিবার সাহস কারো হওয়া সম্ভব নয়।

আপনি জানেন?—শশী জিজ্ঞাসা করে।

জানি না? বিশ বছর থেকে জানি!—বলেন যাদব।

হাসি পায় বলিয়া শশী ফস করিয়া জিজ্ঞাসা করিয়া বসে, কবে?

যাদবও সঙ্গে সঙ্গে জবাব দেন, রথের দিন। আমি রথের দিন মরব শশী।

কবে কোন সালের রথের দিন যাদব দেহত্যাগ করিবেন ঠিক হইয়া আছে, শশী আর সে কথা জিজ্ঞাসা করে না, কারণ কথাটা বলিয়াই যাদব হঠাৎ এমন ভীতভাবে শুক হইয়া যায় এবং পাগলদিদি এমনভাবে অক্ষুট একটা শব্দ করিয়া ওঠেন যে শশী লজ্জা বোধ করে। অবিশ্বাসের পীড়নে উত্তেজিত করিয়া অমন অসাবধানে যাদবকে ওকথা বলানো তাহার উচিত হয় নাই। আর ছ'মাস এক বছরের বেশি গ্রামে শশী থাকিবে না একথা যাদব জানেন। তবু, তার মধ্যেই অস্বথ-বিস্বথ হইয়া যদি তিনি মরিতে বসেন আর শশীকেই তাঁর চিকিৎসা করিতে আসিতে হয়, মরিতেও বেচারীর স্বথ থাকিবে না।

কথাটা চাপা দিবার জন্ত শশী অল্প কথা পাড়ে। বলে, জানেন পণ্ডিতমশায়, চলে আমি যাব ঠিক, কিন্তু কেমন ভয় হয় মাঝে মাঝে। শুধু শহরে গিয়ে ডাক্তারি করার ইচ্ছা থাকলে কোন কথা ছিল না, এত বড় বড় কথা আমি ভাবি! বিদেশে যাব, ফিরে এসে কলকাতায় বসব, মাহুষের শরীর আর মনের রোগ সম্বন্ধে নতুন নতুন গবেষণা করব, দেশ-বিদেশে নাম হবে, টাকা হবে।

যাদব কেমন করিয়া সূর্যবিজ্ঞানের কথা বলিতেছিলেন, তেমনি ভাবে শশী এবার নিজের কল্পনার কথা বলে।

সেই হল সূত্রপাত। রথের দিন দেহত্যাগ করিবার কথা যাদব যা বলিয়াছিলেন শশী জানে তা নেহাৎ কথার কথা, হঠাৎ মুখ দিয়া বাহির হইয়াছে। হাক

দ্বৈধতা বারি গিয়া কথার কথায় পরানৈর কাঁছে এ গল্প সে কেন করিয়াছিল শশী জানে না। বোধ হয় কুহুমকে শোনানোর জন্ত। যেখানে যা কিছু বিচিত্র ব্যাপার সে প্রত্যক্ষ করে পরানকে বলিবার ছলে কুহুমকে সে সব শোনানোর কেমন একটা অভ্যাস তাহার জন্মিয়া যাইতেছে।

তারপর কেমন করিয়া কথাটা যে ছড়াইয়া গেল! ছড়াইয়া গেল একেবারে দিগ-দিগন্তে। ঝাঁকের মাথায় শশীর কাছে যাদব যে অর্থহীন কথাটা বলিয়াছিলেন গ্রামে তাহা এমন আলোড়ন তুলিবে কে জানিত!

শশী বাজিতপুরে যাওয়ার জন্ত প্রস্তুত হইতেছিল, ছুটিয়া আসিল শ্রীনাথ। সত্যি ছোটবাবু, দেবতা দেহ রাখবেন?

শশী বলিল, তুমি কি পাগল শ্রীনাথ? কথার ছলে কি বলেছেন না বলেছেন—

শ্রীনাথ বলিল, কথার ছলেই তো বলবেন ছোটবাবু, নইলে নিজে কি রটিয়ে বেড়াবেন! শুধু এই কথাটি আপনি বলেন ছোটবাবু, নিজের মুখে দেবতা উচ্চারণ করেছেন কি রথের দিন দেহ রাখবেন?

শশী বলিল, বলেছেন বটে, কিন্তু কি জান—

হায় সর্বোনাশ। বলিয়া শ্রীনাথ আকুল হইয়া ছুটিয়া গেল।

ব্যাপারটা যে এত বিরাট হইয়া উঠিবে তখনো শশী কল্পনা করে নাই। নতুবা শ্রীনাথকে ডাকিয়া সে বলিয়া দিত যে রথের দিন যাদব দেহ রাখিবেন বলিয়াছেন বটে কিন্তু সে কোনও এক রথের দিন, আগামী রথ নয়। হাসপাতালে ভরতি করিয়া দবার জন্ত একটি কঠিন অপারেশন রোগীর সঙ্গে শশী বাজিতপুর যাইতেছিল। রোগীটির অবস্থা বড় শোচনীয়। হাসপাতালে লইয়া যাওয়ার ব্যবস্থা দেওয়া উচিত হইয়াছে কি না, পথেই যদি শেষ হইয়া যায় তবে বড়ই দুঃখের কথা হইবে, এই সব গথিতে ভাবিতে শশী অশ্রমনস্ক হইয়া গিয়াছিল।

বাজিতপুরের সরকারী ডাক্তারের সঙ্গে শশীর ঘনিষ্ঠতা হইয়াছিল। সম্প্রতি তিনি দলী হইয়া যাইতেছেন। শশীকে সেদিন তিনি ফিরিতে দিলেন না। পরদিন গ্রামে করিয়া কায়েতপাড়ার পথে লোকের ভিড় দেখিয়া শশী অবাক হইয়া গেল। যাদবের গাড়া জীর্ণ বাড়ির সম্মুখে অনেক লোক জমিয়াছে। যাদব বাহিরে আসিয়া বসিয়াছেন, দখলির জন্ত সকলে কাড়াকাড়ি করিতেছে। সজল কণ্ঠে শ্রীনাথ করিতেছে হায় হায়।

একজন শশীকে বলিল, সামনের রথের দিন পণ্ডিত মশায় দেহ রাখবেন ছোটবাবু।

সামনের রথের দিন? কে বললে এ কথা?

শ্রীমুখে নিজেই বলেছেন। দূর গাঁ থেকে লোক আসছে ছোটবাবু, খবর পেয়ে। পতলবাবু এই মাস্তুর ঘুরে গেলেন।



ওদিক দিয়া ঘুরিয়া শশী বাড়ির ভিতরে গেল। মেয়েরা, দল বার্থিয়া আসিতে গুরু করিয়াছিল, পাগলদিদি দরজা খোলেন নাই। শশীর ডাকাজাকিতে দুয়ার খুলিয়া দিলেন, কাঁদিয়া বলিলেন, ও শশী, এমন সর্বনাশ কেন করলি আমার, কেন রটালি ও কথা!

শশী বিবর্ণমুখে বলিল, আমি তো ও কথা রটাইনি পাগলদিদি।

পাগলদিদি বলিলেন, একদল লোক সঙ্গে নিয়ে শ্রীনাথ এসে কেঁদে পড়ল শশী, বলল, তুই নাকি বলেছিল ওঁর নিজের মুখে শুনে গেলি এবার রথের দিন—

এবার রথের দিন? আমি তো বলিনি পাগলদিদি! পণ্ডিতমশায় স্বীকার করলেন? পাগলদিদি সায় দিলেন।

শশী ব্যাকুল হইয়া বলিল, কেন তা করলেন? একি পাগলামি! পণ্ডিতমশায় বলতে পারলেন না এবারকার রথের কথা বলেননি?

কই তা বললেন? হাসিমুখে মেনে নিলেন। কি হবে এবার?

বাহিরের কলরব ভাসিয়া আসিতেছিল, শশী দরজাটা ভেজাইয়া দিল। সমস্ত ব্যাপারটা এমন দুর্বোধ্য মনে হইতেছিল শশীর! যাদবের সম্বন্ধে এরকম একটা জনরব একেবারেই বিস্ময়কর নয়, মাঝে মাঝে তাঁর সম্বন্ধে অনেক অদ্ভুত কথা রটে। যাদব সমর্থন করিলেন কেন? মাথা তো খারাপ নয় যাদবের, পাগল তো তিনি নন! একদল লোক সঙ্গে করিয়া শ্রীনাথ আসিয়া কাঁদিয়া পড়িল, অমনি কোন কথা বিবেচনা না করিয়া যাদব স্বীকার করিয়া বসিলেন যে আগামী রথের দিন তিনি স্বেচ্ছায় মরিবেন? এ রকম স্বীকারোক্তির ফলাফলটা একবার ভাবিয়া দেখিলেন না? কে জানে কি হইবে এবার! রথের দিন যাদব যদি না মরেন, মানুষের কাছে মিথ্যাবাদী হইয়া থাকিতে হইবে তাঁকে, তাঁর সিদ্ধিতে তাঁর শক্তিতে লোকের বিশ্বাস থাকিবে না,—যাদবের কাছে তাহা মৃত্যুর চেয়ে শতগুণে ভয়ঙ্কর! মানুষের অন্ধ ভক্তি ছাড়া বাঁচিয়া থাকিবার আর তো কোন অবলম্বন তাঁহার নাই। একথা যাদব কেন স্বীকার করিয়া লইলেন? বলিলেই হইত এ শুধু জনরব, ভিত্তিহীন গুজব! যাদবের কথা কে অবিশ্বাস করিত? রথের তো বেশিদিন বাকি নেই। সেদিন যাদব কেমন করিয়া মরিবেন? না মরিলে কেমন করিয়া মুখ দেখাইবেন গ্রামে?

অনেকক্ষণ পরে ক্লাস্ত যাদব বিশ্বামের জগ্ন ভিতরে আসিলেন। কয়েকটি ভক্তও সঙ্গে সঙ্গে ভিতরে আসিতেছিল, রুঢ়ভাবে ধাক্কা দিয়া তাহাদের বাহির করিয়া শশী সদর দরজা বন্ধ করিয়া দিল। ভিড়ে, গরমে যাদব ঘামিয়া বিবর্ণ হইয়া গিয়াছেন, পাগলদিদি তাড়াতাড়ি পাখা আনিয়া বাতাস করিতে লাগিলেন! ফোকলা মুখের চিরন্তন হাসিটি তাঁহার মিথিয়া গিয়াছে। দুচোখ-ভরা জল—বার্ধক্যের স্তিমিত ছুটি চোখ।

এ কি করলেন পণ্ডিতমশায় ? স্বীকার করলেন কেন ? ব্যাকুলভাবে শশী  
জিজ্ঞাসা করিল ।

কেন করলাম ? রথের দিন মরব যে আমি । বলিনি তোমাকে ? শাস্ত্রভাবে  
জবাব দিলেন যাদব ।

এবারকার রথের কথা তো বলেননি আমাকে ?

বলেছিলাম বইকি । এবারকার রথের কথাই বলেছিলাম । তুমি এত বিচলিত  
হচ্ছ কেন শশী ? আমার কাছে কি জীবন-মরণের ভেদ আছে ? গুরুর রূপায় সূর্যবিজ্ঞান  
যেদিন আয়ত্ত্ব হল, যেদিন সিদ্ধিলাভ করলাম, ও পার্থক্য সেদিন ঘুচে গেছে শশী । এমনি  
হিসাবও যদি ধর, মরবার বয়েস কি আমার হয়নি ?

শশী কাতর হইয়া বলিল, আমার জন্মই এ কাণ্ড হল ? আমার যে কি রকম  
লাগছে পণ্ডিতমশায়---

যাদব হাসিয়া বলিলেন, বাসাংসি জীর্ণানি.....

শশীর মনে পড়িতেছিল, সেদিন রাত্রের কথা । কলিকাতা-ফেরত যাদব শ্রীনাথের  
দোকান হইতে সাপের ভয়ে যেদিন লাঠি ঠুকিয়া ঠুকিয়া বাড়ি আসিয়াছিলেন । জীবনের  
সেই ভীর্ণ মমতা কোথায় গেল যাদবের ? কোথা হইতে আসিল মৃত্যু সম্বন্ধে এই প্রশান্ত  
ঔদাস্য ? যাদবের সম্বন্ধে সে কি আগাগোড়া ভুল করিয়াছে ? লোকে যে অলৌকিক  
শক্তির কথা বলে সত্যই কি তা আছে যাদবের ? খানকয়েক ডাক্তারী-বইপড়া বিছায়  
হয়তো এসব ব্যাপারের বিচার চলে না, হয়তো তার অ বিশ্বাস শুধু অজ্ঞানতার অন্ধকার !

অনেক যুক্তিতর্ক অস্বরোধ উপরোধেও যাদবকে শশী কিছুতেই টলাইতে পারিল  
না । আগামী রথের কথা বলেন নাই, এ কথা কিছুতেই স্বীকার করিলেন না । শশী  
কোন ক্ষতি করে নাই । কথাটা না রটিলেও রথের দিন তিনি অবশ্যই দেহত্যাগ  
করিতেন । জনরব তুলিয়া দিয়া শশী যদি তার কোন অস্ববিধা করিয়া থাকে তা শুধু  
এই যে, লোক পদধূলির জন্ম জ্বালাতন করিতেছে, আর কিছু নয় ।

কিছুতেই এ মতলব ছাড়বেন না পণ্ডিতমশায় ?

তাই কি হয় শশী ? বিশ বছর আগে থেকে এ যে ঠিক হয়ে আছে ।

কই পাগলদিদি তো কিছু জানতেন না ?

ওকে কি বলেছি যে জানবে ? সময় এগিয়ে এসেছে তাই কথায় কথায় সেদিন  
তোমায় বললাম । নইলে একেবারে সেই যাবার দিন বলে বিদায় নিতাম ।

শশী উদ্ভ্রান্ত মিনতির সঙ্গে বলিল, মনের জোরে আপনি তো মরার দিন পিছিয়েও  
দিতে পারেন ? তাই বলুন না সকলকে ? বলুন যে আপনার অনেক কাজ বাকি,  
তাই ভেবে-চিন্তে দু-চার বছর পিছিয়ে দিলেন দিনটা ?

কথাটা বোধ হয় যাদবের মনে লাগে। উৎসুক দৃষ্টিতে তিনি শশীর মুখের দিবে চাহিয়া থাকেন, শশীর মনে হয় একটি ফাদে-পড়া জীব যেন হঠাৎ বেড়ার পারে ছোট একটি ফাঁক দেখিতে পাইয়াছে। তারপর আত্মসম্বরণ করিয়া যাদব মাথা নাড়েন।

লোকে হাসবে শশী, টিটকারি দেবে।

বলিয়া ভাড়াভাড়ি বোগ দেন, সেজন্তও নয়। বোগ-সাধন করে যে সব শক্তি পাওয়া যায়, ভগবানের নিয়মকে ফাঁকি দেবার জন্ত তার ব্যবহার বিবেধ শশী।

একে ওকে জিজ্ঞাসা করিয়া সারা দিনের চেষ্টায় শশী কিছু কিছু বৃষ্টিতে পারিল, বিনা প্রতিবাদে যাদব কেন জনরবকে মানিয়া লইয়াছেন। কথাটা ছড়াইয়াছিল পল্লবিত হইয়া। ভক্তদের মধ্যে অনেকে জানিত যাদব বহুদিন হইতে শশীকে শিষ্ট করিবার চেষ্টা করিতেছেন, শশীর এ সৌভাগ্যে তাহারা হিংসা করিয়াছে। কাল কুম্ভ নাকি বাস্তব ও উদ্ভেজিত ভাবে বলিয়া বেড়াইয়াছিল যে জ্ঞান করিয়া পাগলদিদিকে সে একবার প্রণাম করিতে গিয়াছিল, স্বকর্ণে শুনিয়া আসিয়াছে রথের দিন মরিবেন বলিয়া তাড়াভাড়ি শিষ্টত্ব গ্রহণের জন্ত শশীকে যাদব পীড়াপীড়ি করিতেছেন। এ সব ছাড়া আরও অনেক কথাই রটিয়াছিল। তবু, তখনও জনরবটা অস্বীকার করিবার উপায় হয়তো থাকিত যাদবের। বাজিতপুরে যাওয়ার আগে শ্রীনাথকে শশী যা বলিয়া গিয়াছিল তাহাই যাদবের সবচেয়ে বড় বিপদের কারণ হইয়াছে। শশীর কথা সহজে লোকে অবিশ্বাস করে না। তা ছাড়া, যাদবের বিশেষ প্রিয়পাত্র বলিয়াই লোকে তাহাকে জানে। তবু, শশী গ্রামে থাকিলে যাদব হয়তো স্বীকার করিবার আগে তাহাকে ডাকিয়া পাঠাইতেন, বলিতেন, এরা কি বলছে শোন শশী। কিন্তু তাকে পাওয়া যায় নাই। গ্রামে আলোড়ন তুলিয়া দিয়া সে চলিয়া গিয়াছিল, তারপর সারা জীবনের চেষ্টায় গড়িয়া তোলা মানুষের অস্বাভাবিক ভক্তি ক্ষুণ্ণ হুইবার ভয়ে, খানিকটা এই ভক্তি বাড়ানোর লোভে যাদব জনমতের শ্রোতে আসিয়া গিয়াছেন।

শ্রীনাথ আসিয়া সদলে কাঁদিয়া পড়িবার সময় যাদবের মনের ভাব কিরকম হইয়াছিল শশী কিছু কিছু অনুমান করিতে পারে। রথের দিন মরিবার কথা শশীকে তিনি বাহা বলিয়াছিলেন সে কথা যাদবের স্মরণ ছিল। শশীর কথায় গ্রামের লোক কতখানি বিশ্বাস রাখে তাও তিনি মনে রাখিয়াছিলেন। শশী গ্রামে নাই শুনিয়া ভাবিয়াছিলেন, এখন যদি তিনি অস্বীকার করেন যে আগামী রথের দিন মরিবার কথা শশীকে বলেন নাই, শশী গ্রামে ফিরিবারাত্র সকলে তাহাকে এ বিষয়ে প্রশ্ন করিবে! হয়তো ধৈর্য ধরিতে না পারিয়া কেহ বাজিতপুরে ছুটিয়া গিয়াও শশীর সঙ্গে দেখা করিয়া আসিবে। ব্যাপারটির গুরুত্ব শশী কিছু বৃষ্টিতে পারিবে না, একবার সে যা বলিয়াছে আবার সেই কথাই বলিবে। লোকে তখন মনে করিবে, হয় শশী মিথ্যাবাদী—নয় যাদব নিজে।

আরও কত কি হয়তো যাদব ভাবিয়াছিলেন। হয়তো জনরবের পিছনে কিরূপ এবং কতখানি শক্তি আছে বুঝিতে না পারিয়া যাদবের ভয় হইয়াছিল যে বিরোধিতা করিলে জীবন অপেক্ষা যাহা তাঁর প্রিয় তাহা বিনষ্ট হইয়া যাইবে। হয়তো সমবেত মানুষগুলির উচ্চাঙ্গ নেশার মতো আচ্ছন্ন করিয়া দিয়াছিল যাদবকে। ভাবিবার তাঁহার সময় থাকে নাই।

শশী কুম্ভমকে বলিল, মিথ্যে কথাগুলো বলে বেড়ালে কেন বৌ ?

কুম্ভম বলিল, বলতে কেমন ইচ্ছে হচ্ছিল ছোটবাবু, তাই।

মাথাটা তোমার খারাপ নাকি সময় সময় তাই ভাবি বৌ, অবাক মানুষ তুমি।

কয়েকটা দিন চলিয়া গেল। কলিযুগের ইচ্ছা-মৃত্যু মহাপুরুষ যাদবকে দেখিবার জন্ম নিকট ও দূরবর্তী গ্রামের লোক কায়েতপাড়ার পথটিকে জনাকুল করিয়া রাখিল। মুড়ি-চিড়া বেচিয়া শ্রীনাথ আর লোচন ময়রা বোধ হয় বড়লোকই হইয়া গেল। শ্রীনাথ দু হাতে মুড়ি-চিড়া বেচে, দু হাতে পয়সা লইয়া কাঠের বাস্কে রাখে, সর্বক্ষণ হায় হায় করে। কয়েকদিনে পাগলদিদি শীর্ণ হইয়া গেলেন। শশীর মনেও গুরু-ভার চাপিয়া আছে। রথের দিন কি হইবে সে বুঝিতে পারে না। সত্যই কি মনের জ্বরে যাদব সেদিন দেহত্যাগ করিতে পারিবেন ? এ যে বিশ্বাস করা যায় না। মরিলেই বা যাদবের কি অবস্থা হইবে ?

যেখানে যায় শশী, এই কথাই আলোচিত হইতে শুনিতে পায়। যাদব মরিবেন বলিয়া অনেকেরই আপসোস নাই, সাগ্রহে রথের দিনটির প্রতীক্ষা করিতেছে। শশীকে চূপ করিয়া থাকিতে হয়। মিথ্যার ভিত্তিতে যে এত বড় ব্যাপারটা গড়িয়াছে, মুখ ফুটিয়া প্রকাশ করিবার উপায় নাই। এই জনমতের উৎস সে, কিন্তু এ গুঞ্জবকে পরিবর্তিত করিবার ক্ষমতা তাহার নাই। একটা অগ্নিস্কুলিঙ্গ হইতে শুকনো চালে আগুন ধরিয়াছে, কারো ক্ষমতা নাই আগুন নিভাইতে পারে ! একটা অদ্ভুত অসহায়তার উপলব্ধি হয় শশীর। প্রাত্যহিক জীবনে যাদের সঙ্গে কোন সম্পর্ক থাকে না মানুষের, তাদের সমবেত মতামত যে কতদূর অনিবার্য একটা অন্ধ নির্মম শক্তি হইয়া উঠিতে পারে, আজ সে তাহা প্রথম বুঝিতে পারে।

যাদবের বাড়ি গিয়া শশী বসে, যাদবের ভাব লক্ষ্য করে। মনে হয় কী একটা তীব্র নেশায় যাদব আচ্ছন্ন, অভিভূত হইয়া গিয়াছেন। ব্যাপারটা যে তাঁর কাছে ক্রমে ক্রমে পরম উপভোগ্য হইয়া উঠিতেছে। বিশ্রাম করিতে কিছুক্ষণের জগ্ন ভিতরে আসেন, তারপর বাহিরে গিয়া দর্শনার্থীদের সামনে বসেন, মুখ দিয়া ফোয়ারার মতো ধর্ম ও দর্শন, যোগ সাধনার কথা বাহির হয়,—সে সব অপূর্ব বাণী শুনিয়া শশী অবাক মানে। কি এক অত্যাশ্চর্য প্রেরণা যেন আসিয়াছে যাদবের। মুখের উপদেশ শুনিয়া অভিভূত হইয়া

যাইতে হয়, এক অপক্লপ আনন্দে অন্তর ভরিয়া যার, এক অনারস্ত অধ্যাত্ম ভগতে উত্তীর্ণ হওয়ার ক্ষম ব্যকুলতা আগে অপরিণীম ।

পাগলদিদি কাতর কণ্ঠে বলেন, এ কি হল শশী ?

শশী চূপচাপ ভাবে । একদিন সে যাদবকে বলে, পশ্চিমশায়, রথের দিন আমাদের ছেড়ে যাবেন যদি ঠিক করেই থাকেন, এখানে থেকে কি করবেন ? পুরী চলে যান না ? রথের আসল উৎসব হয় সেখানে, এখানে তো কিছুই নেই । যাবুদের রথ সবচেয়ে বড়, তাও তিন হাতের বেশী উঁচু হবে না । আপনার পুরী যাওয়াই উচিত ।

যাদবের ঘেন চমক ভাঙে ।—পুরী যেতে বলছ ?

শশীর ভয় যে পুরী যাইতে বলার আসল অর্থ যাদব হয়তো বুঝতে পারেন নাই । কত ভাবিয়া যাদবের সমস্তার এই সমাধান সে আবিষ্কার করিয়াছে । পুরী যান বা না যান যাদব, এতবড় দেশটা পড়িয়া আছে, পুরী যাওয়ার নাম করিয়া যেখানে খুশি তিনি চলিয়া যাইতে পারেন, বাস করিতে পারেন অজানা দেশে অচেনা মানুষের মধ্যে, রথের দিন না মরিলেও যেখানে তাঁহার লজ্জা নাই । স্পষ্ট করিয়া যাদবকে কথটা বুঝাইয়া বলা যায় না । ভান তো যাদব শশীর কাছেও বজায় রাখিয়াছে । সে ইঙ্গিতে বলে জিনিসপত্র নিয়ে পাগলদিদিকে সঙ্গে করে পুরীই চলে যান পশ্চিমশায়,—গাঁয়ের লোক হৈ-ঠৈ করে যে কষ্টটা আপনাকে দিচ্ছে ! শেষ সময়টা স্বস্তি পাচ্ছেন না ! সেখানে কেউ আপনার নাগাল পাবে না ।

পাগলদিদি মেঝেতে এলাইয়া পড়িয়া ছিলেন, সহসা উঠিয়া বসেন । যাদব সবিন্ময়ে চাহিয়া থাকে শশীর দিকে । শশী আবার ইঙ্গিতে বলে, পুরী যাবার নাম করে বেরিয়ে পড়ুন । তারপর পুরীই যে আপনাকে যেতে হবে তার তো কোন মানে নেই ? অল্প কোন তীর্থে যেতে চান, পথে মত বদলে তাই যাবেন । অচেনা লোকের মধ্যে শেষ কটা দিন শান্তিতে কাটিয়ে দিতে পারবেন । গম্ভীরভাবে মাথা নাড়ে শশী,—এ ছাড়া গাঁয়ের লোকের হাত থেকে আপনার রেহাই পাবার আর তো কোন পথ দেখতে পাই না ।

কি বলছ শশী ? শেষকালে পালিয়ে যাব ?—যাদব বলেন ।

পালিয়ে কেন ? তীর্থে যাবেন ।—বলে শশী ।

যাদব কি ভাবেন কে জানে, দপ্ করিয়া জলিয়া ওঠেন আগুনের মতো । রাগে কাঁপিতে কাঁপিতে বলেন, আমার সঙ্গে তুমি পরিহাস করছ শশী, ঠাট্টা জুড়েছ । আমি ভগ্নামি আরম্ভ করেছি ভেবে নিয়েছ, না ? কোন দিন আমাকে তুমি বিশ্বাস করনি, চিরকাল ভেবে এসেছে আমার সব ভড়ং—লোক ঠকিয়ে আমি জীবন কাটিয়েছি ! ছপাতা ইংরেজী পড়ে সবজাস্তা হয়ে উঠেছ, এসব তুমি কি বুঝবে ? কি তুমি জান বোগসাধনের ? তুমি তো স্নেহাচারী নাস্তিক ! স্নেহ করি বলে কখন কিছু বলিনি ।

তোমাকে—উপদেশ দিয়ে ধর্মের কথা বলে বরং চেষ্টাই করেছি যাতে তোমার মতিগতি ফেরে। আসল শয়তান বাস করে তোমার মধ্যে, আমার সাধ্য কি কিছু করি তোমার জন্তে। যাও বাপু তুমি সামনে থেকে আমার, তোমার মুখ দেখলে পাপ হয়।

কে জানিত শশীকে যাদব এমন করিয়া বকিতে পারেন!

এ জগতে পাগলদিদির পর সে-ই যে তাঁর সবচেয়ে স্নেহের পাত্র।

মুখ দেখিলে পাপ হয়! স্নেহাচারী, নাস্তিক! মরণ অথবা অপযশের মধ্যে একটা থাকে বাছিয়া লইতে হইবে কদিনের মধ্যে, তাকে বাচিবার উপায় বলিয়া দিতে যাওয়ার কি অপরাধ পুরস্কার। যাদবের তিরস্কারে শশী ছেলেমানুষের দুঃখে অভিমানে কাতর হইয়া থাকে।

তবে কি যাদব সত্যই রথের দিন দেহত্যাগ করিবেন? মৃত্যুর ওই দিনটি যে ঠাহার নির্ধারিত হইয়া আছে, যোগের শক্তিতে বহুদিন হইতেই যাদব তবে তাহা জানিয়া রাখিয়াছিলেন? তা যদি হয় তবে সন্দেহ নাই যে সে স্নেহাচারী নাস্তিক এখন তো তাহার বিশ্বাস হয় না যে মানুষ নিজের ইচ্ছায় মরিতেও পারে, মরিবার আগে জানিতে পারে কবে মরণ হবে।

বিশ্বাস হয় না, তবু শশীর মনের আড়ালে লুকানো গ্রাম্য কুসংস্কার নাড়া খাইয়াছে। এক এক সময় তাহার মনে হয়, হয়ত আছে, বাঁধা যুক্তির অতিরিক্ত কিছু হয়তো আছে জগতে, যাদব আর যাদবের মতো মানুষেরা যার সন্ধান রাখেন। দলে দলে লোক আসিয়া যে যাদবের পায়ে লুটাইয়া পড়িতেছে, এদের সকলেরই বিশ্বাস কি মিথ্যা? সাধারণ মানুষের চেয়ে অতিরিক্ত কিছু যদি নাই থাকে যাদবের মধ্যে, এতগুলি লোক কি অকারণে এমনি পাগল হইয়া উঠিয়াছে? দশ-বার ক্রোশ দূরবর্তী গ্রাম হইতে দপরিবারে গৃহস্থ আসিয়াছে, বাসা বাঁধিয়া আছে গাছতলায়। কত নরনারীর চোখে শশী জল পড়িতে দেখিয়াছে। কায়তপাড়ার পথে নামিয়া দাঁড়াইলেই মনে হয় এ যেন তীর্থ। সকল বয়সেরই সমস্ত নরনারী এদিক ওদিক বিচরণ করিতেছে, প্রাত্যহিক জীবনের হিংসা ছেঁষ স্বার্থপরতার সঞ্চিত গ্লানি তারা পিছনে ফেলিয়া আসিয়াছে, ভুলিয়া গিয়াছে পার্থিব সুখের কামনা, লাভের হিসাব। হয়তো সাময়িক, ফিরিয়া গিয়া সম্পূর্ণ জীবনের কদম্বতায় আবার সকলে মুখ গুঁজিয়া দিবে, তবু ওদের মুখের উৎসুক একাগ্রতা যাক তো মুগ্ধ করিয়া দেয়।

সকলে যাদবকে লইয়া ব্যাপৃত থাকায় শশীর সঙ্গে দেখা করার সুবিধা হইয়াছে হৃৎকমের। সে উদ্বিগ্ন কণ্ঠে বলে, মুখ এত শুকনো কেন?

মনটা ভাল নেই বোঁ।

ওমা, কি হল মনের ?

শশী বিরক্ত হইয়া বলে, তোমার কাছে অত কৈফিয়ত দিতে পারব না বৌ ।

কুসুম সগর্বে মাথা তুলিয়া বলে, কৈফিয়ত কেউ চায়নি আপনার কাছে । মুখ শুকনো দেখে মায়া হল, তাই জানতে এলাম অসুখ-বিসুখ হয়েছে না কি । সংসারে আনেন, ছোটবাবু, যেচে মায়া করতে গেলে পদে পদে অপমান হতে হয় । আমি এদিকে চলে যাচ্ছি বাপের বাড়ি, কৈফিয়ত চাইব ।

শশী নরম হইয়া বলে, গাঁয়ে এতবড় ব্যাপার ঘটছে, দেখা হলে ও বিষয়ে তুমি কিছুই বল না,—শুধু আমার আর তোমার নিজের কথা । বলবার কি আর কথা নেই অগতে ? নেই ? কত আক্ষে বাক্ষে কথা আছে সীমা নেই তার ।

বলিয়া কুসুম হাসে । শশী বলে, হালকা ভাবটা একটু কমাও বৌ । বাপের বাড়ি যাবে তো শুনছি ঢের দিন থেকে, যাওয়া তো হল না ।

কুসুম সপ্রতিভ ভাবে বলে, যেতে যে পারি না ।

তারপর বলে, যে সব মজার কাণ্ড গাঁয়ে । সত্তর বছরের একটা বুড়ো মরবে, তাই নিয়ে দশটা গাঁয়ের লোক হৈ হৈ করছে । বেঁচে থাকলে আরও কত দেখব ।

কুসুমের এ ধরণের কথাবার্তা শশীর যে খুব ভাল লাগিল তা নয়, তবু একা একা ভাবিতে ভাবিতে মনের মধ্যে যে বন্ধ আবহাওয়ার সৃষ্টি হইয়াছিল, খানিকটা খোলা বায়ু আসিয়া তা যেন কিছু হালকা করিয়া দিল । তাই বটে । এত সে বিচলিত হইয়াছে কেন একটা গ্রাম্য ব্যাপারে ? মরেন, তো মরিবেন যাদব, তার কি আসিয়া যান্ন ? দুদিন পরে এ গাঁয়ে বাস করিবার স্মৃতিটুকু মনে আনিবার সময়ও কি থাকিবে তাহার ?

বিকালে সেদিন শ্রীনাথ আসিয়া শশীকে ডাকিয়া গেল । পরদিন আসিলেন পাগলদিদি স্বয়ং । না গিয়া শশীর উপায় থাকিল না ।

পাগলদিদি বলিলেন, তীর্থে যাবার কথা তো বলে এলি ভাই, গিয়ে কি হবে ? দল বেঁধে গাঁয়ের লোক সঙ্গে যাবে । এতলোক দিনরাত পাহারা দিচ্ছে, সকলের নজর এড়িয়ে পালাব কোথা ?

একটু যেন গা-ঝাড়া দিয়া উঠিয়াছেন পাগলদিদি, কোন দিকে আশার আলো দেখিতে পাইয়াছেন কি-না কে জানে । মুখখানা খুব বিষন্ন কিন্তু শাস্ত, ভয় ও উদ্বেগের ছাপটা গিয়াছে । চলিতে চলিতে বলিলেন, পালিয়ে গিয়েই বা কি হবে বল ? কবছর আর বাঁচব । বিদেশে নতুন লোকের মধ্যে কত কষ্ট হবে, মনে একটা আপসোসও থাকবে । অমন করে দুটো একটা বছর বেশি বেঁচে থেকে স্মৃতিটা কি হবে, তাই ভাবি । তার চেয়ে এভাবে যাওয়া ঢের বেশি গৌরবের ।

শশী বলিল, কিন্তু নিজের ইচ্ছায় যখন শ্মশি কেউ কি যেতে পারে দিদি ?

ও যে সিদ্ধি লাভ করেছে রে পাগল। ওর অসাধ্য কিছু আছে ?

পাগলদিদি বোধ হয় লুকাইয়া আসিয়াছিলেন, তাহাকে দেখিবামাত্র একদল নয়নারী আসিয়া ছাঁকিয়া ধরিল। শশীর সঙ্গে অতি কষ্টে বাড়িতে ঢুকিয়া তিনি দরজা বন্ধ করিয়া দিলেন। ভিড় পাগলদিদির সহ হয় না। তাহাকে দেখিবার সম্ভব জনতা চেষ্টামেচি করে কিন্তু তিনি কখনো বাহিরে আসেন না। তেল সিঁদুর হাতে করিয়া মেয়েরা তাঁহার রুদ্ধ দরজার সম্মুখ হইতে ফিরিয়া যায়।

যাদব ভিতরে আসিয়া বলিলেন, শশী এসেছ ? সেদিন একটু বকেছিলাম বলে রাগ করে কদিন আর দেখাই দিলে না ভাই ? তোমার কথা ভাবছিলাম শশী। কত ক্রতি করে গিয়েছিলে সেদিন, তোমার সে ধারণা নেই, মায়ার বশে কুপরামর্শ দিয়ে গেলে, থেকে থেকে কথাটা বিমনা করে দিয়েছে, সহজে তুচ্ছ তো করতে পারি না তোমার কথা।

অনেক কথা বলেন যাদব ; তিনি তো চলিলেন, পাগলদিদিকে শশী যেন দেখাশোনা করে। এতকাল অসুখ বিসুখ হইলে সূর্যবিজ্ঞানের জোরে আরোগ্য তিনিই করিয়াছেন, এবার হয়তো শশীর ওষুধ খাইতে হইবে।—শিখলে পারতে শশী সূর্যবিজ্ঞান। বামুনের ছলে নও, মন্ত্রশিষ্টা তোমাকে করতে পারি না, বিজেটা শিখিয়ে দিতে পারতাম। যাদব হাসিলেন—আর তো শেখবার সময় নেই.শশী !

রথের দু দিন আগে খুব বৃষ্টি হইয়া গিয়াছিল। সেদিনও সকালের দিকে কখনো কখনো গুঁড়ি গুঁড়ি বৃষ্টি পড়িল, কখনো মেঘলা করিয়া রহিল। আগের দিন সন্ধ্যা হইতে সংকীর্ণ আরম্ভ হইয়াছিল, সারারাত্রি এক মুহূর্ত বিরাম হয় নাই। সকালবেলা নূতন নূতন লোক আসিয়া দল ভারী করিয়াছে, কীর্তন আরও জাঁকিয়া উঠিয়াছে ! যাদব স্নান করিয়া পট্টবস্ত্র পরিধান করিয়াছেন, সকলে ফুলের মালায় তাঁহাকে গাজাইয়াছে। পাগলদিদিও আজ রেহাই পান নাই, তাঁর গলাতেও উঠিয়াছে অনেকগুলি ফুলের মালা। তবে তেল সিঁদুর দেওয়া সম্ভব বন্ধ করিয়াছে। আজ ষাঁড় বৈধব্য-যাগ তাঁকে ওসব আর দেওয়া যায় না। বেলা বাড়িবার সঙ্গে যাদবের বাড়ির সামনে দ্বার কয়েতপাড়ার পথে লোকে লোকারণ্য হইয়া উঠিল। গাওদিয়া, সাতগাঁ আর উখার ঘামের একদল ছেলে ভলাস্টিয়ার হইয়া কাজ করিতেছে, উৎসাহ তাদেরই বেশি। বাশ পাখিয়া দর্শনার্থী মেয়ে-পুরুষের পথ পৃথক করিয়া দেওয়া হইয়াছে। ভাড়া দাওয়ান যাদবের পিবার আসন। অন্ধনে কয়েকটা চৌকি ফেলিয়া গ্রামের মাতব্বরেরা বসিয়াছেন। তাদের হাঁকা টানা ও আলাপ-আলোচনার ভঙ্গি উৎসব বাড়ির মতো। যেন বিবাহ উপলক্ষ্য সম্পন্ন করাইতে আসিয়াছেন। শীতলবাবু ও বিমলবাবু সকালে একবার



আসিয়াছিলেন, দুপুরে আবার আসিলেন। বাবুদের বাড়ির মেয়েরা আসিলেন অপরাহ্নে।  
যাদব এবং পাগলদিদির তখন মুম্বু অবস্থা!

শশী আগাগোড়া দুজনকে লক্ষ্য করিয়াছিল। বেলা এগারোটায় পর হইতে  
দুজনেই ধীরে ধীরে নিশ্বেজ ও নিদ্রাতুর হইয়া আসিতেছেন দেখিয়া মনের মধ্যে তাহার  
আরম্ভ হইয়াছিল তোলাপাড়। আরও খানিকক্ষণ পরে শশীর দিকে ঢুলঢুল চোখ  
মেলিয়া একবারমাত্র চাহিয়া যাদব এক অদ্ভুত হাসি হাসিয়াছিলেন, পাগলদিদি তখন  
চোখ বুজিয়াছেন। যাদবের মুখ ঢাকিয়া গিয়াছিল চটচটে ঘামে আর কালিমায়, চোখের  
তারার ছুটি সঙ্কুচিত হইয়া আসিয়াছিল। তিন-চার হাজার ব্যগ্র উত্তেজিত লোকের  
মধ্যে ডাক্তার শুধু শশী একা, সে শিহরিয়া উঠিয়াছিল! তবু পলক ফেলিতে পারে নাই।  
যাদব ও পাগলদিদির দেহে পরিচিত মৃত্যুর পরিচিত লক্ষণগুলির আবির্ভাব একে একে  
দেখিয়াছিল।

সকলে যখন টের পাইল যাদবের সঙ্গে পাগলদিদিও পরলোকে চলিয়াছেন, যাদবের  
আগেই হয়তো তাঁহার শেষ নিশ্বাস পড়িবে, চারিদিকে নূতন করিয়া একটা হৈ চৈ পড়িয়া  
গেল। ছেলে-বুড়ো স্ত্রী-পুরুষ একেবারে যেন ক্ষেপিয়া উঠিল! ভাঙ্গাচুরাঘের চেষ্টার  
এতক্ষণ সকলের দর্শন ও প্রণাম শৃঙ্খলাবদ্ধ ভাবেই চলিতেছিল, এবার আর কাহাকেও  
সংযত করা গেল না। যাদব আর পাগলদিদি বৃষ্টি পিষিয়াই যান ভিড়ে। পাগলদিদির  
দুটি পা ঢাকিয়া গেল সিঁদুরে।

তারপর ছেলেদের চেষ্টায় জনতা ঠেকাইবার ব্যবস্থা হইলে শয্যা রচনা করিয়া পাশা-  
পাশি দুজনকে শোয়ানো হল। কায়েতপাড়ার সঙ্কীর্ণ পথে কোনবার রথ চলে নাই, শীতল  
বাবুর হুকুমে বেলা প্রায় তিনটার সময় বাবুদের রথটি অনেক চেষ্টায় যাদবের গৃহের সম্মুখ  
পর্যন্ত টানিয়া আনা হইল। পাগলদিদিকে কোনমতে চোখ মেলানো গেল না, যাদব  
কষ্টে চোখ মেলিয়া একবার চাহিলেন। চোখের তারার ছুটি এখন তাঁহার আরও ছোট  
হইয়া গিয়াছে।

তারপর যাদবও আর সাড়া শব্দ দিলেন না। সকলে বলিল, সমাধি। পাগলদিদি  
যারা গেলেন ঘণ্টাখানেক পরে, ঠিক সময়টি কেহ ধরিতে পারিল না। একটি ব্রাহ্মণ  
সধবা গঙ্গাজলে মুখের ফেনা ধুইয়া দিলেন। যাদবের শেষ নিশ্বাস পড়িল  
গোধূলি-বেলায়।

শশীর স্পর্শ করিবার অধিকার নাই! তক্ষাত হইতে সে ব্যাকুলভাবে বলিল—ওঁর  
মুখে কেউ গঙ্গাজল দিন।

সত্যি মিথ্যায় জড়ানো জগৎ। মিথ্যারও মহত্ত্ব আছে। হাজার হাজার মানুষকে  
পাগল করিয়া দিতে পারে মিথ্যার মোহ। চিরকালের জগৎ সত্য হইয়াও থাকিতে

পারে মিথ্যা। বারা যাদব ও পাগলদিদির পদধূলি মাথার তুলিয়া ধর হইয়াছিল, তাদের মধ্যে কে ছুজনের মৃত্যুরহস্ত অন্বেষণ করিতে পারিবে? চিরদিনের অল্প এ ঘটনা মনে গাঁথা হইয়া রহিল, এক অপূর্ব অপার্থিব দৃশ্যের স্মৃতি। দুঃখস্বপ্নের সময় এ কথা মনে পড়িবে। জীবন রুদ্ধ নীরস হইয়া উঠিলে এ আশা করিবার সাহস থাকিবে যে, খুঁজিলে এমন কিছুও পাওয়া যায় অগতে, বাচিয়া থাকার চেয়ে যা বড়। শোক, দুঃখ, জীবনের অসহ্য ক্লান্তি এ সব তো তুচ্ছ, মরণকে পর্যন্ত মাহুষ মনের ঘোরে জয় করিতে পারে। কত সংকীর্ণ দুর্বলচিত্তে যে যাদব বৃহত্তের অল্প, মুহূ হোক, প্রবল হোক, ব্যাকুলতা জাগাইয়া রাখিয়া গিয়াছেন, শশী তাই ভাবে। যখন ভাবে, তখন আপিমের ক্রিয়ায় যাদবের চামড়া ঢাকিয়া চটচটে ঘাম, বিন্দুর মতো ছোট হইয়া আসা চোখের ভারকা আর মুখে ফেনা উঠিবার কথা সে তুলিয়া যায়।

বধী আসিয়াছে। খালে জল বাড়িল, ডোবা-পুকুর ভরিয়া উঠিল। চারিদিকে কাদা, জাড়া পথে কোথাও যাওয়া মুশকিল। পালকি-বেহারাদের পা কাদায় ডুবিয়া যায় ধীরে ধীরে চলিতে হয়। এমনি বৃষ্টিবাদলার মধ্যে একদিন কুহুমের বাবা মেয়েকে লইতে আসিল। সেইদিন তালপুকুরের ধারে কুহুম কেমন করিয়া পড়িয়া গেল সেই জানে। বলিল, কোমরে চোট লাগিয়াছে আর হাতটা গিয়াছে ভাঙিয়া।

কি করে যাব তোমার সঙ্গে? আমি তো যেতে পারব না! পূজোর সময় এসে আমার নিয়ে যেও।

কুহুমের বাবা অত্যন্ত আপসোস করিয়া বলিল, কতকাল যাওয়া হয় নি, তোর মা কাদাকাটা করেন কুসি। দুটো দিন বরং দেখে যাই, ব্যথাটা যদি কমে।

কুহুম বলিল, দু-চার দিনে এ ব্যথা কি কমে বাবা? কোমরের ব্যথায় নড়তে পারি না। হাড়-টাড় কিছু ভেঙেচে নাকি কে জানে!

হাড়টা সত্যসত্যই মচকাইয়া গিয়াছিল। শশী আসিয়া পরীক্ষা করিবার সময় এক ফাঁকে জিজ্ঞাসা করিল, ইচ্ছে করে পড় নি তো বৌ?

কী যে বর্নে ছোটবাবু! ইচ্ছে করে পড়ে কেউ কোমর ভাঙে?

হাতে তবে তোমার কিছু হয় নি, শুধু কোমর ভেঙেছে, না?

হাতও ভেঙেছে—কুহুম বলিল।

শশী হাতটা নাড়িয়া চাড়িয়া বলিল, কই, বেশী ফোলে নি তো?

কুহুম রাগিয়া বলিল, আবার কি ফুলবে ছোটবাবু, ফুলে কি ঢাক হবে?

পরদিন দুপুরবেলা আকাশ-ঢাকা মেঘে চারিদিক অন্ধকার হইয়া আসিয়াছিল। শশী বসিয়া ছিল নিশ্চেষ্ট ঘরে। গ্রামান্তরে রোগী দেখিতে যাইবার কথা ছিল, মেঘ দেখিয়া

বাহির হয় নাই। নানা কথা ভাবিতে ভাবিতে জোরে খুঁটি নামিয়া আসিল। পরক্ষণে আসিল কুহুম। হাতের ব্যথা সহিতে না পারিয়া ওষুধ লইতে আসিয়াছে।

শশী বলিল, হাতে এমন কি ব্যথা হল যে, এ বিষ্টি মাখায় করে ওষুধ নিতে এলে ? এলেই বা কি করে ? কোমর না তোমার ভেঙ্গে গেছে ?

কুহুম অস্পষ্টভাবে বলিল, কষ্ট করে এলাম।

কেন তা এলে ? বিকেলে আমিই তো যেতাম।

সইতে পারি না ছোটবাবু।

এবার শশী একটু বিবর্ণ হইয়া গেল। চিরকাল এমনভাবে চলিবে না সে জানিত, একদিন ছেলেখেলায় আর কুলাইবে না। তবু এমন বাদলায় কুহুম বোঝাপড়া করিতে আসিল ? কুহুমকে দোষ দেওয়া যায় না। ভাসা-ভাসা হালকা ভাবের আড়াল দিয়া এই দিনটিকে এড়াইয়া চলিবার চেষ্টা বড় নির্মম। কুহুম যে এতদিন সহ্য করিয়াছে তাই আশ্চর্য। যাই থাক তার মনে, কুহুমের কি আসিয়া যায় ? সে কেন চিরকাল তার ভীৰু নীরবতাকে প্রশ্রয় দিয়া যাইবে ? দীর্ঘকাল ধরিয়া কুহুমের প্রতি নিজের অস্বাভাবিক ব্যবহার মনে করিয়া শশীর লজ্জা বোধ হইল।

মুহূৰ্ত্তে সে বলিল, কিছু মনে কোরো না বৌ, আমার আগেই বোঝা উচিত ছিল।

কুহুম কথা বলিল না, শশী যেন তাতে আরও বিবর্ণ হইয়া গেল। জানালা দিয়া ঘরে ছাঁট আসিতেছিল। উঠিয়া জানালাটা বন্ধ করিয়া এতক্ষণে সে হঠাৎ অভ্যস্ত বেখাপ্লা ভদ্রতা করিয়া বলিল, বোসো না বৌ, বোসো ওইখানে।

কুহুম বসিল এবং বসিয়া যেন বাঁচিল। শশী আরও মুহূৰ্ত্তে বলিল, অনেক দিন থেকে তোমায় কটা কথা বলব ভাবছিলাম বৌ। বলি বলি করে বলতে পারি নি। বলা কিন্তু দরকার, নয় ? আমরা ছেলেমানুষ নই, ইচ্ছে হলেই একটা কাজ কি আমরা করতে পারি ? বুঝে-সুঝে কাজ করা দরকার। এক তো ঘ্যাখো পরান আমার বন্ধু উপকার করতে গিয়ে চিরকাল শুধু অপকারই করেছে। তবু, তাও আমি গ্রাহ্য করতাম না বৌ। এই বৃষ্টিতে তুমি এলে, তোমার কাছে সরে বসতে না পেয়ে আমার স্ব কষ্ট হচ্ছে, কারো মুখ চেয়ে আমি তা সইতাম না। কিন্তু আমি গায়েই থাকব না বৌ। আজ বাদে কাল চলে যাব বিদেশে, আর কখনো ফিরব না। এ রকম অবস্থায় একটু মনের জোর করে—

কুহুম হঠাৎ মুখ তুলিয়া বলিল, হাতে ব্যথা বলে ওষুধ নিতে এলাম, এসব আমাকে কি শোনাচ্ছেন ?

শশী খতমত খাইয়া গেল। তারপর মুহূৰ্ত্তে বলিল, কি বললে ? ওষুধ নিয়ে এসেছ ?

হাঁতটার ব্যথা সইতে পারি না ছোটবাবু।

শশী ম্লান মুখে বলিল, হাতের ব্যথার ঔষুধ তো জানি না বো। মালিশের ঔষুধ যা দিয়ে এসেছি তাই মালিশ করগে।—কি করে যাবে এই বৃষ্টিতে ?

কি করে এলাম ?—বলিয়া কুসুম দরজা খুলিয়া বৃষ্টির মধ্যে নামিয়া গেল। চলন দেখিয়া মনে হইল না কাল সে কোমরে চোট খাইয়া শয়্যাগত ছিল। শশীর মনে বধীর মতো বিষণ্ণতা ঘনাইয়া আসে। কুসুম শেষে এমন দুর্বোধ্য হইয়া উঠিল ? সে কত আশা করিয়াছিল কুসুম দীর্ঘ শাস্তভাবে তার সমস্ত কথা শুনিবে, সমস্ত বুঝিতে পারিবে। কোথাও একটুকু না বোঝার কিছু না থাকায় তাদের দুজনের কারো মনে দুঃখ থাকিবে না, অভিমান থাকিবে না, লজ্জাও থাকিবে না, বোঝাপড়া শেষ হইবে গভীর অন্তরঙ্গতায়, —নিবিড় সহানুভূতিতে। তার বদলে একি হইল ? ভাবিয়া ভাবিয়া শশীর মনে হইল, গ্রাম্য মন কুসুমের, কিছু তার বুঝিবার ক্ষমতা নাই।

পরদিন পরানের কাছে সে খবর পাইল, কুসুমের হাত আর কোমরের ব্যথা কমি-  
ছাছে, কাল সে বাপের বাড়ি যাইবে।

কদিন থাকবে বাপের বাড়ি ?

বলেছে তো পূজা পেরিয়ে আসবে। কদিন থাকে এখন !

তোমার কষ্ট হবে পরান ? শশী বলিল।

পরান গভীর মুখে বলিল, কিসের কষ্ট, দুবেলা ভাত দুটো মা-ই ফুটিয়ে দিতে পারবে। ভেবেচিন্তে আমিই এক রকম পাঠাচ্ছি ছোটবাবু। বাপের বাড়ি যেতে না পলে মেয়েমানুষের মাথা বিগড়ে যায়।

রাত্রে কিছু ঠিক ছিল না, ভোর রাত্রে গোবর্ধন এবং আরও দুজন মাঝিকে তুলিয়া শশী বাজিতপুরে যাইবে বলিয়া বাহির হইয়া পড়িল। একা বাজিতপুর যাইতে বড় নৌকা স্বে ব্যবহার করে না, ছোট নৌকায় গোবর্ধন একাই তাহাকে লইয়া যায়। আজ গ্রাহার বড় নৌকাটির প্রয়োজন হইল কেন কেহ বুঝিতে পারিল না। বিছানা পাতিয়া দলের কুঁড়ো, বাড়ির তৈরি খাবার-ভরা টিফিন ক্যারিয়ার, এক ডালা পাকা আম, চায়ের রসুনাম, ঔষুধের ব্যাগ প্রভৃতি নৌকায় তুলিয়া গোবর্ধন সব ঠিক করিয়া ফেলিল। শশী কস্ত নৌকা খুলিল না। তীরে দাঁড়াইয়া টানিতে লাগিল দিগারেট।

রোদ উঠিবার পর কুসুমের ডুলি আসিল ঘাটে ! সঙ্গে অনন্ত আর পরান। শশীকে দখিয়া পরান বলিল, ছোটবাবু যে এখানে ?

শশী বলিল, বাজিতপুর যাব পরান। তোমাদের জন্তে দাঁড়িয়ে ছিলাম।

তোমাদের ও ছোট নৌকায় এদের দিয়ে কাজ নেই, বাজিতপুরপর্যন্ত আমার নৌকায় ল। সেখানে ভাল দেখে একটা নৌকা ঠিক করে দেব।

তাই হোক। কারো আপত্তি নাই।

পরানকে ধরিয়া কুসুম শশীর নোকায় উঠিল। তার তোরঙ্গ, বৌচকা ও অস্ত্র সব জিনিস তোলা হইলে শশী বলিল, তুমি ছইয়ের মধ্যে বিছানায় বসবে যাও বোঁ। সামনের দিকে এগিয়ে বসো, তাহলে চাদ্বিক দেখে যেতে পারবে।

৯

নৌকার দোঙ্গনে ঢুলিয়া ঢুলিয়া কুসুমের বাবার ঘুম আসে। কুসুম ছইয়ের মধ্যে পিছনে হালের দিকে তাহার শোবার ব্যবস্থা করিয়া দিল। সে ঘুমাইয়া পড়িলে শশীকে ডাকিয়া বলিল, হঠাৎ আমাকে বাপের বাড়ি পৌঁছে দেবার শখ হল কেন শুনি ?

বলিয়া মূঢ় হাসিল কুসুম।

শশী বলিল, তুমি ভাবছ কাজ নেই, না? তোমার জন্তে যাচ্ছি শুধু? উকিলের সঙ্গে দেখা করব।

মামলা আছে বুঝি ?

মামলা তো দুটো-একটা লেগেই আছে, সে জন্ত নয়। কি কারণে যেতে লিখেছেন, জরুরী। তবে আজ না গেলেও চলত।

কুসুম একটু হাসিল।

আড়চোখে একবার বাপের দিকে চাহিয়া কুসুম বলিল, আমার জন্ত এলেন আজ, না ?

শশী বলিল, হ্যাঁ।

গভীর স্বপ্নে কুসুমের মুখখানা উজ্জ্বল হইয়া উঠিল। তবু নিঃশ্বাস ফেলিয়া হৃৎকের সঙ্গেই বলিল, ভেঁবেছিলাম বাপের বাড়ি গিয়ে কামাস থাকব, তা আর হবে না বুঝতে পারছি।

আশ্চর্য চরিত্র কুসুমের! এতক্ষণে শশী একটু লজ্জা বোধ করিল! সেদিন রহস্য সৃষ্টি করে নাই কুসুম। ওইরকম বাঁকা তার মনের কথা বলিবার ধরন। সে কিছু বুঝিবে না, কিছু মানিবে না। কেন ভাবিয়া মরে শশী? সেদিন কুসুমের ব্যবহারের মানে ছিল শুধু এই! আর এক বিষয়ে শশী বিস্মিত হয়। সেদিন সে গ্রাম ছাড়িয়া চলিয়া যাইবার কথা বলিয়াছিল। সে সম্বন্ধে কুসুমের কি বলিবার কিছু নাই? কথাটা সে বিশ্বাস করে নাই নাকি ?

বাক্তিতপুয়ের ঘাটে নৌকা বাধিয়া শশী নামিয়া গেল। গোবর্ধনকে বলিয়া দিল, কুসুমকে বাপের বাড়ি পৌঁছাইয়া দিয়া বিকালে যেন নৌকা আনিয়া ঘাটে রাখে।

বাক্তিতপুয়ের সিনিয়র উকিল রামতারণবাবুর কাছে মোকদ্দমা উপলক্ষে শশীকে

মাঝে মাঝে আসিতে হয়, এবারেও দেখা করিবার জন্ত দিন তিনেক আগে তাঁর একখানা চিঠি পাইয়া শশীর কোন অসাধারণ প্রত্যাশা জাগে নাই! ব্যাপার শুনিয়া খানিকক্ষণ তাই সে বিস্ময়ে হতবাক হইয়া রহিল। দশটা গ্রামকে বিচলিত ও উত্তেজিত করিয়া যাদব মরিয়াছেন, কিন্তু আরও যে চমক তিনি সঞ্চিত করিয়া রাখিয়া গিয়াছেন সকলের জন্ত, শশী তো তাহা ভাবিতেও পারে নাই।

গ্রামে একটি হাসপাতাল করার জন্ত যা-কিছু ছিল যাদবের সব তিনি দান করিয়া গিয়াছেন। ব্যবস্থার ভার শশীর, দায়িত্ব শশীর।

কি ছিল যাদবের? হাসপাতাল করার উপযুক্ত দান হিসাবে অত্যধিক কিছু নয়, যাদবের দান হিসাবে বিস্ময়কর, প্রচুর। হাজার পনের টাকার কোম্পানির কাগজ, বায় তের হাজার নগদ, আর যেখানে যাদব বাস করিতেন সেই বাড়ি ও জমি। এত টাকা ছিল যাদবের? পুরানো ভাঙা বাড়িটার স্মৃতিস্মৃতিতে ঘরে যাদব ও পাগলদিদির সাদাসিধে ঘরকন্নার ছবি শশীর মনে পড়িতে লাগিল, ক-খানা বাসন, মাটির হাঁড়ি-কলসী, কাঠের জীর্ণ সিন্দুক গৃহসজ্জার অভাবজনিত দীনতা। তাও অপূর্ব ছিল সত্য, সে ঘরের পরিচ্ছন্নতা, ধূপগন্ধী শাস্ত আবহাওয়া চিরদিন শশীকে অভিভূত করিয়াছে, কিন্তু টাকার ছাপ তো কোথাও ছিল না সেই গৃহী-সন্ন্যাসীর গৃহে।

রামতারণের বয়স হইয়াছে। আদালতে যাওয়া তিনি অনেক কমাইয়া ফেলিয়াছেন। ভোর চারটেয় উঠিয়া আফ্রিক করিতে বসেন, মাল্লুঘটা ধার্মিক। বলিলেন, স্বেচ্ছায় দেহত্যাগ করবেন এরকম একটা খবর কানে এসেছিল, গুজব বলে বিশ্বাস করি নি। নইলে একবার দেখতে যেতাম। এখন আপসোস হয়। কতবার পায়ের ধুলো দিয়েছেন, এত বড় মহাপুরুষ ছিলেন জানলে পরকালের কিছু কাজ করে নিতাম। এসেছেন গিয়েছেন, টেরও পাইনি কি জিনিস ছিল তাঁর মধ্যে।

শশী বলিল, অনেকে সিদ্ধপুরুষ বলত।

তাই ছিলেন। এমন আত্মগোপন করে থাকতেন, বুঝবার কোন উপায় ছিল না। আগে যদি জানতাম।

অনেক কথা হয়, অনেক আলোচনা, অনেক পরামর্শ। রামতারণের ছেলে, জামাই, মুহুরি, আমলারা চারিদিকে ঘিরিয়া আসিয়া স্তব্ধ বিস্ময়ে শশীর কথা শুনিয়া যায়। যাদবের দেহত্যাগের বর্ণনা শুনিতে শুনিতে রামতারণ আবেগের সঙ্গে বলেন, মরছে সবাই, অমন মরণ হয় কল্পনের? অল্পখ নেই বিস্ময় নাই, ইচ্ছা হল আর দেহ ছেড়ে আত্মা অনন্তে মিশিয়া গেল। তোমার ডাক্তারি শাস্ত্রে একে কি বলে শশী?

কি বলবে? কিছুই বলে না।

রামতারণ আরও আবেগের সঙ্গে বলেন, কোথেকে বলবে? ভারতবর্ষ ছাড়া

জগতের কোথায় আঁছে এ জ্ঞান ? ভাবলেও গায়ে কাঁটা দিয়ে ওঠে । দুপাতা ইংরেজী পড়ে এসব আমরা অবিশ্বাস করি, ফাঁকি বলে উড়িয়ে দিই—কই এবার বলুক দেখি কেউ কোথায় এতটুকু ফাঁকি ছিল ? নিজে তুমি ডাক্তার মাহুস আগাগোড়া দাঁড়িয়ে সব দেখেছ । যাও শশী সমস্ত বিবরণটা লিখে কাগজে ছাপিয়ে দাও, পড়ে মতিগতি একটু ফিরুক মাহুসের ।

অল্প বয়স হইতে এ-বাড়িতে শশীর আনাগোনা আছে । ছপুরে খাওয়া-দাওয়া করিয়া এখানেই সে বিশ্বাস করিল । মৃত্যুর কয়েকদিন আগে শহরে আসিয়া যাদব শেষ উইল করিয়া গিয়াছিলেন । প্রাণ ও মন বাঁচানোর জন্ত পালানোর পরামর্শ দিয়া যেদিন শশী তাঁর বকুনি শুনিয়াছিল, তারও পরে । মরিবার জন্ত যাদব হয়তো সেই সময়েই মনস্থির করিয়াছিলেন, তার আগে বোধ হয় নয় ! শশী আজ সব বুঝিতে পারে । যে রকম অপূর্ব ও লোভনীয় হইয়া উঠিয়াছিল মরণ, মাহুস কি সে লোভ ছাড়িতে পারে ? নিজে দাঁড়াইয়া সব সে দেখিয়াছিল আগাগোড়া, মরণ এবং কারণ চিরদিনের জন্ত তারই মনে গাঁথা হইয়া রহিল ।

তাকে জড়াইয়া গেলেন কেন ? সে ম্লেচ্ছ নাস্তিক, শেষ পর্যন্ত 'অবিশ্বাস করিয়া আসিয়াছে যাদবের আলৌকিক শক্তিতে ; তবু হাসপাতাল করার ব্যাপারে তারই হাতে সমস্ত কর্তৃত্ব ছাড়িয়া দিয়া গেলেন । তাকে বিশ্বাসী করার জন্ত কি ব্যাকুলতা ছিল যাদবের, শশীর সে কথা মনে পড়ে । মাহুসটার চরিত্রের কত আশ্চর্য দিক যে একে একে পরিস্ফুট হইয়া উঠিতে থাকে । এই উইলের বিষয় তাকে কিছু না জানানো, এও এক অসাধারণত্ব যাদবের । জানাইয়া গেলে ভার গ্রহণ করিতে সে অস্বীকার করিতে পারিত না, তবু যে যাদব জানান নাই তার কারণ হয়তো আর কিছুই নয়,—এতগুলি টাকা তার অধিকারে রাখিয়া যাওয়ার জন্ত যদি তার সহজ ব্যবহারের ব্যতিক্রম হয় ? ক্লতজ্ঞতায় হোক আর যে কারণেই হোক, মন-রাখা কথা যদি শশী বলে ? শেষ কয়েকটা দিনে তাঁর যোগসাধনার ক্ষমতায় শশীর বিশ্বাস জন্মিলে যদি বুঝিতে না পারা যায় ও বিশ্বাস স্বতোৎসারিত, এর পিছনে আর কোন পার্থিব বিবেচনার প্রেরণা নাই ?

বিকালে গোবর্ধন আসিল । গ্রামে ফিরিতে হইয়া গেল রাত । শশীর কাছে সমস্ত কথা শুনিয়া বিন্ময়াবিষ্ট গোপাল বলিল, এত টাকা লোকটা পেল কোথায় রে, এঁয়া ?

বড়লোকের ছেলে ছিলেন বোধ হয় ।

ওয়ানিশ থাকিলে খবর পেয়ে তারা বোধ হয় গোলমাল করবে শশী, মামলা মোকদ্দমা না করে ছাড়বে না সহজে । তুই না বিপদে পড়িস শেষে ।

আমার কিসের বিপদ ? আমাকে তো দেননি টাকা ! এসব উইল সহজে ওলটায় না ।

গোপাল অঁকারে গলা নীচু করিয়া বলিল, কারো কাছে হিসাবনিকাশ দিতে হবঁ না তোকে ?

শশী বলিল, টাকাপয়সার ব্যাপার, হিসাবনিকাশ থাকবে না ? তবে আমাকে কৈফিয়ত দিতে হবে না কারো কাছে । আমার খুশিমত তিনজন ভদ্রলোককে বেছে নিয়ে কমিটি করব, তাঁরা শুধু আমাকে পরামর্শ দেবেন,—সববিষয়ে কর্তৃত্ব থাকবে আমার ।

এত খাটবি-খুটবি, তুই কিছু পাবি না শশী ?

হাসপাতালের ডাক্তার হিসেবে ইচ্ছা করলে কিছু মাইনে নিতে পারব ।

সমস্ত রাত ভাবিয়া পরদিন গোপাল বলিল, তাখ শশী, তুই ছেলেমানুষ, এ সব গোলমালে ব্যাপারে তোর থেকে কাজ নেই,—এ সব নিয়ে থাকলে ডাক্তারি করবি কখন ? হাদ্জামা তো সহজ নয় ! তার চেয়ে আমার হাতে ছেড়ে দে সব, আমি সব ব্যবস্থা করব । গাঁয়ের হাসপাতাল হবে, এত সব বয়স্ক বিচক্ষণ লোক থাকতে সব ব্যাপারে ছেলেমানুষ তুই তোর কর্তৃত্ব থাকলে সকলে চটে যাবে শশী, শক্ততা করে সব পণ্ড করে দেবে । তুই সরে দাঁড়া !

শশী বলিল, তা হয় না ।

হয় না ? কেন হয় না শুনি ? তুই বুঝি অবিশ্বাস করিস আমাকে ?

শশী এবার বিরক্ত হইয়া বলিল, অবিশ্বাসের কথা কোথা থেকে আসে ? আর কারোকে ভার দেবার অধিকার নেই । আমি দায়িত্ব না নিলে গভর্নমেন্টের হাতে চলে যাবে ।

গোপাল বোধ হয় কথাটা বিশ্বাস করিল না । পরদিন সে চলিয়া গেল বাজিতপুর । ফিরিয়া আসিয়া বলিল, উইলটা দেখে এলাম শশী । সব দায়িত্ব তোকে নিতে হবে, কিন্তু কাজের কনট্রাক্ট তুই যাকে খুশি দিতে পারিস, তাতে কোন বাধা নেই । তাই দ আমাকে । এজেন্ট করে নে আমায় ।

শশী বলিল, কোথাও কিছু নেই, আগে থেকে আপনি এত ব্যস্ত হয়ে পড়লেন কেন ? গোপাল বলিল, ব্যস্ত কি হই মাধে ? তুই ছেলেমানুষ, কি করতে কি করে বসবি—আপনার সঙ্গে পরামর্শ করেই করব ।

একজন সংকাজে যথাসর্বস্ব দান করিয়া গিয়াছে, আর একজন তাতে কিছু ভাগ বসাইতে চায় । কিছু ভাল লাগে না শশীর । অসংখ্য দুর্ভাবনা ঘনাইয়া আসে । এদিকে অবিশ্বাস বর্ধা নামিয়াছে । তাও অসহ । গ্রাম ! কি শ্রীহীন কদম্ব প্রকৃতির এই লীলাভূমি ? বর্ধার নির্মল বার্নিপাতে গলিয়া হইল পাক, পচিয়া হইল দুর্গন্ধ । শশানোর দিন আরও কতকাল পিছাইয়া গেল কে জানে । কুহুম ফিরিবার আগে গ্রাম



ছাঁড়িতে পারিলে হইত। আর সে উপায় নেই! দেশে এত গণ্যমান্ত লোক থাকিতে যাদব শেষে এমন বিপদে ফেলিয়া গেলেন তাহাকেই।

যাদবের মহা-মৃত্যুর উত্তেজনা এখনও কাটিয়া যায় নাই, উইলের খবরটা প্রকাশ পাওয়া মাত্র আর একদফা উত্তেজনার প্রবাহ বহিয়া গেল। শীতলবাবু শশীকে ডাকিয়া সব শুনিলেন, বলিলেন, পণ্ডিতমশাই বলে এবং তিনি স্বর্গীয় বলে শশী, নইলে আমি থাকতে আমার গায়ে আমাকে ডিঙিয়ে হাসপাতাল দেবার স্পর্ধা কখনো সইতাম না। তা শোনো তোমার ফণ্ডে আমি হাজার টাকা চাঁদা দেব।

শশীর ফণ্ড! টাকাগুলি যাদব যেন শশীর কল্যাণেই দান করিয়া গিয়াছেন। গ্রামের মাগুবরেরাও সদলে শশীর কাছে যাতায়াত শুরু করিলেন! শীতলবাবুর মতো মনে সকলের আঘাত লাগিয়াছে! এত সব ধনী মানী বয়স্ক লোক থাকিতে এত বড় একটা ব্যাপারের সম্পূর্ণ ভার শশীকে দিয়া গেলেন, কি বিশ্বয়ের কাণ্ড যাদবের! কি অপমান সকলের! অপমান বোধ করিয়াও তাহারা কিন্তু থাকিতে পারিলেন না দূরে, শশীকে ছাঁকিয়া ধরিলেন। তিনজনের বদলে অযাচিতভাবে পরামর্শদাতা ত্রিশজন সভ্যের কমিটিই যেন গড়িয়া উঠিল শশীকে ঘিরিয়া। আর গোপাল অবিরত ছেলের কানে মন্ত্র জপিতে লাগিল, পারবি না শশী তুই, পারবি না,—আমার ছেড়ে দে সব।

যাদবের ভাঙা ঘরের চাবি গ্রামের জমিদার হিসাবে শীতলবাবুর কাছে জমা ছিল। একদিন দেখা গেল তালা ভাঙিয়া ঘরের জিনিসপত্র কে তছনছ করিয়াছে, এখানে ওখানে শাবল দিয়া করিয়াছে গভীর গর্ত। ঘটিবাটি কয়েকটি যায় নাই দেখিয়া বোঝা গেল ঘরে ছাঁচড়া চোর আসে নাই, আসিয়াছিল কল্পনাপ্রবণ অল্পসন্ধি—গুপ্তধনের সন্ধানে।

শ্রীনাথ চাঁচাইয়া বলিতে লাগিল, মরবে ব্যাটারা, মরবে।—যে হাত দিয়ে শাবল ধরেছিল খসে খসে পড়বে ব্যাটারদের।

আইন-ঘটিত হাংগামাগুলি সহজে মিটিল না। সাধারণের উপকারার্থে দান করা অর্থের উপর আর একজন যুবকের অধিকার, উইলে স্পষ্ট লেখা থাকিলেও, আইনের চোখে কেমন কটু ঠেকিতে লাগিল। কোন পক্ষ হইতে ঠিক বোঝা গেল না, সম্ভবত আকাশ ফুঁড়িয়া গোপাল দাসের ছেলেটার পকেটে এতগুলি টাকা আসিবার সম্ভাবনার গারে যাদের ধরিয়া গিয়াছিল জালা, তাদের পক্ষ হইতেই তদ্বিরের ফলে, উইলের কয়েকটা গলদ বাহির করিয়া উইল বাতিল করার চেষ্টাও হইল। অল্পসন্ধান হইল অনেক, শশী বাজিতপুরে ছুটাছুটি করিল অনেকবার, উইলের সাক্ষীদের অনেক জেরা করা হইল, তারপর বেওয়ারিশ যাদবের অর্থ ও সম্পত্তি দিয়া গাওদিয়া হাসপাতাল করিবার অধিকার শশী পাইল। কমিটি গঠন করিবার সময় শশী পড়িল আর এক বিপদে! কাকে রাখিয়া কাকে আহ্বান করিবে? উইলে নির্দেশ আছে মান্তগণ্য তিনজন বয়স্ক ভদ্র-

লোক । মার্জ্জগণ্য ভক্তলোকের অভাব নাই, কিন্তু শশী যাদের মানে, কমিটিতে আসিলে শশীকে তাঁরা মানিবেন না, শশীর যারা অহুগত তারা আসিলে অহুগতেরা অগ্নিশর্মা হইয়া উঠিবে । শীতলবাবুকে অহুরোধ করিতে তিনি অস্বীকার করিলেন, রাগও করিলেন । শশী কর্তালী করিবে, গ্রামের জমিদার, তিনি শুধু দিবেন পরামর্শ ? স্পর্ধা বটে শশীর !

শশী সবিনয়ে বলিল, আমি কেন, আপনি সব বিষয়ে হেড থাকিবেন ।

উইলে তো লেখনি বাপু ?

অবস্থা বিবেচনা করিয়া শশী তখন বলিল, তবে থাক, ব্যস্ত মানুষ আপনি, এসব হাংগামায় আপনার থেকে কাজ নেই । হাসপাতাল হলে যে স্থায়ী কমিটি হবে আপনাকে তো তার প্রেসিডেন্ট হতেই হবে । মাঝে মাঝে আমি আসব, উপদেশ নিয়ে যাব আপনার । আপনি সহায় না থাকলে এত বড় ব্যাপার আমি কেন সামলাতে পারব বলুন ?

প্রেসিডেন্ট হতে হবে নাকি আমায় ?

আপনি থাকতে আর কে প্রেসিডেন্ট হবে—শশী যেন আশ্চর্য হইয়া গেল ।

তখন প্রীত হইয়া শীতল শশীকে খাতির করিয়া বসাইলেন, ছকুম দিলেন জলখাবার আনিবার । বলিলেন, আর কে কে থাকিবে কমিটিতে ?

শশী বলিল, কাকে নিলে স্থবিধা হয় আপনি যদি তা বলে দিতেন—

শীতল বলিলেন আমাদের মুসেফকে নাও না, উখারার সত্যহরিবাবুকে ? আইনজ্ঞ মানুষ ।

শশী বলিল, বলব ওঁকে । তা'হলে দুজন হল—আপনি আর সত্যহরিবাবু । আরও একজন চাই । সাতগাঁর হেডমাস্টার কেশববাবুকে নিলে কেমন হয় ?

এমন কৌশলে শীতলকে বশ করিতে পারায় এবার সহজেই যথারীতি কমিটি গঠিত হইল । শীতলের গৃহে সভেরা একত্র হইয়া পরামর্শ করিতে লাগিলেন । মতান্তরের যে আশঙ্কা শশীর ছিল, দেখা গেল সেটা প্রায় অমূলক । মতান্তরের ভয়টা তার চেয়ে ওঁদেরও কম নয় । বিনয় ও নম্রতার মধ্যেও কোন বিষয়ে শশীর দৃঢ়তা উঁকি দিলে শীতলও সে বিষয়ে আর প্রতিবাদ করেন না, সংঘর্ষ বাচাইয়া চলেন । সত্যহরি ও কেশব বৃদ্ধ, অত্যন্ত নিরীহ মানুষ । ঠিক হইল, ফণ্ড খুলিয়া টাকা তোলা হইবে, যাদবের ভাড়া বাড়ি ও জমি বেচিয়া সাতগাঁ, উখারা ও গাওদিয়ার সংযোগস্থলে হাসপাতালের জঙ্গ জমি কেনা হইবে । শীতলের সভাপতিত্বে একদিন গ্রামে একটা সভা হইয়া গেল ! সভায় নিজের বক্তৃতা শুনিয়া নিজেই শশী হইয়া গেল অবাक । কে জানিত সে এমন স্থন্দর বলিতে পারে ! সভায় যথেষ্ট উৎসাহ ও উত্তেজনার স্রষ্টি হইয়াছিল বটে কিন্তু

শেষের দিকে হঠাৎ মুঘলধারে বৃষ্টি নামায় উত্তেজনা একটু নরম হইয়া আসিল। ছেলেরা চাদরের প্রান্ত ধরিয়া অর্ধ সংগ্রহের জন্ত সভায় ঘুরিতে আরম্ভ করা মাত্র মেঘের অজুহাতে অনেকে বাড়িও চলিয়া গেল।

প্রথমে অনেক ভয় ভাবনা ছিল, এখন শশীর মন উৎসাহে ভরিয়া উঠিয়াছে। বড় কিছু করিবার যে আগ্রহ চাপা পড়িয়া তাহাকে উতলা করিয়া তুলিয়াছিল, তারই যেন একটা মুক্তি হঠাৎ তাহার জুটয়া গিয়াছে। সারাদিন জলকাদায় ছুটাছুটি করিয়া হিসাবের খাতাপত্র বগলে বাড়ি ফিরিয়া সে গভীর শ্রান্তি ও নিবিড় তৃপ্তি অহুভব করে। জীবনে নতুনত্ব আসিয়াছে, বৈচিত্র্য আসিয়াছে। যাদবের কাছে সে বোধ করে কৃতজ্ঞতা। তার সম্বন্ধে গ্রামবাসীর মনে যে দ্রুত পরিবর্তন আদিতেছে তাতেও শশী এক উত্তেজনাময় আনন্দের স্বাদ পায়। এতদিন সে ছিল ডাক্তার, এবার যেন আপন হইতে ছোটখাট একটা নেতা হইয়া উঠিতেছে। কাজের মানুষ বলিয়া গ্রামের ছেলেরা শশীকে এতদিন এড়াইয়া চলিত, এবার দল বাঁধিয়া আসিয়া কাজের নামে হৈ-চৈ করার স্বযোগ প্রার্থনা করিতেছে শশীর কাছে।—এই বর্ষার গায়ে গায়ে শশীর নির্দেশমতো সকলে তাহারা চাঁদা সংগ্রহ করিতে ছুটিয়া গেল! উথারায় পাশের গ্রামে কিসের সভা হইবে, ডাক আসিল শশীর কিছু বলা চাই। শুধু তাই নয়, গ্রামের সামাজিক ব্যাপারের জটলায় জীবনে এবার প্রথম ছেলেমানুষ শশীর আস্থান হইল, সে গিয়া না পৌঁছানো পর্যন্ত সভার কাজ স্থগিতও রাখা হইল। ধারা বয়স্ক, শশীর বয়স যেন তাঁরা তুলিয়া গিয়াছেন।

কিন্তু সামাজিক ব্যাপারে শশী যোগ দিল না। সে জানে এ শুধু বার্ষিকের অস্থায়ী আবেগ, যৌবনের সঙ্গে ছুদিনের অন্ধ সন্ধি। আজ যে হুঁকা ও কাশির শব্দে মুখরিত সভায় তাকে সম্মানের আসন দেওয়া হইবে, কাল সেখানে তার জুটিবে টিটকারি!

এদিকে গোপাল কেমন যেন মুষড়াইয়া গেল। হাসপাতাল-সংক্রান্ত কোন ব্যাপারে শশী যে তাকে হস্তক্ষেপ করিবার অধিকার দিল না তা যেন তাকে গভীরভাবে আঘাত করিল। উদ্ধত প্রকৃতি গোপালের, অভিমানী মন। শশী তার একমাত্র ছেলে। তার কাছে এমন ব্যবহার গোপাল কল্পনা করিতে পারিত না। মাঝে মাঝে সে অবাধ হইয়া শশীর দিকে চাহিয়া থাকে, কিছু যেন বুঝিতে পারে না। ছেলের মনেও শ্রদ্ধা বজায় রাখিতে হইলে নিজের জীবনকে যে বাপের পর্যন্ত শ্রদ্ধার উপযুক্ত করিয়া রাখিতে হয় এ শিক্ষা গোপালের ছিল না। অদৃষ্টকে দোষারোপ করিয়া সে তাই মনে মনে হায় হায় করে। অহুতাপও যেন আসে গোপালের। মাঝে মাঝে সে ভাবে যে, যত অস্ত্রায় করিয়াছে জীবনে এই তার শাস্তি!

একদিন সে শশীকে বলিল, জানিস শশী, অনেক পাপে ভগবান আমাকে তোঁর

মতো ছেলে দিয়েছেন। তোর এত মহত্ব কিসের তা কি আমি আর কিছু বুঝি না জাবিস। আমার সঙ্গে রেশারেশি করিস তুই, আমাকে লজ্জা দেবার জন্তু ছায়বান সঙ্গে থাকিস! মহত্ব! বাপ পাণ্ডিত্য, উনি মহৎ! লজ্জা করে না শশী তোর?

গোপালের মুখ দেখিয়া শশী একটু ভীতভাবে বলিল, আপনাকে আমি কখনো সমালোচনা করি নি বাবা।

অবিশ্বাস তো করিস!

শশী মুহূর্ত্তেরে বলিল, কিছু বোঝেন না, যা তা ভেবে রাগ করেন। এতে বিশ্বাস-অবিশ্বাসের কথা তো কিছুই নেই। আপনি যা বলেছিলেন তা যদি করতাম, লোকে বলত না বাপ ব্যাটায় মিলে হাসপাতালের টাকা লুটছে?

কথাটা সাময়িকভাবে গোপালের কানে লাগে। তবে গোপালের অভিযোগ তো শুধু যাদবের টাকাগুলি নাড়াচাড়া করার অধিকার হইতে বঞ্চিত হওয়ার জন্তু নয়। যত দিন যাইতেছে সে টের পাইতেছে, শশীর মনে, শশীর জীবনে তার স্থান আসিতেছে সঙ্কুচিত হইয়া। শশী যে তাকে শুধু শ্রদ্ধা করে না তা নয়, সে জন্তু আপসোসও যেন শশীর নাই। এই টুকুই গোপালকে পাগল করিয়া দিতে চায়।

গোপাল কত কি ভাবে। রাত্রে তার ঘুম হয় না! মাঝরাত্রে ঘুম ভাঙিয়া শশী তাহার তামাক টানার শব্দ শুনিতে পায়। সামান্য একটু স্তব্ধতার জন্তু মাহুকের জীবন নষ্ট করিয়া যে মাহুকের এক মুহূর্ত্তের জন্তু কখনো অহুতাপ হয় নাই, গভীর ও অপরূপ এক হীনতা থাকার জন্তু যার কঠোর কর্মঠ প্রকৃতি শুধু নিষ্ঠুরতায় গড়া, শশী কি তাকে ভাবপ্রবণ করিয়া তুলিল? সেনদিদির কাঁধে হাত রাখিয়া সে যখন শ্রান্ত গলায় বলে, জানিস সরোজ, ছেলেমেয়ের কাছে থেকে একদিনের তরে স্বপ্ন পেলাম না—তখন কাছে উপস্থিত থাকিলে শশী বোধ হয় চমকিয়া যাইত। সেনদিদির কাঁধে হাত রাখিবার জন্তু নয়, গোপালের মুখ দেখিয়া, গলার স্বর শুনিয়া। হয়তো সে বুঝিতেও পারিত কত ছুঁধে কানা সেনদিদির কাছে গোপাল আজ সাস্বনা খুঁজিয়া মরে।

একদিন গোপাল একেবারে পাঁচশত টাকা শশীর হাতে তুলিয়া দিল।

কিসের টাকা?

হাসপাতাল ফণ্ডে আমি দিলাম শশী।

শশী বলিল, মোটে পাঁচশো। লোকে কি বলবে বাবা?

কি আশা করিয়াছিল গোপাল, কি বলিল শশী! নোটগুলি গোপাল ছিনাইয়া লইল, আশ্বিন হইয়া বলিল, কত দেব তবে? লাখ টাকা? দেব না যা এক পয়সা আমি!

শশীকে ঘিরিয়া যখন এমনি গোলমাল চলিতেছে একদিন আসিল কুসুম, কয়েক দিন পরে আসিল মতির খবর।

মতির কথা গোড়া হইতে বলি ।

রাজপুত্র প্রবীরকে স্বামী হিসাবে পাইয়া মতির স্বখের সীমা নাই । গ্রাম ছাড়িতে চাখে জল আসে, অজানা ভবিষ্যতের কথা ভাবিয়া একটা রহস্যময় ভীতি বুক চাপিয়া ধরে, তবু আহ্লাদে মেয়েটা মনে মনে যেন গলিয়া গেল । এইটুকু বয়সে এমন উপভোগ্য ন-কেমন-করা ! শ্রীমার ছাড়িলে জেটিতে দাঁড়ানো পরানকে ঘোমটার ফাঁকে দেখিতে দেখিতে ভিতরটা যখন তোলপাড় করিতে লাগিল আর চোখের জলে সব ঝাপসা হইয়া গেল, রাজপুত্র প্রবীর পাশে বসিয়া আছে অসুভব করার মধ্যেই তখন কি উত্তেজনা কি মাস্বাস !

কলিকাতায় পৌছিয়া আগে সে যে একবার কুমুদের খোঁজেই কলিকাতা আসিয়াছিল, তি সে বিষয়ে কিছুই বলিল না । প্রথম এই শহরটা দেখাইয়া কুমুদ তাহাকে থ বানাইয়া দিতে চায় বুঝিয়া মতি যথোচিত থ-ই বনিয়া গেল । একটু বোকার মতো কথা বলিতে লাগিল মতি, এটা কি ওটা কি জিজ্ঞাসা করিয়া কুমুদকে অস্থির ও আনন্দিত করিয়া হুলিল—কি অনিন্দ্য মতির বানানো উচ্ছ্বাস !

কোথায় উঠব আমরা ?

হোটলে উঠব । কদিন হোটলে থেকে, তোমায় সব দেখিয়ে শুনিয়া বাসা-টাসা দি করি তো করব, নয়তো বেড়াতে চলে যাব কোথাও । কেমন ?

তাই হোক । যা খুশি ব্যবস্থা করুক কুমুদ, মতির কোন আপত্তি নাই । নতুন বা সে, স্বামী এখন যেমন রাখিবে তেমনি থাকিবে, তারপর সংসার পাতিয়া দিলে তখন শুরু হইবে গৃহিণীপনা । এখন তাহার কিসের দায়িত্ব কিসের ভাবনা ? নিজের সৌভাগ্যে মতি পুলকিত হইয়া থাকে । গায়ের কোন্ মেয়ে তার মতো এমন ভাগ্য-ভাগী ? মনের মতো বরের সঙ্গে তো বিবাহ হয়ই না, খুশুর বাড়ি গিয়া প্রথমে ঘোমটা দেয়া ঘরের কোণে বসিয়া থাকে, তারপর বাসন মাজে, ঘর লেপে, রান্না করে আর গালা-পালি খায় ! কত ভয়, কত ভাবনা, কত তারা পরাধীন । আর তার নিজের পছন্দ করা বর, বিবাহের পরেই এমন ক্ষুর্তি করিয়া বেড়ানো, সব বিষয়ে স্বাধীনতা । হোটেলের রাখানা মতির পছন্দই হইল । রাস্তার দিকে দুটি জানালা আছে, ঝুঁকিলে দুদিকে মনেক দূর অবধি দেখা যায় । ঠিক সামনে একটা ছোট গলি সোলা গিয়া পড়িয়াছে । এদিকের বড় রাস্তায় ! সেখানে ট্রাম চলে । কুমুদের সাহায্যে বিছানা পাতিয়া মতি তার গুছাইয়া ফেলিল ! হোটেলের চাকরদের দিয়া দুটি একটি দরকারী জিনিস আনানো হইল । তারপর মতি সাবান মাখিয়া স্নান করিয়া আসিল, স্নানের ঘরের বন্ধ দরজার

গামনে কুমুদের প্রহরী হইয়া পাড়াইয়া থাকি মজার ব্যাপার। হোটেলের বুড়ো টিড়িয়া বামুন—বেঁটে লিকলিকে বাদামী রঙের মাছ সে, কিন্তু কথায় কাজে চটপটে,—  
হরে ভাত দিয়া গেল। নিজের খালায় ভাতের পরিমাণ দেখিয়া মতি বলিল, মাগো,  
কত ভাত দিয়েছে আখো আমাকে। আমার মত সাতটার কুলিয়ে যাবে যে!

মেসে হোটলে এমনি দেয়।

নষ্ট হবে তো? ডেকে বল না তুলে নিয়ে থাক?

হোক না নষ্ট, আমাদের কি?

তবু মতির মন খুঁত খুঁত করিতে লাগিল। আহা, ভাত যে লক্ষী, ভাত কি নষ্ট  
করতে আছে। খাইতে খাইতে আবার সে আপসোস করিল। কুমুদ বলিল, ভুমি  
তো আচ্ছা মেয়ে দেখছি। একটা তুচ্ছ কথা নিয়ে এত ভাবছ? ভাত নষ্ট হবে তাও  
হোটেলের ভাত, এ আবার মাছবের মনে আসে?

খাওয়া-দাওয়ার পর সিগারেট টানিতে টানিতে কুমুদ ঘুমাইয়া পড়িল। জলন্ত  
সিগারেটটা তার প্রসারিত হাত হইতে মেঝেতে খসিয়া পড়িলে মতি সেটা কুড়াইয়া  
নিভাইয়া তুলিয়া রাখিল। অর্ধেকও পোড়ে নাই সিগারেটটা, ঘুম হইতে উঠিয়া কুমুদ  
আবার খাইতে পারিবে। তারপর গাড়ির কষ্টে মতিরও ঘুম আসিতে লাগিল।  
চৌকিতে কুমুদ এমনভাবে গা এলাইয়া শুইয়াছে যে পাশে জায়গা খুব কম। নতুন বো  
সে, বরের পাশে শোয়াই তো নিয়ম, না? নিয়ম বজায় না রাখিতে পারিয়া মতি দুঃখিত  
মনে মেঝেতে শুইয়া পড়িল। তিনটার সময় ঘুম ভাঙ্গিল কুমুদের। মুখহাত ধুইয়া  
জামা কাপড় পরিয়া সে মতিকে ডাকিয়া তুলিল। বলিল, দরজা দিয়ে বসো, আমি  
একটু বাইরে যাচ্ছি। কটা জিনিস কিনেই ফিরে আসব।

কুমুদ বাহির হইয়া গেলে মতি দরজায় খিল বন্ধ করিল। মিনিট পনের পরেই দর-  
জায় ঘা পড়িতে খিল খুলিয়া সে বলিল, এর মধ্যে ফিরে এলে?

কিন্তু এ তো কুমুদ নয়! কুড়ি-বাইশ বছরের চশমা-পরী একটা ছেলে। মতিকে  
দেখিয়া সেও যেন অবাক হইয়া গেল। ঘরের ভিতরে একবার চোখ বুলাইয়া আনিয়া  
বলিল, এঘরে আমার একজন বন্ধু থাকত। ঘর ছেড়ে চলে গেছে জানতাম না।

মতি কিছু বলিতে পারিল না।

পরশু দিন দেখে গেলাম আছে, এর মধ্যে সে গেল কোথায়?

কেমন যেন চোখ ছেলেটার, কেমন তাকানোর ভঙ্গি। মতির ইচ্ছা হইতেছিল  
দরজাটা দড়াম করিয়া বন্ধ করিয়া দেয়। কিন্তু ওর বন্ধু যদি এঘর থেকে উধাও হইয়া  
গিয়া থাকে, দু-চারটে কথা জিজ্ঞাসা করিবার অধিকার হয়তো ওর আছে। মতির ভয়  
করিতেছিল, জড়ানো পলায় সে বলিল, আমরা মোটে আজ সকালে এসেছি।

এমনি সময়ে হঠাৎ ম্যানেজার আসিয়া হাজির। বোব হয় পাশেই কোন মেঘারের ঘরে ছিল।

কাকে খোঁজেন? এদিকে আহ্ন মশায়, সরে আহ্ন।

মতি দরজাটা এবার বন্ধ করিল। শুনিল ছেলেটা বলিতেছে শ্রামলবাবুকে খুঁজছি।

শ্রামলবাবুকে? শ্রামলবাবু তেতলায় গেছেন একুশ নম্বরে। তার ঘরেই তো দেখলাম মশায় আপনাকে এতক্ষণ? ব্যাপারখানা কি বলুন দেখি? সারা দুপুরটা শ্রামলবাবুর সঙ্গে আড্ডা দিয়ে এখানে তাকে খুঁজতে এসেছেন?

মতি বুঝতে পারিল, আশেপাশের ঘর হইতে দু-চারজন লোক বাহির হইয়া আসিয়াছে। একটা গোলমাল আরম্ভ হইয়া গেল। রুদ্ধ ঘরের ভিতরে মতি লজ্জায় ভয়ে কাঠ হইয়া রহিল। কোন দেশী ব্যাপার এসব? কি মতলব ছিল ছেলেটার? এ কেমন জায়গায় কুমুদ তাহাকে একা ফেলিয়া রাখিয়া গেল?

একটু পরে গোলমালটা দূরে সরিয়া গিয়া অস্পষ্ট হইয়া আসিল, তারপর একেবারে থামিয়া গেল। ঘণ্টাখানেক পরে দরজায় আবার ঘা পড়িতে মতির বুকটা ধড়াস করিয়া উঠিল। জিজ্ঞাসা করিল, কে? হোটেলের চাকর জানিতে আসিয়াছে কিছু দরকার আছে কি-না। মতি বলিল, না কোন দরকার নেই!

কুমুদ ফিরিয়া আসিল সন্ধ্যার পর।

কুমুদকে ব্যাপারটা বলিবার সময় মতির ভয় করিতে লাগিল যে, শুনিয়া হয়তো স রাগিয়া অনর্থ করিবে, খুন করিয়াই ফেলিতে চাহিবে সেই দুর্বৃত্ত ছেলেটাকে। কুমুদ কিন্তু শুধু একটু হাসিল। বলিল, ছেলেটা তো চালাক কম নয়!

চালাক? পাজী নয়, শয়তান নয়, লক্ষীছাড়া নয়, শুধু চালাক?

এমন ভয় করছিল আমার! মতি বলিল।

কুমুদ বলিল, কিসের ভয়? খেয়ে তো ফেলত না! এত লোক রয়েছে চারিদিকে, চল করে তোমার সঙ্গে দুটো কথা বলে যাওয়ার বেশি সাহস কি আর হত ছোড়ার। হয়তো কার সঙ্গে বাজী-টাজী রেখেছিল, তোমার সঙ্গে কথা বলবে। অল্প বয়সের পাগলামি ওসব।

হয়তো তাই, তবু কুমুদ কেন তাহা বরদাস্ত করিবে? মনে মনে মতি বড় ক্ষুব্ধ হইয়া গেল। শশী হইলে হয়তো এরকম হাসিয়া উড়াইয়া দিত না ব্যাপারটা, ছুড়ি হাতে ছোড়াটাকে ঘা কতক বসাইয়া দিয়া আসিত। মতির হঠাৎ মনে হয় কুমুদের এ ঘেন ভীকৃত্য। ব্যাপারটা সে হালকা করিয়া চাপা দিতে চায়, তার কারণ আর কিছুই নয়, যদি গুরুতর হইয়া ওঠে, যদি তার কোন অস্থবিধা বা ক্ষতি হয়, কুমুদের এই আশঙ্কা আছে। ছোট ছোট অপমান কি কুমুদ তবে হান্ধামার ভয়ে গ্রাহ্য করে না? এ বিষয়ে সে কি গাওদিয়ার কীর্তি নিয়োগীর মতো?

মতির জন্ম কুমুদ একজোড়া জুতা কিনিয়া আনিয়াছিল। বিবাহের পর মতিকে এই তার প্রথম উপহার।

একে একে এই হোটেলেরই সাতদিন কাটিয়া গেল। এর মধ্যে মতিকে কুমুদ একদিন দেখাইল সিনেমা আর একদিন লইয়া গেল গঙ্গাতীরে বেড়াইতে। কত কি সে বলিয়াছিল। ঘুরিয়া ঘুরিয়া শহর দেখাইবে, আজ সিনেমা কাল থিয়েটার করিয়া বেড়াইবে, গৃহকোণে মুখোমুখি বসিয়া থাকিবে কপোতকপোতীর মতো। সে সব সংকল্প কোথায় গেল কুমুদের? তার অপরিমেয় আলস্য-প্রিয়তায় মতি অবাধ হইয়া থাকে। কোথাও লইয়া যাওয়া দূরে থাক মতির সঙ্গে খেলা করিতেও তার যেন পরিশ্রম হয়, অমন কোমল হালকা দেহ মতির, তবু কুমুদের বৃকে তার এতটুকু ক্ষণস্থায়ী আশ্রয়! শুইয়া বসিয়া হাই তুলিয়া বই পড়ে কুমুদ, আলস্যের মধুর আরামে দিনে একটিন সিগারেট খায়, স্বা করিয়া মতিকে খানিক আদর করিয়া জানালা দিয়া পুরা দশ মিনিট চাহিয়া থাকে বাহিরে, অন্ত্রমনে শিস দেয়। বলে, চা কর মতি।

মতি বলে, কোথাও নিয়ে যাবে না আমাকে আজ?

কুমুদ বলে কোথায় যাবে? কি আর দেখবার আছে কলকাতায়? একদিন থিয়েটার দেখ, ব্যস, তাতেই অরুচি। তারপর চল না একদিন বেরিয়ে পড়ি, পুরী ওয়ালটেয়ার সব বেড়িয়ে আসি? এখানে ভদ্রলোক থাকে? কলকাতা কি শহর, এ তো একটা বাজার! রাস্তায় বেরুলে মাথা ঘোরে।

কবে যাবে পুরী-টুরীর দিকে?

যাব যাব, ব্যস্ত কি। কুমুদ হাসে, আঁচল ধরিয়া বিব্রত মতিকে কাছে টানিয়া বলে, একটা ঘরে শুধু আমরা দুজনে কেমন আছি! ভাল লাগে না মতি?

হঁ, লাগে।

তারপর ভয়ে ভয়ে : যা বই পড় সারাদিন।

তুমিও পড়বে মতি, পড়বে।

ব্যস, তারপর এক পেয়লা চা খাইয়া কুমুদ আবার চিত। আবেগ-মূর্ছনার একটা সম্পূর্ণতা মতির কখনো পাইবার উপায় নাই। খানিক অন্ত্রমনস্ক চিন্তা, এক পরিচ্ছেদ বই, দশ মিনিট মতি—এ যেন পালা করা খেলা কুমুদের, বৈচিত্র্য সৃষ্টি!

ভালবাসার এত ক্রমশ মতির ভাল লাগে না। তবে ছোট-বড় সেবার স্বেযোগ মতিকে কুমুদ অফুরন্তই দিয়াছে। মতি চা করে, খাবার দেয়, তুষার জল ঠোঁটগায়। দাড়ি কামানোর আয়োজন করে, স্ক্রু ধুইয়া সরঞ্জাম গুছাইয়া রাখে, কুমুদের টেরিও মতিই কাটে, দিয়াশলাই সিগারেট প্রভৃতি যোগান দেয়। আরও কত কি মতি করে।

একদিন কুমুদ বলিয়াছিল, পা-টা কামড়াচ্ছে বোঁ।



কেন ?

এমনি কামড়াচ্ছে । কেউ যদি একটু টিপে দিত !

মতি আরক্ত মুখে বলিয়াছিল, চাকরকে ডেকে বল না ?

হোটেলের চাকর পা টিপবে ? তবেই হয়েছে । দাও না, ভূমিই একটু দাও না আস্তে আস্তে !

সেই হইতে ছপুরবেলা কুমুদের ঘুম পাইলে মতি তার পাও টিপিয়া দেয় । শহরের শব্দে তখন স্থানীয় একটু স্তব্ধতার চাপ পড়ে । এ সময়টা মতির মন ভারি খারাপ হইয়া যায় । কলের মতো এক হাতে কুমুদের পা টিপিতে অল্প হাতে তাহাকে চোখ মুছিয়া ফেলিতে হয় । নিজেকে কেমন বন্দিনী মনে হয় মতির । মনে হয়, কুমুদ তাকে চিরকাল এই ছোট ঘরটিতে পা-টেপানোর জন্ত আটকাইয়া রাখিবে, তার খেলার সাথী কেহ থাকিবে না, আপনার কেহ থাকিবে না, মাঠ ও আকাশ আর জীবনে পড়িবে না চোখে, বালিমাটির নরম গঁয়ে পথে আর সে পারিবে না হাঁটিতে ।

সাত দিন । মোটে সাত দিন যে এখানে কাটিয়াছে মতির ।

তারপর একটি ছুটি করিয়া কুমুদের বন্ধুরা আসিতে আরম্ভ করে । প্রতিদিন ইহাদের সংখ্যা বাড়িতে থাকে । আশ্চর্য সব বন্ধু কুমুদের । এ বন্ধু লোক মতি জন্মে কখনো গাথে নাই । আসিয়া দরজায় ঘা দেয় । কুমুদ বলে, কে ?

আমি ।

কুমুদ বলে, খুলে দাও মতি ।

দরজা খুলিয়া মতি ঘরের কোণে সরিয়া যায় । সরাসরি ঘরে ঢুকিয়া কুমুদের বন্ধু বিছানায় বসে । প্রথমবার আসিয়া থাকিলে মতির দিকে চোখ পড়ায় খানিকক্ষণ তাকাইয়া থাকে ।

কোথায় পেলি ?

কুমুদ শুইয়া থাকিয়াই জবাব দেয়, বৌ !

বন্ধু হাসে । ফস করিয়া দিয়াশলাই জালিয়া সিগারেট ধরায় ।

আর এক দফা মতিকে দেখিয়া বলে, চাকর দিকি বৌদি । চিনি কম, কড়া লিকার ।

এবং পরক্ষণেই কুমুদের সঙ্গে গল্পে মশগুল হইয়া যায় । মতি গাঁয়ের মেয়ে, বন্ধু যে লোক ভাল নয় সে তা বুঝিতে পারে । তবু আর যে সে একবারও তার দিকে ভাল করিয়া চাহিয়া গাথে না মতি তাতে আশ্চর্য হইয়া যায় । ভাবে, কুমুদের বন্ধু লোক যেমন হোক ভদ্রতা জানে । এমন ভাব দেখাইতে পারে যেন এঘরে শুধু বন্ধু আছে, বন্ধুর বৌ নাই ।

সকলে এরকম নয়। মতির সঙ্গে আলাপ করিবার চেষ্টাও কেউ কেউ করে। কেউ ঘরে ঢুকিয়াই একেবারে বহু দিনের পরিচিত হইয়া উঠিতে চায়, কেউ ধীরে ধীরে পরিচয় গড়িয়া তুলিতে চেষ্টা করে,—কারো কথাবার্তা হয় কৃত্রিম, কারো সহজ ও সরল। বইটাই দু-একটা উপহারও মতি পায়। এই সব বন্ধুদের মধ্যে একজনকে মতির বড় ভাল লাগিল, মোটা জোয়ালো চেহারার আর শক্ত কালো একঝাড় গৌপ থাকা সত্বেও। তার নাম বনবিহারী।

জাঁকিয়া বসিয়া প্রথমেই সে ঠাট্টা করিয়া বলিল, খুকী বলব, না বৌদি বলব ?

মতি বলিল, খুকী-কেন বলবেন ?

বনবিহারী যেন অবাক হইয়া গেল। কুমুদকে বলিল, কই রে, তেমন গৈয়ো তো নয়। কথা বলার জন্তে সাধাসাধি করতে হল কই ?

কুমুদ বলিল, লজ্জা একটু ভেঙেছে।

আরও কত কি ভাঙবে।—বলিয়া বনবিহারী হাসিল। মতিকে বলিল, অনেক দিনের বন্ধু আমি কুমুদের। বয়সের হিসাব ধরলে আমি তোমার ভাইয়ের হব, কিন্তু বয়সের কথাটা মনে রাখতে বৌ আমাকে বারণ করেছে।

মতির লজ্জাও কয়ে, হাসিও আসে।

বনবিহারী বলিল, কুমুদ তোমাকে হোটলে এনে তুলেছে শুনে মাথাটা ফাটিয়ে দিতে এনেছিলাম। আমার প্তীও এই ইচ্ছা অল্পমোদন করেছেন। এখন তোমার অল্পমতি পেলেই কাছটা করে ফেলতে পারি। দেব নাকি মাথাটা ফাটিয়ে ?

কৌতুকে মতির চোখ উজ্জ্বল হইয়া উঠিল। বনবিহারী বলিল, বিজ্ঞাপনের ছবি এঁকে পেট চালাই, বাড়ি বলতে একটা ঘর আর একফোঁটা একটু বারান্দা। তবু সেটা বাড়ি, হোটেল তো নয়। এ রাশ্বেলের তাও খেয়াল থাকে না।

অসময়ে আসিয়া বনবিহারী অনেকক্ষণ বসিয়া গেল। আগাগোড়া কত হাসির কথাই যে সে বলিল। শেষের দিকে চাপিয়া রাখিতে না পারিয়া মতি মাঝে মাঝে শব্দ করিয়াই হাসিয়া উঠিতে লাগিল। কুমুদকে একদিন সঙ্গীক তার বাড়িতে যাওয়ার ছকুদ দিয়া বনবিহারী সেদিন বিদায় হইল।

কুমুদ বলিল, হালকা লোক, ফাঁপা। পয়সার জন্তু আঁটকে জবাই করছে। ছবি আঁকার অদ্ভুত প্রতিভা ছিল, নাম হওয়া পর্যন্ত লড়াই করতে পারল না। মাসিকের পট আর বিজ্ঞাপনের ছবি এঁকে দিন কাটায়। সেজন্তু আপশোসও নৈই, এমন অপদার্থ।

বনবিহারীর অপরাধটা মতি বুঝিতে পারে না। বুঝিতে ইচ্ছাও হয় না। কথার অন্তরালে স্নেহ ছিল বনবিহারীর, সমবেদনা ছিল। গ্রাম ছাড়িয়া আত্মীয়-পরিজনের

সকল ছাড়িয়া ছেলেমানুষ সে যে একটা অপরিচিত অদ্ভুত জগতে আসিয়া পড়িয়াছে, বনবিহারী ছাড়া কুমুদের আর কোম বন্ধু বোধ হয় তাহা খেয়ালও করে নাই। দুদিন পরে সকালবেলা বনবিহারী আবার আসিল। না যাওয়ার অন্ত অনেক অল্পবয়স্ক দিয়া বলিল, চল কুমুদ, এখুনি যাই আজ, ওখানেই খাওয়া-দাওয়া করবি।

কুমুদ হাই তুলিয়া বলিল, যাব, এত ব্যস্ত কেন ?

বনবিহারীর মুখখানা এবার একটু গম্ভীর দেখাইল। স্বর ভারী করিয়া সে বলিল, তোমার ব্যাপারটা কি বল তো কুমুদ ? আমাদের ওদিকে যাস না আজ ছ মাস, যেতে বলায় আজ হাই উঠছে ? সাত দিন তোমার দেখা না পেলে আগে আমাদের ভাবনা হত ! হঠাৎ যে ত্যাগ করলি আমাদের ?

ত্যাগ ? ত্যাগের স্বভাব আমার নেই। এমনি হাই উঠছে শ্রান্তিতে।

সারাদিন শুয়ে থেকে শ্রান্তি ! আর যেতে বলব না কুমুদ।

কি দরকার ? কাল পরশুর মধ্যে একদিন হুস করে হাজির হব দেখিস।

বনবিহারী এবার হাসিল, হয়তো তার আগেই জয়া হুস করে এসে হাজির হবে এখানে। কি শ্রান্তিটা তখন যে তোকে দেবে ভেবে পাচ্ছি না। খুকীকে ছিনিয়ে নিয়ে গিয়ে এক মাস হয়তো লুকিয়ে রেখে দেবে।

বনবিহারীর মুখে খুকী শব্দটা মতির ভালই লাগে। তবু সে আশ্বাস করিয়া বলিল, আবার খুকী কেন ?

বনবিহারী চলিয়া গেলে কুমুদকে বলিল, চল না যাই একদিন ? অমন করে বলছেন !

কুমুদ বৃহৎ হাসিয়া বলিল, উনি কি আর বলছেন মতি, ওর মুখ দিয়ে আর একজন বলছেন ! তার নাম জয়া, উনার তিনি পত্নী। যাব, ইতিমধ্যে একদিন যাব।

এদিকে ক্রমে ক্রমে সন্ধ্যাবেলা কুমুদের সমাগত বন্ধুর সংখ্যা বাড়িতে থাকে, রীতিমত আড্ডা বসে। চৌকিতে কুলায় না। চৌকি কাত করিয়া রাখিয়া মেঝেতে বিছানা ও চাদর বিছাইয়া সকলে বসে। কেহ অনর্গল কথা বলে, কেহ থাকিয়া প্রবল শব্দ করিয়া হাসে, কেহ গুনগুন করিয়া ভাজে গানের স্বর। দেয়ালে ঠেস দিয়া গুরু হইতে শেষ পর্যন্ত কেহ শুধু বিমায়। বিড়ি, সিগারেট আর চুরুটের ধোঁয়ায় ঘরের বাতাস ভারী হইয়া ওঠে।

তাস খেলা হয়। টাকা-পয়সার আদান-প্রদান দেখিয়া মতি বৃথিতে পারে জুয়া খেলা হইতেছে।

মতির কান্না আসে। সহজভাৱে সে নিশ্বাস ফেলিতে পারে না। লজ্জা করিতে

কুমুদ তাঁহাকে বাঁরণ করিয়াছে, কুমুদের বন্ধুরা একজন দুজন করিয়া আসিলে মতির বেশি লজ্জা করেও না। এ তো তা নয়। যে ঘর-ছাড়িয়া এক মিনিটের স্বল্প তাহার বাহিরে যাওয়ার উপায় নাই, একপাল বন্ধু জুটাইয়া সে ঘরে কুমুদ সন্ধ্যা হইতে রাত এগারোটা পর্যন্ত আড্ডা দেয়, হাজার লজ্জা না করিলেও যে চলে না।

মতি চা যোগায়। বিকালে স্টোভ ধরায়, রাত বারোটার আগে সে স্টোভ গাণ্ডা হইবার সময় পায় না। বোধ হয় কুমুদের বলা আছে, সন্ধ্যার বন্ধুরা মতিকে দম্পূর্ণ উপেক্ষা করে, চা পান প্রভৃতির প্রয়োজন পর্যন্ত কুমুদকে জানায়। চা করিয়া, পান সাজিয়াই মতির কর্তব্য শেষ, বিতরণ করিতে হয় না। এদিকের জানালায় গিয়া সে বসিয়া থাকে সমস্তক্ষণ। জানালার পাটগুলি ঘরের ভিতরে খোলে, তারই আড়ালে মতি একটু অন্তরাল পায়। ওইখানে মাঝে মাঝে মতির রোমাঞ্চ হয়। ভয়ে সে কাঁদতেও পারে না, ঘরে এতগুলি মানুষ। রাগে দুঃখে অভিমানে পাখি হইয়া মতির গাওদিয়া উড়িয়া যাইতে সাধ হয়। ক্রমে রাত্রি বাড়ে। রাস্তার লোক চলাচল কমিয়া আসে, সরু গলিটার ও-মাথায় ক্ষণিকের জ্ঞান আলোকিত ট্রামগুলিকে আর ঘাইতে দেখা যায় না, তীব্র আলো নিভাইয়া পথের ও-পাশের মনোহারী দোকানটি বন্ধ করা হয় আর দোকানটির ঠিক উপরের ঘরে মতিরই সমবয়সী একটি মেয়ে টেবিল-চেয়ারে পড়া সাজ করিয়া শয়নের আয়োজন করে। দেখিয়া মতিরও ঘুম আসে।

বন্ধুরা চলিয়া গেলে কুমুদ বলে, আগে বিছানা পাতবে? নামিয়ে দেব চৌকিটা? না, ধেয়ে নেবে আগে?

মতি সাড়া দেয় না! উঠিয়া কাছে যাইবে তাতেও কুমুদের আলস্য। বলে, শোন, শুনে যাও। রাগ হল নাকি? আহা, শোনই না।

বেশিক্ষণ অব্যাহা হওয়ার সাহস মতির হয় না। কাছে গিয়া সে কাঁদিতে থাকে, বলে, এত লোক ঘরে এলে আমি কেমন করে থাকি?

কুমুদ তাকে আদর করিয়া বলে, বন্ধুরা এলে কি ভাড়িয়ে দিতে পারি মতি? ওরা তো জ্বালাতন করে না তোমাকে?

তখন মতি বলে যে কুমুদ তবে আর একটা ঘর ভাড়া নিক। কুমুদ বলে, ঘরের ভাড়া কি সহজ, অত টাকা কোথায়? মতি তখন জবাব দেয় টাকার যখন এমন অভাব, জুয়া খেলে কেন কুমুদ। হোটেলের ঘর ভাড়া করলে যদি বেশি টাকা লাগে, খুব সস্তায় ছোটখাট একটা বাড়ি ভাড়া নিলেই হয়। এখানে আর ভাল লাগিতেছে না মতির। আর তাও যদি না হয় বন্ধুদের কারো বাড়ি গিয়া কুমুদ আড্ডা বসাক।

এত রাত পর্যন্ত তোমায় একা রেখে যাব? ভয় করবে না তোমার?

না, ভয় করবে না। ঘরে খিল দিয়ে থাকব।

এবার 'আর কুমুদ এমন যুক্তি দেখায় না মতি যা খণ্ডন করিতে পারে। প্রথমেই মতিকে এমন সোহাগ করে যে সে অবশ, মন্ত্রমুগ্ধ হইয়া আসে। তারপর সে মতিকে বোঝায়। বলে, ভেঙেচুরে তোমায় গড়ে নেব বলিনি তোমাকে? বলিনি ঘর-সংসার পেতে বসবার আশা কোরো না? সে তো সবাই করে, রাস্তার মুটে থেকে মহারাজ পর্যন্ত? আমি তো সেইরকম নই মতি। নিয়ম মেনে চলতে হলে দুদিনে আমি মুষড়ে মরে যাব। ভেসে ভেসে বেড়াই, কাল কি হবে ভাবি না, যা ভাল লাগে তাই করি। আমার সঙ্গে থাকতে হলে কনে বৌটি সঙ্গে থাকলে চলবে কেন তোমার? বৌ-মাহুষ আমি, আমি এমন করে থাকব এমন করে থাকব,—এভাবে যদি তোমার মনের মধ্যে থাকে, আমার সঙ্গে তোমার তবে বনবে না। আমি রোজগার করে আনব আর ঘরের কোণে বসে তুমি রাঁধবে, বাড়বে, ছেলেমেয়ে মাহুষ করবে,—কবে তো বলেছি তোমাকে, তা হবার নয়? বৌ তুমি নও, তুমি সাথী। অন্তত তাই তোমাকে হতে হবে। তোমার সম্বন্ধে সব বিষয়ে আমার যদি দায়িত্ব নিতে হয়, তুমি যদি ভার হয়ে থাক আমার, তোমাকে না হলে আমার একটুও ভাল লাগবে না মতি। তোমার জন্ম যদি আমাকে বদলে যেতে হয়, যে ভাবে দিন কাটাতে চাই তা না পারি, কি করে তোমাকে তাহলে রাখব আমার সঙ্গে?

মতি সভয়ে বলে, ত্যাগ করবে আমাকে?

কুমুদ হাসিয়া তাহার গায়ে মাথায় হাত বুলায়, বলে, ভয় পেয়ো না, সব ঠিক হয়ে যাবে মতি। ভাবনার কি আছে? এক বছর আমার সঙ্গে থাকলে এমন বদলে যাবে যে, আমাকে আর বলে দিতে হবে না, যেখানে যে অবস্থাতে থাক তাতেই মজা পাবে। অভ্যাস নেই কি না, তাই প্রথমটা অস্ববিধা হচ্ছে। দুদিন পরে আর গ্রাহ্যও করবে না। তখন কি করব জান? ওদের আসতে বারণ করে দেব।

কেন?

বেশিদিন আমার কিছু ভাল লাগে না মতি। অনেক দিন পরে কলকাতা এলাম, তাই একটু আড্ডা দিচ্ছি, বিতৃষ্ণা জন্মাল বলে।

দিন দুই পরে বনবিহাঙ্গী একেবারে সস্ত্রীক আসিয়া হাজির হইল। জয়া একটু মোটা, তবে সুন্দরী। টকটকে রঙ, মুখখানা গোল জমকালো চেহারা। চোখ দুটি ঝকঝকে, ধারালো দৃষ্টি।

তুমি তো গেলে না, আমি ভাই তোমাকে তাই দেখতে এলাম। তোমার ব্যাপারটা কি কুমুদ? বিয়ে করে বৌকে লুকিয়ে রাখলে? ওকে তো অন্তত পাঠালাম সাত বার, তবু কি একবার মনে পড়ল না জয়া বলে একটা জীব কৌতুহলে ফেটে পড়ছে? গাঁ থেকে বৌ এনেছো শুনে অবধি অবাক মেনেছি।

ধারালো চোখে জয়া মতিকে দেখিতে থাকে। বলে, কচি বলে কচি, এ যে ধাঁধাঁ গিলো কুমুদ! আমার মেয়ে হলে গুকে যে ক্রক পরিয়ে রাখতাম! তাকায় ছাখোঁ ফমন করে। এস তো ভাই খুকী এদিকে, নেড়েচেড়ে দেখি।

বাজিয়ে দেখবে না? বনবিহারী বলিল।

কুমুদ বলিল, স্পীড একটু কমাও জয়া, ভড়কে যাবে। পুতুল তো নয়।

জয়া হাসিল, মায়া নাকি? শেষে মায়া করতেও শিখলে! মতির দিকে চাহিয়া লিল, এসো এদিকে, এখানে বোসো। প্রজেক্ট কিঙ্ক আনিনি ভাই তোমার জন্তে, কায় কুলোল না। পরে কিনে দেব। খালি হাতেই ভাব করে যাই আজ।

সাধারণ একখানা শাড়ি পরনে, যেন দাসীর বেশ! জয়ার বেশভূষা, কথাবার্তা গবভঙ্গি মতির কাছে অদ্ভুত ঠেকিতে লাগিল। কুমুদের নাম ধরিয়া ডাকে গুরুজনের ত, অথচ কথা ফাজলামি করিয়া, এ কোন্-দেশী মেয়েমানুষ? প্রথম দেখাতেই জয়ার স্বন্ধে মতির মনে একটা বিরুদ্ধ ভাবের সৃষ্টি হইয়া রহিল। কেমন একটা অদ্ভুত মনুকম্পার ভাব জয়ার, মতিকে দেখিয়া তার যেন হাস্কর মনে হইতেছিল। ঠাটখানেক বসিয়া জয়া চলিয়া গেল।

মতির মনে হইল, ঘরে যেন একঘণ্টা ধরিয়া ম্যাজিক হইতেছিল,—ভোজবাজী! ক বলিল জয়া, কেন হাসিল, অর্ধেক সময় মতি তা বৃষ্টিতেই পারে নাই, শুধু কুমুদ ও জয়ার মধ্যে যে নিবিড় অন্তরঙ্গতা আছে এটা টের পাইয়া বোধ করিয়াছে ঠা।

নাম ধরে ডাকলে যে তোমায়?

মতির প্রশ্নে কুমুদ কৌতুক বোধ করিল! আমার বন্ধু যে মতি, অনেক দিনের বন্ধু।

মতি অবাক। মেয়েমানুষ বন্ধু? খানিকক্ষণ স্তব্ধ থাকিয়া বলিল, আচ্ছা, ও যে তোমার সঙ্গে ওরকম করছিল, ওর স্বামী রাগ করবে না?

কি রকম করছিল? কুমুদ জিজ্ঞাসা করিল।

মতি কথা বলিল না।

কুমুদ বলিল, তোমার মন তো বড় ছোট মতি?

একটু পরে মতির চোখ দিয়া জল পড়িতেছে দেখিয়া হঠাৎ পাঞ্জাবি গায়ে দিয়া কুমুদ বাহির বইয়া গেল। বলিয়া গেল, ছিঁচকাঁহুনেও নও কম।

কুমুদের কাছে এমন কঠিন কথা মতি আর শোনে নাই। স্বামীর প্রথম ভৎসনার মতির চোখের জল শুকাইয়া গেল।

ম্যানেজার একদিন টাকা চাহিয়া গেল।

মতি কুমুদের ব্যাগ ও বাস প্যাটরা হাতড়াইয়া দেখিয়া বলিল, মোটে সাত টাকা আছে। টাকা বুঝি লুকিয়ে রেখেছ ?

কুমুদ বলিল, আর টাকা কোথায় যে লুকিয়ে রাখব ?

আর নেই ? মতির মুখ শুকাইয়া গেল।

কুমুদ হাসিয়া বলিল, সাত টাকা বুঝি কম হল মতি ?

কি হবে তবে ? কোথায় পাবে টাকা ? হোটেলের টাকা দেবে কি করে ? ভীত চোখে চাহিয়া থাকে মতি, বলে, রোজ তুমি জুয়া খেলে টাকা হেরে যাও, কেন খেল ?

তাহার দুর্ভাবনার পরিণাম দেখিয়া কুমুদের যেন মজা লাগিল। পাশে বসাইয়া বলিল, আমার বৌ হয়ে তুমি তুচ্ছ টাকার জ্ঞান ভাবছ মতি ? আজ সাত টাকা আছে, আজ তো চলে যাক, কালের ভাবনা কাল ভাবব। ব্যবস্থা একটা কিছু হয়ে যাবেই মতি, টাকার জ্ঞান কখনো মাহুষের বেঁচে থাকা আটকায় না।

উতলা মতি বলিল, সাত টাকায় কি করে চলবে ?

দিব্যি চলবে। দেখই না কি করে চলে ? চিরকাল এমনি করে চালিয়ে এলাম, আমি জানি না ? তুমি কেন ভাবছ ? টাকার চিন্তা করার কথা তো তোমার নয় ?

মতি তবু বলিল, হোটেলের টাকা দেবে কি করে ? কাল যে দেবে বললে ?

কুমুদ গভীর মমতায় ভীকু মেয়েটাকে বুকে জড়াইয়া ধরিল, বলিল, আবার ভাবে ও-কথা ? ঘ্যানঘ্যান করার স্বভাব গড়ে তুলনা মতি, গিন্নির মতো মুখ কোরো না। কাল যা দেব বলেছি কাল তার ভাবনা ভাবব, আজ কেন তুমি উতলা হয়ে উঠলে ?

রাত্রে বন্ধুরা ফিরিয়া গেলে একমুঠা টাকা-পয়সা কুমুদ বিছানায় ছড়াইয়া দিল। বলিল, দেখলে কোথা থেকে টাকা আসে ? ভেবে তো তুমি মরে যাচ্ছিলে।

মতি বিষন্নভাবে বলিল, কালকে হেরে যাবে আবার। কি-ই-বা হবে এ কটা টাকায় !

সিগারেট ধরাইয়া কুমুদ কিছুক্ষণ স্তব্ধভাবে মতির দিকে চাহিয়া রহিল। তারপর ধীরে ধীরে বলিল, এত অল্প বয়সে তোমার এত হিসাব হয়েছে আমি তা ভাবতে পারিনি মতি। টাকার দরকার তোমার তো এমন করে বুঝবার কথা নয় ! ছেলেমানুষ তুমি, নিজের স্মৃতিতে থাকবে, কিসে কি হবে না হবে সে ভাবনা ভাবতে তোমার হবে বিরক্তি। তা নয়, টাকা কম পড়েছে বলে সারা দিন মুখ কালি হয়ে রইল। এত কচি ছিলে গাওদিয়ায়, এত পাকলে কখন ? কিছুই যে সেখানে তুমি বুঝতে না মতি, যা বলতাম শিশুর মতো মেনে নিতে আর ইঁ করে তাকিয়ে থাকতে মুখের দিকে ? ঠকিয়েছিলে নাকি আমায়, ছেলেমানুষির ভান করে ?

মতি জবাব দিতে পারে না, কুমুদের অভিযোগ ভাল করিয়া বুঝতেও পারে না,

তাঁর শুধু কান্না আসে। ছেলেমানুষিঁর ভান করিত ? সে কি এখনো ছেলে মানুষ নয় ? টাকা নাই তাই টাকার কথা ভাবিয়াছে, তাতেই কি মানুষের ছেলেমানুষি ঘুচিয়া যায় ? পরদিন টাকা চাহিতে আসিয়া ম্যানেজার খালি হাতে ঘুরিয়া গেল। টাকা থাকিতেও কুমুদ তাকে টাকা দিল না কেন মতি বুঝিতে পারিল না, ভয়ে কিছু বলিল না।

দিন সাতেক পরে সকালবেলা কুমুদ একটা অল্পদামী টিনের তোরঙ্গ কিনিয়া আনিল। মতিকে বলিল, জিনিসপত্র গুছিয়ে নাও মতি, বাড়ি ঠিক করে এলাম, খেয়েদেয়ে বাড়িতে গিয়ে উঠব। এ শালার হোটেলে আর মন টিকছে না।

সত্ত-ক্রীত টিনের তোরঙ্গটিতে কিছুই ভরা হইল না। কুমুদ বলিল, ওটা খালি থাক মতি। বাকি জিনিস সমস্তই বাধিয়া-ছাঁদিয়া গুছাইয়া নেওয়া হইল কেবল একটা ফয়সা চাদর পাতা রহিল চৌকিটার উপরে, একটা বালিশও রহিল। আলনায় বুলানো রহিল ছেঁড়া একটা পাঞ্জাবি, একখানা পুরানো কাপড় ও একটা গেঞ্জি। তারপর কুমুদ চাকরকে পাঠাইয়া দিল গাড়ি ডাকিতে।

খবর পাইয়া ম্যানেজার ছুটিয়া আসিল। বলিল, চললেন নাকি কুমুদবাবু ?

কুমুদ বলিল, স্ত্রীকে রেখে আসতে যাচ্ছি বাপের বাড়ি, কাল ফিরব বিকেলের দিকে। জিনিসপত্র রইল একটু নজর রাখবেন ঘরটার দিকে।

ম্যানেজার বলিল, টাকা দেবেন বলেছিলেন আজ ?

কাল দেব। কাল নিশ্চয় পাবেন।

আশেপাশেই রহিল ম্যানেজার। গাড়ি আসিলে এবং জিনিসপত্র তোলা হইলে কুমুদ ঘরে তালা বন্ধ করিল। ঘরের মধ্যে নতুন তোরঙ্গ, চৌকির বিছানা ও আলনায় জামা-কাপড় দেখিয়া ম্যানেজার একটু আশ্চর্য হইল।

গাড়িতে উঠিয়া মতির মুখে কথা সরে না। কুমুদ মুহূ হাসে। বলে, ভাবছ ম্যানেজারকে ঠকালাম ? টাকা দিয়ে বাব মতি।

কাল আসবে ?

কাল কি আর আসব, হাতে টাকা হলেই আসব। মিছামিছি গোলমাল করত টাকার জন্তে, তাই একটু কৌশল করলাম, নইলে কাউকে আমি ঠকাই না মতি, দু-চার মাসের মধ্যে টাকাটা একদিন ঠিক দিয়ে যাব।

ঘরঘর শব্দে গাড়ি চলে। কোথায় যাইতেছে তারা ? আকাশ পাতাল ভাবে মতি, কুমুদের কাছে থাকিয়া তার যেন বিপদের ভয় হয়, কুমুদ যেন ভয়ানক মানুষ। অনেকক্ষণ চলিয়া সরু একটা গলির মধ্যে ছোট একতলা একটা বাড়ির সামনে গাড়ি দাঁড়াইল। একটু পরেই দরজা খুলিল বনবিহারী, জয়াও আসিয়া দাঁড়াইল। বলিল, মঙ্গলঘট স্থাপনের সময় পাইনি, বাড়িতে শাঁক নেই, উলু দিতেও জানি না,—মাপ করো কুমুদ।



ছোট বাড়ি, পাশাপাশি দুখানা শয়নঘর, সামনে একরত্তি একটু রোয়াক ও ছোট উঠান, এপাশে রান্নাঘর এবং তার লাগাও পায়রার খোপের মতো একটি বাড়তি ঘর। উঠানে দাঁড়াইয়া মতিকে এদিক ওদিক চাহিতে দেখিয়া জয়া বলিল, বাড়ি বুঝি তোমার পছন্দ হচ্ছে না ?

মতি বিধাভাবে বলিল, মন্দ কি ?

জয়া বলিল, যে তাড়াছড়ো করে এলাম কাল বিকেলে ! ঘরদোর এখনো সাফ পর্বস্ত করা হয়নি। যাক, দুজনে হাতচালালে সব ঠিক করে নিতে আর কতক্ষণ। আমি এ ঘরখানা নিয়েছি, এ ঘরে জানালা বেশি আছে একটা, মোটা মাছুষ একটু আলো-বাতাস নইলে হাঁপিয়ে উঠি। তোমার ঘরখানা একটু ছোট হল। তা হোক। তুমি মাছুষটাও ছোট, নতুন সংসারে জিনিস-পত্রও তোমার কম, ওতেই তোমার কুলিয়ে যাবে।

বাড়িঘর সাফ হয় নাই বটে, নিজের ঘরখানা জয়া কিন্তু ইতিমধ্যেই গুছাইয়া ফেলিয়াছে। জিনিসপত্র নেহাত কম নয় জয়ার, তবে সবই প্রায় কমদামী। জিনিসের চেয়ে ঘরের ছবিগুলিই মতির দৃষ্টি আকর্ষণ করিল বেশি। সব ছবি হাতে আঁকা, ছোট-বড়, বাঁধা-আবাঁধা, ওয়াটার কলার, অয়েল পেণ্টিং প্রভৃতি রঙ-বেরঙের অসংখ্য ছবিতে চারিটা দেওয়াল একরকম ঢাকিয়া গিয়াছে। খুব বড় একটা ছবি দেখিয়া মতি হঠাৎ লজ্জা পায়।

জয়া খিলখিল করিয়া হাসে, বলে উনি আমার উর্বশী-সতীন ভাই। আকাশ থেকে পৃথিবীতে নামছেন কি-না, বাতাসে তাই শাড়িখানা উড়ে গিয়ে পেছনের মেঘ হয়েছে। একজন সাতশো টাকা দর দিয়েছে, ও হাঁকে হাজার। আমি বলি দিয়ে দাও না সাতশয়েই, সাতশো টাকা কি কম, আপদ বিদেয় হোক। আসলে ওর বেচবার ইচ্ছেই নেই !

মতি বলিল, মুখখানা আপনার মতো।

তাই তো হাজার টাকা দর হাঁকে !—জয়া হাসিল।

জয়ার সাহায্যে মতি ঘর গুছাইয়া ফেলিল। সামান্য জিনিস, জয়ার দরের সঙ্গে তুলনা করিয়া নিজের ঘরখানা মতির খালি খালি মনে হইতে লাগিল, খেলাঘরের মতো ঠেকিতে লাগিল। কিন্তু সেই দিন বিকালেই জিনিস আসিল। কোথা হইতে টাকা পাইল কুমুদ সে-ই জানে, হোটেলের পাওনা ফাঁকি দিক, কুপণ সে নয়। টেবিল, চেয়ার, আলনা, বড় একটা তক্তপোষ আনিয়া সে ঘর বোঝাই করিয়া ফেলিল, নীল-শেড-দেওয়া সুন্দর একটি টেবিল-ল্যাম্প ও মতির-জন্তু ভাল একখানা শাড়িও কিনিয়া আনি।

নূতন আশার সন্ধারে মতির মন আবার মোহে ভরিয়া যায়। চৌকিতে সে সযত্নে বিছানা পাতে; টেবিলে সাজাইয়া রাখে তাহার সামান্য প্রদাধনের উপকরণ; কাপড়-জামা কুঁচাইয়া গুছাইয়া রাখে আলনায়। টেবিল-ল্যাম্পে তেল ভরিয়া সজ্জা হইতে না হইতেই জালিয়া দেয়। বার বার সলিতাটা বাড়ায় কন্ডায়। কতখানি বাড়াইবে ঠিক করিতে পারে না।

আর বাড়াব? না কমিয়ে দেব? একটু কমিয়েই দি, কি বল?

কুমুদ হাসিয়া বলে, থাক না, ওই থাক।

জয়াই এবেলা রাঁধিয়াছে। রাত্তির খাওয়ার-দাওয়ার পর জয়ার জন্ম ঘরে যাইতে মতির আজ প্রথম লজ্জা করিল। জয়া দাঁত মাজিতে মাজিতে বলিল, দাঁড়িয়ে কেন? ঘরে যাও।

ভূমি আগে যাও দিদি।

কার ঘরে যাব, তোর? হাসির চোটে দাঁত মাজা হল না জয়ার। মতি অশ্রুত মানে। কি এমন রসিকতা যে এত হাসি! তারপর মুখ ধুইয়া মতির হাত ধরিয়া জয়া তাহাকে ঘরে লইয়া গেল। বলিল ঘরে আসতে বৌ তোমার লজ্জা পাচ্ছে কুমুদ।

কুমুদ চিত হইয়া বই পড়িতেছিল। বলিল, তাই নিয়ম যে। বসো।

না যাই, ঘুম পেয়েছে, বলিয়া জয়া সেই যে চেয়ারে বসিল আর ওঠে না। বসিয়া বসিয়া গল্প করে কুমুদের সঙ্গে। কি যে সে গল্প আগামাথা কিছই মতি বুঝিতে পারে না, থাকিয়া থাকিয়া জয়ার মুখ হইতে ইংরেজি শব্দ ছুটিয়া আসিয়া তাহাকে আঘাত করে। বন্ধু, জয়া কুমুদের বন্ধু। কুমুদ যখন রাজপুত্র প্রবীরের রূপ ধরিয়া গাণ্দিয়ায় উদয় হয় নাই তখন হইতে বন্ধু। জর্ষায় মতির ছোট বুকখানি উদ্বেলিত হইয়া ওঠে। সজ্জার আনন্দের আর চিহ্ন থাকে না।

হোটেলে বন্দী জীবন ও কুমুদের বন্ধুদের আড্ডা হইতে মুক্তি পাইয়া মতি এখানে হাঁপ ছাড়িয়াছে, এখন শুধু গাণ্দিয়ার জন্ম মন কেমন করে। আশায় কচি মেয়েটা বুক বাধিয়াছে, স্বপ্ন তো সে কম দেখিত না, সেগুলি যদি সফল হয় এবার। কিন্তু নিজেকে এখানেও সে মিশ খাওয়াইতে পারে না। আজন্মের অভ্যাস ও প্রকৃতি ওখানেও ঘা খাইয়া আহত হয়। গাঁয়ের চেনা রূপ, চেনা মাহুবগুলির কথা মনে পড়িয়া মতির চোখ ছলছল করে। কতদিন ওদের সে দেখিতে পায় নাই। সজ্জার সময় পরান হয়তো

মোকদ্দা ও কুমুদের সঙ্গে তার কথা বলাবলি করে। শশীও হয়তো কোন দিন আসিয়া বসে। তবে কুমুদ তাহাকে গাওদিয়ায় লইয়া যাইবে কে জানে!

মতি বলে, এখানে তো আমরা থির হয়ে বসলাম, এবার দাদাকে একটি পত্র দাও? কত ভাবছে ওরা।

কুমুদ বলে, এর মধ্যে ভুলে গিয়েছ মতি?

কি? কি ভুলে গিয়েছি?

আমায় বলোনি গাওদিয়ার কথা ভুলে যাবে—কোন সম্পর্ক থাকবে না গাওদিয়ার সঙ্গে। ভাল করে তোমায় আমি বুঝিয়ে দিইনি বিয়ের আগে, আমার সঙ্গে আসতে হলে জন্মের মতো আসতে হবে? চিঠি লেখালেখি চলবে না, তাও বলেছিলাম মতি।

সেই কথা। তালবনের সেই অবুঝ বিহ্বল দ্বণের প্রতিজ্ঞা! কুমুদ সে কথা মনে রাখিয়াছে! মতির বড় ভয়! কুমুদ যা বলিয়াছিল তা-ই সে স্বীকার করিয়াছিল বটে, কিন্তু সে তো তখন বুঝিতে পারে নাই রাজপুত্র প্রবীরের সঙ্গে থাকিলেও গাওদিয়ার জন্ম কোনদিন তাহার মন কেমন করিবে। নতুন জীবন, নতুন জগৎ, পুতুলের মত কুমুদের হাতে নড়া-চড়া। এ কল্পনাতেই তার যে ভাবিবার বুঝিবার শক্তি থাকিত না। কুমুদ কি সে কথা আজ অক্ষরে অক্ষরে পালন করিবে নাকি?

মতি কীর্ণস্বরে বলে, সে তো সত্যি নয়।

তাই বুঝি ভেবেছিলে তুমি, তামাসা করছি?

দিন কাটিয়া যায়। জীবনে আর কোনদিন গাওদিয়ায় যাইতে পাইবে না ভাবিয়া মতির যখন কষ্ট হয়, কাঁচা মনে তখন কম-বেশি আশা-আনন্দের সঞ্চার হয়। শৃঙ্খলার যথেষ্ট অভাব থাকিলেও জীবন এখানে মোটামুটি নিয়মানুভবতী। আর মাঝে মাঝে কুমুদকে যতই ভয়ানক, নির্মম ও পর মনে হোক, কি একটা আশ্চর্য মন্ত্রে কুমুদ তাহাকে মুগ্ধ করিয়া রাখে। একটু নির্ভর করিতে শিখিয়াছে মতি। সে জানে আবোল-তাবোল খরচ করিয়া যত নিঃস্বই কুমুদ হোক, টাকার জন্ম কখনো তার আটকায় না। তা ছাড়া চারিদিকে ধার করিয়া রাখিয়া কপর্দক শূন্য অবস্থাতেই কুমুদ যেন হুস্থ থাকে! টাকা দিতে কামড়ায়; ঘরে টাকা থাকিলে রাগে যেন তার ঘুম আসে না। তা ছাড়া, আর একটা ব্যাপার মতি ক্রমে ক্রমে টের পাইয়াছে। তাহাকে ভাঙিয়া গড়িবার কল্পনাটা কুমুদ শুধু মুখেই বলিতে ভালবাসে, কাজে কিছু করিবার তার উৎসাহ নাই! জীবনে আর কিছুই কুমুদ চায় না, যখন যা খেয়াল জাগে সেটা পরিতৃপ্ত করিতে পারিলেই সে খুশি। নিয়ম, দায়িত্ব, ভাল-মন্দ, উঁচত-অহুচিত এগুলি তার কাছে বিষের মতো। কথাসর্বস্বও বটে কুমুদ। সে যখন বড় বড় কথা বলে, সার দিয়া যাওয়াই যে যথেষ্ট, এটুকু জানিয়াও একদিকে মতি খুব নিশ্চিন্ত হইয়াছে। তবে কুমুদের সেবা করিয়া মতি

বড় শ্রান্তি বোধ করে, জ্বালাতন হয়। এক এক সময় তাহার মনে হয় যে, কুমুদের বুঝি সে বৌ নয়, দাসী। সিগারেট ধরানো হইতে পা টিপিয়া দেওয়া পর্যন্ত অসংখ্য সেবা করিবে বলিয়া অত ভালবাসিয়া কুমুদ তাহাকে বিবাহ করিয়াছে। একটু খেলা চায় মতি, নিজের একটু আরাম বিলাস। কুমুদের জ্বালায় তা জুটবার নয়।

আগ্রহের সঙ্গে মতি জয়া ও বনবিহারীর জীবনযাত্রা লক্ষ্য করে। জীবনকে ওয়া এই ক্ষুদ্র গৃহাংশে আবদ্ধ করিয়াছে, বাহির হইতে কোন রকম বৈচিত্র্য আহরণের চেষ্টা নাই! সারাদিন ছবি আঁকে বনবিহারী, শুধু ছবি বেঁচিবার জন্ত বাহিরে যায়, বাকী সময়ে ঘরে বন্দী করিয়া রাখে নিজেকে। কখনো সচ্ছলতা আসে, কখনো অভাব দেখা দেয়। টাকা-পয়সা সম্বন্ধে বনবিহারী কুমুদের ঠিক বিপরীত। একটি পয়সা সে কখনো ধার করে না। এ বিষয়ে জয়া আরও কঠোর। দুটি পরিবার এক বাড়িতে বাস করিতেছে, কিন্তু তাদের মধ্যে আলু পটলের বিনিময়ও জয়া বরদাস্ত করিতে পারে না। একদিন জয়াকে বাড়তি তরকারি দিতে গিয়া মতি যা ঘা খাইয়াছিল, কোন দিন সে ভুলিবে না।

নষ্ট হবে, ফেলে দেব, তবু নেবে না দিদি ?

না রে না। দেওয়া নেওয়া আমি ভালবাসি না।

আচ্ছা আচ্ছা, বেশ! আমি যদি কোন দিন তোমার কাছে এক টুকরো নেবু পর্যন্ত নেই—

কে দিচ্ছে তোকে ?

রাগ হইলে মতির গ্রাম্যতা প্রকাশ পায়। সে বলিয়াছিল, তোমার বড় ছোট মন দিদি! অহঙ্কারে ফেটে পড়ছ।

জয়া কিছু বলে নাই। একটু হাসিয়াছিল।

মতির রাগকে শুধু নয়, তাহার গ্রাম্যতা ও সঙ্কীর্ণতাকেও জয়া হাসিয়া উপেক্ষা করে! সঙ্কীর্ণতাও মতির এক বিষয়ে নয়। তারা আসিয়া পৌঁছিবাব আগেই জয়া যে স্বেযোগ পাইয়া ভাল ঘরখানা বে-দখল করিয়াছিল, মতির মনে সে কথা গাঁথা হইয়া আছে। সোজাভক্তি কিছু না বলিলেও নিজের অজ্ঞাতে কতবার সে মনের ভাব প্রকাশ করিয়া ফেলিয়াছে। একই রান্নাঘর তাদের, পাশাপাশি উনান। মতি যেদিন ভাল মাছ-তরকারি রাঁধে, সেদিন রান্নাঘরের আবহাওয়া হইয়া থাকে সহজ। কিন্তু জয়া যেদিন রান্নার ঘটায় তাহাকে ছাড়াইয়া যায় সেদিন মতির অস্বস্তির সীমা থাকে না। সে যেন ছোট হইয়া যায়। আড়চোখে আড়চোখে সে জয়ার রান্না তরকারির দিকে তাকায়, মুখখানা কালো হইয়া আসে মতির। বনবিহারী জয়াকে বড় ভালবাসে, যত নির্বাক ও নেপথ্যে হোক সে ভালবাসা, মতিরও বুঝিতে বাকি থাকে না। জয়ার

কাছে তাই সে অন্ধকারে ইন্ধিতে কুমুদের অসীম ভালবাসা প্রমাণ করিতে চাহিয়া  
হাস্তকর অবস্থার সৃষ্টি করিয়া বসে।

জয়া নীরবে হাসে।

হাসছ যে দিদি ?

হাসব না ? তুই যে হাসাস।

মতি গভীর হইয়া বলে, অত হাসি ভাল নয়।

জয়ার সঙ্গে খাপ খায় না মতির। মেলামেশা আছে, গল্পগুজব আছে, খীতি যেন  
তবু জমে না। আত্মীয়্যার মতো ব্যবহার করিয়াও জয়া যেন অনাত্মীয়্য হইয়া থাকে,  
ছোট বোনটির মতো তাহার প্রতি নির্ভর রাখিয়া মতি সুখ পায় না। মিলিয়া মিশিয়া  
যে দিনটা ভালই কাটে, সেদিন সন্ধ্যায় মুহু ক্ষোভের সঙ্গে মনে হয়, সবই তো আছে,  
ভালবাসা কই ? আসিবার সময় পথে টেনে একটি বৌ-এর সঙ্গে মতির গলায় গলায় ভাব  
হইয়াছিল, এও যেন তেমনি পথের পিরিতি। এত ঘনিষ্ঠতায় সমবেদনার আনন্দ কই ?  
টাকা পয়সার এবং আরও কয়েকটি স্বেচ্ছায় জগুই কি তারা একত্র বাসা বাঁধিয়াছে,  
আর কোন সন্ধ্য গড়িয়া উঠিবে না তাদের মধ্যে ? জয়ার দোষ নাই। কাঁচা মনের  
উচ্ছাসিত আবেগে সে যা চায়, খানিক উচ্ছাসভরা আদর-মমতা, জয়া কেন তা দিতে  
পারিবে ? তার শিক্ষা-দীক্ষা অল্প রকম। গের্যো বলিয়া অবহেলা সে মতিকে করে  
না, রাখিতে শেখায়, চুল বাঁধিয়া দেয়, সত্বপদেশ শোনায়ে, সাশ্বনা দেয়। ভাব-প্রবণতা  
জয়ার নাই। মতি তাকে নিষ্ঠুর মনে করে।

তা ছাড়া জয়ার মনে একটা গভীর দুঃখ আছে। স্বামীর প্রতিভা তাহার অর্থা-  
ভাবে ব্যর্থ হইতে বসিয়াছে। বিবাহ সে করিয়াছিল আর্টিস্টিকে, যার ভবিষ্যৎ ছিল  
ভাস্বর, ঘর সে করিতেছে পটুয়ার। সমবেদনার প্রয়োজন জয়ার নিজেরও কম নয়।  
অথচ মতি তার এ দুঃখের স্বরূপ বোঝে না। একদিন মতিকে বলিতে গিয়া তাহার  
বুঝিবার শক্তির অভাবে জয়া আহত হইয়াছে। বিপুল সম্ভাবনাপূর্ব কত বড় একটা  
জীবন যে ঘরের পাশে পঙ্গু হইয়া আছে, মতির তাহা ধারণা করিবার ক্ষমতা পর্যন্ত নাই  
জানিয়া মেয়েটার প্রতি একটু বিরূপ হইয়াছে বই কি জয়ার মন !

হাসিয়া উড়াইয়া দিলেও কুমুদ ও তার সন্ধ্য মতির দীর্ঘা ও সন্দেহটা কিছু কিছু  
জয়া যে টের পায় নাই এমন নয়।

বেপরোয়া কুমুদ যে জয়াকে কিছু কিছু ভয় করে মতি আজকাল তাহা বুঝিতে  
পারিয়াছে। এখানে সে যে অনেকটা সংযত হইয়া আছে তা জয়ার জগুই !

এমন বাকাভাবে মতি জয়াকে এই কথাটা শোনায়ে যে জয়া মনে মনে রাগ করে।

কি যে তুই বলিস ! কেন, আমাকে ভয় করে চলবে কেন ?

তোমাকে যেন সমীহ করে চলে দিদি !

কি করে তুই তা জানলি ?

মতি সগর্বে বলে, আমি ওসব জানতে পারি দিদি, যত বোকা ভাব অত বোকা আমি নই !

জয়া বিরক্তভাবে বলে, তাই দেখছি ।

হোটেলে বনবিহারী অল্প সময়ের জ্ঞান যাইত, তখন তাকে মতির ষেরকম মনে হইয়াছিল এখানে দেখিল সে একেবারেই অল্প রকম । ভয়ানক ব্যস্ত মানুষ, সময়ের সব সময়েই অভাব । ছবি আঁকিতে আঁকিতে শ্রান্তিও কি আসে না লোকটার ! তুলিটি হাতে ধরাই আছে । প্রথমে মতির মনে হইয়াছিল সে বুঝি হাসি-তামাসা খুব ভালবাসে, হোটেলের ঘরে কি ভাবেই সে হাসাইত মতিকে ! এখানে বনবিহারীকে তার মনে হয় একটু ভোঁতা, একটু নিস্তেজ । তার কাছে স্বামীকে জয়া একদিন ষেরকম প্রতিভাবান তেজস্বী মানুষ বলিয়া প্রতিপন্ন করিতে চাহিয়াছিল, বনবিহারী সে রকম একেবারেই নয় । বরং তাকে ভীষণ বলা যায় । জয়াকে সে যে অন্তত খুব ভয় করে, কুমুদের চেয়ে বেশি, তাতে সন্দেহ নাই । এমন নিরীহ সাধারণ লোকটির সম্বন্ধে জয়ার ওরকম ধারণা কেন মতি বুঝিতে পারে না ! খুব বড় কিছু করিতে পারিত বনবিহারী, দেশ-বিদেশে নাম ছড়াইত, কেবল দারিদ্র্যের জ্ঞান পারিয়া উঠিল না,—মতির মনে হয় এই আপসোস জয়া তৈরি করিয়াছে,নিজে । ছবি আঁকিয়া মানুষ নাকি আবার বড় হয় ।

প্রতিভা, আর্ট, শিল্পীর প্রতিষ্ঠালাভ এসব যে কি পদার্থ, মতির তা জানা নাই, তবু জয়া ও বনবিহারীর সম্পর্কের খাপছাড়া দিকটা সে বেশ উপলব্ধি করিতে পারে । তেজ যা আছে জয়ারই আছে, স্বামীকে সে মনে করে, হইতে পারিত লাট সাহেব ! নিজের ক্ষমতার পরিচয় রাখিয়াও জয়ার ভয়ে বনবিহারী এতে সায় দিয়া চলে, নিপীড়িত বঞ্চিত সাজিয়া থাকে জয়ার কাছে । গরীব গৃহস্থকে জ্বীর কাছে রাজ্যচ্যুত রাজার অভিনয় করিতে হইলে যেমন হয় বনবিহারীরও তেমনি বিপদ হইয়াছে ।

জয়া বলিয়াছিল, আমার যদি টাকা থাকত মতি ! টাকার জন্তে ওকে যদি ছবি আঁকিতে না হত ।

টাকার জন্তেই তো সবাই সব কাজ করে দিদি, করে না ?

বাজে লোকে করে । যারা কবি, আর্টিস্ট তাদের কি ও তুচ্ছ দিকে নজর দিলে চলে ?

মতি একটু ভাবিয়া বলিয়াছিল, টাকা জমাও না কেন ? হাতে টাকা এলেই বা করে সব খরচ কর, তোমার স্বভাবও ওর মতো দিদি ।

জয়া বলিয়াছিল, তুই ওসব বুঝবি না মতি । শিল্পীর মন কত কি চায়, কিছুই

ধোগাতে পারি না। টাকা থাকলে তবু দুদিন সচ্ছল ভাবে চালাই, কোন ধোরাক তো পায় না প্রতিভার।

মতি গিয়া কখনো পিছনে দাঁড়াইয়া বিশ্বিত দৃষ্টিতে বনবিহারীর ছবি অঁকা ছাথে। বনবিহারীর ছবিতে গাছ-পালা, বাড়ি-ঘর মাহুকের পোষাক-পরিচ্ছদ সবই তার কেমন অদ্ভুত মনে হয়! টের পাইয়া বনবিহারী ফিরিয়া তাকায়। তাকায় স্নেহপূর্ণ চোখে। বলে, সময় পেলেই তোমার একপানা ছবি এঁকে দেব খুকী।

ছবি চাই না।—মতি বলে।

কেন, রাগ হল কেন?

খুকী বলতে বারণ করি নি?

বনবিহারী হাসে। বলে, যদি তুমি তোমার খুকী না হয়, খুকী ছাড়া তোমাকে কিছুটা বলব না বোন, কিছুটা নয়।

এদিকে মতির চোখে পড়ে জয়া ইশারায় ডাকিতেছে। কাছে গেলে জয়া গভীর মুখে বলে, ছবি অঁকবার সময় ঠুঁকে বিরক্ত করিস না মতি।

মতি রাগিয়া ভাবে, ওঃ একবার হুকুম শোনো মুটকির!

একদিন মতি তাহার হারটি খুঁজিয়া পায় না। শশীর উপহার দেওয়া হার, কি হইল সেটা? আগের দিন কুমুদ দোকানে কিছু টাকা দিয়াছে, বাড়ি ভাড়ার টাকা দিয়াছে জয়ার হাতে। মতির তা মনে পড়ে, তবু বাস্তব প্যাটার আনাচ কানাচ সে পাতি-পাতি করিয়া খোঁজে। তালপুকুরের ধারে একদিন তার কানের মাকড়ি হারাইয়াছিল, না বলিতে কুমুদ তাহাকে কিনিয়া দিয়াছিল নূতন মাকড়ি। আজ কি সে শশীর উপহার, তার বিবাহের অলঙ্কার তাকে না বলিয়া আত্মসাৎ করিবে?

হার হারাইয়াছে শুনিয়া জয়া অস্বস্তি বোধ করিতে লাগিল। দুটি গরীব পরিবারের একসঙ্গে বাস করার এই একটা শ্রীহীন দিক আছে। একজনের দামী কিছু হারাইলে অল্পজনের মনে এই চিন্তাটা খচখচ করিয়া বিধিতে থাকে যে, কে জানে কার কি মনে ভাব জাগিয়াছে! এ আর কে না জানে যে দারিদ্র্য সবই সম্ভব করিতে পারে?

খোঁজ মতি, ভাল করে খোঁজ। কলতলায় পড়ে নি তো? রান্নাঘরে? মতি, কাঁদিতে কাঁদিতে বলিল, গলায় পরিণি তো, বাস্কয় ছিল! ও আর পাওয়া যাবে না দিদি।

কুমুদ ফিরিলে জয়াই তাহাকে খবরটা দিল। কুমুদ বলিল, হারাবে কেন? আমি বিক্রি করেছি।

সে কি কুমুদ? জয়ার চমক লাগিল।

কুমুদ বলিল, হার থেকে কি হত ? টাকাটা কাজে লাগল।

মতি কঁাদিতেছিল। জয়া বলিল, টাকা কাজে লাগে, হার কি কাজে লাগে না কুমুদ ?

কুমুদ বলিল, গয়না যে-সব মেয়েমানুষের সর্বস্ব আমি তাদের ছুচোখে দেখতে পারি না।

জয়া এবার রাগ করিয়া বলিল, মেয়েমানুষ বোলো না কুমুদ, ছেলেমানুষ বোলো।

ছেলেমানুষ তো গয়না সঙ্কে আরও উদাসীন হবে।

জয়ার রাগ বড় আশ্চর্য। মুখে চোখে দেখা যায় না; কণ্ঠস্বরে ফুটিয়া ওঠে না, তবু টের পাওয়া যায়। সে বলিল, জগৎটা যদি তোমার মনের মতো হত, কি করে তাতে বাস করতাম ভাবি। বাড়িভাড়ার টাকা না হয় পরেই দিতে ?

কুমুদ বলিল, তুমি বুঝি ভেবেছ বাড়িভাড়ার টাকা দেবার জগ্নই আমি হার বিক্রি করেছি ?

অনেকদিন থেকে তোমায় জানি আমি কুমুদ, আমার কাছে হেঁয়ালি কোরো না। জয়া আর দাঁড়াইল না। সজল চোখে মতি আজ চাহিয়া দেখিল যে জীবনে আজ প্রথম কুমুদের মুখ কালো হইয়া গিয়াছে !

তখন সকাল। সারাদিন মতি মুখভারি করিয়া রহিল। কুমুদ তাহাকে একবারও ডাকিল না। বেলা পড়িয়া আসিতে মতির বুক ফুলিয়া কাঁপিয়া উঠিতে লাগিল। একি অবহেলা কুমুদের ? গয়নার জগ্ন কত কষ্ট হইয়াছে তার মনে, ডাকিয়া দুটি মিষ্টি কথা পরষন্ত সে তাকে বলিল না ? দোষ স্বীকার করিয়া একটি চুমু দিলেই সে তো ক্ষমা করিয়া ফেলিত ! হয়তো হারটির জগ্ন এতটুকু ছুঃখও আর তার থাকিত না।

সন্ধ্যার খানিক আগে কুমুদ হঠাৎ ঘর ছাড়িয়া বাহির হইয়া আসিল, কলের নীচে মাথাটা পাতিয়া দিয়া মতিকে বলিল, বেড়াতে যাবে তো, কাপড় পরে নাও।

মতি রোয়াকে তার সাধের টেবিল-ল্যাম্পটি সাফ করিতেছিল, কথা বলিল না। শুধু শেডটা নীচে পড়িয়া ভাঙিয়া গেল।

মাথা মুছিতে মুছিতে কুমুদ আবার বলিল, কাপড় পরে নিতে বললাম যে মতি ?

মতি সজলস্বরে বলিল, আমি যাব না।

চল, থিয়েটার দেখাব।

না, বলিয়া মতি ঘরে গিয়া শুইয়া পড়িল। কিন্তু কুমুদের কাছে তাহার অভিমান টিকিবার নয়। সাজিয়া-গুজিয়া কুমুদের সঙ্গে মতিকে থিয়েটারে যাইতে হইল। সেইখানে, স্টেজে যখন মাতাল যোগেশ 'সাজানো বাগান শুকিয়ে গেল' বলিয়া মতির বুকে কান্না ঠেলিয়া তুলিতেছে, কুমুদ তাকে খবরটা জানাইল !



এখানে চাকরি পেয়েছি মতি।

মতি মুখ ফিরাইয়া বলিল, কি বললে ?

এই খিয়েটারে চাকরি পেয়েছি। একশ টাকা মাইনে দেবে।

যোগেশের সাজানো বাগানের শোক পলকে মতির কাছে মিথ্যা হইয়া গেল ? সে রুদ্ধশ্বাসে বলিল, এখানে তুমি পাট করবে ? কবে করবে ?

এ নাটকের পরে যে নাটকটা হবে, তাতে।

তারপর আর মতির মনে একটুকু ব্যথা বা আপসোস থাকে না। সব কুমুদের ছল, হোটেলের বন্ধুদের আনা, ম্যানেজারকে ঠকানো, জয়ার সঙ্গে মাখামাখি, হার বিক্রি করা, সব কুমুদ তাকে পরীক্ষা করব'র জন্ত করিয়াছে। ওসব খেলা কুমুদের এতদিন মজা করিতেছিল তাকে লইয়া, এবার কুমুদ তাকে ঘিরিয়া তার কল্পনাঃ স্বর্গটি রচনা করিয়া দিবে। আলোকোজ্জ্বল স্টেজের দিকে চাহিয়া যোগেশকে মতি আর দেখিতে পায় না, ছাখে রাজপুত্র প্রবীরের বেশে কুমুদকে। স্থখে গর্বে মন ভরিয়া ওঠে মতির। বাড়ি ফিরিয়া জয়াকে খবরটা শোনাইতে মতির তর সয় না। জয় শুনিয়া বলে, এরকম চাকরি তো নিচ্ছে, আর ছাড়ছে, ক'মাস টিকে থাকে ছাথ। এক কাজ করিস মতি, কুমুদকে লুকিয়ে কিছু টাকা জমাস।

মনে মনে মতি তা করিতে অস্বীকার করে। লুকাইয়া টাকা জমাইবে না কচু কি দরকার ? টাকার জন্ত কুমুদের যে কোন দিনই আটকাইবে না, এখন হইতে মতির তাহাতে অক্ষুন্ন বিশ্বাস। সাজ খুলিতে খুলিতে উত্তেজনায় মতির চোখ জলজল করে। সে বোধ করে একটা অভূতপূর্ব বেপরোয়া ভাব, কিসের হিসাব, ভাবনা কিসের ? কে তোয়াক্কা রাখে কবে কিসে কি স্থবিধা অস্থবিধা হইতে পারে ? কি প্রভেদ গয়ন' থাকায় আর না থাকায় ? কুমুদের যেমন তুলনা নাই, কুমুদের মতামতগুলিও তেমনি অতুলনীয়। তেজের সঙ্গে টাকাপয়সা রীতিনীতি লইয়া ছিনিমিনি খেলার চেয়ে আর কিসে বেশি মজা ? তারপর বা হয় হইবে। কুমুদের বৃকে মতি ঝাঁপাইয়া পড়ে। আহ্লাদে গলিয়া গিয়া বলে, ওগো শোন, নাচগান শেখাবে আশায়, আজ যেমন নাচছিল ? ঘরে খিল দিয়ে তোমার সামনে নাচব ?

বলে, রোজ খেটার দেখিও, রোজ। বিকেল বিকেল রেঁধে রেখে চলে যাব, অ'্যা ? বলে, বেচে দেবে তো দাও না, সব গয়না, বেচে দাও। ফুঁটি করি টাকাগুলো নিয়ে।

ইস, কি নেশা দায়িৎহীনতার, গা-ভাসানোর কি মাদকতা ! এই তো সেদিন বিবাহ হইয়াছে মতির, গাওদিয়ার গৈয়ো মেয়ে মতি, এর মধ্যে কুমুদের রোগট তার মধ্যে সংক্রামিত হইয়া গেল ? তবে, একথা সত্য যে বিবাহ বেশি দিনের ন

হাক সম্পর্ক কুমুদের সঙ্গে তার অনেক দিনের। তালপুকুরের ধাপে সাপের কামড় পাওয়ার দিন হইতে ভিনদেশী এই কাঁচপোকা গাঁয়ের তেলাপোকাটিকে সম্বোহন করিয়া আসিতেছে।

কুমুদ খুশী হইয়া বলে, আজ তুমি যে এমন মতি ?

মতি বলে,—

বিল্বে শুধার আলকে তুমি এমন কেন রাই,  
অথর কোণে দেখছি হাসি, স্তাম তো কাছে নাই ?

কুমুদ বলে, মানে কি হল ?

মতি বলে, বলি গো বলি—

রাই কহিলেন, ওলো বিল্বে, চোখের মাথা খেলি।  
ওই চেরে ছাখ কদমতলে আমরা গলাগলি।

কুমুদ আবার বলিল, মানে কি হল ?

মানে ? আনন্দের নেশায় এতটুকু গেলো মেয়ে ছড়া বলিয়াছে, তারও মানে গাই ? মানে তো মতি জানে না। অপ্রতিভ হইয়া সে মুখ লুকায়।

দিন পনের পরে নূতন নাটক আরম্ভ হইল। পর পর তিন রাত্রি মতি অভিনয় দেখিতে গেল। জয়াকে অনেক সাধ্যসাধনা করিয়াও একদিনের জন্ত কুমুদের অভিনয় দেখাইতে শে লইয়া যাইতে পারিল না। কেবল বনবিহারী জয়াকে লুকাইয়া একদিন দেখিয়া আসিল। চুপি চুপি মতির কাছে প্রশংসা করিয়া বলিল যে অ্যাকট করার প্রতিভা আছে কুমুদের।

অভিনয় না থাকিলে ছুপুরে অথবা সন্ধ্যায় কুমুদ রিহাসেস ল দিতে যায়। কুমুদ না থাকিলে রাতে জয়া মতির কাছে শোয়। ভোরে মতির ঘুম ভাঙে না। কুমুদ বাড়ি আসিয়া মুখের পেট তুলিতে তুলিতে একবার তাকে ডাকে, স্নান করিয়া আসিয়া একবার ডাকে, তারও অনেক পরে মতি ওঠে। কুমুদকে চা করিয়া দেয় জয়াই। অনেক কিছুই করে জয়া মতির জন্ত, তবু অনেক বিষয়ে পর হইয়া থাকে।

এমনি ভাবে কাটিতে লাগিল মতির, ঘরের কাজ করিয়া, থিয়েটার বায়স্কোপ দেখিয়া বেপরোয়া ফুঁতি ও গাওদিয়ার জন্ত মনোবেদনায়, আর জয়াকে কখনো ঈর্ষা করিয়া কখনো ভালবাসিয়া। জয়ার কাছে একটু লেখা পড়া শিখিতেও আরম্ভ করিয়াছে। যে নাটকে কুমুদ পাঠ বলে সাতদিনের চেষ্টায় সেখান মতি পড়িয়াও ফেলিল। মনে আবার আকাশম্পর্শী আশার সঞ্চার হইয়াছে। কত কি কল্পনা করে মতি, গাওদিয়ার সেই পুরানো কল্পনার স্থানে নব নব কল্পনার আবির্ভাব ঘটয়াছে। তা ছাড়া, এতদিনে আবার যেন নূতন করিয়া কুমুদকে সে ভালবাসিতে শুরু করিয়াছে।

মনে হয়, এই যেন আসল ভালবাসা ; পাণ্ডিয়ার তালবনের ছায়ায় শুধু ছিল খেলা। এতদিনে রোমাঞ্চকর গাঢ় প্রেমের সম্ভাবনা আসিয়াছে। মাঝখানে কি হইয়াছিল মতির ? মনটা কি তার অবসন্ন হইয়া গিয়াছিল ? কই কুমুদের চূষনে এমন অনির্বচনীয় অসহ্য পুলক তো জাগিত না,—যেন কষ্ট হইত, ভাল লাগিত না। বসন্তকালে এবার কি জীবনে প্রথম বসন্ত আসিল মতির ? কুমুদ যখন বই পড়ে, কাজের ফাঁকে বার বার তাহার মুখের দিকে চাহিয়া থাকিতে পারিয়াই কত সুখ হয় মতির ; কুমুদ যখন বাহিরে থাকে তখন দেখে মনে অকারণে কি এক অভিনব পুলক প্রবাহ অবিরাম বহিয়া যায় ; শিথিল অবসন্ন ভঙ্গিতে বসিয়া থাকিতে যেমন ভাল লাগে, তেমনি ভাল লাগে চলা-ফেরা হাত পা নাড়ার কাজ। বাসন-মাজার মধ্যেও যেন রসের সন্ধান মেলে। এই ক্ষুদ্র পৃথিবীর সমস্ত দৃশ্যে যেন সুধা ছড়ানো আছে।

জয়া বলে, কি রে, কি হয়েছে তোর ? চাউনি যেন কেমন কেমন, থেকে থেকে এলিয়ে পড়িস, গদগদ কথা বলিস,—ব্যাপারখানা কি ?

কি হইয়াছে মতি নিজেই কি তা জানে ? মুচের মতো একটু মাথা নাড়ে। জয়া হাসিয়া বলে, তোকে চৈতে পেয়েছে। কাব্য লেগেছে তোর মতি।

তখন গেলো মেয়ে মতি জয়াকে কি একটা বুঝাইতে চাহিয়া বলে, মনটা উড়ু উড়ু করছে দিদি।

তাকে চৈতে পাওয়া বলে।

জয়া একটু গভীর হইয়া যায়। একপ্রকার নূতন দৃষ্টিতে সে যেন বিশেষ মনোযোগ সহকারে তাকায় মতির দিকে। মতি একটু অস্বস্তি বোধ করিয়া বলে, তোমার ক-বছর বিয়ে হয়েছে দিদি ?

দু-বছর।

মোটো ? অনেক বয়সে বিয়ে হয়েছে বল ?

তোর তুলনায় অনেক বই-কি। চল তো মতি তোর ঘরে যাই, কটা কথা জিজ্ঞেস করব।

কুমুদ কোথায় কি ভাবে মতিকে আবিষ্কার করিয়াছিল সে কথা জানিতে জয়া কখনো কৌতুহল দেখায় নাই। আজ মতিকে খুঁটিয়া খুঁটিয়া অনেক কথা জিজ্ঞাসা করিল। প্রায় সব কথাই। গভীর ও গোপন যে সব কথা কারো কাছে কোনোদিন প্রকাশ করা চলিতে পারে বলিয়া মতি ভাবিতেও পারে নাই। এতকাল পরে হঠাৎ জয়ার সমস্ত জানিবার আগ্রহ দেখিয়া মতি আশ্চর্য হইয়া গেল। সংক্ষেপে, রাখিয়া-চাকিয়া যে বলিবে জয়া তাও করিতে দিল না। সত্যের উপরে আরও কিছু বাড়াইয়া বলিলেই সে যেন খুশী হয়।

তারপর জয়া বলিল, তবে তো কুমুদ তোকে সত্যিই ভালবাসে মতি ?

এমন করিয়া একথা বলিবার মানে ? কুমুদ তাকে ভালবাসে না তাই ভাবিয়াছিল নাকি জয়া ? মতি সর্বে জয়ার দিকে তাকায়। ভুল তো ভাঙিল তোমার, কুমুদের অনেকদিনের বন্ধু ? আর মতির সঙ্গে চালাকি করিতে আসিও না।

কুমুদ শেষে তোকে ভালবাসল মতি ? জয়া বলে।

মতি আহত হইয়া জবাব দেয়, বাসবে না তো কি ? আমি ওর কত জন্মের বৌ তা জান ?

তাও জানিস মতি, জন্মে জন্মে তুই ওর বৌ ছিলি ? তুই অবাক করেছিস মতি। রূপ গুণ বিজ্ঞাবুদ্ধি নাচ গান দিয়ে কেউ যাকে বাঁধতে পারে নি তাকে তুই কাবু করলি, একফোটা মেয়ে ? কম তো নোস তুই !

কে ওকে বাঁধতে পারে নি দিদি ? সে কে ? চেন ?

চিনি, তোকে বলব না।

বল না দিদি বল। পায়ে পড়ি বল।

জয়া মুহু বিপন্ন হুরে বলিল, বলে তোকে একটু কষ্ট দিতে সত্যি ইচ্ছা হচ্ছে মতি। তবু বলব না। কি করবি শুনে ? তারা সব কে কোথায় ছিটকে পড়েছে, কে কি অবস্থায় আছে, কিছুই ঠিক নেই। তাছাড়া তোর ভয় কি মতি ? কেউ আর পারনে না ছিনিয়ে নিতে। ফিরে গিয়েছিল, একবার চলে এসে তোর জন্তে আবার ফিরে গিয়েছিল গাওদিয়ায় !

জয়ার ভাব দেখিয়া মনে মনে বড় ভয় পায় মতি, হঠাৎ কি হইল জয়ার ? কুমুদকে যারা বাঁধিতে পারে নাই জয়াও কি তাদের একজন নাকি ? তা যদি হয় তবে তো বড় কষ্ট জয়ার মনে ! তাকে লইয়া কোন্ বুদ্ধিতে কুমুদ এখানে জয়ার সঙ্গে একত্রে বাস করিতে আসিয়াছিল ? জয়ার জগু ক্রমে ক্রমে মতির মন মমতায় ভরিয়া যায়। হিংসার চেয়ে সমবেদনাই সে বোধ করে বেশি।

কদিনের মধ্যেই মতি বুদ্ধিতে পারে জয়ার যা হইয়াছে তা সাময়িক নয়। সে যেন স্থায়ীভাবেই মুগ্ধাইয়া গিয়াছে। কাজে যেন উৎসাহ পায় না, প্রতিভাবান স্বামীর সুখ-সুবিধা ও আশ্রমের ব্যবস্থা করিতে সব সময় ব্যাকুল হইয়া থাকে না, জরুক্ৰিত করিয়া কি যেন একটা হ্রস্বোধ্য ব্যাপার বুদ্ধিব্যব চেষ্টায় ব্যাকুল হয়। মাঝে মাঝে মতি টের পায় কুমুদ ও তার মধ্যে প্রকাশ্য কথা ও ভাবের আদান-প্রদানগুলি জয়ু নিবিড় মনোযোগের সঙ্গে লক্ষ্য করিতেছেন! কি আছে জয়ার মনে ? এমন তার নজর দেওয়া কেন ? ভয়ে মতির বুক টিপটিপ করে।

অবসর সময়ে, কখনো কাজ ফেলিয়াও একটা বড় ক্যানভাসে বনবিহারী তুলি

বুলায়। এই ক্যানভাসটিকে জয়া এতদিন গৃহ-দেবতার মতো যত্ন করিত, সাবধানতার সীমা ছিল না। এটি নাকি বিক্রির জন্ত নয়, লোকের ফরমাশী নয়, প্রতিভার ফরমাশে প্রেরণার মুহূর্তগুলিতে বনবিহারী এতে রঙ দেয়, একদিন দেশবিদেশের একজিবিশনে ঘুরিয়া ঘুরিয়া এই ছবিটি চিত্রকরকে যশস্বী করিবে। অত সব মতি বোঝে না। সে শুধু জানে সমস্ত ছবির মধ্যে এই ছবিখানা বিশেষ একটা কিছু, শেষ হইয়া গেলেই ছবিখানাকে উপলক্ষ্য করিয়া বড় বড় ব্যাপার ঘটতে থাকিবে। দিনের পর দিন জয় ও বনবিহারীকে ছবিখানার বিষয়ে সে আলোচনা করিতে গিয়াছে। কদিন এ আলোচনাতেও জয়ার যেন প্রবৃত্তি ছিল না। অথচ মাঝে মাঝে ঢাকা তুলিয়া তীব্র তীক্ষ্ণ দৃষ্টিতে সমাপ্ত-প্রায় ছবিখানার দিকে মতি তাহাকে চাহিয়া থাকিতে দেখিয়াছে। জয়ার মতো ঈষৎ স্থূলকায় এক রমণী কঙ্কালসার এক শিশুকে মাটিতে ফেলিয়া ব্যাকুল আগ্রহে এক পলাতক হৃন্দর দেবশিশুর দিকে হাত বাড়াইয়া আছে—ছবিখানা এই। কোথায় কি অদ্ভুত আছে ছবিটিতে মতির চোখে তো কখনো পড়ে নাই, তবে সেট নিজের চোখের অপরাধ বলিয়া জানিয়া লইয়াছে। জয়ার কথা কে অবিশ্বাস করিবে যে এরকম ছবি পৃথিবীতে দু-চারখানার বেশি নাই?

কয়েকদিন পরে সকালবেলা এই ছবিখানাই জয়া ফ্যানফ্যান করিয়া ছিঁড়িয়া ফেলিল।

তেমন কাণ্ড, জয়ার তেমন মূর্তি মতি কখনো ছাখে নাই। কুমুদ বাড়ি ছিল না, বেলা তখন প্রায় দশটা। মতি রান্না প্রায় শেষ করিয়া আনিয়াছিল। জয়া সকাল হইতে ভয়ানক গম্ভীর হইয়া ছিল, রাঙে বোধ হয় স্বামীর সঙ্গে তার কলহ হইয়াছে। দু-একটা কথা বলিয়া জবাব না পাওয়ায় কথা বলিতে মতির আর সাহস হয় নাই। কিছুক্ষণ আগে ভাত চাপাইয়া জয়া রান্নাঘরের বাহিরে গিয়াছিল। হঠাৎ জয়া ও বনবিহারীর মধ্যে তীক্ষ্ণ কথার আদান-প্রদান মতির কানে আসিল! তাড়াতাড়ি বাহির হইয়া মতি দেখিল, বিশিষ্ট ছবিখানার সামনে তুলি হাতে আরক্ত মুখে বনবিহারী দাঁড়াইয়া আছে। অদূরে জয়া। তার মুখও লাল, সে খরখর ঝরিয়া কাঁপিঙেছে।

ফেলে দাও, ফেলে দাও ও-ছবি ছুঁড়ে। প্রেরণা! ছবি আঁকতে জান না, তোমার আবার প্রেরণা! লজ্জা করে না প্রেরণার কথা বলতে?

জয়ার গলা রুদ্ধ হইয়া আসিল। বনবিহারী রাগ চাপিতে চাপিতে বলিল, এতকাল পরে এসব বলছ যে জয়া?

এতদিন অন্ধ হয়ে ছিলাম যে, মুখেই যে তুমি বিশ্বাস করতে পার। বড় বড় কথা বলে তুলিয়েছিলে আমায়—তুমি ঠক্ জোচ্চোর!

বনবিহারী ভীক, একথা সহ্য করিবার মতো ভীক নয়। সে বলিল, তা হতে পারি।

এতদিন যদি অন্ধ হয়ে ছিলে, আজ দিব্যদৃষ্টি পেলে কোথায় ? কে চোখ খুলে দিল শুনি ?  
কুমুদ নাকি ?

তারপরেই জয়ার বঁটিতে ক্যানভাসখানা ফালা হইয়া গেল। কিছুক্ষণ শুষ্ক হইয়া  
দাঁড়াইয়া থাকিয়া বনবিহারী ঘরে ঢুকিয়া জামাটি হাতে করিয়া বাড়ির বাহির হইয়া  
গেল। জয়া ঘরে ঢুকিয়া বন্ধ করিল দরজা। বঁটিখানা তুলিবার সময় জয়ার বোধ হয়  
হাত কাটিয়াছিল, কয়েক ফোঁটা তাজা রক্ত রোয়াকে পড়িয়া রহিল।

এসব কি ভীষণ দুর্ভেদ্য ব্যাপার ? মাথা খারাপ হয়ে গেল নাকি জয়ার ? বাকি  
রান্না মতি সেদিন রাখিতে পারিল না। অনেকক্ষণ পরে জয়ার ঘরের দরজায় আশ্বে  
আশ্বে ধাক্কা দিয়া সে মৃদুস্বরে জয়াকে ডাকিল। বারকয়েক ডাকাডাকি করিতে ভিতর  
হইতে জয়া বলিল, যা মতি যা, বিরক্ত করিস না আমাকে।

কুমুদ ফেরা পর্যন্ত মতি চুপ করিয়া ঘরে বসিয়া রহিল। সে বড় বিপন্নবোধ  
করিতেছিল। এসব জটিল খাপছাড়া ব্যাপার সে বুঝিতে পারে না, স্বামী-স্ত্রীর কলহ  
খুবই স্বাভাবিক, কিন্তু এ কোন্-দেশী কলহ ? জয়া যা বলিল, বনবিহারী যা বলিল,  
কি তার মানে ? মতির মনে হইতেছিল এর মধ্যে কোথায় যেন তারও স্থান আছে,  
একেবারে জয়া ও বনবিহারীর মধ্যেই কলহটা সীমাবদ্ধ নয়। কি করিয়াছে সে, কি  
দোষ তার ? কেহ যদি বলিয়া দিত মতিকে। অনেকবেলায় কুমুদ ফিরিয়া আসিল।  
ঘরে বসাইয়া চাপা গলায় মতি তাহাকে যতখানি পারে গুছাইয়া সব বলিল।

কুমুদ বলিল, তা হলেই সর্বনাশ মতি।

মতি ব্যাকুলভাবে বলিল, কিসের সর্বনাশ ? কি হয়েছে ? বল না বুঝিয়ে আমায় ?  
মাথা-টাথা ঘুরতে লেগেছে বাবু আমার।

কুমুদ বলিল, পরে বুঝিয়ে বলব মতি, ভাল করে আমি নিজেই বুঝতে পারছি না  
কিছু। কি বিশ্রী গরম পড়েছে দেখছ ? বাতাস কর দিকি একটু।

মতি আজ অত্যন্ত বিচলিত হইয়া পড়িয়াছিল, নতুবা বাতাস করিবার জন্য বলিতে  
হইত না। ঠাণ্ডা হইয়া কুমুদ স্নান করিতে গেল। খাওয়া-দাওয়ার পর সটান  
বিছানায় চিত হইয়া আয়োজন করিল ঘুমের। মতি বলিল, দিদিকে ডাকবে না  
একবার ?

এখন ? রেগে দরজা দিয়ে আছে, কে এখন ওকে ঘাঁটাতে যাবে বাবা। মারতে  
আসবে আমাকে। যাও, খেয়ে এস।

স্নান করিয়া মতি সবে খাইতে বসিয়াছে, জয়া দরজা খুলিয়া বাহিরে আসিল।  
রান্নাঘরে ঢুকিয়া কলসী হইতে এক গেলাস জল গড়াইয়া খাইল।

মতি ভয়ে ভয়ে বলিল, তোমাদের ঝগড়া হল কেন দিদি ?

জয়া বলিল, তুমি ছেলেমানুষের মতোই থাক না মতি ?

তারপর জয়া মতির ঘরে প্রবেশ করিল। মতির আর খাওয়া হইল না। উঠিতে ভয় করে, খালার সামনে থাকাও অসম্ভব। কৌতূহল মতি দমন করিতে পারিল না। উঠিয়া গিয়া দরজার বাহিরে দাঁড়াইয়া রহিল।

জয়া বলিতেছিল, কুমুদ, এখানে তোমাদের আর থাকা হবে না। একশো টাকা মাইনে পাও, অন্য কোথাও থাক গিয়ে, সুবিধামতো বাড়ি টাড়ি আজকালের মধ্যেই দেখে নাও একটা।

কুমুদ বিছানায় উঠিয়া বসিয়াছিল, বলিল, বোসো না জয়া। বসে কি হল খুলে বল সব।

জয়া চেয়ারটাতে বসিল, বলিল, বলাবলিতে লাভ নেই কুমুদ। তোমরা না গেলে, আমরা চলে যাব। কালের মধ্যেই যাব।

কুমুদ শান্তভাবে বলিল, বেশ তো, আমরাই উঠে যাব কাল। সেটা কিছুই কঠিন নয়। কিন্তু কি হয়েছে আমাকে না বললে সে কোন দেশী কথা হবে ?

তোমাকে বলতে বাধা নেই কুমুদ। না বলে পারবও না। এখন শুনবে ? শোন ! বুঝবে কি-না জানি না কুমুদ। তুমি তো জান আমি ওকে ভালবেসে বিয়ে করেছিলাম ? হঠাৎ জানতে পেরেছি তা সত্য নয়।

কিসে তা জানলে ?

তোমাদের দেখে কুমুদ। তুমি তো ভালবাস মতিকে ?

কুমুদ যত্ন একটু হাসিয়াই গম্ভীর হইয়া গেল, ঠিক জানি না জয়া। খুব সম্ভব বাসি। আরও কিছুদিন পরে হয়তো সঠিক জানা যাবে।

জয়া বলিল, না, তুমিও ওকে ভালবাস, ও-ও তোমাকে ভালবাসে। কদিন আগে হঠাৎ আমার সন্দেহটা হয়। আগে তো খেয়াল করিনি। তারপর কদিন তোমাদের লক্ষ্য করে আমি বুঝতে পেরেছি প্রেম সম্বন্ধে এতকাল আমার ধারণাই ভুল ছিল। আমি ওকে ভালবাসি নি, ওর প্রতিভাকে ভালবেসেছিলাম। কুমুদ, বেদিন এটা বুঝতে পারলাম সেইদিন কি দেখলাম জান ? ওর প্রতিভাও ভূয়ো—সব আমার কল্পনা।

তোমার ভুলও তো হতে পারে ?

জয়ার চোখে জল আসিতেছিল ; তার কঠোর পরিমাপটা সহজেই বোঝা যায়। অল্প একটু সামনে ঝুঁকিয়া সে বলিল, আর সব বিষয়ে মানুষের ভুল হতে পারে কুমুদ, ভুল-ভাঙার বিষয়ে কখনো ভুল হয় না। লক্ষ্য কর দুইখণ্ডে আমার মনে যেতে ইচ্ছে করছে। কি করে এমন ভুল করলাম ? এতকাল মিথ্যার মানস-স্বর্গ কি করে বজায় রাখলাম ? কি আমার আত্মবিশ্বাস ছিল !- মনে হত আমি ভিন্ন জগতে, কেউ আমার

ধর্তো ভালবাসতে পারেনি, আমার ভালবাসাই সত্যি, আর সকলের ছেলেখেলা। খাঁটি একজন আর্টিস্টের ব্যর্থ জীবনের সঙ্গে নিজের জীবন গেঁথে তার প্রতিভাকে বাঁচিয়ে রাখবার চেষ্টা করে দুঃখের তপস্বী করছি ভেবে কত আত্মপ্রসাদ ছিল, সকলের ভোঁতা সাধারণ জীবনের কথা ভেবে মনে মনে কত হেসেছি। আমার তৈরি মিথ্যা আমাকে তাই গুঁড়ো করে দিল। কি বল তুমি কুমুদ, মতিব কাছে মুখ দেখাতে আমার লজ্জা করছে! জানি না তুমি বুঝতে পারছ কি না—

বুঝতে পারছি বই কি। তবে কি জান, তোমার অল্পভব করা আর আমার বোঝার মধ্যে অনেক তফাত। কুমুদ একটু খামিল, তাই, একটা কথা বলতে সাহস পাচ্ছি। হেসে উড়িয়ে দিতে পার না?

জয়া সোজা হইয়া বসিল, তাই কি হয়? যা নিয়ে এতকাল বেঁচে ছিলাম, সব ভেঙে গেল।—চোখের পলকে জয়ার যেন বিম ধরিয়৷ যায়, যুতের মতো দেখায় তাহাকে। তারপর সে বসিল—এটা খালি বুঝতে পারছি না, এতদিন এমন তেজের সঙ্গে কি করে নিজেকে ভোললাম। এমন সর্বাঙ্গসুন্দর ভুল মানুষের হয়! আমি তো বোকাহাবাও নই কুমুদ?

কুমুদ বলিল, কি জান জয়া, সবাই নিজেকে ভোলায়। খিদে-তেষ্ঠা পেলে তা মেটানো, ঘুম পেলে ঘুমানো, এসব ছাড়া জীবনটা আমাদের বানানো, নিজেকে ভোলানোর জ্ঞান ছাড়া বানানোর কষ্ট কে স্বীকার করে? বেশির ভাগ মানুষের এটা বুঝবারও ক্ষমতা থাকে না, সারাজীবনে ভুলও কখনও ভাঙে না। বুঝতেই যদি না পারা যায়, ভুল আর তবে কিসের ভুল? কেউ কেউ টের পেয়ে যায়, তাদের হয় কষ্ট। জীবনকে যারা বুঝে, বিশ্লেষণ করে বাঁচতে চায় এই জ্ঞান তারা বড় দুঃখী। বড় যা কিছু আঁকড়ে ধরতে চায় দেখতে পায় তাই ভুলো। এই জ্ঞান এই ধরনের লোকের মনে জীবন থেকে বড় কিছু প্রত্যাশা থাকা বড় খারাপ—যত বড় প্রত্যাশা থাকে তত বড় দুঃখ পায়। তুমি জান আমি চিরদিন কি রকম খেয়ালি, দাম্ভিক-জ্ঞানহীন, আজ এটা ধরি কাল ওটা ধরি, জীবনটা গুছিয়ে নেবার কোন চেষ্টা নেই, সংসারের একটুকু কাজে লাগাবার জন্তে মাথাব্যথা নেই। এরকম কেন হলাম কোন দিন কারুকে বলিনি। অনেকদিন থেকে জানতাম। জীবনে বড় কিছু চাইতে গেলেই আমারও তোমার মত অবস্থা হত জয়া, অনেক কিছু সংগ্রহ করে দেখলাম সব ভুলো। তার চেয়ে যখন যা ইচ্ছা হয় তাই চাই। জোর করে কিছু চাই না—যা জোটে তাই গ্রহণ করি, কোন প্রত্যাশা রাখি না। বড় লাভ হলে তাও অবহেলার সঙ্গে নিই। মতিকে ভালবাসি বলছিলে, কাল যদি ওর সঙ্গে আমার চিরবিচ্ছেদ হয় দুদিনে সামলে উঠব। মতিকে দিয়ে আমি পা টেপাই জয়া।



পা! টেপাও? বেশ কর। অতুত, খাপছাড়া কিছু না করলে তুমি বাঁচবে কেন? আমি যদি মতি হতাম —

অন্ত কিছু করতে,—অতুত, খাপছাড়া। বাচার আনন্দটাই বে খাপছাড়া জয়া, খাপছাড়া কিছু না করলে—

জয়া বলিল, ই্যা। এসব জানি। আর কিছু বক্তৃতা দিও না কুমুদ! ওয়েলা বাড়ি দেখে এসে কাল তোমরা চলে যাও। চোখের সামনে তোমরা ভালবাসবে আমি সহিতে পারব না।

চোখের আড়ালেও পারবে না।

সে আলাদা কথা।

বলিয়া জয়া যেন হঠাৎ আশ্চর্য হইয়া গেল।—কি ভাবলে তুমি? কি ভেবে ওকথা বললে? তুমি নিশ্চয় জান কুমুদ, ওভাবে আমাকে তুমি কোন দিন টানতে পার নি? ওরকম আকর্ষণ আমার কাছে তোমার কোন দিন ছিল না?

কুমুদ একটু অপ্রতিভ হইয়া বলিল, তা জানি। সে রকম ইঙ্গিত করি নি জয়া। আমরা এসে তোমার ঘর ভেঙে দিয়ে গেলাম, তাই বলছিলাম চলে গেলেও আমাদের স্বত্তি তোমার অগছ ঠেকবে।

জয়া ক্ষীণভাবে একটু হাসিয়া বলিল, কি চমৎকার তুমি বলতে পার কুমুদ!—ও মতি আর ঘরে আয়। শোন যত পারিস, এসব কথা তুই বুঝি না। আমরা একেলে-ধরা মানুষ কত হেঁয়ালিই করি।

আবার বাড়ি বদলের হাঙ্গামা? জয়া তাদের এখানে থাকিতে দিবে না? না দিক! ভালই। নতুন বাড়িতে তারা স্থখেই থাকিবে। রাগে মতি মুখ ভার করিয়া থাকে। কিসে কি হইল বেচারী এখনো তা বুঝিতে পারে নাই, কুমুদের ব্যাখ্যা করার পরেও নয়। জয়াকে সে শোনার, কি অপরাধ করেছিলাম বাবা তোমার কাছে তুমিই জান, ভালো করলে না দিদি, তাড়িয়ে দিয়ে ভাল করলে না। মনে রাখব। বলব সবাইকে।

কি বলবি?

তুমি কি রকম ভীষণ মানুষ তাই বলব, তোমার মনে এক, মুখে আর। কত ভালবাসাই দেখাতে! গেল কোথায় সে সব? আশ্বিন শক্ মেয়ে-আছি, নামটা যদি মুখে আনি তো মুখে যেন পোকা পড়ে।

নাম মুখে না আনলে সবাইকে বলবি কি করে?

মতি কঁাদ কঁাদ হইয়া যায়। আর কথা বলে না।

বনবিহারী বিকালেই ফিরিয়া আসিয়াছিল, গভীর বিষণ্ণ বনবিহারী। মতি দেখিল, সকালবেলার কাণ্ডে ওদের কথাবার্তা বন্ধ হয় নাই। বনবিহারী খাওয়া-দাওয়া করিল, জয়াকে কয়েকটা টাকাও দিল। তবে দুজনের মধ্যে যেন অপরিচয়ের ব্যবধান আসিয়াছে, বড় মন-মরা দুজনে। কোথায় বাসা ঠিক করিয়া সন্ধ্যার সময় কুমুদ ফিরিয়া আসিল। মতি বলিল, থিয়েটারে যাবে না আজ ? কুমুদ বলিল, না।

পরদিন সকালে গাড়ি ডাকিয়া জিনিসপত্র তোলা হইল। জয়া কেবল একবার বলিল যে দুপুরে খাওয়া দাওয়া করিয়া গেলে ভাল হইত না ? বনবিহারী কিছুই বলিল না। জয়ার কাছে বিদায় না লইয়াই মতি গটগট করিয়া গাড়িতে উঠিয়া বসিল। কুমুদের সঙ্গে কথা বলিতে বলিতে জয়া আসিয়া দাঁড়াইল দরজায়।

কুমুদ বলিল, আবার একদিন দেখা হবে জয়া।

জয়া বলিল, কে জানে হবে কি-না।

খবর নেব নাকি মাঝে মাঝে ?

মিও। একা এস।

মতির মনের গুমরানো আশুন দপ করিয়া জলিয়া উঠিল। একা এস কেন, জয়া কি ভাবিয়াছে তার সঙ্গে দেখা করিতে না আসিলে মতির মুখে ভাত রুচিবে না ? গাড়ি ছাড়িলে সে কুমুদকে বলিল, কখখনো আসতে পাবে না তুমি খবর নিতে। ও আমাদের তাড়িয়ে দিলে !

কুমুদ কিছুই বলিল না। মতি আবার বলিল, ও কেমন স্বার্থপর তা প্রথম দিনেই ভেদেছি। আমরা আসবার আগে দিব্যি কেমন ভাল ঘরখানা দখল করে বসেছিল।

ওসব তুচ্ছ কথা মনে রেখো না মতি।—কুমুদ বলিল।

এক বাড়ির তিন তলায় দুখানা ঘর কুমুদ ভাড়া করিয়াছিল, আলাদা একটি রান্নাঘরও আছে। একখানার বদলে দুখানা ঘর পাওয়া উন্নতির লক্ষণ; মতি খুশী হইল।

জয়ার জন্ম ক-দিন এখানে মতির মন কেমন করিল। কতকগুলি বিষয়ে জয়ার উপরে সে নির্ভর করিতে শিখিয়াছিল। তবে জয়ার কথা বেশি ভাবিবার অবসর মতির ছিৰ না। গাওদিয়ার কথাই সে ভুলতে বসিয়াছে তার অসীম মোহ ও আনন্দে। পার্থিব বিচার-বিবেচনা, মাহুঘের সঙ্গে ঘাত-প্রতিঘাত, এসব হইয়া গিয়াছে অপ্রধান, কুমুদের কাছে ছাড়া আর সব বিষয়ে সকল দাবি-দাওয়া হইয়া গিয়াছে তুচ্ছ।

এদিকে নতুন বাড়িতে আসিয়া কুমুদ আর থিয়েটারে যায় না। ওইয়া বসিয়া বই পড়িয়া সিগারেট টানিয়া দিন কাটায়। মতি একদিন কৈফিয়ৎ দাবি করিল, থিয়েটারে যাও না যে ?

কাজ ছেড়ে দিয়েছি মতি।

কেন ?

নাটক চলল না। বললে মাইনে কমিয়ে দেবে, তাই ইত্থকা দিলাম। ব্যাটারী নাটক নেবে যা-তা, না চললে দোষ দেবে অ্যাক্টরের। থিয়েটারের চেয়ে যাত্রা ঢের ভাল মতি।

মতি চোখ বড় বড় করিয়া বলিল, তোমার পাট ভাল হয় না বললে ওয়া ?

কথাটা তাই দাঁড়াল বই-কি। নাটক যখন চলল না, নিশ্চয় পাট বলার দোষ। নাম-করা অ্যাক্টর তো নই যে দুটো-একটা নাটক না চললেও খাতির করবে। ভালই হয়েছে মতি, থিয়েটারে থাকতে আমার ইচ্ছে করে না।

মতি মুখখানা পাকা গিল্লীর মতো করিয়া বলিল, এবার কি করবে ?

কুমুদ হাসিয়া বলিল, করব, যাহোক কিছু করব ! সে অল্প ভাবনা কি ? দরকার হলে গয়না দেবে না দু'একটা তোমার ?

মতি বলিল, নিও।

অপ্সান বদনে বিনা দ্বিধায় মতি এ কথা বলিল। আমাদের সেই গৈয়ো মেয়ে মতি, কুমুদ চাকরি ছাড়িয়াছে শুনিয়া সে বিচলিত হইল না, গয়না দিবার কথার মুখখানা হইল না ম্লান। কিসে এমন পরিবর্তন আসিল মতির ? কুমুদ জাহুকর বটে। খেয়ালী উচ্ছ্বল যাযাবর কুমুদ, মানুষকে বশ করার অদ্ভুত ক্ষমতা আছে তার। অগভীর নীতি রীতি নিয়ম-কাছন না মানুষক, নিজের নিয়মগুলি সে নিষ্ঠার সঙ্গে মানিয়া চলে। তেজস্বিতা কম নয় কুমুদের, দুঃস্থ তাহার চিত্তবৃত্তি। নিজের বাঁচিবার অগৎটি নিজের শক্তিতে গড়িয়া তোলাও সহজ পৌরুষের কথা নয়। কুমুদের কাছে মনোবেদনা ভোলা যায়, সে ভাবে না, কাঁদে না, দুঃখ দুর্দশাকে গ্রাহ্য করে না, হিসাবী সাবধানী মনেরও তার কাছে আরাম জোটে।

দিন যায়। আবির্ভাব ঘটে বর্ষার। ঘরের জানালা দিয়া, রেলিং-দেওয়া সরু বারান্দায় দাঁড়াইয়া শুধু ইটের অরণ্য চোখে পড়ে মতির, তবু তারও মধ্যে সে গাওদিয়ার ছাপ আবিষ্কার করে। দক্ষিণের দোতলা বাড়িটা ডিঙাইয়া কোন এক বড়লোকের বাগান চোখে পড়ে, সেখানকার পামগাছগুলি যেন ইন্ধিতে মতিকে গাওদিয়ার ভালবনের কথা জানায়। নীচে গলিতে উড়িয়ার মুড়ি-মুড়কির দোকান দেখিয়া মতির মনে পড়ে গাওদিয়ার বিপিন ময়রার দোকানের কথা—গ্রাম্যবেশে অচেনা লোককে পথ দিয়া যাইতে দেখিলে গাওদিয়ার চেনা লোকের কথা মনে পড়ে। এখানকার আকাশে যে চিল ভাসিয়া বেড়ায়, তাদেরও গাওদিয়ার আকাশের চিলের মতো দেখায়। আকাশে মেঘ ঘনাইয়া বৃষ্টি নামা ও গাওদিয়ার চির-পরিচিত বর্ষার নিখুঁত নকল।

একদিন সত্য সত্যই মতির গহনা লইয়া কুমুদ বেচিয়া আসে। কিছুক্ষণের অল্প মতির যে একটু খারাপ লাগে না তা নয়, প্রথম বারে হারের অল্প যে বকম কারা আসিয়াছিল সে বকম দুঃখ মতির একেবারেই হয় না। কুমুদ ফিরিয়া আসিতে আসিতে যত্বে অশান্তিটুকুও তাহার মন হইতে মুছিয়া যায়। আবদার করিয়া বলে, গয়না বেচলে আমার, কি আনলে শুনি আমার জন্মে ?

কুমুদ বলে কিছ আনিনি।

তা আনবে কেন, আনবে তো না-ই !

অভিমানে কুমুদের গলা জড়াইয়া ধরে মতি, বৃকে মুখ লুকাইয়া ছলনাভরে যত্বে যত্বে হাসে। বিরাট শহরের কয়েক ফিট উর্ধ্বে এই ছোট শহরের ঘরখানার অভিনেতা স্বামী কঠলগ্না মতিকে দেখিয়া কেহ চিনিবে না সে গাওদিয়ার সেই মতি। বিপজ্জনক মাহুস-কুমুদ, বাধন কাটিয়া কাটিয়া তার এতকাল জীবন কাটিল, দায়িত্বজ্ঞানহীন নির্মম মাহুস সে, তারি পরে আজ মতির নিশ্চিন্ত নির্ভর দেখিলে চমক লাগে।

তখন কুমুদ বলে, তোমার জন্মে একটা জিনিস এনেছি মতি।

কই দাও।

কুমুদ তাহাকে পকেট হইতে সেই হার বাহির করিয়া দেয়, আজ যে গয়না বেচিতে গিয়াছিল তাও ফেরত দেয়। নাটক করিয়া করিয়া কি নাটকই কুমুদ করিতে শিখিয়াছে! সহজভাবে সরলভাবে কোন কাজ করা কুমুদের কুষ্টিতে লেখে না। আহ্লাদে মতির কথা জড়াইয়া যায়। এ তো শুধু গয়না পাওয়া নয়। আরও কত কি কুমুদ এই সঙ্গে তাহাকে দিয়াছে, তাহার অবোধ বালিকা-বধুকে।

টাকা পেলে কোথায় ?

বড়লোক বন্ধুর কাছে ধার করলাম।

মতি হি-হি করিয়া হাসে, ধার না ছাই, ফেরত যা দেবে জানি !

কুমুদও হাসিয়া বলে, তার ঢের টাকা আছে। না দিই না দেব ফেরত, তার কিছু এসে যাবে না তাতে।

অল্প লোক দিয়া বিনোদিনী অপেরার অধিকারীর কাছে কুমুদ একটা খবর পাঠাইয়াছিল। ছুদিনের মধ্যে কুমুদের ঘরে তাহার আবির্ভাব ঘটিল। ঘরে ঢুকিয়াই বলিল, আচ্ছা লোক বটে তুমি যা হোক কুমুদ! কি বলে অমন করে পালিয়ে গেলে শুনি ?—একেবারেই পাস্তা নেই তোমার !

কুমুদ হাসিয়া বলিল, বহন ঘোষমাশায়, বহন। ভাল আছেন ? দলটা চলছে কেমন ?

খাসা চলছে। তুমি যাবার পর দলের আরও উন্নতি হয়েছে।

কুমুদ বলিল, বেশ বেশ, শুনে বড় সুখী হলাম। বড় রেগেছেন আমার পরে, না ?

এ কথার জবাবে কুমুদকেই মধ্যস্থ মানিয়া অধিকারী বলিল, রাগ হয় কি-না তুমিই ভেবে জ্ঞাথো। আগাম অতগুলো টাকা নিয়ে কোথায় যে পালিয়ে গেলে—

পালাব কেন ঘোষ মশাই, পালায় নি। ক'মাসের ছুটি নিয়েছিলাম, বিয়ে-টিয়ে করলাম কি-না। আজকালের মধ্যে একবার যাব ভাবছিলাম আপনার কাছে।

অধিকারী বিস্মিত হইয়া বলিল, বিয়ে করেছ নাকি ? বিয়ে তাহলে তুমি করলে ? কথাটা সহজে সে যেন বিশ্বাস করবে না। তারপর গম্ভীর হইয়া বলিল, তাই যদি করলে বাপু, আমার মেয়েটাকে করলে না কেন ? আমার মেয়ে কি দোষ করেছিল শুনি ?

কুমুদ চূপ করিয়া রহিল। অধিকারী খানিকক্ষণ একটু অগ্ৰমনা হইয়া রহিল।

অমন মেয়ে পেতে না কুমুদ। দেখেছ তো বাপু তাকে। বল তো, তুমিই বল, ওরকম মেয়ে সহজে মেলে ? তাকে তোমার তখন মনে ধরল না ! পাগল কি বলে সাথে।

অনেকক্ষণ বসিয়া অধিকারী অনেক কথা বলিল। একটা বোঝাপড়াও হইয়া গেল কুমুদের সঙ্গে। কুমুদ আবার বিনোদিনী অপেরায় যোগ দিবে। আগাম যে টাকাটা লইয়াছিল সেটা বাতিল হইয়া গেল, বিবাহের যৌতুক বলিয়া ধরিয়া নেওয়া গেল সেটা। কুমুদের সঙ্গে তো আর পারা যাইবে না, অধিকারীর সর্বনাশ না করিয়া সে ছাড়িবে কি !

দলটা আবার ভাল করে গড়ে নিতে হবে কিন্তু বাপু তোমায়, শুধু পার্ট বললে চলবে না !

কুমুদ হাসিয়া বলিল, তাই কি চলে ? দল ভাল না হলে আমার পার্টও জমবে কেন ? মুখভরা হাসি লইয়া অধিকারী সেদিন বিদায় হইল।

কুমুদ তো আবার যাত্রা করিবে, এদেশে ওদেশে ঘুরিয়া রাজপুত্র প্রবীর সাজিবে। মতির কি হইবে ? সে থাকিবে কোথায় ? কার কাছে ? এ বড় সহজ সমস্যার কথা নয়। কিন্তু মতির কোন ভাবনা-চিন্তা আছে বলিয়া মনে হয় না। আনন্দের যে মাদকতায় সে মশগুল হইয়া আছে, ভাবনা-চিন্তার ক্ষমতাও যেন তাহাতে ক্রমেই লোপ পাইয়া আসিয়াছে।

কুমুদ শেষে কথা তুলিল। বলিল, আমি এখন যাত্রা করতে যাব, তুমি কোথায় থাকবে মতি ?

মতি ঘাড় কাঁচ করিয়া বলিল, তুমিই বল না ?

গাওদিয়া যাবে ?

গাওদিয়া ? মতির যেন চমক লাগে । গাওদিয়ার কথা মন হইতে মুছিয়া ফেলিবার আদেশ যে দিয়াছিল, সে আবার যাচিয়া সেখানে যাওয়ার কথা বলিতেছে । কুমুদের চোখে মতি চোখ মেলায় । কি খোজে মতি কুমুদের চোখে ?—পলকে কুমুদ খোলস বদলায়, আজ যা বলে কাল তা বাতিল করিয়া দেয়, তবু কি তার মধ্যে এমন একটা অপরিবর্তনীয়তা থাকা সম্ভব যার মৌলিকতা মতির মতো মেয়েকেও বিহ্বল করিয়া দেয় ।

গাওদিয়া যেতে বলছ ?

তাই থাক গিয়ে ক'মাস । আমি এদিকটা একটু গুছিয়ে নি ।

কি গুছাবে ?

কুমুদ গম্ভীরভাবে বলে, দলটা গড়ে তুলব, টাকা পয়সা জমাব, সবই তো গুছোতে বাকি ।

খুবই সুবিবেচনার কথা । তবু গুনিয়া মতির যেন কষ্ট হয় । এ ধরণের কথা কি মানায় কুমুদের মুখে ? তিন মাস আগেও হয়তো কুমুদকে হিসাবী বিবেচক দেখিলে মতি খুশী হইত । এখন আর সে চায় না । তেমনি কুমুদই তার ভাল, যে বড় বড় কথা বলে, কাজের বদলে গুইয়া থাকে, ভালবাসে তবু পা টেপায় ।

কুমুদ বলে, এসে নিয়ে যাবার জন্য তোমার দাদাকে একখানা চিঠি লিখে দাও মতি ।

তুমি লেখ না ?

না, তুমিই লেখ ।

মতি গম্ভীর মুখে বলে, তুমি তবে ঠিকানা লিখে দিও, জ্যা ?

মতির এই চিঠির জবাবে পরান ও শশী দুজনেই কলিকাতা আসিল । শশীর আগমনটা শুধু মতিকে দেখিবার জন্য নয়, কাজ ছিল । কুমুদকে শশী অনেক কথা বলিবে ভাবিয়াছিল, কিছুই বলা হইল না । মতিকে দেখিয়া সে বাক্যহারী হইয়া গেল । এই মতি কি তার চোখের সামনে বড় হইয়াছিল গাওদিওয়ার গ্রাম্য আবহাওয়ায় ? এ যেন শশীর অচেনা মেয়ে, অজানা জগতে এককাল বাস করিয়া আজ প্রথম তার সামনে আসিয়া দাঁড়াইয়াছে । ক্যাল-ক্যাল করিয়া হাবার মতো যে চাহিয়া থাকিত, জলে-ধোয়া আলোর মতো কি স্নিগ্ধোজ্জল তার চাহনি এখন । কি ভারী চলন মতির, কি রমণীয় তার ভঙ্গিমা । মতির অঙ্কুলি-হেলনও আজ যেন মধু, অর্থময় । মনে হয়, তার দেহ-মন যেন অহরহ কার আকর্ষণ ও আস্থানের জন্য প্রতিটি মুহূর্ত উত্তত, উৎকর্ষ করিয়া আছে ।

কুমুদ একান্তে বলিল, কি রকম দেখছিল শশী মতিকে ?

ওকে তুই কি করেছিল কুমুদ ?

কিছুই করিনি । শুধু কথা বলেছি আর চূপ করে থেকেছি ।

বিন্দুরও পরিবর্তন হইয়াছিল, এও পরিবর্তন। শশী ভাবিত হইয়া বলিল, গাওদিয়া পাঠাচ্ছিস, সেখানে থাকতে পারবে কি-না ভাবছি কুমুদ।

এতোর কি রকম ভাবনা শুনি ? গাওদিয়ায় বড় হল, সেখানে গিয়ে থাকতে পারবে না ?

বিন্দুও গাওদিয়ায় বড় হইয়াছিল, সেখানে গিয়া থাকিতে পারে নাই। কিন্তু শশী আর কিছু বলিল না। সারাদিন সে বিমনা হইয়া রহিল। মতির চোখে যখন বিদ্যুৎ চমকিয়া যায় কুমুদের চোখের সঙ্গে তখন সে তুলনা করে। এ আলো তাহার চোখে নাই। কুমুদের কাছে আজ আবার নিজেকে শশীর ছোট মনে হইতে থাকে।

মতির হৃদয়ে আনন্দে উজ্জ্বল মুখচ্ছবি, মতির পুলকময় গতিশ্রী দেখিয়া মাঝখানে কুমুদের সম্বন্ধে যতটুকু অবজ্ঞা মনে আসিয়াছিল সব যেন আজ মুছিয়া যায়। কুমুদের জীবনের বা মূলমন্ত্র তার সম্বন্ধে শশী কখনো পায় নাই; আজ ওই বিষয়েই শশী চিন্তা করে। কি আছে কুমুদের মধ্যে তুর্বোধ্য গোপন সম্পদ, জীবনকে আগাগোড়া ফাঁকি দেওয়া সম্বন্ধে যাহা জীবনকে তাহার ঐশ্বৰ্যে ভরিয়া রাখিয়াছে ?

এতকাল খবর না দেওয়ার জন্য পরান ও শশীর কাছে মতি প্রথমটা একটু সঙ্কোচ বোধ করিতেছিল, ও বিষয়ে কেহ অল্পযোগ না দেওয়ার অল্পক্ষণের মধ্যেই সে কথাটা ভুলিয়া গেল। পরান খুব রোগা হইয়া গিয়াছে, তাহার বিষণ্ণ মুখ দেখিয়া বড় মমতা হইতে লাগিল। বার বার সে জিজ্ঞাসা করিল কি অসুখ হইয়াছে পরানের। তারপর খুঁটিয়া খুঁটিয়া গ্রামের কথা, মোক্ষদা ও কুমুদের কথাও জানিয়া লইল। একটু সলজ্জ মতি, একটু সাহসী। একজনের বৌ হিসাবে দাদা ও শশীর কাছে ধরিতে গেলে এই তার প্রথম দাঁড়ানো, নিজের বাড়িতে নিজের সংসারে বাপের বাড়ির সংবাদ জানিতে একটু গৃহিণীর মতো ভাব দেখানোর অধিকারও তার গ্ৰাভ্য। ভাদ্রমাসের গরম, পাখা লইয়া মতি ওদের বাতাস করিল, তৃষ্ণায় যোগাইল শীতল জল। মতির কাজ আজ কত নিখুঁত, কত কোমল তাহার সামান্ত সেবা। অনেক বস্তু করিয়া মতি আজ রান্না করিল। খাইতে বসিয়া শশী প্রশংসা করিল রান্নার, পরান কিন্তু একরকম কিছু খাইল না। মতি অল্পযোগ দিলে বলিল, গলায় একটা ঘা হয়েছে মতি, ঝোল-তরকারি খেতে কষ্ট হয়।

গলায় ঘা হয়েছে ? কেন ?

মতির ব্যাকুল প্রশ্নে অবাক হইয়া শশী হাসিতে ভুলিয়া গেল। মনে যার ভাব সমুদ্র উথলিতে থাকে কারো গলায় ঘা হইয়াছে শুনিলে সে-ই শুধু এমন ব্যাকুল হয়। পরান অত বোঝে না, সে একটু হাসিয়া বলিল, গলায় ঘা হয় কেন আমি তা জানি ? ছোটবাবু ডাক্তার মাঠের ঠেকে শুধো।

মতি আরও ব্যাকুল হইয়া বলিল, কি দিয়ে তুমি ভাত খাবে ? আগে কেন বলতে না, তরকারিতে ঝাল কম দিতাম ?

ঝাল কম দিলেও তরকারি খেতে পারি না মতি ।

তবে দুধ খাও, মিষ্টি আনাই ।

এবার পরানের চোখে জল আসিল । সে চাষা-ভূষা মানুষ, জীবনে কারো কাছে সে এমন মোলায়েম আদর পায় নাই ।

পরানই মতির মনকে গাওদিয়ার দিকে টানিতেছিল বেশি করিয়া । গলায় যা হওয়ায় কিছু সে খাইতে পারে না, না খাইয়াই দাদার এত বড় প্রকাণ্ড শরীরটা শুকাইয়া গিয়াছে । গাওদিয়া গিয়া এবার দাদার খাওয়ার বিশেষ ব্যবস্থা করিবে, নিজের স্বখ-স্ববিধার সঙ্কে এমন উদাসীন পরান ! কত কাজ কত সেবা সে যে শিখিয়াছে, কি রকম চালাক চতুর হইয়া উঠিয়াছে, সকলকে তাহা দেখাইবার লোভটাও মতির মনে জাগিয়া উঠিতেছিল । সকলে অবাক হইয়া যাইবে । না জানি কি বলিবে কুহুম ! গাঁয়ের মেয়েরা আসিয়া সাগ্রহে জিজ্ঞাসা করিবে, এতকাল সে কোথায় ছিল, কি বৃত্তান্ত ।

দুদিন পরে কুমুদকে যাইতে হইবে,—অনেক দূরে বিনোদিনী অপেরার আস্থান আসিয়াছে । কি পার্ট করিবে কুমুদ ? সেই রাজপুত্র প্রবীরের আহা, মতি আর প্রবীর-বেণী কুমুদকে দেখিতে পাইবে না, শুনিতে পাইবে না তার রোমাঞ্চকর বক্তৃতা । ভাবিয়া মুখ স্নান করা ছাড়া আর কি করা যায় ? মতি যে মেয়েমানুষ, বৌ যে মতি ! আহা, মানুষ যদি ইচ্ছামত নিজের অদল-বদল করিতে পারিত, দরকারমত মেয়েরা হইতে পারিত পুরুষ, পুরুষেরা হইতে পারিত মেয়ে !

কুমুদ বলে, হচ্ছে মতি, আজকাল তা হচ্ছে ।

কুমুদকে সবলে আঁকড়াইয়া মতি বলে, যাঃ ।

কুমুদ হাসে, বলে, কেন, তুমি নিজের চোখেই তো দেখে এসেছ । জয়া ছিল পুরুষ বনবিহারী ছিল মেয়ে । নয় ?

মতি হাসে না ।

জয়াদিদিকে দেখতে যাবে না একবার ?

যাব যাব, ব্যস্ত কি ?

বলিয়া হাই তোলে কুমুদ ।

আগামী বিরহের ছায়া ও গাওদিয়া কিরিবার আগাম আনন্দের আলো দুদিন ধরিয়া মতির মুখখানাতে খেলিয়া বেড়াইল । তারপর আসিল কুমুদের যাওয়ার দিন ।

বিকালে গাড়ি । কুমুদের যাওয়ার সময় আগাইয়া আসিলে মতি ভয়ানক উতলা



হইয়া উঠিল ; এত কষ্ট হইতে লাগিল যে মতি নিজেই সেজন্য আশ্চর্য হইয়া গেল গাঁ ছাড়িয়া আসিবার সময়ও তাহার মন কাঁদিতেছিল, সে কষ্ট তো এরকম নয় ? কষ্টই বা কেন ? কি সে হারাইতে বসিয়াছে চিরদিনের জন্য ? হয়তো পনের দিন, হয়তো একমাস কুমুদকে সে দেখিতে পাইবে না। তাতে কাতর হওয়ার কি আছে ? মন তবু বোঝে না মতির। শশী ও কুমুদ গল্প করে, করুণ চোখে কুমুদের দিকে চাহিয়া মতির বুকের মধ্যে তোলপাড় করিতে থাকে।

শশী এক সময় বলিল, চল। মতি, আমরা স্টেশনে গিয়ে কুমুদকে গাড়িতে তুলে দিই। যাবি ?

হ্যাঁ-না মতি কিছু বলিল না। যাওয়ার আগে কাপড় পরিয়া জুতা পায়ে দিয়া প্রস্তুত হইয়া রহিল। শশী বার বার বিস্মিত চোখে তাহার বিষণ্ণ মুখ, ছল-ছল চোখের দিকে চাহিতেছিল। এক অপূর্ব ভাবাবেগে সেও উতলা হইয়া উঠিতেছিল। সংসারে হয়তো এমন অনেক আছে, মতির মতো এমন করিয়া ভাল হয়তো অনেকেই বাসে, কিন্তু মতি ইহা শিখিল কোথায় ? অল্পভূতির এমন গভীরতা তাহার আসিল কোথ হইতে ?

এ যে ভাবপ্রবণতা নয়, কাঁচা মনের অস্থায়ী আবেগ নয়, বালিকা মতির বিরহ-কাতরতায় এক অপূর্ব ধৈর্যের সমাবেশ দেখিয়া শশী তা বুঝিতে পারিয়াছিল।

স্টেশনে যখন তাহারা পৌঁছিল তখনও আকাশ-ভরা রোদ। গাড়ি ছাড়িতে বিলম্ব ছিল। গাড়িতে ভিড় ছিল না, খানিকক্ষণ কামরার মধ্যে বসিয়া কুমুদের সঙ্গে কথা বলিয়া পরানকে ডাকিয়া শশী নামিয়া আসিল। বলিল, তোরা বোস, আমরা একটা ঘুরে আসছি।

ওরা চলিয়া গেলে মতি পাংশুমুখে কুমুদকে বলিল, তুমি যেও না। থাকতে পার না, মরে যাব।

কুমুদ বলিল, স্টেশনে বিদায় দিতে এলে ওরকম মনে হয় মতি।

কাল থেকে এমনি হচ্ছে।

কাল থেকে হচ্ছে। কাল তো কিছু বলনি ? আর হচ্ছে যদি হোক না,—এ তো কম মজা নয়।

মজা ? সমস্ত পৃথিবী যে তার চোখে অন্ধকার হইয়া আসিতেছে, কুমুদ কি এ বুঝিতে পারিতেছে না, সে সব বোঝে ? কুমুদের নির্ভরতাকেও ভালবাসিতে শিখিয়াছিল তবু আজ সে আহত হইল। পাশের লাইনে একটা যাত্রী-বোঝাই গাড়ি ছাড়িয়া গেল—মতির মন তাহার চাকার তলে পিষিয়া যাইতেছে। আর সময় নাই, আর উপা নাই। আর ফেরানো যায় না কুমুদকে। এ গাড়ি ছাড়িয়া যাওয়ার পর বুকটা মাটি

যাইবে, তবু সে তো রদ করিতে পারিতেছে না। কেমন করিয়া কুমুদকে সে তার ব্যাকুলতা বুঝাইবে এখন ? যাওয়ার অন্ত গাড়িতে উঠিয়া কেউ কি করে ?

কুমুদের দুটি পা ধরিয়া সে যে কাঁদিয়া উঠিবে সে উপায়ও নাই। গাড়ির লোকগুলি বোধ হয় হাঁ করিয়া তার দিকেই চাহিয়া আছে।

কুমুদ একথা ওকথা বলে, চিরদিনের মতো ধীর স্থির অবিচল কুমুদ। মতির কণ্ঠ রুদ্ধ হইয়া আসিতে চায়, তবু প্রাণপণে সে কথার জবাব দেয়। মিনিটগুলি একে একে পার হইয়া যাইতে থাকে। গাড়ি ছাড়িবার অন্ত আগে ফিরিয়া আসে শশী ও পরান। কি কুমুদেই ওদের মতি কলিকাতা আসিতে লিখিয়াছিল !

তারপর শশী বলে, চল মতি, আমরা নামি এবার।

মতি বলে, আপনারা নামুন—আমি একটা কথা কয়ে নিয়ে নামছি।

মতির এই স্বাভাবিক নিলঞ্জিতায় শশী ও পরান স্তম্ভিত হইয়া যায়,—শশী যেন একটু রাগ করিয়াই গাড়ি হইতে নামে। প্রেম আসিয়াছে বলিয়া এত কি বাড়াবাড়ি অতটুকু মেয়ের !

কুমুদ মুহূর্ষরে হাসিয়া বলে, পাকা গিল্লির মতো করলে যে মতি ? কি কথা বলবে ? বলছি দাঁড়াও—আসছি।

বলিয়া কুমুদকে পর্যন্ত স্তম্ভিত করিয়া দিয়া মতি ল্যাভেটরীতে ঢুকিয়া গেল। গাড়ি ছাড়ার ঘণ্টা পড়িল, গার্ড নিশান দেখাইল, প্ল্যাটফর্মে শশী ও পরান অস্থির হইয়া উঠিল—তবু মতি বাহির হইল না। গাড়ি ছাড়িলে গাড়ির সঙ্গে চলিতে চলিতে শশী বলিল, আমরা কেউ উঠব নাকি কুমুদ, পরের স্টপেঞ্জে ওকে নামিয়ে নেব ?

কুমুদ বারণ করিয়া বলিল, না না, দরকার নেই। আমিই ব্যবস্থা করব শশী।

গাড়ী প্রাটফর্ম পার হইয়া গেলে মতি বাহির হইয়া আসিল। বলিল, এ কি হল ? আমি যে নামতে পারলাম না ?

কই আর পারলে ?

কি হবে তবে ?

কুমুদ হাসিয়া বলিল, কিছু হবে না মতি, বোসো। এরকম ছলনা করলে কেন ? বললেই হত সঙ্গে যাবে ?

মতি বসিয়া বলিল, ওরা ছিল যে, গোলমাল করত।

গাড়ির সমস্ত লোক সকৌতুকে তাহাদের দিকে চাহিয়া ছিল, কারো ভাষাধ্বনি ছিল না। গাড়ির গতি বাড়িতে বাড়িতে মতির মুখের বিবর্ণতা ঘুচিয়া যাইতেছিল। বার কয়েক সে জোরে জোরে নিশ্বাস গ্রহণ করিল।

কুমুদ বলিল, সঙ্গে তো চললে, কোথায় থাকবে কি করবে সে সব ভেবে দেখেছ ?

সুন্দর মতো বেপরোয়া ভাবে মতি বলিল, ওর আর ভাবব কি ?

গৃহবিমুখ বাবাবর স্বামীর সঙ্গে মতিও আজ এলোমেলো পথের জীবনকে বরণ করিল—আমাদের গেরো মেয়ে মতি । হয়তো একদিন ওদের প্রেম নীড়ের আশ্রয় খুঁজিবে, হয়তো একদিন ওদের শিশুর প্রয়োজনে নীড় না বাঁধিয়া ওদের চলিবে না—জীবন-বাণের প্রচলিত নিয়ম-কানুন ওদের পক্ষেও অপরিহার্য হইয়া উঠিবে । আজ সে কথা কিছুই বলা যায় না । পুতুলনাচের ইতিকথায় সে কাহিনী প্রসিদ্ধ—ওদের কথা এইখানেই শেষ হইল । যদি বলিতে হয় ভিন্ন বই লিখিয়া বলিব ।

১২

হাসপাতালের নব-নির্মিত গৃহটি দেখিতে ভারি সুন্দর হইয়াছে । ইটের উপরে লাল-রঙ-করা ছোটখাট বকবক সুশ্রী বাড়িখানা দেখিয়া আপসোস হয় যে এটা না দেখিয়া যাদবের মরা উচিত হয় নাই । সামনে কার্নিশের নীচে ইংরেজীতে বড় বড় অক্ষরে লেখা হইয়াছে—যাদব মেমোরিয়াল হস্পিট্যাল । তবু লোকে মখে বলিতে বলে, শশী ডাক্তারের হাসপাতাল । যাদবকে যে লোকে ভুলিয়া গিয়াছে তা নয় । যাদবের সঙ্গে হাসপাতালের সম্পর্কটা প্রত্যক্ষ-গোচর হইয়া থাকে নাই,—অথচ এদিকে শশীকেই সকলে হাসপাতালটি গড়িয়া তুলিতে দেখিয়াছে এবং এখন সে-ই সমাগত রোগীদের সমস্তে বিতরণ করিতেছে ওষুধ ।

হাসপাতাল প্রতিষ্ঠার হাঙ্কামা শেষ হইয়াছে, শশীর যশ ও সম্মানের বৃদ্ধি স্থগিত হয় নাই । জনসাধারণের সমবেত মনটা চিরদিন একাভিমুখী, যখন যেদিক ফেরে সেই দিকেই সবেগে ও সতেজে চলিতে আরম্ভ করে । জনরবের তিলটি যে দেখিতে দেখিতে তাল হইয়া উঠে তার কারণও তাই । লোকমুখে ছোট ঘটনা বড় হয়—মাঝবও হয় । শশী অসাধারণ কাজ কিছুই করে নাই, যাদব যে কর্তব্যভার তার উপরে চাপাইয়া দিয়া গিয়াছিলেন সেটুকু কেবল ভালভাবে সম্পন্ন করিয়াছে । ফলটা হইয়াছে অচিন্ত্যপূর্ব । নেতার আপনে বসাইয়া সকলে তাহাকে অনেক উচ্চত্রে তুলিয়া দিয়াছে । কয়েকটি স্থানে বক্তৃতা করিয়া শশীর বলিবার ক্ষমতাটাও খুলিয়া গিয়াছে আশ্চর্যরকম । সভা-সমিতিতে এখন তাহাকে প্রায়ই বলিতে হয়, সকলে নিবিড় মনোযোগের সঙ্গে তার কথা শোনে । শশী আবেগের সঙ্গে কথা বলিলে সভার আবেগের সঞ্চার হয়, হাসির কথা বলিলে আকস্মিক সমবেত হাসির শব্দে সভার আশেপাশের পশুপাখি চমকাইয়া ওঠে ।

সময় সময় শশীর মনে হয় সে যে গ্রাম ছাড়িয়া চলিয়া যাইবে ঠিক করিয়াছিল, সেই ভ্রম গ্রামের জীবন এমন অসংখ্য বাঁধনে তাহাকে বাঁধিয়া ফেলিয়াছে । এই আকস্মিক

অসক্রিয়তা তাকে এখান থেকে ফুলাইয়া রাখিবার জন্য । ভাগ্যে এটা পুরস্কার নয়, ধুঁষ । এ তো সে চায় নাই, এ ধরনের সম্মান ও প্রতিপত্তি ? জীবনের এই গভীর রূপ তাকে কিছু কিছু অভিজুত করিয়া ফেলিয়াছে সত্য, কিন্তু এ ধরনের সার্থকতা দিয়া সে কি করিবে ?

একদিন সকালবেলা পরান ডাক্তারখানায় আসিয়া হাজির । শুষ্ক শীর্ণ মুষ্টি, গলায় কমফোর্টার জড়ানো, দেখিয়া দুঃখ হয় । দেখিয়া দুঃখ হইবার অবসর শশীর ছিল না । কত দায়িত্ব তাহার, কত কাজ । শশীর মতো ডাক্তার বন্ধু থাকিতেও এমন রোগী হইয়া গিয়াছে পরান ? কি হইয়াছে পরানের ? গলায় ঘা, খাইতে পারে না ? সে তো অনেক দিন আগে হইয়াছিল, মতির চিঠি পাইয়া তাহাকে আনিতে কলিকাতা যাওয়ার সময় । সে ঘা এখনো শুকায় নাই ? শশী আশ্চর্য হইয়া যায়, বলে যে, গলায় ঘা এতদিন থাকিবার কথা নয়—সে যে ওষুধ দিয়াছিল পরান বুঝি তা ব্যবহার করে নাই ? এতকাল সে ঘুমাইতেছিল নাকি ?

হাসপাতালের ব্যস্ত-সমস্ত ডাক্তারের মতো ভাব শশীর, যেন তার কাছে এসময় পরানের পর্যন্ত খাতির নাই । কথা বলিতে বলিতে সে একটা প্রেসক্রিপশন লিখিতে থাকে । রোগী যে খুব বেশী আসিয়াছে তা নয়, হাসপাতালের ভয় ভাঙিতে গ্রামের লোকের কিছু সময় লাগিবে ! জন-সাতোক পুরুষ রোগী শশীর টেবিলের সামনে দাঁড়াইয়া আছে, আর দরজার বাহিরে ঘোমটা দিয়া বসিয়া আছে একটা বৌ, একটা প্রৌঢ়া স্ত্রীলোক, বোধ হয় সে বৌটির শাশুড়ী, পিঠে এক হাত আর সামনে এক হাত দিয়া আধ-জড়ানো ভাবে বৌটিকে ধরিয়া রাখিয়াছে । সম্ভবত দুজনেই পরস্পরের কাছে খুঁজিতেছে সাহস । এই তো ক-জন রোগী, পরামকে শশী বসিতে বলারও সময় পাইল না ? পরানের পায়ে জুতা নাই, শার্টে ইজি নাই, চুলে টেরি নাই বলিয়া নয় তো ? ঘরের কোণে বসিয়া মনে মনে বিশ্ব জয় করিবার সময় যে ছিল বন্ধু, যার প্রীতি স্বরণ করিয়া বাদলঘন উতল ছুপরে কুসুমকে সে ঘর হইতে বিদায় দিয়াছিল, একটা এতটুকু হাসপাতাল সৃষ্টি করার গৌরবে তাকেই শশী আজ এমন অবহেলা করিবে নাকি ! টেবিলের এপাশে একটা চেয়ার আছে, তাতে না হোক অনেকটা তফাতে যে টুলখানা আছে তাতে পরানকে শশী বসিতে দিক ।

গলায় বড় যন্ত্রণা হয় ছোটবাবু ।

শশী মুখ তুলিয়া বলিল, এস দেখি কাছে সরে । হাঁ কর ।

চেয়ারে বসিয়া স্পষ্ট দেখা গেল না, দরজার কাছে আলোতে যাইতে হইল ।

ভাল করিয়া দেখিয়া শশী বলিল, ঘা-টা ভাল মনে হচ্ছে না পরান । এক কাজ কর তুমি ; একটু বোসো, এদের বিদায় করে দিয়ে আবার দেখব !

টুলটার উপর পরান বসিয়া রহিল । একে একে সমাগত রোগীদের দেখা শেষ

করিয়া শশী হাসপাতালের দক্ষিণ কোণের ছোট ঘরখানার পরানকে ডাকিয়া লইয়া গেল। এটা তার খাসকামরা। এই খাসকামরাটি উপলক্ষ্য করিয়া কমিটির সভ্যদের গণে শশীর একটু মনোমালিন্ত হইয়াছিল। গায়ের ছোট একটা হাসপাতালের নগণ্য ও অবৈতনিক ডাক্তার, হাকিম-হকিমের মত তার আবার খাসকামরা কিসের? শশী কারো কথা শোনে নাই। স্বার্থপরের মতো এই ঘরখানা সুন্দরভাবে সাজাইয়া লইয়াছে। শশীর মনের গতি কে অনুধাবন করিবে? কমিটির প্রাচীন সভ্যদের তো জানিবার কথা নয় যে হাসপাতালের বেগার-খাটা শশী ডাক্তার দরকারের সময় ছাড়াও হাসপাতালে পড়িয়া থাকিতে ভালবাসিবে! বাড়ীতে শশীর যে মন টেকে না এ কথা এ অগতে বোধ হয় শুধু টের পাইয়াছে গোপাল।

পরানের গলার ঘা শশী যত পরীক্ষা করে ততই তার মুখ গম্ভীর হইয়া আসে। বলে টোক গেল পরান, টোক গেল। কেন পারছ না? পারা তো উচিত। আচ্ছা, একটু জল খাও তবে। টোক গিলিতে না পারার মতো অবস্থা তোমার হয়নি পরান, ভয়ে পারছ না।

জল খাইয়া পরান একটু সুস্থ হয়। টোকও গেলে, একটু হাসিবার চেষ্টা করিয়া বলে, হঠাৎ কেমন ভয় হল ছোটবাবু, প্রাণটা কেমন আকুপাঁকু করে উঠল।

শশী বলে, না পেয়ে না খেয়ে যা শুকিয়েছ প্রাণটাকে, আকুপাঁকু করবে না? রোজ একবার এসে দেখিয়ে যেও গলাটা, আজ ঠিক বুঝতে পারলাম না। একটা ওষুধ লাগিয়ে দিচ্ছি, বিকালে আর একবারে নিজে লাগিও।

তুলিতে করিয়া, পরানের গলায় ওষুধ লাগাইয়া বলে, পারবে দিতে নিজে? না পার তো কাজ নেই; ওবেলা একবার যাবখন তোমাদের বাড়ি, লাগিয়ে দিয়ে আসব।

পরান বিদায় নেয়। খোলা জানালায় দাঁড়াইয়া শশী তার লম্বা পা দুটির ছোট ছোট পদক্ষেপ চাহিয়া দেখে। তারপর টেবিলের সামনে চেয়ার টানিয়া বসিয়া মোটা একটা ডাক্তারি বই খুলিয়া নিবিষ্টচিত্তে পড়িতে আরম্ভ করে। মাঝে মাঝে মুখ ফুলিয়া ভাবে, অস্ত্র বই টানিয়া পাতা উন্টায়, কি একখানা বই খুঁজিয়া লইতে সমস্ত বইয়ের নামের উপর চোখ বুলায়। তারপর অসময়ে ব্যস্তভাবে শশী আজ বাড়ি ফেরে। আলমারি খুলিয়া একখানা বই লইয়া পড়িতে বসে।

বেলা পড়িয়া আসিলে হাসপাতালে যাওয়ার আগে সে পরানের বাড়ি গেল। অনেক দিন যায় নাই। অনেক দিন আর কত, দিন কুড়ি। অবস্থা বিশেষে তাও দীর্ঘকাল হইয়া উঠে। পরান বাড়ি ছিল না। মাঠে গিয়াছে। এখন রবিশস্ত্র বৃনিবার সময়, দুর্বল শরীরেও মাঠে না গেলে তার চলে না।

কুহুম বলিল, বললাম যেও না, তবু গেল। বলে গেছে শীগগির আসবে।

শশী বলিল, শীগগির আসবে ! শীগগির আসবে বলে হাঁ করে বসে থাকব নাকি আমি ? আমার কাজ নেই ?

কাজের মাহুষ বুঝি একটুও বসে না ? ছুদও আয়েস করতে বসলে মনে খুঁত-খুঁতানি ধরে, এ রোগ ভাল নয় ছোটবাবু । চাকর তো নন কারো, অ'্যা ?

শশী বলিল, বাড়ি খালি দেখছি ? পরানের মা কই ?

কুহুম উদাস ভাবে বলিল, কে জানে কোথায় গেছে ! বুড়ি যা পাড়া-বেড়ানি ।

শশী সন্দেহভাবে বলিল, তুমি পাঠাওনি কোথাও, ছল করে ?

আমি ? আমি পাঠাবো ?—লজ্জায় মুখ লাল করিয়াও কুহুম একটু হাসিল, বলিল কি মাহুষ বাবা ? যদি পাঠিয়েই থাকি ছল করে, এমন স্পষ্ট করে সে কথা বলতে হয় ? কি রকম বিচ্ছিরি লাগে শুনলে ?

শশী বলিল, আজ তোমার কথা ভারি মিষ্টি লাগছে বো ।

মিষ্টি খেয়ে মুখটা আজ মিষ্টি হয়ে আছে ।

শশী খুশী হইয়া বলিল, তোমার হাসি দেখলে প্রাণ জুড়িয়ে যায় বো । লোক-জনের ভিড়ে জালাতন হই, তুমি ছাড়া এমন করে আমার কাছে আর কেউ হাসে না । আমার একটিও বন্ধু নেই বো ।

বোও নেই ! কুহুম নিখুঁত পরিপূর্ণ হাসি হাসিল । তারপর সে ভিজাসা করিল, ওর গলায় কি হয়েছে ?

শশী বলিল, আজ বলব না, পরশু শুন ।

কেন, আজ বলতে দোষ কি ?

নিজে আগে জেনে নিই ভাল করে তবে তো বলব ? ছুদ ছাড়া ওকে-আর কিছু খেতে দিও না বো ।

আর কিছু খেতে পারলে তো দেব ? ছুদ খেতেও কষ্ট হয় ।

পরানের প্রতীক্ষায় শশী আরও খানিকক্ষণ বসিয়া রহিল । কুহুম আর কথা বলিল না, হাসিলও না । শ্রীতিপূর্ণ বাক্যের আদান-প্রদান আর কতক্ষণ বেশ রাখিয়া যায় ? কুহুম উসখুস করে । একবার উঠিয়া গিয়া উত্তরের ঘরে ঢোকে, বাহিরে আসিয়া আকাশে বেলায় দিকে তাকায়, তারপর শশীর পাশ দিয়া বড় ঘরে ঢুকিবার সময় চাবির গোছাটা শশীর পিঠে ফেলিয়া দিয়া বলে, আহা লাগল ?

এবার শশী উঠিয়া পাড়াইয়া বলে, আর বসবার সময় নেই বো । পুরান এলে হাসপালে পাঠিয়ে দিও ।

কুহুম কোনদিন রাগ করে না, আজ ভয়ানক রাগিয়া উঠিয়া চাবির গোছাটা কাঁধে ফেলিয়া মুখ কালো করিয়া বলিল, বসবার সময় নেই, না ?

শশী একটু আশ্চর্য হইয়া বলিল, হাসপাতালে রোগী এসে বলে কান্না কে কান্না করে।  
কথাগুলি ছর্বোধ্য নয়, তবু মনে হইল কুম্ভ মনে চেটা করিয়া যেন কুম্ভেরে।  
শশী যেন তার অচেনা, এমনি তাকানো কুম্ভের।

সে তো রাজ্য থাকে—কুম্ভ ম বলিল।

শশী বিব্রতভাবে একটু হাসিয়া বলিল, বসতে বল, বসছি। এমন খামকা হাসি  
কোরো না বোঁ। সময়ে কাজ না করলে কাজ নষ্ট হয়, বসে গল্প করা পালার মা। কুম্ভ  
রইলে আমিও রইলাম—

সে তো ন বছর ধরেই আছি। এক আধ দিন নয়।

একথা বলিয়া চোখের পলকে কোথায় যে গেল কুম্ভ! না গেলে কি হইত কুম্ভ  
যায় না। এমন তো সে কখনো যায় না। প্রতি মুহূর্তে কিছু ঘটবার প্রত্যাশা তাহার  
কখনও লয় পাইত না। আজ কি হইল কুম্ভের, কেন সে হঠাৎ শশীকে এমনভাবে  
ফেলিয়া চলিয়া গেল, তার রাগ দেখিয়া আজ যখন শশী আত্মহারা হইয়া উঠিতেছিল?  
শশীর বিবর্ণমুখে ক্লেশের ছবি ফুটিয়াছে দেখিলে অন্তত উল্লাস তো জাগিত কুম্ভের।  
এমন কখনো হয় নাই। তালবনের উঁচু টিলাটার উপর দাঁড়াইয়া একদিন সূর্যাস্ত দেখি-  
বার সময় শশীর অন্তর বড় ব্যাকুল হইয়াছিল, অভূতপূর্ব ভাবাবেগে সে খরখর করিয়া  
কাঁপিয়াছিল, আজ অপরাহ্ন বেলায় গৃহছায়ায় একা দাঁড়াইয়া সে যেন তেমনি বিহ্বল  
হইয়া গেল অল্প এক ভাবাবেশে। এ তো গ্রাম শশী, খড়ের চালা দেওয়া গ্রাম্য গৃহস্থের  
এই গোবর-লেপা ঘর, যে রমণী কথা বলিয়া চলিয়া গেল গায়ে তার ব্লাউজ নাই, কেশে  
নাই স্নগন্ধ তেল, তার জগ্ন বিবর্ণ মুখে এত কষ্ট পাইতে নাই! ওর আবেগ তো-গেঁয়ো  
পুকুরের চেউ! জগতে সাগর-তরঙ্গ আছে।

হাসপাতালে ভিনগাঁয়ের লোক বসিয়া ছিল। শশীকে এখনি বাইতে হইবে।  
এখনি? কুম্ভের কাছ হইতে আসিয়া এখনি ভিনগাঁয়ে বাইতে হইবে। কতকগুলি  
কথা যে ভাবিয়া দেখিতে হইবে শশীর, একটু যে শাস্ত করিতে হইবে মনটা।

কুড়ি টাকা দিতে হবে বাবু।

কুড়ি টাকা! ভিনগাঁয়ের লোকের চমক লাগে।

ঘ্যানঘ্যান করো না। টাকা না দিতে পারো হাতুড়ে দেখাওগে।

ভিনগাঁয়ের লোক অবশ্য মম্বর পদে ভিনগাঁয়ে ফিরিয়া যায়। রোগীদের আজ  
ওষুধের সঙ্গে গাল দেয় শশী! এত রাগ কেন শশীর, এত নীচতা কেন? কথায়  
ব্যবহারে কেন এত অমার্জিত রুক্ষতা? সামনে দাঁড়াইয়া কে আজ ভাবিতে পারিবে  
শশীর মনে বড় চিন্তার আবির্ভাব হয়, জীবনকে বৃহত্তর ব্যাপ্তি দিবার শিলাসা পূর্ববা  
জাগিয়া থাকে।

পরদিন আসিলে শশী বলে, যাব বলে দিয়েছিলাম, বাড়ীতে ছিলে না যে ?

পরান কৈকিয়ত দিয়া বলে, অত বেলা থাকতে যাবেন বুঝতে পারিনি।

শশী আজও রাগিয়া বলে, বেলা থাকতে যাব না তো কি অঙ্কার হলে যাব ? অঙ্কারে কেউ গলার ঘা দেখতে পায়, না, তাতে ওষুধ লাগাতে পারে ? আজ কিছু হবে না, কাল সকালে এসো।

সকালে পরান আসিল না, বিকালেও নয়। আগের দিন বিকালে নিজের বিচলিত অবস্থা মনে করিয়া শশী একটু ক্ষুব্ধ হইয়াছিল। মাঝে মাঝে কেন যে তার এরকম পাগলামি আসে ! সামনে যে মাহুস উপস্থিত থাকে তাকেই আঘাত করিতে ইচ্ছা হয়, জিনিসপত্র ভাঙিয়া তছনছ করিয়া ফেলিবার সাধ যায়। নিজেকে তখন বড় অস্থখী মনে হয় শশীর। মনে হয়, অনেক কিছু চাহিয়া সে কিছুই পাইল না। ঘর গোছানোর নামে যেমন ঘরখানা জঞ্জালে ভরিয়াছে, জীবনটা তেমনি বাজে কাজে নষ্ট হইল। কি লাভ হইবে তার গ্রাম ছাড়িয়া গিয়া ; চিরকাল সে যদি এমন কিছু চাহিয়া যায় যাহা অবিলম্বে পাওয়া যায় না, যার জন্ত অপেক্ষা করিতে করিতে মনের উপভোগ করিবার ক্ষমতা পর্যন্ত ক্ষীণ হইয়া আসে ? শশীর সন্দেহ হয়, তার মাথায় বৃষ্টি এক ধরণের গোলমাল আছে। ভবিষ্যতে যারা অল্প রকম ভাবে বাঁচিতে চায় বর্তমানকে তারা এরকম নীরস, নিরর্থক মনে করে না। তার অভাব কিসের, দুঃখ কিসের ? সুন্দর সুস্থ শরীর তার, অর্থ ও সম্মানের তার অভাব নাই এবং আর কারো না থাক তার জন্ত অস্বস্ত একজনের বুক-ভরা স্নেহ আছে। যতদিন এখানে আছে এসব তো সে অনায়াসে উপভোগ করিতে পারে, জীবনে বজায় রাখিতে পারে মুহু একটু রোমাঞ্চ। পরের বাড়ি থাকার মতো এখানে দিনযাপন করিয়া তার লাভ কি ?

পরদিন সকালে সে পরানের বাড়ি গেল। না, পরান আজও বাড়ি নাই। মোক্ষদা দাওয়ার বসিয়া ছিল, সে বলিল, গলার ঘা দেখাইতে পরান বাজিতপুরে গিয়াছে।

গ্রামে বাড়ির কাছে আছে শশী ডাক্তার, গ্রামে আছে শশী ডাক্তারের হাসপাতাল, গলা দেখাইতে পরান গিয়াছে বাজিতপুর। রাগে শশীর গা জ্বালা করিতে লাগিল। পরান তাকে এমন অপমান করিতে পারে, এ তো সে কল্পনাও করে নাই। একদিন একটু কড়া কথা বলিয়াছে বলিয়া তাকে ডিঙাইয়া বাজিতপুর যাইবে চিকিৎসার জন্ত, স্পর্ধা তো কম নয় পরানের !

কুহুম রাখিতেছিল, আসিয়া জলচৌকি দিল। শশী বলিল, না, বসব না।

মোক্ষদা বলিল, বোসোবাবা, বোসো—বাড়ি এসে না বসে কি যেতে আছে ? কত বললাম পরানকে, কাজে বাজিস বাজিতপুর যা, আমাদের শশী থাকতে আর কারোকে



গুলাটা দেখানি বাপু, শশীর কাছে নাকি সরকারী ডাক্তার! তা ছেলে কবাব খা  
দিলে! মুখপোড়ার বত ছিটিছাড়া কথা। বললে, ছোটবাবু ব্যস্ত মামুল, বিয়ত হন,  
তাকে আলাতন করে কি হবে মা ?

আগে এসব কথায় কুসুম মুচকি-মুচকি হাসিত। আজ তার মুখে হাসি দেখা গেল  
না। বলিল, ছোটবাবুর ওমুখে যা বেড়ে গেল কি-না, তাই তো গেল বাজিতপুর।

মোকদ্দা চটিয়া বলিল, তাই তো গেল বাজিতপুর! তাকে বলে গেছে, তাই গেল  
বাজিতপুর। যা মুখে আসবে বানিয়ে বানিয়ে বলবি ভূই? যা না মা স্বাম্মাথরে?

শশী সত্যসত্যই উদ্বিগ্নভাবে কুসুমের হাসি দেখিবার প্রতীক্ষা করিতেছিল, এতক্ষণে  
সে হাসিল। বলিয়া গেল, বানিয়ে কেন বলব মা, তোমার ছেলেই তো আমাকে বল-  
ছিল। যা শুনেছি বললাম।

মনের মধ্যে একটা অন্তস্তি লইয়া শশী বাড়ি ফিরিল। কি ভাবিয়াছে পরান?  
সেদিন যে ওমুখ দিয়াছিল তাতে পরানের গলায় যা প্রথমে একটু বাড়িয়া যাওয়া  
আশ্চর্য নয়, তাতেই কি ভয় পাইয়া গেল পরান, আর তার চিকিৎসার বিশ্বাস  
রহিল না?

দিনরাত্রি কাটে, মনে মনে শশী ছটফট করে। পরানের গলায় ক্যানসার হইয়াছে  
মনে হইয়াছিল শশীর, সেটা ঠিক কি-না জানিতে না পারিয়া তার স্বস্তি ছিল না।  
হয়তো না। হয়তো অবহেলা করিয়া সাধারণ ক্ষতকেই পরান অতখানি বাড়াইয়া  
ফেলিয়াছে। পরান আসে না, নিজে গিয়া তাকে যে শশী জিজ্ঞাসা করিবে বাজিতপুরের  
সরকারী ডাক্তার কি বলিল, তাও শশীর অভিমানে বাধে। কুসুমও যদি একদিন কোন  
ছলে আচমকা আসিয়া হাজির হইত! কেন সে আসে না? সে যার না বলিয়া?  
যাওয়া আসার সপ্তাহ মাসের ফাঁক তো এমন সে কত ফেলিয়াছে, তবু প্রায় কুসুমের সঙ্গে  
হঠাৎ দেখা হইবার বাধা তো হয় নাই কখনো! একদিন খুব ভোরে বাড়ির সামনে  
স্বাস্থ্য নামিয়া দাঁড়াতেই শশীর চোখে পড়িল কুসুমও নিজের বাড়ির সামনে পথে  
দাঁড়াইয়া আছে। কুসুমও যে শশীকে দেখিতে পাইয়াছে তা যোঝা গেল। কই,  
হাতছানি তো দিল না কুসুম, আগাইয়া তো সে আসিল না? শশী একটু দাঁড়াইয়া  
রহিল। খোলা মাঠে বিলীন কায়েতপাড়ার নির্জন রাস্তাটি আজও শশীর জীবনে স্বাক্ষ-  
পথ হইয়া আছে, যে তাকে যতটুকু নাড়া দিয়াছে এই পথে তাদের সকলের পড়িয়াছে  
পদচিহ্ন। তাহাদের মধ্যে অবশিষ্ট আছে শুধু কুসুম, এ পথে আজ শুধু কুসুম হাঁটে।

আন্তে আন্তে শশী কুসুমের কাছে আগাইয়া গেল।

তোমার দেখে দাঁড়িয়েছিলাম বৌ, ভাবছিলাম কাছে যাবে।

আপনি দাঁড়িয়ে থাকবেন, আমি কাছে যাব ?

কিছু মোব আছে নাকি ! শশী হাসিল, কই, কথা শুধোবার সঙ্গে ভালবসনে  
আর তো আমার ডাক না বৌ ?

কি আর শুধোখি ? নতুন কিছু কি ঘটেছে গীয়ে !

ঘটেছে বই-কি ! অতবড় হাসপাতাল হল, কেমন চলছে হাসপাতাল, রোগীপত্র  
কেমন হচ্ছে, এবাব তো শুধোতে পার ? আমার সবক্কে তোমার কৌতুহল যেন কমে  
বাঞ্ছে বৌ ।

এবার কুহুম মিষ্টি করিয়া হাসিল ; ওমা, তাই নাকি ? তা হবে হয়তো ! একটা  
কমে একটা বাড়ে, এই তো নিয়ম জগতের । আকাশের মেঘ কমে নদীর জল বাড়ে—  
নইলে কি জগৎ চলে ছোটবাবু ?

বিবাদ হয় নাই, বিবাদ তাদের হইবার নয়. তবু কুহুমের সবক্কে শশীর মনে ভয়  
চুকিয়া ছিল যে ব্যবহার যেন তার কড়া হইয়া উঠিতেছে । তাতে ভয়ের কি আছে  
শশী জানে না, শুধু কষ্ট হইয়াছিল ! এখন খুশী হইয়া শশী বলিল, কৌতুহল কমে কি  
বাড়ল ?

কি জানি কি বাড়ল, একটা কিছু অবশি বেড়েছে ।

পরানের কথা জিজ্ঞাসা করিতে আসিয়া শশী এই সব কথা বলিল কুহুমের সঙ্গে ।  
এই সরকারটাই তার যেন বেশী ছিল । তারপর চলিয়া আসিবার আগে সে পরানের  
খবর জানিতে চাহিল । গলার ঘা কমিয়াছে পরানের ।

কমিয়াছে ? ভালই হইয়াছে । বাজিতপুরের ডাক্তারের ওষুধেই তবে গলার ঘা  
কমিল পরানের ? শশীর ওষুধে বাড়িয়া গিয়াছিল । পরানের এত বড় অস্ত্রায়  
ব্যবহারের কথা শশী ভাবিতে পারে না । বাড়াইবার সুযোগ দিয়া আর কমানোর  
সুযোগ দিল না, শশীর ওষুধে যে গলার ঘা বাড়িয়াছিল তাই হইয়া রহিল স্থায়ী সত্য ।  
একদিনের অস্ত্র ওষুধ লাগাইতে নাই বা আসিতে নাই তার কাছে ?

গলার ঘা ভাল হইয়া গিয়াছে পরানের । শরীর সারে নাই । অত বড় কাঠামো  
বলিয়া আরও তাকে রোগা দেখায় । একটা টনিক খাইলে পারে । একটু স্ট্রিকনি  
দিয়া শশী তাকে এমন টনিক তৈরী করিয়া দিতে পারে যে এক মাসে চেহারা ফিরিয়া  
বাইবে,—রোগা শরীরে অত খাটে, মাসকুলার ফেটিগে স্ট্রিকনি বড় উপকারী ! বলিতে  
বাঞ্ছ শশীর । কে জানে তার দেওয়া টনিক এক ভোজ খাইয়া শরীর আরও খারাপ  
হইয়াছে বলিয়া সে যদি অ বার বাজিতপুরে সরকারী ডাক্তারের কাছে ছোট্টে

শরীরের দিকে একটু তাকাও পরান । এটুকু বলে শশী ।

চাষা তো ছিলাম না ছোটবাবু, চাষার কাজটা সুইছে না ।—বলে পরান, বলিয়া সে  
একটু হাসে, তাও বেশীর ভাগ আমি খন্ডরের কাছে রাখা ।

শশী বলে, ছেলে তো নেই খন্তরের, তিনটি গুণ দেবে—বা কাকে কবিবো? বা  
বাবে। জমি তোমার নামে রাখা যাবে।

পরান প্রকাণ্ড হাই তোলে, বলে, খন্তরের ইচ্ছে এখনকার কবিবো বা বেচে আবার  
তার কাছে গিয়ে থাকি।

বাও না কেন ?

তাই কি হয় ছোটবাবু ? গাঁ ছেড়ে বাড়ির ছেড়ে খন্তরবাড়ি গয়ে  
থাকব।

প্রতিশ্রুতির মতো শোনার কথাটা, যেন কার কথা কে বলিতেছে ! কোন বিধি  
এমন জোরালো নিটোল সিদ্ধান্ত পরান তো করিয়া রাখে না ! শশী যেন ভনিত্তে গাঁ  
কুহুমের বাবা অন্তত বলিতেছে, চল মা কুসি, এখনকার সব বেচে দিয়ে আমার ওখানে  
থাকবি চল তোরা, আর কুহুম জবাব দিতেছে, তাই কি হয় বাবা ? গাঁ ছেড়ে বাড়ি  
ছেড়ে তোমার ওখানে পড়ে থাকব ?

শীত জমিবার আগে এবার যামিনী কবিরাজের কাশিটা চিরন্তরে খামিয়া পেল,  
দুদিনের জরে বেচারী গেল মারা। পাঁচন সিদ্ধ করিবার কটাহ পড়িয়া রহিল, আলমারি  
শিশি বোতল টিনের কোঁটাভরা নানারকম গুণ্ড রহিল, বেড়ার ঠেকানো রহিল হাঁকা,  
বুড়া যামিনীর জ্বকম্পন আর হামানদিস্তার ঠুকঠুক শব্দটা গেল খামিয়া। শশী  
আসিল সেনদিদির দাদা কুপানাথ—সেও কবিরাজ। আসিল সে সপরিবারে, তার  
টানিতে লাগিল যামিনীর হাঁকায় আর আলমারি খুলিয়া দেখিতে লাগিল যামিনীর  
সঞ্চিত গুণ্ড। মনে হইল, যামিনীর পাঁচন-সিদ্ধ-করা কড়াইটাতে আবার হয়তো পাঁচ  
সিদ্ধ হইতে থাকিবে, যামিনীর হামানদিস্তার আবার শব্দ উঠিবে ঠুকঠুক। কেবল  
সেনদিদি আর এ জীবনে সধবা হইতে পারিবে না।

তবে শোনা গেল, সেনদিদির নাকি ছেলে হইবে।

শুনিলে অবশ্য বিশ্বাস করিতে ইচ্ছা হয় না, কিন্তু অশ্বিন করিবার উপায় নাই  
এ তো কানে-শোনা ঘটনা নয়, চোখে দেখা ঘটনা। সেনদিদির অমন রূপ কাঙ্ক্ষিত  
চোখ কানা করিয়া দেবতার কি মমতা হইল যে সেনদিদিকে তিনি শেবে একটি ছেলে  
দিলেন ? আহা, দিন ! জীবনে মাছের এটুকু কৃতি পূরণ না থাকিলে কি  
সন্ধ্যাবেলা স্ত্রীনাথ মূর্খীর মেয়ে বকুলভলে পুতুল কেলিয়া গেল, ভোরবেলা সে  
কুড়াইয়া কতকাল আর কাটিবে সেনদিদির !

স্নান হইল শশী, একেবারে বিয়ল বিবর্ণ হইয়া গেল। মাথা নীচু করা বাক্য  
ভক্তভীরু সে মুক হইয়া রহিল। কেন, কি হইল শশীর, গাওখিয়ার নামকরা  
উদ্বোধন ভরণ নেতার ? সেনদিদি তাকে ছেলের মতো ভালবাসিত,

হ্যাঁ, তুমিও স্ক্রাট প্রমাণ কিছুই নাই, আর যদি ছেলের মতো ভালবাসিবার ক্ষমতা  
একটি ছেলে পার সেনদিদি, তাতে শশী কেন বিচলিত হয় ?

গোপাল সম্বন্ধে জিজ্ঞাসা করে, হ্যাঁ রে শশী, তোর তো অসুখ-বিসুখ হয় নি বাবা ?  
শশী বলে, না।

না হলেই ভাল। একটু সাবধানে থাকিস এসময়।

শশী ডাক্তারকে গোপাল বলে সাবধানে থাকিতে! বলে সবিনয়ে রূপাপ্রার্থীর  
মতো। হয়তো গোপালের বলিবার কথা ওটা নয়। শরীর ম্লান, বিষণ্ণ মুখ দেখিয়া  
হয়তো গোপালের হৃদপিণ্ডটা ধড়াস ধড়াস করে, সেই শব্দটা পৌঁছাইয়া দিতে চায় শশীর  
কানে। আর তো ছেলে নাই গোপালের, শুধু শশী।

বাক্তিতপূরে কি কাজ ছিল শশীর কে জানে, গ্রামের অসংখ্য কাজ ফেলিয়া হঠাৎ  
সে বাক্তিতপূরে চলিয়া যায়। সিনিয়ার উকিল রামতারণের বাড়িতে একটি দিন  
চূপচাপ কাঁটাইয়া দেয়, তারপর যায় সরকারী ডাক্তারের বাড়ি। সরকারী ডাক্তারের  
সঙ্গে শশীর সম্ভ্রতি খুব ঘনিষ্ঠতা হইয়াছিল, বাড়িতে অতিথি হওয়ায় এবার ভদ্রলোকের  
স্বীকৃতি, এক স্বামী ও দুই ছেলের সংসার লইয়া বিশেষরূপে বিব্রত স্ত্রীর সঙ্গেও  
আলাপ-পরিচয় হইল। মানসিক বিপর্যয়ের সময় সংসারে এক-একটি তুচ্ছ ঘটনা  
কাজে আশ্চর্য সাধনা মেলে। কাজে অপটু, ভীকু ও নিরীহ এই মহিলাটি অতি অল্প  
সময়ের মধ্যে শশীকে যেন কিনিয়া ফেলিল। চা দিতে চা উছলাইয়া পড়িতেছে, ছেলে  
ধরিতে আঁচল খসিতেছে, আঁচল তুলিতে ছড়াইয়া পড়িতেছে চুল, তাড়াতাড়ি ঘরের  
বাহিরে যাইতে চৌকাটে হৌচটও লাগিল।

থাকিয় থাকিয়া বলে, আর পারি না বাবা!

সত্যই পারে না। তবু জোড়াতালি দিয়া কোন রকমে সবই সে করে। সে ভক্ত  
আড়ালও খোজে না, সব ক্রটি-বিচ্যুতি তার প্রকাশ্য! এক ঘণ্টার মধ্যে মানুষের কান্দ  
নিজের স্বরূপ মেলিয়া ধরে বলিয়াই বোধ হয় তাকে তার স্বামীরও ভাল লাগে, শশীরও  
লাগিল।

স্বশীলা নাম। শশীকে স্কুলশীলের পরিচয় দিয়া বলিল, আমার মামাবাড়ি তেইশ-  
গাছা, আমাদের গাঁ থেকে ছ'মাইল, মামাকে চেনেন? হরিশচন্দ্র নিয়োগী। আমি  
মামাবাড়ি গেছি সেই কোন্ ছেলেবেলায় আর এই একই এখানে এসে একবার। আমার  
বাবা মুলোক ছিলেন কি-না, সঙ্গে এখানে ওখানে ঘুরে বেড়াতাম।

এখন কর্তার সঙ্গে বেড়ান।

কেন নয়? এই তো ছ মাস হল এসেছি এখানে, এর মধ্যে বলে কি-না বদলি হয়!

পরদিন সকালে গ্রামে কিরিবার ভক্ত শশী নদীর ঘাটে আসিয়া দাঁড়াইল। একটা

নৌকা ভাঙা করিতে হইবে। বাটে কুহুমের বাবা অনন্তের সঙ্গে শশীকে লইয়া গেল।

অনন্ত বলিল, ভাস্করবাবু এখানে ?

শশী বলিল, একটু কাছে এসেছিলাম। একটা নৌকা নিয়ে গাঁয়ে কিয়ৎ

অনন্ত বলিল, নিজের নৌকা আনেন নি ? আমিও গাওদিয়া বাছি ভাস্করবাবু, আমার নৌকাতেই চলুন না। একটু তবে বহুন নৌকার উঠে, বাজার থেকে একঝোড়া শাড়ি কিনে আনি বঁা করে মেয়েটার জন্তে।—আরে হেই হানিক, আম বাবা এদিকে সরিয়ে আন নৌকা, ভাস্করবাবু উঠবেন।

অল্পকণের মধ্যে কুহুমের জন্ত একঝোড়া শাড়ি কিনিয়া অনন্ত ফিরিয়া আসিল। নৌকার উঠিয়া শশীর একটু তফাতে হাত-পা মেলিয়া বসিয়া বলিল, মেয়ে বেতে মিথেষ্ট ভাস্করবাবু। লিখেছে, একেবারে বড় নৌকা নিয়ে এসে দুদিন এখানে থেকে সবাইকে নিয়ে ফিরে যাবে। আপনি আমার যা উপকার করলেন ভাস্করবাবু, কি আর বলুন।

শশী অবাক হইয়া বলিল, আমি আবার কি উপকার করলাম আপনার ?

অনন্ত বলিল, মেয়ে কি আমায় লেখে নি ভাস্করবাবু, আপনার পরামর্শে আমার কাছে গিয়ে থাক ঠিক করেছে ? যা মাথাপাগল মেয়ে আমার, আপনার পরামর্শে শুনল তাই আশ্চর্য। বলছি কি আজ থেকে ? সেই যেবার বেয়াই অপঘাতে মরল তখন থেকে মেয়ে-জামাইকে তোশামোদ করছি, কাজ কি বাবু তোদের এত কষ্ট করে এখানে থাকায়, আমার কাছে এসে থাক। জামাইয়ের মতামতের জন্তে ভাবি নি ভাস্করবাবু, সে জলের মাহুধ, মেয়ে রাজী হলে সেও রাজী হত। মেয়েই ছিল বেঁকে। বলন্ত, শান্তুড়ী আছে, নন্দ আছে, ওরা আমার বাপের বাড়ি গিয়ে থাকতে চাইবে কেন ? বেশ ভাল কথা, নন্দদের বিয়ে হওয়া পর্যন্ত চূপচাপ রইলাম। তখন রইল শুধু এক শান্তুড়ী, সেও অরাজী নয়—এবার তবে আয় ? তাও না, দশটা ওজর দিয়ে মেয়ে আমার এখানকার মাটি কামড়ে রইল। নিত্য অভাব, কি স্থখে বে ছিল কে জানে।

তা ঠিক, কি স্থখে কুহুম গাওদিয়ায় ছিল এতকাল ? অনন্ত সম্পন্ন গৃহস্থ ; তার গায়ের সাঠিনের কোট আর কোমরে বাঁধা উড়ানিই তা ঘোষণা করে। বাপের কাছে কুহুম পরম স্থখে থাকিতে পারিত। এতদিনে কুহুমের তবে স্মৃতি হইয়াছে ? শশীকে জানাইয়া স্মৃতিটা হইলে খুব বেশী স্মৃতি হইত না। তার পরামর্শে মতিগতি কিরিয়াছে বাপকে এ কথা লিখিবার কি উদ্দেশ্য ছিল কুহুমের ?

কোমরে-বাঁধা উড়ানি ও কোটটা খুলিয়া রাখিয়া আশ্রয় করিয়া বসিয়া অনন্ত বলিল, জীবন-মাসে আগের বার যখন নিতে আসি, আপনার সঙ্গেই যেবার এলাম বাছিকপু পর্যন্ত,—মেবারে রাজী হয়েছিল। বেতে বেতে আবার মত পালটাল।

কিছু হলেবাহির পরানেই বোঁ । শশী বলিল ।

অনন্ত বলিল, ছোট মেয়ে, বড় ছ বোনের বিয়ের পর ঐ ছিল কাছে, বড় আদরে  
পালিত হইবেছিল—একটু ভাই খেয়ালী হয়েচে প্রকৃতি । সবচেয়ে ভাল ঘর-বর দেখে গর  
বয়ে দিলাম; গর অদেটেই হল কষ্ট । সংসারে মাহুব চায় এক, হয় আর, চিরকাল  
আমি দেখে আসছি ডাক্তারবাবু । পুতুল বই তো নই আমরা, একজন আড়ালে বসে  
থলোছেন ।

শশী একটু হাসিয়া বলিল, তাকে একবার হাতে পেলে দেখে নিতাম ।

অনন্ত বলিল, তেমন করে চাইলে পাবেন বই-কি, ভক্তের তো দাস তিনি ।

নদী ছাড়িয়া নৌকা খালে ঢোকে, অনন্তের সঙ্গে একথা ওকথা বলিতে বলিতে খাপ-  
নাড়া ভাবে ভিজ্ঞাসা করিল, পরান বুঝি সব বেচে দেবে ? বাড়ি-ঘর জমি-জায়গা ?

অনন্ত বলিল, আমার কাছে গিয়ে থাকলে এখানে বাড়ি-ঘর রেখে কি করবে ?  
তাড়াতাড়ো কিছু নেই, আস্তে আস্তে সব বেচবে । কেউ কিনবে যদি আপনার জানা  
থাকে—

কুহুম, জানা থাকলে আপনাকে বলব ।

কুহুম তবে সত্য সত্যই যাইবে চিরকালের জন্য গাওদিয়া ছাড়িয়া ? এত তাড়া-  
তাড়ি করিবার কি দরকার ছিল ? শশীও তো যাইবে, কুহুমের চেয়েও অনেক দূরদেশে,  
কনাক্ষীর মাহুবের মধ্যে । শশীর বিদায় নেওয়া পৰ্বন্ত কুহুম কি গ্রামে থাকিতে পারিত  
না ? হয়তো পরানের শরীর ভাঙিয়া গিয়াছে বলিয়া কুহুম তাড়াতাড়ি সরিয়া যাইতে  
চায়, সেখানে বিশ্রাম জুটিবে পরানের, অল্প চিন্তায় সে ব্যাকুল হইবে না, ভোরে পাঁচটার  
ভাঙা শরীর লইয়া ছুটিতে হইবে না মাঠে । কাজটা খুব বুদ্ধিমতীর মতোই করিতেছে  
কুহুম । তবু শশীকে একবার কি সে বলিতে পারিত না ? মতি ও কুমুদের ব্যাপারটা  
গুনিবার জন্য একদিন কত ভোরে কুহুম তাকে ভালবনে ডাকিয়া লইয়া গিয়াছিল,  
এতবড় একটা উপলক্ষ্য পাইয়াও কুহুম কি তার পুনরভিনয় করিতে পারিত না ?  
কথাটা বলিবার ছুতায় অসময়ে একবার কি সে আসিতে পারিত না শশীর ঘরে,—  
গোপাল উঠিয়া দাওয়ার বসিয়া থাকিবে আর দরজা বন্ধ করিয়া অনেকক্ষণ শশীর কাছে  
জাহাকে বসিয়া থাকিতে হইবে, এরকম একটা প্রত্যাশা করিয়া ? কুহুম রাগ করিয়াছে  
কি !

বাড়িতে পা দেওয়ারমাত্র গোপাল বলিল, কোথায় গিয়েছিলি শশী ? শ্যামলীকে  
লাহেব-পরন্ত থেকে তাঁবু পেড়ে বসে আছেন গায়ে, দশবার তাঁর চাপরাশি তোকৈ জ্বলিতে  
এর, দীতলবাবু ছুরেল লোক পাঠাচ্ছেন । কোথায় গেলি কবে কিরবি তাও কিছু দলে  
পেরিনা । যা বা, ছুটি বা, দেখা করে আর গে লাহেবের সঙ্গে । ভাল পোশাক পরে যা।

শশী বলিল, এত বেলায় বাড়ি কিরিলাম, খাব না, দাব না, দুটে মাসের সব দেখা করতে যাব ? কি বে বলেন তার ঠিক নেই ।

গোপালের উৎসাহ নিভিয়া গেল । বলিল, আমি কথা কইলেই তুই চটে উঠিস শশী ।

শশী বলিল, চটব কেন, সকাল থেকে খাই নি কিছু, বিদে-তেটা তো আছে মাহবের ? খাস নি । সকাল থেকে খাস নি কিছু ?—গোপাল ব্যস্ত হইয়া উঠিল, শশীদির মন করে নে তবে । ও কুল, তোরা সব গেলি কোথায় শুনি ? সকাল থেকে কিছু খায় নি শশী,—সব কটাকে দূর করব এবার বাড়ি থেকে ।

বিকালে শশী ম্যাজিস্ট্রেটের সঙ্গে দেখা করিয়া আসিল । সাতগাঁর স্কুল, গাওদিয়ার হাসপাতাল সব শীতলবাবু তাঁহাকে দেখাইয়াছেন, শশীকে বসাইয়া অনেকক্ষণ হাসপাতালের সম্বন্ধে কথা বলিলেন । যাদবের মরণের ইতিহাসটা মন দিয়া শুনিলেন । এ বিষয়ে অদম্য কৌতুহল দেখা গেল তাঁর । শশী নিজে দাঁড়াইয়া সব দেখিরাছে ? ব্যাপার নিজে তবে সে একটু ব্যাখ্যা করুক না ? শশীর আজ কিছু ভাল লাগিতেনি মন, তাছাড়া যাদবের ও পাগলাদিদির মরণকে তার ব্যাখ্যা করিবার উপায় নাই । চিরদিন শুধু তার মনে মনেই থাকিবে । তারপর এক কাপ চা খাওয়াইয়া হাসপাতালের মধ্যে একশত টাকা চাঁদা দিবার প্রতিশ্রুতি দিয়া ম্যাজিস্ট্রেট শশীকে বিদায় দিলেন । সেখান হইতে সে শীতলবাবুর বাড়ি গেল । কিছু না বলিয়া উধাও হওয়ার জন্য শশীকে এক চোট বকিলেন শীতলবাবু, তারপর তিনিও এককাপ চা খাওয়াইয়া শশীকে বিদায় দিলেন । তখন সন্ধ্যা হইয়া গিয়াছে । শীতলবাবু সঙ্গে আলো দিতে চাহিয়াছিলেন, পকেটে টর্চ আছে বলিয়া শশী বারণ করিয়া আসিয়াছে ।

সমস্ত পথ একবারও সে টর্চের আলো ফেলিল না, অন্ধকারে হাঁটিতে লাগিল । হাসপাতালে নিজের ঘরে গিয়া সে বসিল । হাসপাতালের কুড়ি টাকা বেতনের কম্পাউণ্ডার বোধ হয় আজ এ সময় শশীর আবির্ভাব প্রত্যাশা করে নাই, কোথায় বেন চলিয়া গিয়াছে । প্রায় দু-ঘণ্টা পরে সে ফিরিয়া আসিল । শশী কিছু তাহাকে কিছুই বলিল না । হাসপাতালে ছটি বেড, তার মধ্যে দুটি মাত্র দুজনে রোগী বসল করিয়াছে । তাদের দেখিয়া কম্পাউণ্ডারকে তাদের সম্বন্ধে উপদেশ দিয়া শশী বাড়ি কিরিল । কি আজ বিগড়াইয়া গিয়াছে মন । বাহুদের বাঁড়ুজ্যের বাড়িটা অন্ধকার, সামনে সেই প্রকাণ্ড আঁধ পাছটা, বার ভাল ভাঙিয়া পড়িয়া একটা ছেলে মরিয়াছিল । মরণের সঙ্গে কত ঘনিষ্ঠ সম্পর্ক শশীর, তবু সেই ছেলেটাকে আঁধা সে ভুলিতে পারিল না । চিরদিনের কুল হইয়াছিল কি ? দেহের ভিতরে কি এমন কোন আঘাত লাগিয়াছিল ছেলেটার, সে বাহা খরিতে পারে নাই ? আজ আর সে কথা ভাবিয়া লাভ নাই । তবু শশী ভাবিল ।

গ্রামের এমন কত কি শশীর মনে গাঁথা হইয়া আছে। একদা ভাবনাও হয় শশীর। গ্রাম ছাড়িয়া সে যখন বহু দূর দেশে চলিয়া যাইবে, গ্রাম্য জীবনের অসংখ্য ছাপ যদি মনে হইতে তার মুছিয়া না যায়? চিন্তা যদি তার শুধু এই সব খণ্ডখণ্ড ছবি দেখা আর এই সব ঘটনার বিচার করার পর্য্যবসিত হয়? শ্রীনাথের দোকানে একটু দাঁড়ায় শশী। কি খবর শ্রীনাথ? মেয়ের জ্বর? কাল একবার নিরে বেণু হাসপাতালে, ওষুধ দেব। চলিতে চলিতে শশী ভাবে যে তার কাছে অল্পখের কথাই বলে সকলে, ওষুধ চায়। বঁধানো বকুলতলাটা বরা ফুলে ভরিয়া আছে : এত ফুল কেন? বাড়ির সামনে বঁধানো দেবদর্শী গাছতলা। সেনদিদি বৃষ্টি আর সূক্ষ্ম করে না? বাড়িতে ঢুকিবার আগে শশী দেখিতে পায় পরানের বড় ঘরের জানালাটা আলো হইয়া আছে। বাপ আসিয়াছে বলিয়া কুহুম বোধ হয় আজ-তার বড় ঝুলানো আলোটাতে তেল ভরিয়া জালিয়া দিয়াছে।

মনটা কেমন করিয়া ওঠে শশীর। হয়তো পরশু, তার পরদিন কুহুম গাঁ ছাড়িয়া যাইবে, আর আসিবে না।

১৩

বোঁকের মাথায় কাজ করার অভ্যাস শশীর কোনদিন ছিল না। মনের হঠাৎ জাগা ইচ্ছাগুলিকে চিরদিন সামলাইয়া চলিবার চেষ্টা করে। তবে এমন কতকগুলি অসাধারণ জোরালো হঠাৎ-জাগা ইচ্ছা মাগ্বরের মধ্যে মাঝে মাঝে জাগিয়া ওঠে, যে সে-সব দমন করার ক্ষমতা কারো হয় না। সকালে উঠিয়া কিছুই সে যেন ভাবিল না, কোন কথা বিবেচনা করিয়া দেখিল না, সোজা পরানের বাড়ি গিয়া রান্নাঘরের দরজার সামনে দাঁড়াইয়া বলিল, একবার তালবনে আসবে বোঁ?

কুহুম অবাক। তালবনে? কেন, তালবনে কেন এই সকালবেলা?

এস। কটা কথা বলব তোমাকে।

কথা বলবেন? হাসব না কাঁদব ভেবে পাইনা ছোটবাবু। অন্যমনসে আজ প্রথম আমাকে যেচে কথাটা বলতে এলেন, তাও তালবনে ডেকে। যান আমি আসছি।

তালবনের সেই ভূপতিত তালগাছটার শশী বসিয়া রহিল, এমনি সকালবেলা একদিন তাকে ডাকিয়া আনিয়া কুহুম সেখানে বসিয়া মস্তির কথা শুনিয়াছিল। খানিক পরে আঁচলে বাঁধা চাবির গোছা খেলাচ্ছলে যুহু যুহু শব্দে বাজাইতে বাজাইতে কুহুম আসিল। এত উৎসুক কেন কুহুম আজ, কাল যে চিরতরে বিদায় গ্রহণ করিবে? মুখখানো একটু তাহার রান দেখাক, চোখে থাক গোপন রোমনের চিহ্ন? কথা শশী বলিতে পারিল না। নিজের মুখখানো রান করিয়া কুহুমের ভাব দেখিতে লাগিল।



হাস্য ?—কুহুম বিজ্ঞাসা করিল।

কেন, হাসবে কেন ?

কুহুম হাসিয়া বলিল, আমার হাসি দেখলে আপনার মন নাকি জুড়িয়ে যায় ? তাই জ্ঞোধি।

শশী বলিল, তামাসা করার অন্তে তোমার এখানে ডাকি নি বোঁ।

আহা, তা তো জানি না ! তামাসাই করলেন চিরকাল, তাই ডাকলে মনে হয় তামাসা করার অন্তেই বুঝি ডেকেছেন। বসি তবে। বসে শুনি কি অন্য ডাকলেন।

শশী বলিল, একথা কি করে বললে বোঁ, চিরকাল তোমার সঙ্গে তামাসা করেছি ? তামাসা নয় ? তবে ঠাটা বুঝি ?

শশী একটু রাগ করিয়া বলিল, তোমার কি হয়েছে বুঝতে পারছি না বোঁ।

কুহুম তবু হাসকা মূর ভারী করে না। বলিল, কি করে বুঝবেন ? মেয়েমানুষের কত কি হয়, সব বোঝা যায় না। হলেনই বা ডাক্তার ! এ তো অরজালা নয়।

শশী জালা বোধ করে। এ কি আশ্চর্য যে কুহুমকে সে বুঝিতে পারে না, মুহূর্তেই সিক্ত অবজ্ঞায় সাত বছর যার পাগলামিকে সে প্রেমের দিয়াছিল ? শশীর একটা পুরোধ্য কষ্ট হয়। যা ছিল শুধু জীবনসীমায় বহিঃপ্রাচীর, হঠাৎ তার মধ্যে একটা চোরা দরজা আবিষ্কৃত হইয়াছে, ওপাশে কত বিস্তৃত, কত সম্ভাবনা, কত বিন্ময়। কেন চোখ জ্বল জ্বল করিল না কুহুমের ? একবার বাপের বাড়ি যাওয়ার নামে আড়াড় খাইয়া তাহার কোমর ভাঙিয়াছিল, যদি বা শেষ পর্বস্ত গেল, কিরিয়া আসিল পনের দিনের মধ্যে। এখানে এমন ভাবে হয়তো এই তাদের শেষ দেখা, এ জীবনে হয়তো আর এত কাছাকাছি তারা আসিবে না, আর আজ একটু কাঁদিল না কুহুম, পাচ সজল হুঁরে একটি আবেগের কথা বলিল না ? কুহুমের মুখে ব্যথার আবির্ভাব দেখিতে শশীর দুঃখ আকুল হইয়া ওঠে, অস্মৃৎ কারা শুনিবার অন্য সে হইয়া থাকে উৎকর্ণ। কে জানিত কুহুমের মৈনন্দিন কথা ও ব্যবহার মেশানো অসংখ্য সংকেত, অসংখ্য নিবেদন এত প্রিয় ছিল শশীর, এত সে ভালবাসিত কুহুমের জীবনধারার মুহূর্ত এলোমেলো, অক্ষর কাতরতা ? চিরদিনের জন্য চলিয়া যাইবে, আর আজ এই ভালবাসে তার এত কাছে বলিয়া খেলার ছলে কুহুম শুধু বাজাইবে চাবি ! কি অন্যায় কুহুমের, কি স্বাধী ছাড় পাগলামি।

পাঁ দিয়া ছোট একটি আগাছা নাড়িয়া দিতে স্বরবর করিয়া শিশির বরিয়া পড়িল। শশীর মনে হইল কুহুমকে ধরিয়া এমনি বাঁকুনি ধের বাতে তার চোখের আটকানে মূলের কোটাগুলি এমনিভাবে বরিয়া পড়ে এবং দুঃখ মেলিয়া সে তা দেখিতে পারে। কুহুম বিজ্ঞাসা করিল, কথা বলবেন বলে ডেকে এনে হুচাপ কেন ছোটাবু ?

শশী বলিল, সুনাম তোমরা নাকি গাঁ ছেড়ে চলে বাচ্ছ, তাই অধোতে ডাকলাম ।

কুহুম অনারাসে বলিল, পরশু যাব ।

আমায় যে বল নি কিছু ?

কখন বলব ? আপনি কি আসেন ?

শশী রাগিয়া বলিল, নাই বা এলাম ? জান না কাজের ভিড়ে কত ব্যস্ত থাকি ?

মিথ্যে করে ভাঙা হাত দেখাতে বৃষ্টি মাথায় করে যেতে পার, এতবড় একটা খবর দেবার জন্য একবার যেতে পারলে না ?

এ কথায় ক্রোধের কি অর্ধ ভঙ্গিই কুহুম করিল ! দুহাতে মুখের দুপাশের আলগা চুলগুলি পিছনে ঠেলিয়া দিয়া এমন তীব্র দৃষ্টিতে শশীর দিকে চাহিল যে মনে হইল শশী যেন হ্রস্ব অবাধ্য শিশু, এখনি কুহুম তাকে একটা চড়াপড় মারিয়া বসিবে । এমন তো ছিল না কুহুম ! শশী কবে তাকে অপমান না করিয়াছে, কবে মান রাখিয়াছে তার অভিমানের, কবে এমন কথা বলিতে ছাড়িয়াছে বা গুনিলে গা জলিয়া যায় না ? কোন দিন রাগ সে করে নাই, ভৎসনার চোখে চাহে নাই । আজ এই সামান্য অপমানে সে একেবারে ফুঁ পিয়া উঠিল বাঘিনীর মতো !

তবে কড়া কথা কিছু সে বলিল না, আত্মসম্বরণ করিল । তার রাগের ভঙ্গি দেখিয়াই শশী একেবারে নিভিয়া গিয়াছে দেখিয়া কে জানে কি আশ্চর্য কৌশলে, কথা বলার চিরন্তন রহস্যময় সুরটিও কুহুম ফিরাইয়া আনিল । বলিল, বাবা, কি ছেলে-মাল্লবের পাল্লাতেই পড়েছি ! মিথ্যে করে ভাঙা হাত দেখাতে একবার ছেড়ে একশ বার যেতে পারি ঝড় বৃষ্টি ভূমিকম্প মাথায় করে, ও কথা বলবার জন্য যাব কেন ?

শশী বলিল, পরানকে দিয়ে তো বলে পাঠাতে পারতে ?

কুহুম বলিল, তাই বা কেন পাঠাব ? যে খবর নেয়না তাকে খবর দেবার কি গরজ আমার ? আমিই তো বারণ করলাম ওকে ।

কাজের ভিড়ে আসতে পারি নি বলে আমি একেবারে পর হয়ে গেছি, না বৌ ?

কুহুম হাসিল, পর কোথা হলেন ? তালবনের ঝোপের মধ্যে বসে পরের সঙ্গে আমি কথা বলি নাকি ? ঠিক অতটা সস্তা নই ছোটবাবু ।

কি বলিল কুহুম ? এত স্পষ্ট, এত ব্যাখ্যা-ও-ইতিহাস-ভরা কথা ? শশীর হঠাৎ মনে পড়িয়া গেল একদিন বড় খাপছাড়া ও অনাবশ্যক ভাবে কুহুম তাহাকে বাপ জুলিয়া অপমান করিয়াছিল, এমন ভয়ানক ব্যাপার আর কখনো ঘটে নাই । বৃষ্টিতেও পারে নাই কুহুমের রাগের কারণ । এতদিন পরে কুহুম যেন সেদিনকার ব্যবহারের দ্বাবে বলিয়া দিল । সস্তা নই ! কি গেরৌ, অভঙ্গ কথা ! তবু, কুহুম বা বলিতে চায় আর কি ? তাই এত স্পষ্ট বোঝা বাইত ? কি করিবে, কি বলিবে কিছুই শশী বুঝিয়া উঠিতে

পারিবারিক। আজ হঠাৎ একথা বলিবার দরকার পড়িল কেন কুহুমের? কখন কখন  
দুর্বোধ। যদি বলিত অস্তিমান করিয়া, চিরদিন বেয়দ করিয়াছে তেমন যদি কিস্তির  
হইত তার এ অস্তিযোগ, তবে শশী সব বুঝিতে পারিত। তাতো নয়। এ পারি-  
উক্তি কুহুমের, অহকারের ভাষা। আজ বাবে কাল যার সঙ্গে চিরতরে বিচ্ছেদ, তাকে  
এমন ভাবে একথা শোনানো কি কম মন্দ ব্যবহার কুহুমের।

ভাবিয়া চিন্তিয়া শশী বলিল, চলে যাবে বলে বুঝি আজ এমন তেজের সঙ্গে কথা  
বলছ বোঁ? ভাবছ, সম্পর্ক যখন চূকল যত পারি গুনিয়ে নিই?

কি আবার শোনানো আপনাকে?

যা শোনালে চিরকাল মনে থাকবে। এই অন্যেই সেদিন তোমাকে কটা কথা বুঝিয়ে  
বলতে গিয়েছিলাম, তুমি যেদিন হাতের ব্যথার ওষুধ আনতে গেলে। কিছু গুনলে না,  
কিছু বুঝলে না, রাগ করে চলে এলে। মেয়েমানুষ এমনি হয়।

কুহুম চোখ বড় বড় করিয়া বলিল, মেয়েমানুষের সম্বন্ধে এত জ্ঞান কোথায় পেলেন  
ছোটবাবু? মেয়েমানুষের এরকম হয়, ওরকম হয়, সব রকম হয়, শুধু মনের মতো হয়  
না, এতও জানেন!

তুমি আজ বিশ্রীভাবে কথা বলছ বোঁ।

বলি নি ছোটবাবু, বলতে দিন। যা মুখে আসে বলতে দিন আজ। বলতে কি  
চেয়েছিলাম? কে আপনাকে জানতে বলেছিল গাঁ ছেড়ে চলে যাব? কে বলেছিল  
এখানে ডেকে আনতে? জানেন আমার মাথা খারাপ, পাগলাটে মানুষ আমি, তবু  
যাওয়ার দুদিন আগে আমাকে ডেকে আনা চাই, আজ-বাজে কথা বলে কান ঝালা-  
পালা করা চাই! দশ বছর খেলা করেও সাধ মেটেনি? আমরা মুখ্য গেরোঁ মেয়ে  
এসব খেলার মর্ম তো বুঝি না, কষ্টে মরে যাই।

এ কথার কোন প্রতিবাদ নাই বলিয়া শশীর মুখে কথা ফোটে না। জুতার ডিতর  
হইতে পা বাহির করিয়া পায়ে ঘাসের শিশির মাখিতে মাখিতে নতমুখে সে সূক হইয়া  
বসিয়া থাকে।

এ দিকে কুহুমের চোখে এতক্ষণে জল আসিয়া পড়িয়াছে। শশীর কাছে মনের  
আবেগকে এমন স্পষ্টভাবে চোখের জলে কুহুম কোনদিন স্বীকার করে নাই। তবে  
সে বড় শক্ত মেয়ে, দুবার জোরে জোরে হাস টানিয়া আর দুবার আঁচলে চোখ মুছিয়া  
আবেগ সৈ আয়ত্তে আনিয়া ফেলিল।

বলিল, এমন হবে জাতি নি ছোটবাবু। তাহলে কোনকালে গাঁ ছেড়ে চলে  
যেতাম।

কুহুম আর কিছুকথা চোখের জল ফেলিলে বে শশী হঠাৎ ন্যাশান করতী দিয়া

ধীরে ধীরে তাকে চুহাতে ঝড়াইয়া ধরিতে তাতে সন্দেহ ছিল না, কিন্তু কুহুমের অধিবোধ-  
 গুলি তাকে দমাইয়া রাখিল। এ কথা সে তুলিতে পারিল না, যে এককাল পরে ও-  
 চাবে কুহুমের সমস্ত নাগিশের জবাব দেওয়া আর চলে না। মুখখানা শশীর একটু  
 পাংশু দেখাইতেছিল। কি বলা যায় কুহুমকে কি কল্পা যায়! কে জানিত মোট  
 দুদিনের নোটিসে কুহুম তাকে এমন বিপদে ফেলিবে, তার গুছানো মনের মধ্যে এমন  
 গুলোট-পালোট আনিয়া দিবে! কুহুমের কাছে বসিয়া থাকিলে, দুদিন পরে সে যে  
 টরদিনের অন্ত চলিয়া যাইবে এই চিন্তার কষ্ট তরঙ্গের মতো পলকে পলকে অবিরাম  
 ঠখলিয়া উঠিয়া তাকে এমন উতলা করিয়া তুলিবে, এ ধারণা শশীর ছিল না। কাল  
 কথটা শুনিয়া অবধি শশীর মনে নানা বিচিত্র ভাবধারা উঠিতেছিল, আজ সকালে সে  
 যত্নে যেন শুধু একটা কটু ক্লেশে পরিণত হইয়া গিয়াছে।

কুহুমের যে শরীরটা আজ অপার্থিব সুন্দর মনে হইতেছিল তার সমস্তটা শশী  
 ঝড়াইয়া ধরিতে পারিল না, হঠাৎ করিল কি, খপ করিয়া কুহুমের একটা হাত ধরিয়া  
 ফলিল। কুহুম একটু অবাক হইয়া গেল। দুজনের মধ্যে ব্যবধান ছিল, তাতে টান  
 গড়ার জগ্জই বোধ হয় কুহুম একটু সরিয়াও আসিল, কিন্তু যা কথা বলিল তা অপূর্ব,  
 অচিন্তিত।

কতবার নিজে বেচে এসেছি, আজকে ডেকে এনে হাত ধরা টরা কি উচিত ছোটবাবু?  
 রসে-টেগে উঠতে পারি তো আমি? বড় বেয়াড়া রাগ আমার।

শুনিয়া শশীর আধো-পাংশু মুখখানা প্রথমে একেবারে শুকাইয়া গেল। কে জানিত  
 কুহুমকে এত ভয়ও শশী করে? তবু কুহুমের হাতখানা সে ছাড়িল না। বলিল,  
 রগো, কথা শুনে রগো। আমার সঙ্গে চলে যাবে বৌ?

চলে যাব? কোথায়?

যেখানে হোক। যেখানে হোক চলে যাই চল আজ রাজে।

কুহুম সঙ্গে সঙ্গে জবাব দিল, না।

শশী ব্যাকুলভাবে কহিল, কেন? যাবে না কেন?

কুহুম শুধু বলিল, কেন যাব?

শশী বোকাম মতো, শিশুর মতো বলিল, কেন যাবে? কেন যাবে মানে ক'  
 হুহু?

আজ নাম ধরে কুহুম বললেন!—বলিয়া ছোট বালিকার মতো মাথা ঝুলাইয়া  
 মলমলে চোখে শশীর অভিজুত ভাব লক্ষ্য করিতে করিতে কুহুম বলিল, কি করে বে  
 চাখোমেন কেন যাব! আপনি বুঝি ভেবেছিলেন যেদিন আপনার হৃদয়ে হুহু  
 চাকবেন, আমি অমনি হুহুহু করে আপনার সঙ্গে চলে যাব? কেউ তা ধায়?

শশী অস্বাভাবিকভাবে বলিল, একদিন কিন্তু যেতে।

কুহুম স্বীকার করিয়া বলিল, তা যেতাম ছোটবাবু! স্পষ্ট করে ডাকা করেই যাবে, ইশারা করে ডাকলে ছুটে যেতাম। চিরদিন কি একরকম যাব? যাহূম কি লোহার গড়া যে চিরকাল সে একরকম থাকবে, বদলাবে না? বলতে বসেছি এখন কথা করেই বলি, আজ হাত ধরে টানলেও আমি যাব না।

তার হাত ছাড়িয়া দিয়া শশী বলিল, তোমার রাগ যে এমন ভয়ানক তা জানতাম না বৌ। অনেক বড় বড় কথা তো বললে, একটা ছোট কথা কেন তুমি বুঝতে পার না? নিজের মন কি মানুষ সব সময় বুঝতে পারে বৌ? অনেকদিন অবহেলা করে কষ্ট দিয়েছি বলে আজ রাগ করে তার শোধ নিতে চলেছ, এমন তো হতে পারে আমি না বুঝে তোমায় কষ্ট দিয়েছি, তোমার পরে কতটা মায়্যা পড়েছে জানতে পারি নি? তুমি চলে যাবে শুনে এতদিনে আমার খেয়াল হয়েছে? তা ছাড়া তোমার কথাই যদি, তুমি বললে মানুষ বদলায়—বেশ, আমি অ্যাঙ্গিন তোমার সঙ্গে খেলাই করেছি, আজ তো আমি বদলে যেতে পারি বৌ?

কি ব্যাকুল, উৎসুক আবেদনের মত শোচনীয় শশীর কথাগুলি। কে জানিত কুহুমকে তাহার এমন করিয়া একদিন বলিতে হইবে। গুণিতে বিশ্বাসের সীমা থাকে না কুহুমের। শরীরটা যে ভাল নাই তার মুখ দেখিগাই তা বোঝা যায়, হয়তো কুহুম মনে করে যে তার এই সকাতির দুর্বলতা সেই জন্তই। সে মুহূর্তে বলিল, একি বলছেন ছোটবাবু? আমার জন্ত আপনার মন কাঁদবে?

শশী সরলভাবে বলিল, ভয়ানক মন কাঁদবে বৌ, জীবনে আমি কখনো তা হলে স্থখী হতে পারব না।

কুহুম ব্যাকুলভাবে বলিল, তা কি কখনো হয়? আপনার কাছে আমি কত তুচ্ছ, আমার জন্ত জীবনে কখনো স্থখী হতে পারবেন না! দুদিন পরে মনেও পড়বে না আমাকে।

শশী বলিল, এতকাল ধরে জড়িয়ে জড়িয়ে বেঁধেছ আর দুদিনে তোমাকে তুলে দাব, তাই ভেবে নিলে তুমি?

শেষ পর্বন্ত কুহুম বলিল, আমার সাথি কি ছোটবাবু আপনাকে জড়িয়ে জড়িয়ে রাখব?

শশী ক্রুদ্ধ হইয়া বলিল, আজ ওসব বিনয় রাখ বৌ। আজকে বাজে-বকায় মের আমার নেই। আমার কি হবে না হবে সে কথাও না। স্পষ্ট করে আমার শুধু তুমি বুঝিয়ে দাও চিরকাল আমার জন্তে ঘর ছাড়তে তুমি পাগল ছিলে, আজকে হঠাৎ বিবাহ হলে কেন?

এসব কথাই কলহ হয় ছোটবাবু। বাবার আগে কলহ কি ভাল ?

কলহ হবে না, বল।

কুহুম স্নান মুখে বলিল, আপনাকে কি বলব ছোটবাবু, আপনি এত বোঝেন। লাগ টকটকে করে ছাত্তানো লোহা ফেলে রাখলে তাও আন্তে আন্তে ঠাণ্ডা হয়ে যায়, যায় না ? সাধ আহ্লাদ আমার কিছু নেই, নিজের অন্তে কোনও হুঁশ চাই না—বাকী জীবনটা জ্বাত রেখে ঘরের লোকের সেবা করে কাটিয়ে দেব ভেবেছি—আর কোন আশা নেই, ইচ্ছে নেই, সব ভোঁতা হয়ে গেছে ছোটবাবু। লোকের মুখে মন ভেঙে বাবার কথা শুনতাম, অ্যাঙ্কিনে বুঝতে পেরেছি সেটা। কাকে ডাকছেন ছোটবাবু, কে যাবে আপনার সঙ্গে ? কুহুম কি বেঁচে আছে ? সে মরে গেছে।

কুহুম মরিয়া গিয়াছে। সেই চপল রহস্যময়ী, আধো-বালিকা আধো-রমণী, জীবনীশক্তিতে ভরপুর, অদম্য অধ্যবসায়ী কুহুম। শশী যে কেন আর কোন কথা বলিল না তার কারণটা হুঁবোধ্য। বোধ হয় ভাবিবাবর অবসর পাইবার জন্য। কুহুম তো আজ ও কাল এখানে আছে। বলিবাবর কিছু আছে কি না সেটাই আগে ভাবিয়া দেখা দরকার।

মিনিটখানেক চূপচাপ দাঁড়াইয়া থাকিবাবর পর বাড়ির দিকে চলিতে আরম্ভ করিবাবর সময় কুহুম শুধু বলিল, আপনি দেবতার মতো ছোটবাবু।

বাড়ি ফিরিয়া শশী বুঝিতে পারে কল্পনার এমন কতকগুলি স্তর আছে, বিশেষ কোন উপলক্ষ্য ছাড়া যেখানে উঠিবাবর ক্ষমতা মাহুঘের নাই। এক-একটা ঘটনা যেন চাবির মতো মনের এক-একটা ছয়র খুলিয়া দেয়, যে ছয়র ছিল বলিয়াও মাহুঘ জানিত না। এত বড় বড় কল্পনা শশীর, এত বিরাট ও ব্যাপক সব মনোবাসনা, একদিনে সব যেন পৃথক অনাবশ্যক হইয়া গেল, শিশুর মনের বড় বড় ইচ্ছাগুলি যৌবনে যেমন যায়। রবার বসানো চাকা-বুল্ল গদিজাটা ঠেলাগাড়িতে চাপার জন্য ছেলেবেলা কত কাঁদিয়াছিল শশী, কলিকাতার মোটর হাঁকাইবার সাধ আজ তারি পর্ষায়ে গিয়া পড়িয়াছে। গ্রাম ছাড়িয়া কোথায় বাইবে শশী ? কি আছে গ্রামের বাহিরে শশীর যা মনোহরণ করিতে পারিবে ? একটা প্রকাণ্ড অড় পৃথিবী, অসংখ্য অচেনা মাহুঘ। কি পাইবে শশী সেখানে ?

কুহুমের কথাগুলির অন্তরালে বত অর্থ ছিল ক্রমে ক্রমে শশী তা পরিষ্কার বুঝিতে পারে। একদিন দুদিন নয়, অনেকগুলি হুঁদীর্ঘ বৎসর ব্যাপিয়া তার জন্য কুহুম পাখল হইয়াছিল, তারপর ক্রমে ক্রমে তার সে উন্নাদ ভালবাসা নির্ভাব হইয়া আসিয়াছে। হুঁদীর্ঘ মরিয়াই গিয়াছে। কে বলিতে পারে ? আজ এ ঘটনা শশীর কাছে বত ভয়ানক মনে হোক এই পরিণতিই তো স্বাভাবিক। গাঁয়ের মেয়ে ঘরের বৌ কুহুম, মনোবাসনা কতকগুলি অদম্য হইয়া ওঠার দিনের পর দিন নৈবেদের মতো নিজেকে মনো

কাঁছে সে নিবেশন করিয়া চলিয়াছিল এখন শশী তা বুঝিতে পারে, কুহুমের অমন জীবনকে উপবাসী ভালবাসা যে এককাল সন্তোষে বাঁচিয়া ছিল তাই তো কল্পনাভীরুপে বিস্ময়কর। আপনা হইতেই যে প্রেম আগিয়াছিল, আপনা হইতে স্বাভাবিক নিয়মে আবার তা লয় পাইয়াছে। শশীকে না দেখিয়া এখন কুহুমের দিন কাটিবে, শশীকে বাঁচ দিয়া কাটিবে জীবন।

কুহুমের পরিবর্তনে আশ্চর্য শশী তাই হয় না। ঘরে আগুন লাগিলে আগুন নেভে—বাহিরেরও, মনেরও। কুহুমের মনের আগুন কেন চিরদিন জলিবে? নিজের ব্যাকুলতা শশীকে অবাক করিয়া রাখে। যখন মনে হয় তার আর কিছুই করিবার নাই, জীবনে যতবড় অসম্ভবকে সম্ভব করিতে পারুক, কুহুমকে আর কোন দিন সে ভালবাসাইতে পারিবে না; কষ্টে শশী ছটকট করে। ফুটিয়া ঝরিয়া গিয়াছে, কুহুম মরিয়া গিয়াছে,—তারই চোখের সামনে তারই অন্যমনস্ক মনের প্রাস্তে। কি ছেলে-খেলায় সে মাতিয়াছিল যে এমন ব্যাপার ঘটতে দিল!

ছেলেখেলাগুলি সবই বর্তমান আছে। হাসপাতালে গেল শশী, নাড়ি টিপিয়া স্বপ্ন-স্পন্দন শুনিয়া গুণ্ডু লিখিয়া দিল,—ফোড়াও কাটিল একটা। সাতর্গীয়ে রোগীও দেখিতে যাইতে হইল। কতকাল এসব কর্তব্য শশী করিতেছে, একদিন কি কলের মতো কাজ-গুলি করা যায় না? অল্পমনে কুহুমের কথা ভাবিতে ভাবিতে নাড়ী টিপিতে কেহ তো তাহাকে বারণ করে নাই, এত রাগ কেন শশীর, মরণাপন্ন রোগীকে এমন ধমক দেওয়ার কেন? কী আপসোস আজ শশীর মনে, কি আত্মধিকার! কারো তা বুঝিবার নয়। ধরিতে গেলে একদিক দিয়া এতো ভালই হইয়াছে শশী? ঘরের বৌ শুদ্ধ ও পবিত্রভাবে ঘরেই রহিয়া গিয়াছে, রক্ষা পাইয়াছে নীতি ও ধর্ম। সত্যই এদিক দিয়া একটু ভাল লাগা উচিত ছিল। ভালমন্দের অনেক দিনের পুরানো এসব সংস্কার তার আছে বইকি, তবু, একবারও শশীর মনে হইল না একদিন অনেক গুণিতা করিয়া কুহুমকে যে কথা-গুলি বুঝাইয়া বলিতে গিয়াছিল আজ প্রকারান্তরে তাই ঘটয়াছে—শাস্ত মনে বুঝিয়া শুনিয়া চারিদিকে বিবেচনা করিয়া কুহুমকে সে যে আত্মসংযম অভ্যাস করিতে বলিয়াছিল কিছু না বুঝিয়া শুনিয়াই কুহুম এখন অনায়াসে তা পালন করিতে পারিবে।

পরদিন সকালে কুহুমকে এ বাড়িতে দেখা গেল। মেয়েদের কাছে বিদায় লইতে আসিয়াছে। আর কেহ হইলে হয়তো ভাবিয়া বসিত এ তার শশীকে দেখিতে আসার ছল, শশী তা ভাবিল না। নিজের পক্ষে সুবিধাজনক ভাবনাগুলিকে শশী চিরকাল ভরানক সন্দেহের সঙ্গে বিচার করে। তবু সে করিল কি, বাহিরে পাড়াইয়া থাকার বদলে নিজের ঘরে গিয়া সকলে কি ভাবিবে না ভাবিবে একবারে অগ্রসর করিয়া জাকিল, পরানের বৌ, একবার শোন।

কুসুম বলে, আসিয়া বলিল, বিদায় নিতে এলাম ছোটবাবু। দোষটোষ যা করেছে মনে রাখবেন নাকি ?

শশী বলিল, রাখব না ? দোষগুণ, ভালমন্দ, তোমার সম্বন্ধে খুঁটিনাটি তুচ্ছ কথাটি পৰ্বন্ত কোন দিন ভুলতে পারব না বৌ !

কালের চেয়ে শশীর আজকের প্রেম-নিবেদন ঢের বেশি স্পষ্ট। যেমন বলিল তেমনভাবে শশী যদি কুসুমকে মনে রাখে তবে সত্যসত্যই কি গভীর ভাবে কুসুমকে সে ভালবাসে ?

কুসুম তাই কাঁদ-কাঁদ হইয়া বলিল, এমন করে বললে আমার যে পায়ী ভারী হয়ে যায় ছোটবাবু ?

শশী বলিল, সত্যি কথা আমি সোজা ভাষাতেই বলি বৌ—স্পষ্ট করে। ইশারায় ফিশারায় বলা আমার আসে না।

বাওয়ার সময় বিপদ করলেন।—কুসুম বলিল।

নাই বা গেলে ? বলিল শশী।

কুসুমকে গায়ে রাখিবার জন্ত আজও চেষ্টা করিতেছে শশী, এ শশীকে যেন চেনা যায় না। এমন দীন ভাব সে কোথায় পাইল, কোথায় শিখিল এমন কাণ্ডালপনা ? জানে, কুসুম থাকিবে না, থাকিলেও ভালবাসিবে না, তবু উৎসুকভাবে শশী জবাবের প্রতীক্ষা করে। মাছুষ যে মরিয়া বাঁচে না কি তার প্রমাণ আছে ? শীতকালের বর্ষায় কখনো কি মরা নদীতে বান ডাকে না ? নিজেকে হয়তো কুসুম বুঝিতে পারে নাই, কাল ভালবনে মিথ্যা বলিয়াছিল।

কুসুম ভয়ে ভয়ে বলিল, থেকে কি করব ছোটবাবু ? তাতে আপনারও কষ্ট, আমারও কষ্ট। এ বয়সে আর কি কষ্ট সহিতে পারব। গলায় দড়ি-টড়ি দিয়ে বসব হয়তো।

শশী না পারুক, ইশারায় মনের কথা কুসুম বেশ বলিতে পারে, অনেকদিন শশীকে ওস্তাবে মনের কথা বলিয়া তার দক্ষতা জন্মিয়াছে। শশী বিবর্ণ হইয়া গেল। সত্যে বলিল, না বৌ না, ওসব কখনো কোরো না ! ওসব নাটুকেপনা করতে নেই। গোড়ায় যদি বলতে, থাকার কথা মুখেও আনতাম না। এত যদি বিগড়ে গিয়ে থাকে মম, বাপের বাড়ি গিয়েই থাক। বুঝেও নেই তো কাজ করতে বলেছি তোমাকে গোড়া থেকে, চারদিক বিবেচনা করে।

কুসুম বলিল, তা না করলে অনেক আগেই গলায় দড়ি দিভাম ছোটবাবু। ধাব এবার ?

এ অসুখতি চাওয়ার কোন কারণই শশী সেদিন খুঁজিয়া পাইল না।



এঁত কাও করিয়া কুহুম বাড়ি গেল। এই রকম স্বভাব কুহুমের। জীবনটা নাটকীয় করিয়া তুলিবার দিকে চিরদিন তার বিশেষ পক্ষপাতিত্ব ছিল।

গুধু গ্রাম ছাড়িবার কল্পনা নয়, অনেক কল্পনাই শশীর নিত্যক হইয়া আসিয়াছে; তবে গ্রামে বসিয়া থাকিবারও আর কোন কারণ সে খুঁজিয়া পায় না। হাসপাতালের কাজে বেশ শৃঙ্খলা আসিয়াছে, একজন ডাক্তার নিযুক্ত করিয়া এবার সে বিদায় গ্রহণ করিতে পারে। যাওয়ার কথা প্রকাশ করিলে ঘরে ও বাহিরে একটা হৈ-টৈ বাধিয়া যাইবে, কৈফিয়ত দিতে দিতে, উপদেশ ও উপরোধ শুনিতে শুনিতে বাহির হইয়া যাইবে প্রাণ। এটা এড়ানো চলিবে না। সে তো কুহুম নয় যে, বেদিন খুশি তল্লিতলা গুছাইয়া চলিয়া যাইতে চাহিলে এতবড় গ্রামের মধ্যে গুধু ব্যস্ত হইবে একজন।

হাক্কামার ভয়টাই যেন শশীকে নিষ্ক্রিয় করিয়া রাখিল। মন তো ভাল থাকেই না, শরীরটাও খারাপ। উৎসাহ এবং জীবনীশক্তির রীতিমত অভাব ঘটয়াছে।

মাগ দুই কাটিয়া গেল। সকালবেলা সূচনা হইয়া একদিন মাঝরাতে সেনদিদির অবশুস্তাবী বিপদটি আসিয়া পড়িল।

সত্যই বিপদ। সেনদিদি বুঝি বাঁচে না।

অনেক বয়সে প্রথম সন্তান হওয়াটা হয়তো আকস্মিক সৌভাগ্য বলিয়া ধরা যাইতে পারে, কিন্তু সেটা বিপজ্জনকও বটে। গোপালের বোধ হয় এ আশঙ্কা ছিল, গ্রাম ছাড়িয়া এ সময় দু-একদিনের জন্তও সে কোথাও যাইত না, সর্বদা খোঁজখবর লইত। যামিনী কবিরাজের বৈঠকখানায় তার সর্বদা যাতায়াত, যামিনী বাঁচিয়া থাকিতে শেষের দিকে কখনো যাইত না। সেনদিদির দাদা কুপানাথ কবিরাজ বড় পোষ মানিয়াছে গোপালের কাছে। লোকটা চিকিৎসা শাস্ত্র পড়িয়াছে ভাল কিন্তু প্রয়োগ জানে না, পশারও নাই। চরক-হৃশ্বেতের স্নোক বলিবার ফাঁকে ফাঁকে সে গোপালের স্তব পাঠ করে কিনা কে জানে, গোপাল তাকে বিশেষ রূপা করিয়া থাকে। তা না হইলে যামিনী কবিরাজের বাড়িঘরে সপরিবারে বাস করিবার সৌভাগ্য তার বেশীদিন স্থায়ী হইতে পারিত না, গোপাল সেনদিদিকে বলিত, এবার তাড়াও ওদের; সেনদিদি ওদের বলিত, এবার তোমরা এস। একটা গুরুতর মামলার অনানি উপলক্ষে গোপাল আজ বাজিতপুরে গিয়েছিল। কোর্টে কাজ থাকিলে সেদিন গোপাল গ্রামে ফেরে না, আজ কিরিল। রাজি প্রায় দশটার সময়।

সেনদিদির খবরটা আসিল গোপাল যখন খাইতে বসিয়াছে,—শশীর সঙ্গে। খবরটা দিল কুপানাথ স্বয়ং।

এই তো বিপদ দাদা। আপনাকে একবার যেতে হচ্ছে।

গোপাল গুরুত্বের কাতরভাবে বলিল, আমি গিয়ে কি করব হে ?

কৃপানাথ বলিল, একবার যেতে হচ্ছে। একটা বুদ্ধি-পরামর্শ দিয়ে—

বুদ্ধি-পরামর্শ ? বিপদে বুদ্ধি-পরামর্শ দিতে যাওয়াটা দোষের নয়, গোপাল ভাড়াভাড়াডি খাওয়া শেষ করিয়া উঠিয়া গেল। ধীর-স্থির থাকিবার চেষ্টা করেও গোপাল কিছু চাকলা চাপিতে পারে না। বাড়ির মেয়েরা মুখ চাওয়া-চাওয়ি করে। মাথা হেঁট করিয়া শশী নীরবে খাইয়া যায়।

ও বাড়িতে গিয়ে কৃপানাথকে গোপাল কি পরামর্শ দেয় সে-ই জানে, খাইয়া উঠিয়া শশী ঘরে গিয়া বসিতে না বসিতে সে আবার আসিয়া হাজির হয়। বলে, তোমাকে একবার যেতে হবে শশী।

শশী বলে, আমাকে অল্পগ্রহ করে ভূমি বলবেন না।

অ্যা ? বলিয়া কৃপানাথ একটু থামে। শীর্ণ মুখখানা তাহার একটু লম্বাটে হইয়া যায়। ভাবিয়া বলে, আমি আপনার পিতৃবন্ধু।

শশী বলে, আপনি যান মশায়, আমার ঘুম পেয়েছে !

কৃপানাথ আবার একটু থামে ! খতমত ভাবটা কাটিতে একটু সময় লাগে তার। তার সংস্কৃত শ্লোক বলার মতো গড়গড় করিয়া বিপদের কথা বলিয়া যায়, চোখ দুটো তার ছলছল করে। শশী না গেলে সেনদিদি বাঁচিবে না, গেলেও বাঁচিবে কি-না ভগবান জানেন, তবু যতক্ষণ খাস ততক্ষণ আশ কি না তাই দয়া করিয়া আপনি একবার চলুন শশীবাবু। গায়ে আর ডাক্তার নাই, কৃপানাথ নিজে যদিও চিকিৎসক, এসব হাদ্দামার ব্যাপার সে বোঝে না। অর-জালা হয়, পাঁচন বাড়ি দিয়া চোখের পলকে সারাইয়া দিবে, এ তো তা নয় ! শশী ভিন্ন সেনদিদির এখন আর গতি নাই। শুনিতে শুনিতে শশীর মনে পড়ে সেনদিদির সেই বসন্ত হওয়ার ইতিহাস, অসময়ে সাতগাঁর একটি বসন্তরোগীর দেহের বীজাণু ছ-মাইল মাঠঘাট বাড়ির ডিঙাইয়া সেনদিদির দেহে আসিয়া পৌঁছিয়াছিল, যামিনীর চেলা ছিল সাতগাঁর রোগীটির চিকিৎসক। সেদিন এ বাড়িতে গোপাল আর ও বাড়িতে যামিনী তাকে সেনদিদির চিকিৎসা করিতে দেয় নাই। কত যুক্তি তর্ক অপমান আক্ষালনের বাধা ঠেলিয়া সেনদিদিকে সে বাঁচাইয়াছিল—একরকম গায়ের জোরে। আজ আবার অল্প কারণে সেনদিদি মরিতে বসিয়াছে। আজ তার চিকিৎসা করিতে বাধা নাই, নিজে গোপাল ডাকিয়া পাঠাইয়াছে। কেন ডাকিয়াছে ? পুত্র বলিয়া এভাবে তাকে ডাকিবার অধিকার কে দিয়াছে গোপালকে ? সেনদিদি মরুক বাঁচুক শশী কি গ্রাহ্য করে ! এমন কত রোগী শশীর নিজের হাতে মরিয়াছে—সেনদিদি তো স্রাজ শশীর রোগীও নয়। আর সমস্ত কথা সে যদি ভুলিয়াও যায়, যদি শুধু মনে রাখিবে যে সে ডাক্তার, মরণাপন্ন রোগীর আত্মীয় তাকে ডাকিতে আসিয়াছে তবু না যাওয়ার অধিকার তার আছে। দেহ তার অস্থূল দুর্বল, সমস্ত দিন খাটিয়া খাটিয়া সে স্রাজ ক্রান্ত হইয়া পড়িয়াছে,

এখন ডাক আসিলে সে কিরাইতে পারে বই-কি ! তার কি বিক্রামের দরকার নাই ?

কুপানাথ ক্লম্বনে চলিয়া গেলে আলোটা কমাইয়া শশী খাটে বসিয়া একটা মোটা চুরুট ধরাইল। আজকাল বিড়ির বদলে সে চুরুট খায়।

কুন্দ আসিয়া জিজ্ঞাসা করিল, এখন শোবেন শশীদাদা ? মশারি টাঙিয়ে দেব ? শশী বলিল, দে।

মশারির কোণ বাঁধিতে বাঁধিতে কুন্দ বলিল, সেনদিদিকে একবার দেখতে যাবেন না শশীদাদা ?

শশী রাগিয়া আঙুন হইয়া বলিল, তুই আমার সঙ্গে ইয়ার্কি দিচ্ছিস নাকি কুন্দ ?

কুন্দ খতমত খাইয়া গেল। তারপর কাঁদিয়া বলিল, ছুটি খেতে পরতে দিচ্ছেন বলে আমি কথা কইলেই আপনি রেগে যান। কি করেছি আপনার আমি ? এয় চেয়ে আমার তাড়িয়ে দিন শশীদাদা, আমি যেখানে হোক চলে যাই।

শশী নরম হইয়া বলিল, আজ্ঞে-বাজ্ঞে কথা বলিস তাই তো রাগ হয়।

কুন্দের কান্না সহজে থামে না ! সে কাঁদিতে কাঁদিতে বলিল, আজ্ঞে-বাজ্ঞে কথা কখন বললাম, কখন ইয়ার্কি দিলাম ? একবার চিকিৎসা করে ওকে বাঁচিয়েছিলেন, তাইতো বললাম দেখতে যাবেন কিনা। তাও দোষের হয়ে গেল ?

শশী আরও নরম হইয়া বলিল, শরীরটা ভাল নেই কুন্দ, গা-হাত পা ব্যথা করছে কাঁদিস না। হাতের কাজটা চটপট শেষ কর দিকি, শুয়ে পড়ি।

রাত প্রায় বারোটার সময় শশীর দরজা ঠেলিয়া গোপাল আস্তে আস্তে ডাকিল, শশী ঘুমোজি ?

অসুস্থ শরীরের তন্দ্রাচ্ছন্ন ভাবটা এতক্ষণে শশীর ঘুমে পরিণত হইতেছে, আগিয়া সাড়া দিতে গোপাল দরজা খুলিতে বলিল। শশী উঠিয়া দরজা খুলিয়া দিল। গোপালের হাতে আলো ছিল, মেঝেতে সেটা নামাইয়া দিয়া সে বসিল খাটে। গোপাল তব্ব, বিষন্ন, গম্ভীর, মনে হয় কথা সে কিছুই বলিবে না, নির্বাক আবেদনের ভঙ্গিতে এমনি-ভাবে মধ্যরাত্রে বসিয়া থাকিবে ছেলের ঘরে ছেলের সামনে !

শশীই শেষে বিরক্ত হইয়া বলিল, আমার ঘুম পাচ্ছে।

গোপাল বলিল, ঘুম পাচ্ছে ? তা পাবে বই-কি, রাত কি কম হল ! শরীরটাও তো তোমার ভাল নেই। একটা মাহুষ মরে যাচ্ছে, তাই, নইলে তোমার ডাকতায় না শশী।

শশী চুপ করিয়া রহিল। গোপাল ব্যগ্রভাবে বলিল, যাবি না একবার ? শুু তো মরবে না শশী, কি বস্ত্রণাই যে পাচ্ছে।

শশী বলিল, বাজিতপুর থেকে ওরা ডাক্তার আনাল না কেন। বিকেলে লোক পাঠালে এতক্ষণে এসে পৌঁছত !

গোপাল বলিল, সে বুদ্ধি কারো হয়নি। তুই গাঁয়ে থাকতে বাজিতপুরে ডাক্তার আনতে লোক পাঠাবেই বা কেন? তোর চেয়ে তারা তো বেশি জানে-শোনে না। ডাকলে তুই যে যাবি না, ওরা তা ভাবতেও পারেনি শশী। কৃপানাথ এখন আমার হাতে পায়ে ধরে কাঁদাকাটা করছে বাবা। তুই অপমান করে তাড়িয়ে দিলি, তাই তোর কাছে আসতে আর সাহস পাচ্ছে না। শশীর ভয়ানক কষ্ট হইতেছিল, সে যুদ্ধ-স্বরে বলিল, মান-অপমান তো আমারও আছে বাবা।

গোপাল বলিল, না, না, তোকে অপমান করে নি শশী। না বুঝে যদি একটা কথা বলে থাকে, কথা গোপাল শেষ করে না। তারপর দুজনেই চুপ করিয়া থাকে। উসখুস করে গোপাল, করুণ চোখে সে তাকায় শশীর দিকে, মেরজাই-এর ফিতাটা টান দিয়া খুলিয়া বুকটা উদলা করিয়া দেয়, খাইয়া উঠিয়া পান মুখে দিবার সময় পায় নাই, তবু হয়তো অভ্যাসে, হয়তো মানসিক চাকল্যে, মুখের শূন্যতাটা পানের মতো বার কয়েক চিবাইয়া দেয়! বড় অদ্ভুত রকমের শ্রীহীন দেখায় গোপালকে।

গোপাল যে নিজেই তাহাকে অনুরোধ করিতে আসিতে পারিবে শশী এটা ভাবিতে পারে নাই। এত বেশি সেনদিদির জীবনের মূল্য গোপালের কাছে? একদিন ওর চিকিৎসা করিতে কেন তবে সে তাকে বাধা দিয়াছিল? গভীর দুঃখ ও লজ্জায় শশীর মন ভরিয়া গিয়াছিল, তবু সে মনে মনে আশ্চর্য হইয়া গেল। বসন্ত যখন রূপ মুছিয়া লইয়া গেল সেনদিদির তখন মমতা আসিল গোপালের, এমন গভীর অবুধ স্নেহ!

তারপর শশী বলিল, যান, শোবেন যান আপনি। আমি যাচ্ছি ওবাড়ি জামাটা গায়ে দিয়ে।

গোপাল নিরুত্তরে উঠিয়া গেল। মুখ দিয়া আর তাহার কথা বাহির করার ক্ষমতা ছিল না। শশী তাহাকে অনেক কষ্ট দিয়াছে, আজ যে কষ্ট দিল তার তুলনা হয় না। কৃপানাথ যখন ডাকিতে আসিয়াছিল তখন যদি শশী সেনদিদিকে দেখিতে যাইত, এ লজ্জাটা তবে গোপালের থাকিতে পারিত নেপথ্যে।

এভাবে যখন তাহাকে যাইতেই হইল, সেনদিদিকে বাঁচানোর চেষ্টাটা শশী বিশেষ সমারোহের সঙ্গেই করিয়া দেখিল। রাতদুপুরে এই বিপদগ্রস্ত বাড়িতে সে আরও একটা অতিরিক্ত বিপর্ষয় আনিয়া ফেলিল! ছকুম দিয়া ধমক দিয়া সকলকে ব্যতিব্যস্ত করিয়া তুলিল। অনেক জল গরম হইল, লোক পাঠাইয়া হাসপাতাল হইতে ঔষধ বস্ত্রপাতি ও কম্পাউণ্ডারকে আনানো হইল, দেখিয়া কে বলিবে কিছুক্ষণ আগেও উদাসীন শশী সেনদিদিকে মরিতে দিতে প্রস্তুত ছিল। আবার তেমনি জিদ শশীর আসিয়াছে বার জোরে সেনদিদিকে আগে একবার সে বাঁচাইয়াছিল। সেদিন সে লড়িয়াছিল বাহিরের

মুম্বু সেনদিদিকে দেখিয়াও কি শশীর মনের বিতৃষ্ণা মিলাইয়া গেল না ? সব তো তারই হাতে, এ দুজনের মরণ বাচন । কি না করিতে পারে শশী ? শুধু সেনদিদির নয়, সেনদিদির নবাগত চিহ্নের চিহ্নকেও তো সে চিরদিনের জন্য পৃথিবী হইতে মুছিয়া দিতে পারে । কারো প্রাণ করাও চলিবে না কেন এমন হইল । শশী কি শুধু মাছুষ বাঁচাইতে শিখিয়াছে, মারিতে শেখে নাই ? অতি সহজে, অন্তমনস্ক অবস্থায় ভুল করার মতো করিয়াও, সে তা পারে । বাকি জীবনটা তাতে খুব কি আপসোস করিতে হইবে শশীকে ?

শেষ রাত্রে একটি ছেলে হইল সেনদিদির, ভোরবেলা সেনদিদি মরিয়া গেল । এত কম জীবনীশক্তি ছিল সেনদিদির, এত দুর্বল হইয়া গিয়াছিল তার হৃদপিণ্ড, যে প্রথমে তাকে পরীক্ষা করিয়া শশীর বিশ্বাস হইতে চাহে নাই, সেনদিদিকে দেখিয়া কখনো মনে হয় নাই তার দেহস্তরের আসল ইঞ্জিনটা এমন হইয়া গিয়াছে । তবু, শশীও ভাবিতে পারে নাই এ যাত্রা সে রক্ষা পাইবে না । ডাক্তার মাছুষ সে, সেও যেন ভাল করিয়া বুঝিতে পারিল না অজ্ঞান অবস্থা পার হইয়া সেনদিদির যখন শাস্ত হইয়া ঘুমাইতে আরম্ভ করা উচিত ছিল হঠাৎ হাত-পা কেন ঠাণ্ডা হইয়া আসিল ।

শশী জানে এরকম হয়, মাছুষের দেহের মধ্যে আঙ্গুণ এমন কিছু ঘটনা চলে এ যুগের ধ্বংসস্তরিরণ যা থাকে জ্ঞানবুদ্ধির আগেচর । এ তো মাছুষের বানানো কল নয় । তবু শশীর রাতজাগা চোখের আরক্ত ভাব যেন বাড়িয়া গেল, অবসাদ যেন হইয়া উঠিল অসহ । আর কিছু করিবার ছিল না, বাড়ি গিয়া স্নান করিয়া শশী কড়া এককাপ চা খাইল, তারপর শুইয়া পড়িল । আসিবার সময়ও বাহিরে গোপালকে সে দেখিয়া আসিয়াছে ।

চেনা ও জানা মাছুষগুলির মধ্যে দু-চারজনকে শশী যেমন মরিতে দেখিয়াছে, তেমনি তাদের ঘরে দু-চারজনকে জন্ম লইতেও দেখিয়াছে, দু-চারজন মরিবে দু-চারজন জন্ম লইবে এই তো পৃথিবীর নিয়ম । তবু এসব মরণ মরণে-অভ্যস্ত শশী ডাক্তারকে বড় বিচলিত করে ! যারা মরে তারা চেনা, স্নেহে ও বিদ্বেষে দীর্ঘকালব্যাপী সম্পর্ক তাদের সঙ্গে, যারা জন্মায় তারা তো অপরিচিত । এই কথা ভাবে শশী : সেনদিদি কি বাচিত, সে যদি অল্পভাবে চেষ্টা করিত, যদি অল্প ওষুধ দিত ? শেষের দিকে সে যে ব্যস্তভাবে গোটা দুই ইন্জেকশন দিয়াছিল রোগীণীর পক্ষে তা কি অতিরিক্ত জোরালো হইয়াছিল ? হইয়া থাকিলেও তার দোষ কি ? অনেক বিবেচনা করিয়া তবে সে ইন্জেকশন দুটো দিয়াছিল, তা ছাড়া আর কিছুই তখন করিবার ছিল না । নিশ্চয় জ্ঞানবুদ্ধিতে যা ভাল বুঝিয়াছে তাই সে করিয়াছে, তার বেশি আর সে কি করিতে পারে ? আঙ্গুণ পর্বস্ত সে যে অনেকগুলি প্রাণ রক্ষা করিয়াছে সেটাও তো ধরিতে হইবে ?

গোপাল একেবারে মুহুমান হইয়া গেল । এমন পরিবর্তন আসিল গোপালের যে

পকলের সেটা নজরে পড়িতেছে বৃষ্টিয়া শশীর লজ্জা করিতে লাগিল। গোপাল চিরকাল ভোজনবিলাসী, এখন তার আহারে রুচি নাই, অমন চড়া মেজাজ, কিন্তু মুখ দিয়া আর কড়া কথা বাহির হয় না। গম্ভীর বিষণ্ণ মুখে বাহিরের ঘরে ফরাসে বসিয়া তামাক টানে আর আবশ্যক অনাবশ্যক নথিপত্র ঘাঁটে, যেগুলি গোপালের কাছে এতকাল নাটক নাভেলের মত প্রিয় ছিল। মন হয়তো বসে না গোপালের, তবু এই অভ্যস্ত কাজের মধ্যে ডুবিয়া থাকিয়া সে সময় কাটানোর চেষ্টা করে। শশী আশ্চর্য হইয়া যায়। এসব তার কাছে একান্ত খাপছাড়া লাগে। অপ্রত্যাশিত যত কিছু ঘটিয়াছে শশীর জীবনে, তার মধ্যে গোপালের চরিত্রের এই বেমানান দিকটা সবচেয়ে বিস্ময়কর মনে হয়।

শশীর সঙ্গে কথাবার্তা গোপালের খুব কমই হয়। দুজনের দুটি জগৎ যেন এতদিনে একেবারে পৃথক হইয়া গিয়াছে। একদিন আচমকা গোপাল জিজ্ঞাসা করিল, তোমার সেনদিদি কিসে মরল শশী ?

হার্ট ধরাপ ছিল।

গোড়ায় বৃষ্টি ধরতে পার নি ?

গোড়াতেই ধরেছিলাম।

তবে মরল যে ?

এ প্রশ্নে শশী হঠাৎ রাগিয়া গেল। বলিল, গোড়ায় রোগ ধরতে পারলেও মাহুঘ মরে।

গোপাল বলিল, ইন্জেকশন দুটো আগে দাওনি বলে হয়তো—

এটুকু বলিয়া উৎসুকভাবে গোপাল খানিকক্ষণ শশীর মস্তব্যের প্রতীক্ষা করিয়া রহিল। কি সত্য সে নির্ণয় করিতে চায় কে জানে—শশী একেবারে স্তম্ভিত হইয়া যায়। খুঁটিয়া খুঁটিয়া তার চিকিৎসার আগাগোড়াই হয়তো গোপাল জানিয়া লইয়াছে। কি ভাবিয়াছে গোপাল ? চিকিৎসক-পুত্রের সম্বন্ধে কি অকথ্য ভাবনা তার মনে আসিয়াছে ? মুখখানা লাল হইয়া যায় শশীর। কিছু বলিতে ভরসা পায় না।

রূপানাথ বলছিল সময়মত দু-একদানা মৃগনাভি দিলে—

শশী এবার নীরবে উঠিয়া চলিয়া গেল। রাগও হয়, মমতাও বোধ করে শশী। বিষয়ী, সংসারী প্রৌঢ়বয়সী মাহুঘ, তার এ কি ছেলেমাহুঘি ! কুন্দ জিজ্ঞাসা করে, মামার কি হয়েছে, শশীদাদা ? একটু স্নেহব্যাকুল স্বরেই জিজ্ঞাসা করে। কুন্দের ছেলেটির বড় কঠিন অস্থখ হইয়াছিল। অনেক চেষ্টায় শশী তাকে ঠাঁড় করিয়া তুলিয়াছে। পাকা দালানে একখানা ঘরও দেওয়া হইয়াছে কুন্দকে, আর দেওয়া হইয়াছে সংসার-পরিচালনার কিছু কিছু দায়িত্ব। মুখরা কুন্দ একেবারে বদলাইয়া গিয়াছে। কত সামান্ত কামনা থাকে এক-একটি জীলোকের, যার অভাবে, স্বভাবটি

হইয়া ওঠে হিংস্র খিটখিটে। শশীরও আজকাল মনে হয়, না। কুম্ভর প্রকৃতি ভেমন মন্দ নয়, মোটামুটি ভালই মেয়েটা। নিভের কাজের চাপে আজকাল আর বেশি নজর দিবার সময় পায় না, কুম্ভ যে সিদ্ধকে বেশ যত্ন-টত্ন করে তাতে শশী আরও খুশী হয়। কুম্ভর প্রব্দের জবাবে সে বলে, আমি জানি না কুম্ভ।

কুম্ভ বলে, আপনি বিয়ে টিয়ে করবেন না, কাল মামা আমার কাছে বড় দুঃখ করছিলেন। শশী বলে, বাবা দুঃখ করছিলেন, না তুই বাবার কাছে দুঃখ করছিলি ?

কুম্ভ একটু হাসিয়া বলে আমরা দু'জনেই করছিলাম।

শশী অবাঁক হইয়া তাকায় কুম্ভর দিকে। এমন খাপসই আলাপ কুম্ভ শিখিল কোথায় ? হঠাৎ শশীর মনে হয় কুম্ভ যেন বড় সুখী, ওর জীবনটা যেন আনন্দে পরিপূর্ণ। একটু ভাবপ্রবণ কুম্ভ, একটু ঈর্ষাপ্রবণও বটে, শাড়ি গহনার লোভটাও বেশ একটু প্রবল, স্বামী তার গোপালের মুহুরিদের সঙ্গে মিশ খাইয়া গিয়াছে, তবু কুম্ভ এত সুখী যে শখ করিয়া দুটো-একটা কৃত্রিম দুঃখ বানাইয়া সে উপভোগ করে, তার অভাব-অভিযোগগুলিও তাই। কুম্ভর অস্তিত্ব এতকাল শশীর কাছে ছিল জড়বস্তুর মতো নিরর্থক, আজ ওর অর্থহীন জীবনে এমন সুখের সমাবেশ দেখিয়া সে যেন খানিকটা ভড়কাইয়া গেল। কি যেন করিয়া দিয়া গিয়াছে শশীকে কুণ্ডম। সামনে আসিলেই মাহুঘের চোখে মুখে ব্যাকুল চোখে কি যেন শশী খোঁজে। মুখে হাস্যচ্ছটা দেখিলে; চোখে আনন্দের ছাপ দেখিলে শশীর মন জুড়াইয়া যায় ! সজল চোখে ক্লিষ্ট কাতর মুখে যে দাঁড়ায় শশীর সামনে, তাকে শশীর মারিতে ইচ্ছা হয়। হঠাৎ কুম্ভকে বড় ভাল লাগে শশীর। সন্দেহে বলে, তোর কি চাই বল তো কুম্ভ ? খুব ভাল এক-খানা কাপড় নিবি ? বেনারসী ?

কুম্ভ অবাঁক। বলে, হঠাৎ কাপড় কেন দাদা ?

শশী গম্ভীর মুখে বলে, দেব, তোকে একখানা কাপড় দেব। এমনি দেব কুম্ভ, মিছিমিছি।

মিছিমিছি কুম্ভকে শশী কাপড় কিনিয়া দেয়, এদিকে আবির্ভাব ঘটে গোপালের গুরুদেবের। ভোলা ব্রহ্মচারী নামে তাঁর খ্যাতি। স্থপুষ্ট লোমশ দেহ, মাথা গৌরুদাড়ি দ্র সব কামানো, হাতে কুচকুচে কালো একটি দণ্ড। গায়ে গেরুয়া, পায়ে গেরুয়া-রঙ করা রাবার সোলের ক্যাশিশ জুতা। বছর পাঁচেক একে গোপাল একরকম ভুলিয়াই ছিল, হঠাৎ এমন ব্যাকুলভাবে স্মরণ করিয়াছে যে ভগবানকে করিলে হয়তো তিনিও দেখা দিতেন। সসন্মানে সাষ্টাঙ্গ প্রণাম করিল, সহস্বে পা ধোয়াইয়া দিল। অন্দরের একখানা ঘর আগেই ধুইয়া মুছিয়া পরিষ্কার করিয়া রাখা হইয়াছিল, সেখানে ভোলা ব্রহ্মচারীকে থাকিতে দেওয়া হইল। ব্রহ্মচারীকে শশী ভক্তি করিত,

এসময় হঠাৎ তাঁহার আগমনে বিশেষ খুশী না হইলেও প্রকার সন্দেহ একটা প্রণাম করিল।

ব্রহ্মচারী দিন সাতেক রহিয়া গেল। এই সাত দিন এক মুহূর্তের জন্তও গোপাল তাঁহার সঙ্গ ছাড়িল না। কত প্রহ্ন গোপালের, কত ব্যাকুল নিবেদন। গোপালের অবহেলায় বাজিতপুরের কোর্টে একটা মামলা ফাঁসিয়া গেল। তা যাক, মনে বৈরাগ্য আসিয়াছে, ওসব মামলা মোকদ্দমা বিষয়কর্ম তার কাছে এখন তুচ্ছ। শুধু সেনদিদির জন্ত তো নয়, আজ কতকাল হইল গোপালের মনে ভাবনা ঢুকিয়াছে, কিসের জন্ত এসব। কার জন্ত সে এতকষ্টে অর্থসম্পদ সংগ্রহ করিতেছে। একটা মেয়ে আছে সিদ্ধু, দুদিন পরে ওর বিবাহ দিলে পরের ঘরে চলিয়া যাইবে, তখন কে থাকিবে গোপালের? শশী? শশীর কাছে কোন আশা-ভরসাই সে রাখে না। বাপকে যে ছেলে ঘৃণা করে, তার কাছে কি প্রত্যাশা থাকে বাপের? ধরিতে গেলে সেই তো মনটা ভাঙিয়া দিয়াছে গোপালের।

এ বড় আশ্চর্য কথা যে কুসুমের মতো গোপালের মনটাও শশীই ভাঙিয়া দিয়াছে! এ দুজনের মনের মতো হইতে না পারার অপরাধটা শশীর এতবড়! ভাঙা মনটা লইয়া কুসুম সরিয়া গিয়াছে। গোপাল আজও হাল ছাড়ে নাই। ব্রহ্মচারীর কাছে মনোবেদনা ব্যক্ত করিয়া সে তক্ষতে যায়, ব্রহ্মচারী ডাকেন শশীকে।

বাবা শশী, তুমি বিদ্বান বুদ্ধিমান, তোমাকে বলাই বাহুল্য যে খেয়ালের চেয়ে কর্তব্য অনেক বড়।

আজ্ঞে হ্যাঁ।

বাপকে ভক্তিপ্রদা করার চেয়ে বড় কর্তব্য ছিলের আর কি আছে?

ঠিক এমনি ভাবেই বলেন ব্রহ্মচারী, এমনি ভূমিকাবিহীন কর্তোর ভাবায়, কথাটা তাই বড় জোরালো হয়। শশী আহত হইয়া বলে, বাপের প্রতি ওটাই ছিলের প্রথম কর্তব্য রই-কি। ছিলের মনের ওটা স্বাভাবিক ধর্ম বাব!, যুক্তিতর্কে বোঝানোর জিনিস নয়। বাপের স্বভাব মন্দ হলে ছেলে হয়তো বড় হয়ে তাকে সমালোচনা করে কিন্তু যেমন বাপই হোক ছিলের মনের অঙ্গ ভক্তিটা কিছুতেই যাবার নয়।

কম নয় শশী, গুরুকে সে গুরুর মতো বোঝায়। সাত-আট বছর আগে শোলা ব্রহ্মচারীর কাছে গোপাল তাহার দীক্ষা দিয়াছিল, ও স্থানে নমো বলিয়া গুরুর মস্ত কিছুদিন শশী জপও করিয়াছে, তারপর কত পরিবর্তনই হইয়াছে শশীর।

সংক্ষেপে পরিচ্ছন্নভাবে তারপর অনেক জ্ঞানগর্ভ কথাই ব্রহ্মচারী বলেন, প্রকার সন্দেহ অনিয়া শশীও জ্ঞানগর্ভ জবাব দেয়। মনে মনে সে টের পায় যে গুরুর চেয়ে জ্ঞানটা তার অনেক বেশি বাড়িয়া গিয়াছে, কিন্তু এটা সে প্রকাশ পাইতে দেয় না। শশীকে



ব্রহ্মচারীর বড় ভাল লাগে। ছেলের সঘন্ডে যে সব অভিযোগ গোপাল করিয়াছিল সমস্ত তুলিয়া গিয়া অনেক কালের সঞ্চিত বাধাধরা উপদেশগুলি নেপথ্যে রাখিয়া নান বিষয়ে শশীর সঙ্গে আলাপ করেন। ক্রমে ক্রমে মনে হয় অনেকগুলি বছর আগে তাদের মধ্যে যে গুরু-শিষ্যের সম্পর্কটি স্থাপিত হইয়াছিল, আজ তাহা বাস্তব হইয়া গিয়াছে! ধর্মের কথা নয়, ইহকাল পরকাল পাপ-পুণ্য সঘন্ডে প্রমোত্তর নয়, এবার তাদের মুখোমুখি বসিয়া শুধু গল্প করা, অসমবয়সী দুটি বন্ধুর মতো। দুটি দিন এখানে বাস করিতে না করিতে শশীর কাছে একটা মুখোস যেন ভোলা ব্রহ্মচারীর খসিয়া গেল, ভিতরের আসল মানুষটির সঙ্গে শিষ্যের তিনি পরিচয় ঘটিতে দিলেন। আপন ভোলা সদাশিব মানুষ, অনেকটা যাদবের মতো। ঘটনাচক্রে তিনি ব্রহ্মচারী, সাধ করিয়া নয়—তারপর অভ্যাস হইয়া গিয়াছে। ক্রমে ক্রমে জীবনের দু-একটি ঘটনা ও সম্ভাবনার কাহিনী শশীকে তিনি শোনান। প্রথম যৌবনে প্রথম সন্ন্যাসী-জীবনের কথা, ঘরে যা মেলে নাই তারই অধেষণে দেশে দেশে যাযাবর বৃত্তি। অনিশ্চিতের সন্ধানে বাহির হওয়ার এমনি সব কাহিনী চিরদিন শশীকে ব্যাকুল করে। তারও অনেক দিনের বাহির হওয়ার সাধ।

গোপালের অমুরোধে শশীর মনটি ঘরের দিকে টানিবার চেষ্টা করিতে গিয়া তাঁর ঘর-ছাড়ার প্রবৃত্তিকেই ব্রহ্মচারী উস্কাইয়া দিয়া গেলেন।

দিন সাতেক গুরুসঙ্গ করিয়া গোপাল যেন একটু গা ঝাড়া দিয়া উঠিল। নিজের সঙ্গে কিছু সে একটা রক্ষা করিয়া ফেলিয়া থাকিবে কারণ দেখা গেল কর্তব্য সম্পাদন ও শশীর প্রতি ব্যবহার তার সহজ ও স্বাভাবিক হইয়া আসিয়াছে।

বলে, হাসপাতালে রোগীপত্র কেমন হচ্ছে শশী ?

শশী বলে, বাড়ছে দু-একটি করে।

গোপাল আপসোস করিয়া বলে, বেগার খেটেই তুমি মরলে। মাইনে হিসেবে কিছু কিছু নাও না কেন ? পরিষ্কারের দাম তো আছে তোমার, একটা লোক রাখলে তাকে তো দিতে হত ?

শশী বলে, হাসপাতালের টাকা কোথায় যে নেব বাবা ? সামান্য টাকার হাসপাতাল, আমিও যদি নিজের পাওনা গণ্ডা বুঝে নিতে থাকি, হাসপাতাল চলবে কিসে ?

তা না নিক শশী মাহিনা বাবদে কিছু, এখন সেটা আর আসল কথা নয় গোপালের কাছে, ছেলের সঙ্গে একটু সে আলাপ করিল মাত্র। এমনি নারীমূলভ এক ধরণের ছলনাময় ব্যবহার গোপালের আছে, শশীকে মাঝে মাঝে বা আশ্চর্য ও অভিভূত করিয়া দেয়। ভোলা ব্রহ্মচারীকে শশী কথার কথা বলে নাই, গোপালের প্রতি

একটা অন্ধ ভয়-মেশানো ভক্তি আজও তার মধ্যে অক্ষয় হইয়া আছে—হয়তো চিরদিনই থাকিবে। গোড়ার দিকে অনেকগুলি বছর ধরিয়া ত্রাতার মনের সমস্ত গাঁথনি যে গাঁথিয়াছিল গোপাল, সেগুলি ভাঙিতে পারিবে কে ?

কায়েতপাড়ার পথ দিয়া চলিবার সময় এক এক দিন শশী যামিনী কবিরাজের বাড়িতে শিশুর ক্রন্দন শুনিতে পায়। কচি গলার কান্না। খুবই যেন কচি মনে হয় গলাটা শশীর, বিপিনের কি এত ছোট শিশু আছে ? অনেক দূর চলিয়া গিয়াও অনেকক্ষণ অবধি কান্নার সুরটি শশীর কানে বাজিতে থাকে। নিজের এই ভাবপ্রবণতা ভাল লাগে না। যে শিশু জন্মিয়াছে সে মাঝে মাঝে কাঁদিবে বই কি ! তাতে এতখানি বিচলিত হওয়ার কি আছে ? নিজের বাড়িতেও এমন কান্না সে কত শোনে।

সেনদিদি মারা যাওয়ার মাস তিনেক পরে একদিন অনেক বেলায় শশী ফিরিয়াছে, এমনি কান্নায় রত একটি শিশুকে বুকে করিয়া কুন্দ শশীর কাছে আসিয়া দাঁড়াইল। বলিল, সেনদিদির ছেলে শশীদাদা।

রোদের তেজে অশ্রুত অভূক্ত শশীর মুখখানা শুকনো দেখাইতেছিল, আরও একটু পাংশু হইয়া সে বলিল, কার ছেলে বললি কুন্দ, সেনদিদির ?

কুন্দ বলিল, হ্যাঁ। পেট থেকে পড়েই তো মাকে খেয়েছে রাক্ষস, কিপানাথ কবরেজের শালীর কচি ছেলে আছে, তার মাই খেত। সে আজ চলে গেল কি-না, মামা তাই আমাকে এনে দিলেন। খুকীর সঙ্গে আমার দুখ খাবে। মার মতো শেষে আমাকেও না খায় !

একগাল হাসিল কুন্দ, সেনদিদির কাঁথা-জড়ানো ছেলে শশীর সামনে যেলিয়া ধরিয়া বলিল, ওকে মাহুষ করার জন্ত সোনার হার পাব শশীদাদা ! মামার মন আজকাল বড় দরাজ হয়েছে।

ওকে আনলে কে ?

মামাই আনল। এমনি কাঁথা জড়িয়ে বৃকের কাছটিতে ধরে ! বাড়ির ছেলেমেয়েদের কাছে ঘেঁসতে দেন না, পরের ছেলে কোলে নেবার মামার রকম দেখে হেসে বাঁচি না। আশায় কি বললেন জানেন ? —ছেলেটা নিলাম রে কুন্দ আমি, মাহুষ করতে পারবি ? তোকে দশভরির হার গড়িয়ে দেব। আমি বললাম দিন না মামা, আমার ছেলেমেয়ের সঙ্গে মাহুষ হবে, এতে আর হান্ধাম কি ?

শশী ঝাঁঝিয়া বলিল, কেন তুই এ ভার নিতে গেলি ? এত গয়নার লোভী তোর !

কুন্দ অবাচ হইয়া বলিল, গয়নার লোভে বুঝি ? অতটুকু মা-মরা শিশু, কেউ না দুখ দিলে বাঁচবে কেন ? মামী-টামী কারো কচি ছেলে নেই। সে কথা যদি বাদ দেন, মামা বললে আমি তো পারব না বলতে পারি না।

সন্দেহভাবে তাকায় কুন্দ, ধানিক বোঝে ধানিক বোঝে না। এতক্ষণ পরে শশী হঠাৎ জামা-কাপড় ছাড়িতে আরম্ভ করিল। কুন্দ ভিজ্ঞাসা করিল, এত রাগলেন কেন শশীদাদা ?

না, রাগিনি।

সেনদিদির ছেলে কান্না খামাইয়াছিল। কুন্দ তাকে একটা চুমো খাইল,—সম্মেহে, গৌরবের সঙ্গে। কে জানে কি ছুটামি আছে কুন্দের মনে! তারপর ছেলেকে আর একবার শশীর দিকে বাড়াইয়া দিয়া বলিল, কি সুন্দর হয়েছে ছেলেটা দেখুন শশীদাদা, সেনদিদির মতো দেখতে হবে। মুখখানা দেখলে মায়া হয় না ?

শশী প্রাস্তভাবে বলিল, তুই যা তো কুন্দ। ঘেমে-চেমে হয়রান হয়ে এলাম, একটু বিশ্রাম করতে দে।

কার উপরে রাগ করিবে শশী, কাকে বলিবে ? সেনদিদির ছেলে যে সুন্দর হইয়াছে তাতে সন্দেহ নাই, আশ্চর্যকরকম সুন্দর হইয়াছে; সেনদিদির যে জমজমাট রূপ সমস্ত হরণ করিয়াছিল ছেলের মধ্যে যেন তার ক্ষতিপূরণ হইয়াছে স্বদসমেত। এতটুকু ছেলে, কাঁচা সোনার মতো কী তার রঙ। ওর মুখ দেখিয়া গোপালের যদি মায়া হইয়া থাকে, মায়া করিয়া গোপাল যদি এই অনাথ শিশুকে বুকে তুলিয়া ঘবে আনিয়া থাকে, তাতে কার কি বলিবার আছে ? এ তো মহত্ব, প্রশংসনীয় কাজ। কোন্ডে দুঃখে এজ্ঞ এমন কাতর হওয়া তো শশীর উচিত নয়।

সেনদিদির ফুলের মতো শিশুকে দেখিয়া একটু কি মায়া হইল না শশীর ! মায়া করার স্বাভাবিক প্রবৃত্তি কি তার এমন ভাবে নষ্ট করিয়া দিয়া গিয়াছে কুহুম ? গস্তীর বিষমুখে শশী স্নান করিতে গেল, সেনদিদির ছেলেকে কোলে করিয়া কুন্দ অদূরে আসিয়া বসায় ভাল করিয়া খাওয়া পর্যন্ত হইল না শশীর। অল্পে অল্পে শরীরটা তাহার কিছু ভাল হইয়াছে, কি ক্ষুধাই আজ পাইয়াছিল !

সমস্ত ছপুরটা শশী নিরুন্ম হইয়া রহিল। এবার কিছু করিতে হইবে তাহাকে, আর চুপ করিয়া থাকা নয়। আর গরমিল চলিবে না। শুদ্ধ দ্বিপ্রহরে নিশ্চেষ্ট শয্যাশায়ী শশীর মনে অসংখ্য এলোমেলো ভাবনা বিস্ময়কর ভাবে শৃঙ্খলাবদ্ধ হইয়া আসিতে থাকে, কোমল মমতাগুলি আলাগা ফুলের মতো ঝুরঝুর করিয়া ঝরিয়া যায়। আঞ্জনের আঁচে সরস বস্ত্র শুকাইয়া গঠার মতো নিজে সে রক্ষ কর্তার প্রকৃতির মাহুষ হইয়া উঠিতেছে এমন একটা অসুভূতি শশীর হয়। একেবারে বেপরোয়া, নির্মম, অবিবেচক ! কুহুমের জ্ঞান মন কেমন করিত শশীর। বড় আকুল ভাবে মন কেমন করিত। এতবড় উপযুক্ত ছেলের মর্ষাদায় ঘা দিয়া মনকে কি করিয়া দিয়াছে গোপাল যে সেই মন কেমন করাকে আজ হাস্তকর মনে হইতেছে ? সে যে বাড়িতে বাস করে

অগ্নীবদনে সেনদিদির ছেলেকে সেখানে গোপাল কেমন করিয়া আনিব ? সেনদিদিকে মরমর আনিয়াও শশী যে তাঁর চিকিৎসা করিতে যাইতে চাহে নাই গোপাল কি সে কথা ভুলিয়া গিয়াছে ? শশীর অভিমান এতই তুচ্ছ গোপালের কাছে, সে কি ভাবিবে না ভাবিবে সেটা এতখানি অবহেলার বিষয় ! শশীর কাছে তার একটু সঙ্কোচ করিবারও প্রয়োজন নাই ? ছেলের সঙ্কোচে এমনি ধারণা গোপালের যে সে ভাবিয়া রাখিয়াছে সেনদিদির ছেলেকে বাড়িতে আনিয়া পুত্রস্নেহে মাহুয করিতে থাকিলেও শশী চুপ করিয়া থাকিবে, গ্রাহ্যও করিবে না। কে জানে, গোপালই হয়তো গ্রাহ্য করে না শশী চুপ করিয়া থাক অথবা গোলমাল করুক !

পরদিন সকালে হাসপাতাল-কমিটির মেম্বারদের কাছে শশী জরুরী চিঠি পাঠাইয়া দিল। শীতলবাবুর বাড়িতে সন্ধ্যার পর কমিটির জরুরী সভা বসিল। শশী পদত্যাগ পত্র পেশ করিল, ডাক্তারের জ্ঞান বিজ্ঞাপনের খসড়া দাখিল করিল, প্রস্তাব করিল যে হাসপাতালের সমস্ত দায়িত্ব কমিটির সুযোগ্য প্রেসিডেন্ট শীতল বাবুর হাতে চলিয়া যাক।

কমিটির হতভম্ব সভ্যেরা প্রশ্ন করিলেন, কেন শশী, কেন ?

শশী বলিল, আমি গাঁ ছেড়ে চলে যাচ্ছি।

এবার আর দ্বিধা নয়, গাফিলতি নয়। অনিবার্য গতিতে শশীর চলিয়া যাওয়ার আয়োজন অগ্রসর হইতে থাকে। হাসপাতাল-সংক্রান্ত ব্যাপারগুলি শীতলবাবুকে বিশদভাবে বুঝাইয়া দেয়, টাকাপয়সার সম্পূর্ণ হিসাব দাখিল করে, আর ভবিষ্যতের কার্যপদ্ধতি সঙ্কোচে কিছু কিছু নির্দেশও লিখিয়া দেয়। ডাক্তারের জ্ঞান কাগজে যে বিজ্ঞাপন দেওয়া হইয়াছিল তার জবাবে দরখাস্ত আসে অনেকগুলি। কমিটির সভ্যদের সঙ্গে পরামর্শ করিয়া তাহাদের মধ্যে কয়েকজনকে শশী দেখা করিতে আসিবার জ্ঞান পত্র লিখিয়া দেয়।

সকলে খুঁত খুঁত করে, কেহ কেহ হায় হায় করিতেও ছাড়ে না। কোথায় যাইবে শশী, কেন যাইবে ? সে চলিয়া গেলে কি উপায় হইবে গাঁয়ের লোকের ? পাশ-করা ডাক্তারের দরকার হইলে আবার কি তাহাদের ছুটিতে হইবে বাস্তিতপুর ? সকলে কৈফিয়ত চায় শশীর কাছে, তার সঙ্গে তর্ক জুড়িবার চেষ্টা করে। শশী না দেয় কৈফিয়ত, না করে তর্ক। বৃহৎ একটু হাসির দ্বারা অন্তরঙ্গতাকে গ্রহণ করিয়া প্রশ্নকে বাতিল করিয়া দেয়।

তবু খবরটা প্রচারিত হওয়ার পর হইতে চারিদিকে এমন একটা হৈ-চৈ শুরু হইয়াছে যে, মনে মনে শশী বিচলিত হইয়া থাকে। কেবল ডাক্তার বলিয়া স্বার্থের খাতির তো নয়, মাহুয হিসাবেও মনের মধ্যে সকলে তাহাকে একটু স্থান দিয়াছে

বই-কি। সাধারণের ব্যাপারগুলিতে সে উপস্থিত থাকিলে সকলের মনে উৎসাহের সঞ্চার হয়, তার উপরে নির্ভর রাখিয়া সকলে নিশ্চিন্ত থাকে। এ তো অকারণে হয় না, কত বড় সৌভাগ্য শশীর, না চাহিয়া জনতার এই প্রীতি পাইয়াছে এ তো শুধু সংকার্ষের পুরস্কার নয়। কি এমন সংকাজটা শশী করিয়াছে? রাস্তাঘাটের সংস্কারের জন্ত কোদাল ধরে নাই, ম্যালেরিয়া নিবারণের জন্য ডোবা, পুকুরে কেরোসিন ছড়ায় নাই, নাইট স্কুল খোলে নাই, গ্রাম্য সমিতি, ছাত্রসভ্য প্রভৃতি গড়িয়া তোলে নাই, কিছুই করে নাই। তবু হয়তো আশেপাশে দশটা গ্রামে শশীর চেয়ে বেশি প্রভাব আর কাহারো নাই। শশীকে যদি সকলে ভাল না বাসিবে এমনটা তবে হইবে কেন?

শশী তাদের ভালবাসে, না, শশীকে তারা ভালবাসিয়াছে? গ্রাম ও গ্রাম্য-জীবনের প্রতি মাঝে মাঝে শশী গভীর বিতৃষ্ণা বোধ করিয়াছে, ধরিতে গেলে আজ কত বছর এখানে তার মন টিকিতেছে না; তবু ক্ষতের বেদনার মতো স্থায়ী একটা কষ্ট শশীর মধ্যে আসিয়াছে, গ্রাম ছাড়িবার কথা ভাবিলে কেমন করিয়া উঠে মনটা। এখানে জন্ম শশীর, এখানেই সে বড় হইয়াছে। এই গ্রামের সঙ্গে জড়ানো তার জীবন। কুসুম ছিল বিদেশিনী, যেদিন শখ জাগিল নির্বিকার চিন্তে বিদায় হইয়া গেল—শশী কেন তা পারিবে? রওনা হওয়ার সময় চোখের কোণে জল পর্যন্ত আসিবে শশীর। নিশ্চয় আসিবে।

কুম্ভ কাঁদে। —কেন শশীদা, কেন চলে যাচ্ছেন আমাদের ছেড়ে?

সেনদিদির ছেলের ভার লওয়ায় কুম্ভর কাজ বাড়িয়াছে, তবু সে শশীর সেবা বাড়াইয়া দেয়। শশী যতক্ষণ বাড়িতে থাকে কোন না কোন ছলে কুম্ভ বার বার কাছে আসে, ছল-ছল চোখে শশীর দিকে তাকায়, কত কি বলিতে চায় কুম্ভ, সব কথা বলিতে সাহস পায় না।

কিরে কুম্ভ, কি হল তোর?

কুম্ভ বলে, আপনার জন সবাইকে ফেলে চলে যাওয়া কি ভাল শশীদাদা?

কেউ কি তা যায় না কুম্ভ? সকলে কি দেশে গাঁয়ে থাকে?

যায়া যায় পেটের ধান্দায় যায়, আপনার যাবার দরকার?

কার স্নেহের অভাবে এমন ছ ছ করিতেছে শশীর মন যে কুম্ভর এতটুকু মমতায় তার মোহ আগে? মনে হয় আরও একটু মায়া করুক কুম্ভ, আরও একটু কাঁতর হোক।

কাঁতর হইয়াছে গোপাল। একেবারে যেন আধমরা হইয়া গিয়াছে মাহুঘটা। নিজের বাড়িতে চোরের মতো বাস করে, ভীত করণ চোখে তফাত হইতে শশীর মতলবাদির সন্ধান নেয়। সামনাসামনি শশীর সঙ্গে কথা বলিবার সাহসও গোপাল পায় না। কে জানে কি বলিতে কি বলিয়া বসিবে তার দুঃস্বপ্ন অবাধ্য ছেলে! কোথায়

হাঁতে চায় শশী, কি করিতে চায় সঠিক খবর কেহ গোপালকে দিতে পারে না, তবে  
ব্যবস্থা দেখিয়া সকলে অমুমান করে যে দু-চার দশ-দিনের জন্ত সহজ সাধারণ যাওয়া নয় ?  
যাওয়াটা শশীর যাওয়ার মতোই হইবে ।

তারপর একদিন শশীর চিঠির জবাবে হাসপাতালের চাকরির জন্ত দরখাস্তকারীদের  
মধ্যে একজন গ্রামে আসিয়া পৌঁছিল । নাম তার অমূল্য, শশীর সঙ্গে একই বছর পাশ  
করিয়া বাহির হইয়াছে । নাম শশীর মনে ছিল না, এখন দেখা গেল শশীর সে চেনা !  
মমুল্যের সঙ্গে আলাপ করিয়া শশীর ভাল লাগিল, তা ছাড়া এই সামান্য চাকরির দাবি  
দেওয়া উপস্থিত হইলে বন্ধুকে কে ফিরাইতে পারে ? লোক বাছিবাব আর প্রয়োজন  
হইল না, কয়েকদিন পরে পরে যাদের আসিবার জন্ত তারিখ দেওয়া হইয়াছিল, তাদের  
বারণ করিয়া চিঠি লিখিয়া দেওয়া হইল ।

নিজের বাড়িতেই অমূল্যকে একস্থানা ঘর শশী ছাড়িয়া দিল ! বলিল, একদিন  
আমার সঙ্গে সঙ্গে ঘুরতে হবে অমূল্য, রোগীদের চিনে সব বুঝে-শুনে নেবে—এবার থেকে  
দমস্ত ভার তোমার । গাঁয়ের যারা তোমায় ডাকবে তাদের অধিকাংশ বড় গরীব,  
ফি-টা তাচ্ছিল্য করতে শিখ । যার যা ক্ষমতা নিজে থেকেই দেবে, গাঁয়ের লোক  
ডাক্তার-কবরেজকে ঠকাতে সাহস পায় না ।

সঙ্গে করিয়া অমূল্যকে সে হাসপাতালে লইয়া গেল, নিজের চেয়ারের পাশে তার  
নয় চেয়ার পাতিয়া দিল । একটু মোটা-সোটা মানুষ অমূল্য, ধীর শাস্ত প্রকৃতি, কিন্তু  
উৎসাহের অভাব নাই । নিবিড় মনোযোগের সঙ্গে সে শশীর কাজ লক্ষ্য করিয়া  
দর্শিল, হাসপাতালের জিনিষপত্র বাড়িঘর দেখিয়া বেড়াইল, নিয়ম-কাহনের বিষয়ে প্রশ্ন  
করিল । মনে হইল, এখন হইতেই সে যেন গভীর দায়িত্ব বোধ করিতেছে । শশী  
চলিয়া যাইবে, আর কখনো ফিরিয়া আসিবে না, এ কথা শুনিবার পর এখানকার সমগ্র  
মুতনত্বের অঙ্ককারে তার নিজের আলোটি জালিবার অধিকার যেন তার জন্মিয়াছে ।  
একটু সমালোচনাও অমূল্য করিল । এই নিয়মটা এমন হইলে ভাল হইত না শশী,  
এই ব্যবস্থার বদলে এই ব্যবস্থা ? এসব স্তলক্ষণ, কাজকর্ম অমূল্য যে ভালই করিবে তার  
প্রমাণ, তবু মনে মনে শশীর অকারণে স্কোভ জাগিতে লাগিল । তার একটা রাজ্য  
যেন কে বেদখল করিতে আসিয়াছে—কত যত্নে কত পরিশ্রমে শশী যে গড়িয়া তুলিয়াছে  
তার এই হাসপাতাল, লোকে যে এটা শশী ডাক্তারের হাসপাতাল বলিয়া জানে ।  
ফোড়া-কাটা কখনো ছুরি আছে হাসপাতালে তাও শশীর গোনাগাঁথা । গ্রাম ছাড়িয়া  
গিয়া ধাইবে জানিয়াও ধীরে ধীরে হাসপাতালটিকে বড় করিয়া তুলিবার কল্পনা সে তো  
ফম করে নাই । দুদিন পরে এখানে কর্তৃত্ব করিবে অমূল্য, হয়তো উন্নতি হইবে,  
হয়তো অবনতি হইবে, কিছুই শশী দেখিতে আসিবে না ।

বাঁওয়ার কথা ভাবিতে ভাবিতে এমন হইয়াছিল শশী যে সে যেন তুলিয়া গিয়াছিল কেহ তাহাকে যাইতে বলে নাই, নিজে সে সাধ করিয়া যাইতেছে, এখনও বাঁওয়া বন্ধ করিলে কেহ তাহাকে কিছু বলিতে আসিবে না। না গেলে তার যেন চলিবে না, যাইতে সে যেন বাধ্য। কে যেন গাঁ হইতে তাহাকে তাড়াইয়া দিতেছে, থাকিবার উপায় নাই।

যাইতে ফ্লেডই বা কিসের শশীর ? কতকাল ধরিয়া কতভাবে সে যে তার বাঁওয়ার কামনাকে পুষ্ট করিয়াছে ? বাঁওয়ার আয়োজন শুরু করিবার সময় ঘিা না করিবার, গাফিলতি না করিবার প্রতিজ্ঞাই বা কোথায় গেল শশীর ? অমূল্যের মধ্যে নিজের ভবিষ্যৎ প্রতিনিধিকে দেখিয়াই মনটা এমন বিগড়াইয়া গেল ? জীবনের বিপুল ব্যাপক বিস্তারের স্বপ্ন দেখিয়া যার দিন কাটিত, এই তুচ্ছ গাওদিয়া গ্রামে এই ক্ষুদ্র হাসপাতালের মোহে আবদ্ধ হইয়া থাকিতে চাওয়ার কথা তো তার নয়।

অমূল্যকে দেখিয়া এবং সে কেন আসিয়াছে শুনিয়া গোপাল আরও ভড়কাইয়া গেল। আর সে চূপ করিয়া থাকিতে পারিল না। রাত্রে শশী খাইতে বসিলে কোথা হইতে আসিয়া নীরবে একখানা আসন আনিয়া নিজেই পাতিয়া গোপাল তার পাশে বসিল। পিনী ছুটিয়া জলের গ্লাস দিয়া অদূরে বসিতে যাইতেছিল, গোপাল বলিল, যা তুই দ্রাস্ত, পাকঘরে বসবি যা।

পিনী চলিয়া গেলে গোপাল বলিল, তুমি কোথায় যাবে শশী ?

শশী বলিল, প্রথমে আপাতত কলকাতায় যাব।

গোপাল বলিল, তারপর পশ্চিম-টশ্চিম একটু ঘুরে বেড়িয়ে বাড়ি ফিরবে বুঝি ? মাস-খানেক লাগবে তোমার, না ?

কলকাতা থেকে বিলেত যাব।

বিলেত ? মুখে একগ্রাস ভাত তুলিয়াছিল গোপাল, সেটা গিলিতে গিয়ে দম যেন আটকাইয়া আসিল। বিলেত কেন ?

শিখে টিকে আসব ! শশী বলিল।

গোপাল ব্যাকুলভাবে বলিল, তাতে তো অনেক দিন লাগবে শশী। দু-তিন বছরের কম নয় ! এতকাল আমি একা পড়ে থাকব গাঁয়ে ?

শশী আশ্চর্য হইয়া বলিল, একা পড়ে থাকবেন ?

না, একা নয় ঘরভরা আত্মীয়-পরিজন থাকিবে গোপালের, গ্রামভরা থাকিবে শঙ্ক-মিত্র। তবু শশী না থাকিলে কি একাই যে সে হইয়া যাইবে এত বড় ছেলেকে কেমন করিয়া গোপাল আজ তা বোঝায় ! এ জগতে আর কে আছে একা গোপালের অন্তর জুড়িয়া ? হৃদয় তাহার কি রীতি পালন করিয়াছে গোপাল তা জানে না, এ জগতে

একটা মানুষকে সে শেহ করিতে পারে নাই, নিজের মেয়ে কটাঁকে পৰ্বন্ত নয়' শুধু শশীর জন্ত, একা শশীর জন্ত, উল্লাদ বাৎসল্য আজও বুক জুড়িয়া আছে। গান্ধীধ, ধীরতা সব ষলিয়া বার গোপালের, জড়ানো ভারী গলায় সে বলে, কেন যাবি বাবা, আমার ওপর রাগ করে, তোর তো আর্মি কিছুই করি নি।

শশী মুহূষরে বলিল, জীবনের উন্নতি করতে যাব, এতে রাগের কি আছে ?

একটু ভাবিয়া গোপাল বলিল, তিন-চার বছর পরে ফিরে এনে হয়তো আমার দেখতেই পাবি না শশী।

তিন চার বছর পরেও সে যে ফিরিয়া আসিবে না সে বিষয়ে শশী কিছু বলিল না। নীরবে ভাত মাখিতে লাগিল।

গোপাল আবার বলিল, বুড়ো হলাম, হঠাৎ একদিন যদি মরে যাই, তুইও কাছে না থাকিস, কে এসব দেখবে শশী? সারাজীবন খেটেখুটে যা কিছু করেছি সব যে ছারে-খারে যাবে।

শশী বলিল, আপনার যাকে খুশী সব দিয়ে দেবেন।

এ তো ছেলেমানুষী কথা হল শশী, রাগের কথা হল! বলিয়া গোপাল উৎসুক দৃষ্টিতে চাহিয়া রহিল। মিথ্যা আশা। প্রতিবাদ করিয়া কিছুই তো শশী বলিল না। ভিতরে ভিতরে একটা জালা বোধ করিতেছিল গোপাল, কি অদ্ভুত বিকারগ্রস্ত সে সম্ভান যার মনের নাগাল মেলে না? কি হইয়াছে বলুক না শশী, জানাক না ঠিক কি সে চায়। অনেক অধিকার ত্যাগ করিয়া ছেলের ইচ্ছায় গোপাল আজ সায় দিবে। নিজের অনিচ্ছার দিকে একেবারেই তাকাইবে না। উপহাস হইয়াছে অবাধ্য হইয়াছে ছেলে, কি আর করিবে গোপাল, নীরবে সবই তাহাকে সহিতে হইবে! এই ধরণের কথা কিছু শশীকে সে বলে। তার কথায় একপ্রকার অদ্ভুত মিনতি ধ্বনিত হইতে থাকে। কি উগ্র ক্রোধ আর নিদারুণ ভয় আর গভীর দুঃখ মনের মধ্যে চাপিয়া রাখিয়া গোপাল কথা বলিতেছে বুঝিতে পারিয়া নিজেকে বড় বিপন্ন বোধ করে শশী, তবু ধরা-ছোঁয়া সে দেয় না। পিতা-পুত্রে কি আজ স্তব্ধ হইয়াছে বুঝিতে কাহারো বাকি থাকে নাই, ঘরে ঘরে দয়াজ্ঞা জানালায় আড়ালে জড় হইয়া সকলে গুত পাতিয়া আছে, চড়া গলায় এদের কথা স্তব্ধ হইলে প্রাণ ভরিয়া গুনিবে। বাড়ির একটা অস্বাভাবিক স্তব্ধ আব-হাওয়া স্পষ্ট অস্বভব করা যায়। কখন ঝড় উঠিবে ঠিক নাই।

ঝড় উঠিল সম্পূর্ণ অস্ত্র দিক দিয়া। হঠাৎ সেনদিদির ছেলেকে কোলে করিয়া কোথা হইতে কুল আসিয়া দাঁড়াইল। বলিল, খেয়ে উঠে একবার দেখবেন তো শশীদাদা পাঁচটা বড় গরম বোধ হচ্ছে।



শশী মুখ ভুলিল না, কথা বলিল না। গোপাল বা হাত কাড়াইয়া উঠিয়া কঠে  
বলিল, অর হয়েছে নাকি ? দেখি। তাখ তো শশী একবার হাত দিরে ? অর কসে  
হচ্ছে যেন।

শশী নিঃশব্দে ভাত কেলিয়া চলিয়া গেল।

অর হয়েছে কি না দেখিবার অল্প অতটুকু শিশুর গারে একবার হাত  
দিবার অহুরোধ। তার জ্বাবে অমন করিয়া উঠিয়া গেলে সে কাজের মানে গোপালের  
মাথাতেও ঢোকে বই-কি। কুন্দর বিন্মিত দৃষ্টিপাতে লজ্জায় গোপালের গারে কাঁটা দিরে  
ওঠে। জীবনে বোধ হয় এই প্রথম। তারপর ভয়ানকভাবে যে আত্মনয়ন করে।  
অভ্যন্ত গলায় ছকার দিয়া কুন্দকে বলে, দূর হ, সামনে থেকে দূর হ হারামজারী।

বিনা দোষে এমন গর্জন কুন্দ সহিতে পারে না, প্রথমে সে বিহ্বল হইয়া গেল, তার-  
পর কাঁদিতে কাঁদিতে চলিয়া গেল নিজের ঘরে। দেখিতে দেখিতে বাড়ির কৌতূহলী  
মেয়েরা সেখানে গিয়া হাজির। কিছুদিন হইতে এ বাড়ির কাণ্ডকারখানার সকলে  
ভ্যাবাচ্যাকা খাইয়া বাইতেছে। সাহসী কুন্দই সম্প্রতি কর্তাদের একটু নেকনজরে  
পড়িয়াছিল, আজ তার দুর্দশায় সকলে অল্পবিস্তর খুশী ও আশ্চর্য হইয়া গেল।

কেন রে কুন্দ, বকল কেন রে তোকে ?

কুন্দ কি সহজে সে কথা ফাঁস করে ? ফাঁস-ফাঁস করিয়া সকলকে সে  
চলিয়া যাইতে বলে, কেন বিরক্ত করছ আমার ? অনেক তোশামোদে একটু ঠাণ্ডা  
হয় কুন্দ, তারপর গোপালের রাগের কারণটা ব্যক্ত করে। বলে, আমার যেমন পোড়া  
কপাল ! সেনদিদির ছেলেটাকে শশীদার সামনে নিয়ে যেতে কত বার মায়া ব্যয়  
করেছে, তা কথাটা একদম ভুলেই গেলাম। সাদাসিদে মানুষ বাবু আমি, ওসব ঘোর-  
প্যাচের কথা কি ছাই আমার মনে থাকে !

সকলে বলে, হ্যাঁ লো কুন্দ, ও ছেলেকে আনার পর থেকে বৃষ্টি শশী এমন রূপে  
আছে, বাপের সঙ্গে কথা কয় না, বিবাগী হয়ে বেরিয়ে যাবে বলে ?

নয় তো কি ? কুন্দ বলে।

একটু হাসে কুন্দ ! কে জানিত তলে তলে এমন বাঁকা মন আমাদের ঠোঁট কাটা  
কুন্দর ! বলে, এই ছেলেটাকে নিয়ে বাপ-বেটার কত কি চলেছে তোমরা কি জানবে !  
টের পাই আমি। কি হয় দেখবার অজ্ঞেই তো দুজনে একতর খেতে বসেছে দেখে  
ছেলেটাকে নিয়ে গেলাম। অমন গাল খাব তা ভাবি নি ছোটমারী। আর এখন  
হয়েছে কি, একে নিয়ে কি ভীষণ কাণ্ড হয় দেখো, যেমন-তেমন মায়ের ছেলে তো নয় এ।

তার ওপরে মাই থাকে তোর, না রে কুন্দ ? ও ছেলে দেবেই তো ঘরে আশুর।

জ্বর বোধ হয় একটু হইয়াছিল ছেলেটার, গোলাপী বর্ণ তাহার আরও লাগিম হইয়া উঠিয়াছে, তাকাইলে চোখ ফেরানো যায় না এমন আশ্চর্য কুম্ভর শিশু, তাকে কেন্দ্র করিয়া এ বাড়িতে এতবড় একটা ঝড় উঠিবার উপক্রম হইয়াছে এ যেন বিশ্বাস করা যায় না। কুম্ভর চারিদিকে সমবেত মায়েরা দুর্ভাগা ছেলেটাকে দর্শা করে, বাৎসল্যে ব্যাকুলও হয়। এর সঙ্গে এক বাড়িতে বাস করিতে চাহে না, কি কঠোর মনটা শশীর, স্নেহলেশশূন্য অন্তঃকরণ !

সেদিন রাত্রে বিনিজ্ঞ গোপাল কি সব ভাবিল সে-ই জানে, পরদিন সকালে কুম্ভকে সে চালান করিয়া দিল তার খুড়-খণ্ডরের বাড়ি রাজতলায়, সঙ্গে গেল তার স্বামীপুত্র এবং সেনদিদির ছেলে।

কাজটা করিয়া গোপাল যেন অনেকটা নিশ্চিন্ত হইল। রাগের কারণ দূর হইল, আর তো শশীর রাগ থাকিবে না। সেনদিদির ছেলে পৃথিবীতে আসিয়াছে বলিয়া শশী রাগ করে নাই, তাকে বাড়িতে আনা হইয়াছে বলিয়া সে গৃহত্যাগ করিয়া যাইতেছে। এ অন্যায্য আবদার শশীর অসঙ্গত ব্যবহার, তবু মাথা নীচু করিয়া গোপাল যখন তাহার অভিযোগের প্রতিকার করিল, বাড়ি ছাড়িয়া যাইতে কি আর শশী পারিবে !

পরের মুখে খবরটা ঠিকমত শশীর কানে পৌঁছিতে না আশঙ্কা করিয়া চোখ-কান বুজিয়া নিজেই গোপাল তাহাকে শোনাইয়া দিল। বলিল, কুম্ভকে আজ খণ্ডরবাড়ি পাঠিয়ে দিলাম শশী।

শশী বলিল, রাজাতলায় ?

গোপাল বলিল, হ্যাঁ। যামিনীর ছোলটাকেও ওর সঙ্গে দিয়ে দিলাম।

যামিনীর ছেলের প্রসঙ্গ উঠিলে শশী মুখ খোলে না। গোপাল আবার বলিল, কুম্ভ এখন ওখানেই থাকবে। বলে দিয়েছি এখানে আসবার ওদের কোন দরকার নেই।

শশীর সঙ্গে ষড়যন্ত্র করিয়াই কাজটা সে যেন হাঁসিল করিয়াছে এমনি ভাবে গলা নামাইয়া গোপাল আবার বলিল, আসল কথা কি জানিস বাবা, এক টিলে দুটো পাখি রেয়েছি ! কুম্ভকেও সরালাম, পরের ছেলে ঘাড়ে করার দায় থেকেও রেহাই পেলাম। যা খুশী করুক গিয়ে এবার, আমি কিছু জানি না—কৈদেকেটে চিঠি লেখে দু-চার টাকা পাঠিয়ে দেব, বাস, ফুরিয়ে গেল সম্পর্ক। তাই যদি ইচ্ছা ছিল গোপালের, বিপিনের কাছ হইতে সেনদিদির ছেলের ভার গ্রহণ করিবার তার কি প্রয়োজন ছিল শশী তা জানিতে চায় নাই তাই রক্ষা, জবাব গোপাল দিতে পারিত না। শশীকে গোপাল ছাড়িতে পারে না, সেনদিদির ছেলেকে ফেলিতে পারে না, অনেক ভাবিয়া চারিদিক রক্ষা করার জন্য পাকা রাজনীতির মতো সে যে চাল চালিয়াছে তার সমর্থনের জন্য এরকম দুটো-একটা বানানো পাকা কথা না বলিলে চলিবে কেন ! ছেলের সঙ্গে ভর্ক করিয়া

অথও যুক্তি দাঁড় করানোর জন্য তো এসব বলা নয়, এ শুধু তাকে জানানো যে হার গোপাল মানিরাছে, ওরে পাথরের পুত্র দেবতা, এবার তুই তোর ভীষ্মের প্রতিজ্ঞা ছাড়।

সেনদিদির ছেলেকে সরাইয়া নেওয়ার জন্ত শুধু নয়, তাকে ধরিয়া রাখার জন্ত গোপালকে এমন উতলা হইয়া উঠিতে দেখিলে হয়তো শশী মত বদলাইয়া ফেলিত, আবার হয়তো বাতিল হইয়া যাইত তাহার গ্রামত্যাগের কল্পনা। এখন বড় দেরি হইয়া গিয়াছে। মন তো শশীর কখন চলিয়া গিয়াছে দূরতর দেশে নবতর জীবনযাপনে, এখন শুধু বোঁচকা ঘাড়ে সেখানে পৌঁছনো বাকি—তাও ছ'চারদিনের মধ্যেই ঘটিবে।

সারাদিন গোপালের নিশ্চিন্ত প্রফুল্লভাব শশীকে পীড়া দিল। সে বুঝিতে পারিল গোপাল ধরিয়া লইয়াছে তাদের মধ্যে সমস্ত গোলমাল মিটিয়া গিয়াছে, দিনগুলি অতঃপর যেমন সহজভাবে কাটিতেছিল, তেমনিভাবে কাটিতে থাকিবে। এমন একটা জটিল ব্যাপারের এত সহজে এরকম মনোমত পরিণতি ঘটিবে গোপালকে ইহা বিশ্বাস করিতে দেখিয়া আশ্চর্যও শশী কম হইল না। তার কাছে কি প্রত্যাশা করে গোপাল? এমন আকুল আগ্রহে কেন সে তাকে ধরিয়া রাখিতে চায়? মতে তাদের কখনও মিল হইবে না প্রতিদিন খিটিমিটি বাধিবে, স্নেহ মমতা ঞ্জ্ঞা ভক্তির পাহাড়কে চাপা দিয়া স্তূপাকার হইয়া উঠিবে অশাস্তির হিমালয়! তবু শশীকে গ্রামে বসিয়া এই আত্মবিরোধময় সঙ্কীর্ণ জীবন যাপন করিতে হইবে? এত বড় বিপুল পৃথিবী পড়িয়া থাকিতে তাদের দুটি বিরোধী ব্যক্তিকে অর্থহীন অব্যবহার্য স্নেহের মোহ আশ্রয় করিয়া থাকিতে হইবে এ ক্ষুদ্র গৃহকোণে?

সেনদিদির ছেলেকে বাড়িতে আনার জন্ত মনে মনে শশীর যত বড় আঘাতই লাগিয়া থাক, গৃহত্যাগের কারণ হিসাবে আজ তা বহুগুণে তুচ্ছ হইয়া গিয়াছে। গ্রাম ছাড়িয়া যাইতে যে গভীর দুঃখ জাগিয়াছে শশীর মধ্যে, ও ধরনের মানসিক বিতৃষ্ণার অজুহাত তার কাছে খাটানো চলে না, আরও বড় লোভ, আরও বড় আকর্ষণ দরকার হয়। অথচ গোপালের পক্ষে তা ধারণা করাও অসম্ভব। শশী চলিয়া গেলে তার যাওয়ার ঐ একটি কারণের কথাই গোপাল জানিয়া রাখিবে—সেনদিদির ছেলেকে বাড়ি আনা।

শীতলবাবু ডাকিয়াছিলেন। অমূল্যর সঙ্গে সন্ধ্যার পর শশী তাঁর বাড়ি গিয়াছিল। অমূল্যকে জলটল খাওয়াইয়া শীতলবাবু সকাল সকাল ছাড়িয়া দিলেন, শশীকে ছাড়িলেন রাজির আহ্বারের পর, অনেক রাতে। শীতলবাবু আর এক বিপদ হইয়াছে শশীর, ছুবেলা তাকেন আর গেলেই কথায় কথায় পাগল করিয়া তোলেন শশীকে। বাড়ি ফিরিয়া শশী দেখিল আহ্বারের স্থানে পাশাপাশি দুখানা আসন পাতা আছে এবং যে গোপাল আটটায় খাইতে বসে সে আজ তার প্রতীক্ষায় এগারোটা পর্যন্ত না খাইয়া বসিয়া আছে।

এত দেরি করলে বে শশী ? চট করে মুখহাত ধুয়ে এস, বসে পড়ি আয়না ।

শশী বলিল, আপনি বস্থন, আমি খেয়ে এসেছি । শীতলবাবু না খাইয়ে ছাড়লেন না ।

গোপাল স্কুল হইয়া বলিল, আজ রাত্তির একটু আয়োজন করতে বলেছিলাম বাবা, ভাবলাম পরের ছেলে একটি বাড়িতে এসে আছে, আজ বাদে কাল চলে যাবে, একদিন একটু আয়োজন-পত্র করি খাওয়ার । তুমি খেয়ে আসবে বাইরে থেকে, তা তো জানতাম না ।

শশী জিজ্ঞাসা করিল, পরের ছেলে কে ?

গোপাল বলিল, অমূল্যবাবুর কথা বলছি । আহা, ডেকেডুকে এনে চলে যেতে বললে বড় লাগবে বেচারীর মনে ।

শশী বলিল, অমূল্য চলে যাবে কেন ? ওকেই তো হাসপাতালের কাজ দেওয়া হয়েছে ?

গোপাল সভয়ে বলিল, তুই থাকলে ও আবার কি করতে থাকবে শশী, অ্যা ?

আমি পরশু রওনা হব ভাবছি ।—শশী বলিল ।

পরশু ? গোপালের মুখে আর কথা ফুটল না । শশী ঘরে চলিয়া গেলে সে একে-বারে বাহিরের দাওয়ায় গিয়া অন্ধকারে কাঠের স্কেটবোর্ডে বসিয়া রহিল । একজন মুনীষ দাওয়ায় শয়নের আয়োজন করিতেছিল, সে এক ছিনুম তামাক সাজিয়া দিল গোপালকে, তারপর মনিবের সামনে শুইয়া পড়িতে না পারিয়া বিছানো চাটাইটির উপর উবু হইয়া বসিয়া আশ্চর্যবশত জ্বরে একটা নিখাস ফেলিল । আজ আবার ব্রহ্মচারীকে মনে পড়িতেছে গোপালের, সেনদিদির মৃত্যুর পর মনে যে গভীর বিষাদ ও বৈরাগ্য আসিয়াছিল ব্রহ্মচারীর মুখে নীরস আধ্যাত্মিক কাহিনী শুনিতে শুনিতে এক আশ্চর্য উপায়ে তার ঘোরটা কাটিয়া গিয়াছিল । আজ বড় অবসন্ন মনে হইতেছে নিজেকে । বিচিত্র কাণ্ডকারখানা ভরা দীর্ঘ জীবনটা আজ অকারণ, অর্থহীন মনে হইতেছে—কোনো কাজেই লাগিল না । শশীর জন্মের দিনটি হইতে তারি পানে চোখ রাখিয়া কত কল্পনাই গোপাল করিয়াছে ।—যার ডগাটি আকাশে ঠেকিয়া প্রায় হইয়াছে আকাশ-কুম্ভম ! লেখাপড়া শিখিয়া এ কি রীতিনীতি শিখিয়াছে শশী ? বাগান, বাড়ি, জমি-জমা, ধনসম্পদ, আত্মীয়পরিজন—এত সব যে গোপাল একত্র করিয়াছে, এ কি তার নিজের জন্ত ? তার আর কতদিন বাকি ! এসব তুচ্ছ করিয়া শশী যদি চলিয়া যায়, সমস্ত জীবনটাই গোপালের ব্যর্থ হইয়া যাইবে না ?

এত রাজ্জে সে একবার অমূল্যের ঘরে যায় ! অমূল্যকে জাগাইয়া বলে, একটা কথা শুধোই বাবু তোমাকে । শশী পরশু চলে যাবে আমার যে বলনি ?

সাত্ত্বপুঁরে ঘুমন্ত মাছুষকে তুলিয়া গোপালের এই কৈন্দ্রিত দাবি করা অমূল্যকে ভড়কাইয়া দেয়। সে বলে আমি জানতাম না, কবে যাবে শশী, আমার কিছু বলেনি।

গোপাল অসন্তোষের সুরে বলে, আর সব বললে, এ কথাটা বললে না? কি যেন মতলব ছিল বাবু তোমার, তাই গোপন করেছিলে।

অমূল্য দ্বিভু কাটিয়া বলে, আজে না, সে কি কথা?

গোপাল বলিল, সে কি কথা! আমার ছেলে দেশছাড়া হবে চিরকালের জন্তে আর তুমি তার জায়গায় জেঁকে বসবে, বড় ভাল মতলব তোমার! ওঠ দিকি বাবু হুখশয্যা ছেড়ে, জিনিসপত্র চুপিচুপি গুছিয়ে নাও! তারপর চল আমরা বিদেশ হই।

ডাকাতের মত দেখায় গোপালকে, খুঁনে দাঙ্গাবাজের মতো শোনায় তার কথাবার্তা। অমূল্যের ঘরে যে বিচিত্র, নাটকীয় কথোপকথন চলে, কিছুই শ্রাস্ত শশীর চেতনায় পৌঁছায় না; জীবন সম্বন্ধে যে অমন তীব্রভাবে সচেতন, সে হইয়া থাকে পুতুলের মতো চেতনাহীন! তাকেই বাৎসল্য করে বলিয়া মধ্যরাত্রে গোপাল আজ যে বিচিত্র দৃষ্টের অবতারণা করে, যে সব অদ্ভুত কথা বলে, তা দেখিলে ও শুনিলে একটা অভিজ্ঞতা জন্মিয়া যাইত শশীর। চাপা গলায় খানিকক্ষণ অমূল্যের প্রতি তর্জনগর্জন করিয়া গমম মাথাটা বোধ হয় একটু ঠাণ্ডা হয় গোপালের, সে ঘরে যায়।

পরদিন খুব ভোরে শশীকে সে ডাকিয়া তুলিল। শশী উঠিয়া দেখিল মনীষের মাথায় বাক্স বিছানা চাপাইয়া কোথায় যাইবার জন্ত গোপাল প্রস্তুত হইয়া আছে।

গোপাল সহজভাবেই বলিল, পরশু তোর যাওয়া হয় না শশী, আমি আজ বাবার কাছে কাশী যাচ্ছি, সাত-আট দিন আশ্রমে থাকব। একজনের বাড়ি না থাকলে চলবে না। আমি ফিরে এলে যা হয় করিস।

শশী বলিল, হঠাৎ কাশী যাবেন কেন?

গোপাল পয়লটা জবাব দিয়া বলিল, ইয়ারে শশী, চিরকাল সংসারে হাদ্বামা নিয়ে হারান্নান হয়ে এলাম, এখন তোরা বড় হয়েছিস, মন টন ব্যাকুল হলে সাতটা দিনের ছুটিও পাব না? এতটুকু আশাও তোদের কাছে আমার করা চলবে না?

শশী মুহূর্ত্তে বলিল, তা বলি নি, কোথাও কিছু নেই হঠাৎ যাবেন, তাই জিজ্ঞাসা করছিলাম। কাল তো কিছু বলেন নি আমাকে?

গোপাল দারুণ অভিমান করিয়া বলিল, না যদি থাকতে পারিস তো বল, যাওয়া বন্ধ করি। অদৃষ্টের লেখা কে খণ্ডাবে!

শশী বলিল, বেশ তো আহ্নন গিয়ে—কদিন পরে গেলেও আমার কোন অহুবিধা হবে না। গোপালকে শশী প্রণাম করিল। সকাল বেলায় বৃচ্ছ আলোয় দুজনের মুখ

দেখিয়া মনে হইল না গিতা-পুত্রে কোন দিন কোন সামান্ত বিষয়েও মতান্তর ছিল,  
জীবনের গতি দুজনের বিপরীতগামী।

সেই যে গেল গোপাল আর সে ফিরিল না। সংসারী গৃহস্থ মাহুঘ সে, সমস্ত জীবন  
ধরিয়া ফলপুষ্পশস্ত্রদাত্রী ভূমিধণ্ড, সিন্দুক ভরা সোনারূপা, কতকগুলি মাহুঘের সঙ্গে  
পারিবারিক ও আরও কতকগুলি মাহুঘের সঙ্গে সামাজিক সম্পর্ক, দায়িত্ব, বাধ্য-বাধকতা  
শ্রেণীভিত্তি যত কিছু অর্জন করিয়াছিল সব সে দিয়া গেল শশীকে, মরিয়া গেলে যেমন সে  
দিত। কুন্দ কয়েক দিন পরে ফিরিয়া আসিল। রাজ্যাতলা হইয়া গোপাল সেনদিদির  
ছেলেকে সঙ্গে লইয়া গিয়াছে। কুন্দ সোনার হার কিনিবে বলিয়া দুশো টাকাও তাহাকে  
দিয়া গিয়াছে। হয়তো ওটাই ছিল শেষ বাধ্যবাধকতা।

কি আর করিবে শশী, এ ভার তো ফেলিবার নয়। গভীর বিষণ্ণ মুখে একে একে  
বাওয়ার আয়োজনগুলি বাতিল করিয়া দিল। দুমাসের মাহিনা পকেটে পুরিয়া অমূল্য  
ফিরিয়া গেল, গাঁয়ে থাকিতে হইলে হাসপাতালে প্রত্যেক রোগীর নাড়ি টিপিতে না  
পারিলে শশীর চলিবে কেন? কাজ আর দায়িত্ব ছিল জীবনে, কাজ আর দায়িত্বের  
জীবনটা আবার ভরপুর হইয়া উঠিল। নদীর মতো নিজের খুশিতে গড়া পথে কি  
মাহুঘের জীবনের স্রোত বহিতে পারে? মাহুঘের হাতে কাটা খালে তার গতি, এক  
অজানা শক্তির অনিবার্য ইন্ধিতে। মাধ্যাকর্ষণের মতো যা চিরন্তন অপরিবর্তনীয়।

মামলা করিতে শশী বাজিতপুরে যায়, ফিরিবার পথে চোখ তুলিয়া দেখিতে পায়  
খালের ধারে বজ্রাহত একটা বটগাছ শুকনো ডালপালা মেলিয়া দাঁড়াইয়া আছে।  
গাওদিয়ার ঘাটে গোবর্ধন নৌকা ভিড়ায়। নন্দলালের পাট-জমা-করা শূন্য চালাটা প্রায়  
ভাঙিয়া পড়িয়াছে দেখিয়া শশীর মনে হয় নন্দলালের পাপ-জমা-করা বিন্দুর দেহটাও  
হয়তো এতদিনে এমনিভাবে ভাঙিয়া পড়িয়াছে। জ্বোরে আর আজকাল শশী হাঁটে  
না, মন্থর পদে হাঁটিতে হাঁটিতে গ্রামে প্রবেশ করে। গাছপালা বাড়িঘর ভোবা পুকুর  
জড়াইয়া গ্রামের সর্বাঙ্গ-সম্পূর্ণ রূপের দিকে নয়, শশীর চোখ খুঁজিয়া বেড়ায় মাহুঘ।  
যারা আছে তাদের, আর যারা ছিল। শ্রীনাথের দোকানের সামনে, বাঁধানো বকুল-  
তলায়, কায়েতপাড়ার পথে। যামিনী কবিরাজের বাহিরের ঘরে হামানদিস্তার ঠকঠক  
শব্দ শশী আজও শুনিতে পায়; এ বাড়ির মাহুঘের ফাঁক মাহুঘ পূর্ণ করিয়াছে। যাদবের  
বাড়িটা শুধু গ্রাস করিতেছে জঙ্গলে, পরানের বাড়িতেও এখানো লোক আসে নাই।  
তার ওপাশে তালবন। তালবনে শশী কখনো যায় না। মাটির টিলাটির উপর উঠিয়া  
সূর্যাস্ত দেখিবার শখ এ জীবনে আর একবারও শশীর আসিবে না।







	Half-Yearly/ Pre-Test
	Annual/ Test
	Total
	Average
	Half-Yearly/ Pre-Test
	Annual/ Test
	Total
	Average
	Half-Yearly/ Pre-Test
	Annual/ Test
	Total
	Average
	Half-Yearly, Pre-Test
	Annual/ Test
	Total
	Average
	Half-Yearly Pre-Test
	Annual/ Test
	Total
	Average

